

*Quod ad contemplandum*

alis amoris adhereamus. quia quandiu in corpore  
vuiumus, peregrinamur à Domino.  
Hactenus exposuimus tres vias prædictas: & quomo-  
do per eas si orationi & meditationi studiose vaca-  
ueris, poteris feriatim ad illud quod optas perueni-  
re, scilicet ad vniõnem illam cum Deo amorosam.  
Et ideo dantes finem huic viæ Vnitivæ, oportet vt  
nunc saltem breuiter tangamus, qualiter contem-  
plando poteris ad illam Seraphicam vni-  
õnem pertingere.



QVARTA PARS.

CAP. XXXI.

QVOD MAGNA LITERATV-  
ra est scientia & non sapientia, &  
quod contemplatiuis non est  
omnino necessaria.



VAMVIS multi Sancti, & præcla-  
ri Doctores subtiliter de contempla-  
tione locuti fuerint, sicut Beatus Gre-  
gorius in Moralibus, & Beatus Ber-  
nardus super Cantica, & Richardus  
de San-

*non est scientia necessaria.*

66

de Sancto Victore in suo libro de Contemplatione;  
& multi alii, ad quorum tractatus eruditi recursum  
habere possunt: pro minus tamen eruditis tractabi-  
mus saltem breuiter de ipsa contemplatione: licet  
plura de ipsa in superioribus dixerimus. Et primò  
asserimus non esse necessariam contemplatiuõ sci-  
entiæ copiam. Quamuis enim multa scientia & lite-  
ratura, eruditioq; legis Diuinæ ac sacræ scripturæ  
non modicum apicem contemplationis ascendere  
cupientibus conferat adminiculum, interdum ta-  
men multum officit multis: non quidem ex se, sed  
ratione inflationis occasionaliter ex ea prouenien-  
tis. Nemo autem ad veram contemplationem scan-  
dere valet, nisi per scalam humilitatis, vt ait Apосто-  
lus: Si quis inter vos videtur sapiens esse in hoc sæ-  
culo, stultus fiat vt fit sapiens. hoc est, intellectum  
suum humiliando subiiciat, stultum se æstimans re-  
spectu Diuinæ Sapientiæ: vt pote non valens com-  
prehendere Dei iudicia atque opera. Hinc est quòd  
in contemplationis adeptione iter ad eam perueni-  
endi pluribus huius mundi sapientibus nil adeo in-  
terclust, quàm quòd se humiliare dedignati sunt,  
scilicet suum intellectum captiuando & subdendo  
arcanis redemptionis per Christum Iesum Redem-  
ptorem nostrum patratæ, ac eius operibus tam hu-  
milibus exemplis quæ nobis reliquit. Attamen qui  
per hoc ostium tam humile & bassum non ingredi-  
tur, sur est & latro, & frustra laborat, prout dicit Do-  
minus: In vanitate sensus sui capite incedēs leuato,

I 2


id est,


IN SACRUM SPIRITUM



SI

Z





z. XVII, 369

B 1535

B. 1535

LAVACRUM  
ANIMÆ, SEV EXER-  
CITATORIUM VITÆ  
SPIRITVALIS.

CVM DIRECTORIO  
HORARVM CANONI-  
CARVM.

Opus antiquum à Viro quodam Religioso Ordinis S. Be-  
nedicti olim in Italia conscriptum, nunc verò in commu-  
nem piorum, Polonæ præsertim Gentis, vtilitatem in lu-  
cem editum, opera & studio

SLANISLAI GROCHOVII  
Custodis Crusuiceñ.


*Handwritten notes in Latin script, including a decorative floral ornament.*

Pfal. 33.

Gustate & videte, quoniam suavis  
est Dominus.


CRACOVIAE, In Officina Jac. Sibeneycher  
Anno Dñi 1601.

*Pro loco Bydgoski deputatus*



**Q**UAM gratos spirat virtutum hæc Pinus odores,  
 Semper & excelsæ laudis honore viret.  
 Protulit illa viros belloq; togaq; potentes,  
 Fœcunda in multas creuit & illa domos:  
 Quatu stirpe fatus MALISEVI; nomina auorum  
 Doctrina illustras, & pietate sacra:  
 Tempia fruis, condisq; aras, Monachosq; reformas,  
 Sufferas inopes, ingenia atq; foues.  
 Ex te igitur sese fingant, qui relligiosa  
 Claustra colant, sacris qui cupiuntq; benè.

D. Andreas Schoeneus  
 Patrono suo F.



2637

*Reuerendissimo in Christo Patri*

**D. MICHAELI**  
MALISZEWSKI, DIVINA  
prouidentia Monasterii S. Crucis in  
Caluo monte Ordinis S. Benedicti  
Abbati, &c. Domino & Fautori  
suo obseruandissimo.

*Stanislaus Grochouius Custos Crusuicen. S. D.*



VM SUPERIORE  
*Iubilei Anno ex uni-*  
*niuerso orbe Christiani*  
*Romam confluere: &*  
*quidam nostrates ex*  
*comitatu magni illius*  
*Cardinalis Radiuili, doctrina & pietate*  
*prestantes viri, Patavi in amplissimo S.*  
*Iustinae dicto Monasterio substitissent:*  
*Abbas illius loci vir venerabilis libel-*  
*lum hunc antiquorum Patrum sanctita-*



## Præfatio.

tem spirantem, ante verò quinquaginta  
ferè annos Venetiis impressum, magni  
muneris loco iis donauit. Quem postquam  
illi auidè, nec absq<sup>ue</sup> pietatis profectu, per-  
currissent, plura deinceps exemplaria in  
tota ferè Italia diligenter perquisierunt;  
ut in patriam reuersi amicis hoc mu-  
nere, super aurum preciosiore, gratifi-  
carentur. Verùm cum inuenire nequif-  
sent, hoc unicum, multis ad describen-  
dum & legendum communicarunt: ut  
ad quàm plurimos fructus hic planè cæ-  
lestis & verè Spiritualis redundaret.  
Itaq<sup>ue</sup> cum proximis diebus ad manus meas  
exemplar hoc peruenisset, admiratus  
sum, & penè obstupui ad singula libri  
verba: videbarq<sup>ue</sup> mihi aspicere non li-  
brum, sed potiùs scalam quandam cæli,  
clauem paradisi, scholam deliciarum spi-  
ritualium, limam animæ, Christi seruo-  
rum speculum, fontem denique & origi-  
nem

## Præfatio.

nem ferè omnium piorum exercitiorum,  
atq<sub>3</sub> spiritualium librorum quicunq<sub>3</sub> hac-  
tenus siue in lucem editi, siue in abditis  
Religiosorum claustris manuscripti asser-  
uantur. Quid multa? In huius exigui  
voluminis chartis, ut Esdras alicubi lo-  
quitur, vena est intellectus, & sapientiæ  
fons, & scientiæ flumen. Taceo Aucto-  
ris ipsius, Dei Spiritu pleni, humilitatem  
incredibilem; qui cum tam graue & cæ-  
lesti sapientiæ refertum opus scripsisset,  
nomen suum tamen non inscripsit, conten-  
tus eo solo, & id vnum animo spectans,  
ut quàm plurimis prodesset: eoq<sub>3</sub> nomi-  
ne nomen eius non in terra sed in cælo  
scriberetur. Ne igitur thesaurus tantus la-  
teret, nèue hoc talentū, more illius nequā  
serui, apud me premerē & quasi defode-  
rem; in publicam vtilitatē tam nobile  
opus recudendū curavi, atq<sub>3</sub> id ut sub tu-  
tella ac patrocinio nominis tui, Abbas di-

## Præfatio.

gnissime, facerem, causas habui graues.  
Primum quia Autor vir tantus sub Re-  
gula S. Benedicti, quam tu professus es,  
& sub qua castè & integrè vitam insti-  
tuis, militauerit: fratribusque suis vi-  
ris Religiosis potissimum hæc scripserit.  
Deinde quòd in Monasterio tuo, fidei  
tuæ concredito, nihil planè prætermittas,  
quod ad restitutionem collapsæ veteris  
discipline à Sanctissimo Patre Benedi-  
cto suæ familiæ traditæ, desiderari que-  
at. Hinc tuus à Monasterio rarissimus,  
idque perbreui tempore, discessus: crebræ  
tremendi sacrificii oblationes, frequentes  
atque efficaces ad peregrinum, & ex re-  
motis locis venientem populum, concio-  
nes: hinc ille ferè quotidiana tue ar-  
dentes ad mutuam fratrum charitatem,  
humilitatem, patientiam, ceterasque  
monasticas virtutes exhortationes: hinc  
singulis Sabbatis, mutue inter fratres  
mandato

## Præfatio.

mandato & exemplo Domini firmata  
pedum ablutiones, quæ vel ferreum pectus  
permouerēt. Quæ quidem sacra instituta  
& multa alia ab antecessoribus tuis planè  
neglecta & ita explosa erant, ut locus  
ille tam sacer & celebris, quiddam aliud  
potius quàm monasterium esse videretur.  
Nec verò solum modo regula ordinis  
huius sancita religiosè obseruas, sed  
nihil est tam sanctum monasticaq; vitæ  
consentaneum quod in cenobium tuum  
studiosè undecunque introducere non  
sitas. Nihil dico de antelucanis qualibet  
feria sexta tuorum Monachorum duris  
ac seueris castigationibus, atq; disciplinis.  
Nihil de CONFRATERNITATE  
Compassionis Christi, quæ ut à Martino  
Siskouio Canonico Craconienē spectata  
doctrinæ & pietatis viro, primo in  
Polonia excitata: ita per te primum in  
Caluo monte laudabiliter instituta est.

## Præfatio.

Taceo plurimos, etiam ex ordine sacro, qui cum in quædam nefanda errorum diuerticula male sano spiritu dilapsi fuissent, hæresim tandem atque perditas opiniones suas, te facem veritatis illis præferente, atq; tam graui scelere pro tribunali Christi eos expiante, magna animi penitidine & cordis dolore abiurarunt. Hec omnia ceteraq; prætereo: si enim enumerarem, singula cresceret in immensum oratio: maxime cum tu, quæ tua est modestia, mauius benè facere, quàm benè audire: nulliq; magis tibi ingrati sint quàm tuarum laudum buccinatores. Atque ideo si quid ea in parte & ego delinquo, velim id summæ erga te meæ obseruantia tribuas, qui pectoris mei ardentes flammæ non possum tenere. Quis enim se ipsum prodeunte celauerit ignem? Et quidem cum ignem quem tu ipse suauissima tuæ beneuolentia aura excitasti. Ab eo enim tem-

## Præfatio.

nim tēpore quo tibi cognitus sum, pedem  
nunquam in tuis adibus posui, quin clara  
mihi signa eximii cuiusdā & beneuoli a-  
nimitui exhiberes; dum mira humanitate  
venientem excipis, manentem retines, di-  
scedentē agrē dimittis: ita ut mihi iam  
non modo ad amicitiam & consuetudi-  
nem, verūm ad conuictum & contuber-  
nium tuum, quandocunque uoluerō, li-  
berrimus aditus semper pateat. Quo meo  
merito? nullo planē, sed solo impulsu be-  
nefica & ingenue tue natura, quæ id effi-  
cit, ut omnes te aduētes etiam in affli-  
cta plerunque valetudine tua, admira-  
bili quadam comitate excipias: ut non  
immeritō sedes domiciliumq; tuum, pe-  
regrinorum & egentium patria, refugi-  
umq; appellari possit. Mirabilem porrō  
providentiam Dei in te ferē omnes vi-  
demus, qui cum modicum nescio quid Ec-  
clesiæ tuæ patrimonii possideas, præcipuis

## Præfatio.

prædiis, per antecessores alienatis; ex tuo tamen exili paupereq; fundo, non modo multorum miseriam calamitatēque subleuas; verum expensas & sumptus innumeros in alios pios usus ferè continuò facis. Nam ut omittam illud quod nunc moliris nouum, ad transferendum S. Crucis lignum, magis illustre Sacellum, ad educationem errantium pupillarum orphanotrophium; ut taceam reliquas tuas pias cogitationes & proposita; testis est Slupæ nouiter adificata Ecclesia S. Michaelis, eademque nouis censibus aucta: testes plerique Monasterii & Ecclesie labentes parietes, & vetustate quondam squallentia tecta; quæ partim in oratoria Anachoritis, partim in commodiorem habitandi usum exornasti: & quod facere ipse non poteras, locupletiores ad id perficiendum excitasti. Notus est tibi Reuerendissimorum virorum

## Præfatio.

rorum Macieionii, Wolucij, magni nominis Pontificum, ad eam rem incitatus feruor: nota Illustris Viri Stanislai Camenecii pietas & religiosa loci illius obseruantia: qui omnes veluti certatim basilicam certis donariis, oratoriis, atque sacellis, Cenobium verò nouis structuris atque fabricis exornare, totius deniq; Caluimōtis publicam viam atq; tramitem insignibus columnis, Christi Passionem artificiosè representantibus, condecorare designarunt. Quid dicam de Olesnicio Castellano Malogostenfi Herōe magnanimo, qui nuper diuinitus incitatus à tenebris ad lucem, ab errore in viam, ab hæresum perfidia ad religionis Catholica optatum gremium rediit: eoque factograue vulnus & infandum dolorem omnibus falsissimarum opinionum magistris eorūque asseclis attulit: is demum maiorum suorum vestigiis laudatissimis in-



## Præfatio.

*mis insistens; quorum non solum corpora plurima eo loco condita quiescunt, Verū etiam munificentie pietatisq; argumeta illustria, Zbignei præsertim Cardinalis qui tanquam sidus in hac gente emittit, ibidem extant; is inquam demum ad exornandum sacrum locum ferè totum se parat effundere. Quod si talium amplissimorum virorum ea est mens atque pietas, Quid putas Regem ipsum pientissimum eiusdem sancti loci causa facturum? Eadem illi certè quæ piis omnibus erga loca sacra pietas, idem animus, ac fortè etiam maior. Quod verò te ipsum attinet, caue credas ignotum esse aut eidem Principi prudentissimo, aut Bernardo Præsuli vigilantissimo, curtam tibi supellectilem, remque familiarem pro tui Monasterii celebritate parum amplam & copiosam esse: itaq; illi si non tuis rationibus prospexerint, atque*

## Præfatio.

atque aliquod magnificum & magis illustre testimonium præstantissimis tuis virtutibus perhibuerint, ipsa crede mihi erubesceret fortuna. Macle igitur virtute esto: dumque alii, in sortem Domini ascripti, comparandis prædiis opibusque congregandis toti inhiant, carnem & sanguinem ex bonis pauperum locupletant, tu viam quam cæpisti ire pergas; neque ab ea vel latum unguem discedas. Arduum quidem iter, sed gloriosum, sed magni meriti fœcundum. sic te rectis sensibus euntē & hic, & in altera vita æterna premia manebunt. Precor cœlestem Regem ut ad gloriam nominis sui, etiam vires tuas sæpius languentes confirmet, valetudinem tuam affectam corroboret, omnesq; tuas actiones piosq; conatus dirigat atque fortunet. Quod reliquum est, libellum hunc testem animi mei in tui studium & obseruantiam mirifice

Præfatio.

rificè incitati, accipe: cui si locum inter eos libros qui manibus tuis teruntur dederis, non dubito quàm plurimos tuo exemplo, præsertim tui ordinis homines, ad eum legendum excitatum iri, atque ita amplissimos fructus ex ea re omnes percepturos. Datum ex amenissimo Stradomiëñ, Generosi Dñi Stanislai Lugowski, Palatio. Idibus Maij,  
Anno 1601.

# TABVLA EXERCITI- TATORII VITÆ Spiritualis.

<b>P</b> ROLOGVS.	Folio 1.
Capitulum Primum. Quòd magnopere oportet Religio- sum spiritualis profectus avidum bona querere confor- tia, & deuitare mala.	fol. 2.
Cap. II. Quàm necessarium est Religioso spiritualia habe- re exercitia ad spiritus purgationem.	fol. 3.
Cap. III. De fructibus qui ex certis & determinatis exer- citiis proueniunt.	3.
Cap. IIII. De his quæ sunt necessaria eis qui in spirituali- bus exercitiis occupantur.	5.
Cap. V. Qualia debent esse spiritualia exercitia, & de eor- um moderamine.	fol. 6.
Cap. VI. De his quæ vt in spiritualibus exercitiis simus fer- uentes, nos excitant.	fol. 7.
Cap. VII. Qualiter professio, & loci sanctitudo excitare habent Religiosum, vt sit in spiritualibus exercitiis fer- uens.	fol. 10.
Cap. VIII. Quàm sit necessarium quòd Religiosus habeat determinatas materias & certa tempora ad spiritualia exercitia.	fol. 12.
Cap. IX. Quòd multiplici ratione decreuerunt Sancti vt certis horis & temporibus orationi mentali Religiosi vacarent.	fol. 13.
Cap. X. Quomodo incipientes Deo seruire inchoant à ti- more	more

T A B V L A.

- timore qui est initium sapientie; & de speciebus timoris. fol. 15.
- Cap. XI. De his quæ timere debemus. 16.
- Cap. XII. De partitione meditationum per totam hebdomadam secundum viam Purgatiuam. 18.
- Cap. XIII. De his quæ Feria tertia post Vigiliarum & Matutinarum synaxim sunt meditanda. 25.
- Cap. XIII. Quæ sunt meditanda Feria quarta post Officium Nocturnum. 27.
- Cap. XV. De meditationibus quibus Feria quinta est vacandum post Matutinarum expletionem. 29.
- Cap. XVI. De his circa quorum meditationem Religiosus Feria sexta est occupandus post Matutinale Officiū. 30.
- Cap. XVII. Quæ sunt corde ruminanda post Matutinarum synaxim Sabbatho. 32.
- Cap. XVIII. Quæ debet Monachus bonus in corde suo versari die Dominica post officium Matutinarum. 33.
- Cap. XIX. Quanto tempore oportet Monachum exercitari in via Purgatiua, & in quo poterit cognoscere se esse purgatum. 34.

SECUNDA PARS.

- CAP. XX. Quomodo accedens ad exercitia viae Illuminatiue, debet prius esse mundatus à peccatis per viam Purgatiuā, vt Diuinorū radiorum possit esse capax. 36.
- Cap. XXI. De discussione Conscientiæ quam post Completorium bonus Monachus debet agere, vt ad viā transeat Illuminatiuam. 37.
- Cap. XXII. De viā Illuminatiua secundū D. Dyonisiū. 39.
- Cap.

T A B V L A.

- Cap. XXIII. Quem modum debet obseruare Monachus ad animæ suæ illustrationem per singulas Férias, secundum viam Illuminatiuam in Diuinorum Beneficiorum recognitione, & in gratiarum pro eis actione. fol. 40.
- Cap. XXIII. Qualiter via ista Illuminatiua recipit ex diuersis partibus suæ claritatis radios, & præcipue ab oratione Dominica: quàm vacans mentis suæ illuminationi, debet diligentissimè affectuosissimè, & deuotissimè contemplari vt Diuini amoris igne flammescat. 46.
- Cap. XXV. de aliquibus admonitionibus quibus apparet quàm sit reprehensibilis qui prædicta negligit exercitia. fol. 49.

T E R T I A P A R S.

- Cap. XXVI. de via vnitua & perfectiua & ostendit quid sit, & quæ debet habere qui ad eam cupit peruenire. fol. 50.
- Cap. XXVII. quæ sunt contemplanda per totam hebdomadam post nocturnum officium, secundum viam vnituiam, siue perfectiuam, ad hoc quod valeat Religiosus sex gradus ascendere, vt animam possit Deo vnire. fol. 53.
- Cap. XXVIII. quomodo mens nostra eleuatur in Deum per Seraphicum amorem sine aliqua præuia intellectus consideratione. fol. 59.
- Cap. XXIX. quòd exercitator plus amat, quàm intelligit, seu cognoscit. fol. 61.
- Cap. XXX. quæ sunt illa quæ Seraphicus amor operatur in anima exercitatoris. 62.

T A B V L A.

Q V A R T A P A R S.

- Cap. XXXI. quòd magna literatura est scientia, & non  
sapientia, & quòd contemplatiuis non est omnino ne-  
cessaria. fol. 65.
- Cap. XXXII. qui sunt ad contemplationem aptiores. 66.
- Cap. XXXIII. quòd secundum Doctores multum interest  
inter sapientiam & scientiam. 67.
- Cap. XXXIII. quomodo vita contemplatiua debet incho-  
are à labore actiua. 68.
- Cap. XXXV. quòd Gratia singularis quibusdam collata,  
non est omnibus imitanda. 69.
- Cap. XXXVI. quomodo diuinus amor erit principium &  
finis contemplationis. 70.
- Cap. XXXVII. in quo consistit perfectio vite contempla-  
tiue per similitudinem amoris mundani. 71.
- Cap. XXXVIII. qualis debet esse amor quem erga De-  
um perfectus contemplatiuus debet habere. 72.
- Cap. XXXIX. de duobus modis silentii & solitudinis. 73.
- Cap. XL disputat quòd vita contemplatiua primò prodest  
sibiipsi. 74.
- Cap. XLI. de utilitate quam contemplatiui erga alios o-  
perantur. 75.
- Cap. XLII. quod non est superbia contemplationi inten-  
dere, vt quidam existimant: quod exemplo ostendia-  
tur. 76.
- Cap. XLIII. quantum actiuos contemplatiui præcellūt 76.
- Cap. XLIII. quàm necessaria sit contemplatiuo Diuina  
Gratia. 77.
- Cap.

T A B V L A.

- Cap. XLV. qualiter anima contemplantis dicitur supra corpus eleuari, & fieri simplex siue vnica. 78.
- Cap. XLVI. de diuersis modis quos Sancti in tractando de contemplatione habuerunt. 80.
- Cap. XLVII. quem modum contemplandi habuit beatus Bernardus in suæ conuersionis initio. 81.
- Cap. XLVIII. quid est contemplatio, & de diuersis eius speciebus & materia. 82.
- Cap. XLIX. quomodo contemplatiuus in sua contemplatione debet tribus modis ascendere secundum vitam & passionem Domini. 83.
- Cap. L. de Prophetiis figuris, & scripturis circa incarnationem Domini. 86.
- Cap. LI. De annunciatione Dominica. 86
- Cap. LII. de vita Christi sub quodam compendio ad novos contemplatiuos. 86
- Cap. LIII. metricè continet etiam totam Christi vitam. 89.
- Cap. LIIII. de cena Domini & de preparatione ad dignè percipiendum eius sacratissimam eucharistiam. 91.
- Cap. LV. quòd vir deuotus & contemplatiuus non debet abstinere à receptione Eucharistiæ propter interdum insurgentes scrupulos. 94.
- Cap. LVI. quòd passio Christi continet omnem perfectionem homini in hac vita possibilem. 95.
- Cap. LVII. quòd passio Domini potest sex modis considerari. 96.
- Cap. LVIII. de passione Domini in sex partes diuisa, & primò ponitur quoddam preparatorium ad melius eam contemplandam. 100.



T A B V L A.

- Cap. LIX. quòd contemplatiuus debet assidue passionem Domini meditari, ne seruator deuotionis in eo extinguitur. 106.
- Cap. LX. de resurrectione & ascensione Domini, & de missione Spiritus sancti. 110.
- Cap. LXI. quòd fortis perseuerantia est necessaria vt ad perfectionem contemplationis perueniatur. 112.
- Cap. LXII. de multis impedimentis perueniendi ad artem contemplationis. 113.
- Cap. LXIII. in quo ponuntur quedam alia contemplationis impedimenta. 115.
- Cap. LXIII. quòd ex defectu fortis perseuerantiæ quidam modicum in contemplatione proficiunt. 117.
- Cap. LXV. quomodo contemplatiuus debet habere hic Dei cognitionem. 118.
- Cap. LXVI. quomodo Deus habitat in anima per gratiam tribus modis. 119.
- Cap. LXVII. quòd omnes & maxime Religiosi tenentur se extendere ad acquirendam perfectionem, sub poena damni presentis & futuri. 120.
- Cap. LXVIII. quòd in certis casibus debet contemplatiuus descendere de sua contemplatione, & sua intermittere spiritualia exercitia. 121.
- Cap. LXIX. de aliquibus documentis circa supra dicta obseruandis. & ponitur libri conclusio. 126.

# TABVLA DIRECTORII Horarum Canonicarum.

- C**apitulum primum, quòd Monachus officium diuinum accuratissimè debet explere. 132.
- Cap. II. quàm sit necessarium Monacho ante vigilias se ad eas peragenda preparare. 132.
- Cap. III. de tribus modis preparationum, & de preparatione ante officium vigiliarum facienda. 133.
- Cap. IIII. qualiter deuotus Religiosus poterit esse attentus in Psalmodia, & habere semper mentem in Deum eleuatam. 136.
- Cap. V. quomodo se debet habere Religiosus in Prima & Tertia per totam hebdomadam, accipiendo beneficia Dei tanquam obiecta secundùm Feras. 141.
- Cap. VI. qualiter se debet habere in Sexta & Nona. 146.
- Cap. VII. de Vesperis. 148.
- Cap. VIII. de Completorio. 149.
- Cap. IX. qualiter sunt Horæ terminandæ, & quid agendum est in illo paruo interuallo, quo in choro genuflectimur. 150.
- Cap. X. quid meditandum est in fine Psalmorum cum dicimus, Gloria patri. 152.





## Præfatio in Exercita- torium Vitæ Spiritualis.

SECUNDUM sententiam Saluatoris operari debemus cibum, non qui perit, sed qui permanet in vitam æternam. Igitur importuna instantia quorundam nostrorum fratrum, & non improbæ temeritatis audacia me induxit, vt de Exercitiis Spiritu- alibus aliquam facerem compilati- onem. Et quamuis vires meas iudi- cii libra discutiens inueniam me sci- entia ignarum, & ingenii tardioris: spero tamen quòd imperfectum me- um & supplebit Diuina bonitas, & coadiuuabit fraterna charitas, & ex- cusabit bona & sincera quam gero voluntas. Et quoniam ordinem San-

cti Be-

PRAEFATIO.

cti Benedicti, Dei sum miseratione  
professus: ideo ad Beati Benedicti  
postulanda suffragia deuotus recur-  
ro: vt ipse apud DEI clementiam  
exorare dignetur; quatenus præ-  
sens Opusculum & ad laudem su-  
am dirigat, & ad legentium vtilita-  
tem conuertat: & mihi ad meritum  
prouenire concedat. AMEN.

PARABOLAS

Si Benedicere Deo semper iustitiam  
 proficitur: idcirco Beati Benedicere  
 possunt a iustis debeat reuer-  
 re: ut ipse dicitur Dea clarioribus  
 exoritur dignetur: quatenus pro-  
 tens Oculum & ad laudem su-  
 am dicitur & ad iudicium vultus  
 sem conuertat & nihil ad iudicium  
 promerit concedat. Amen.



I  
INCIPIT PER QVAM  
VTILIS TRACTATVS, QVI  
DICITVR EXERCITATORIVM  
Vitæ Spiritualis.

PROLOGVS.



D BEATISSIMÆ TRI-  
nitatis, & gloriosissimæ Virginis Dei  
Genitricis Mariæ & Dominæ nostrę  
gloriam: & ad magnam in vita spiri-  
tuali se exercere cupientium vtilita-  
tem; in hoc libro fratres dilectissimi tractabimus  
qualiter exercitator & vir deuotus debeat exercitari  
secundùm illas tres vias: scilicet,

{ Purgatiuam,  
Illuminatiuam,  
Vnitiuam.

Et qualiter certis & determinatis exercitiis per o-  
mnes dies hebdomadæ,

{ Meditando,  
Orando,  
Contemplando,

gradatim poterit ascendere ad consecutionem op-  
tati finis: qui est animam Deo vniri. quod sancti  
veram & absconditam sapientiam appellant.

Prologus.

Istæ prædictæ tres viæ attribuuntur tribus virtu-  
tibus Theologicis: quæ sunt,

{ Fides,  
{ Spes,  
{ Caritas.

per quas quasi per quædam media, ad summitatem  
montis, qui est Diuinus Amor ascendimus.

Fidei, } tribu- { Purgatiua, vt initium,  
Spei, } itur { Illuminatiua, vt medium,  
Charitati. } via { Vnitiua, vt finis.

Non enim sine medio, secundum Gersonem in  
suo monte contemplationis, de imperfecto ad per-  
fectum transire valemus: neque subito & repente  
quis fit summus & in virtutibus perfectus: sed ac-  
quiritur ipsa perfectio ad similitudinem operatio-  
nis naturalis: quæ procedit ab imperfecto ad perfe-  
ctū. Ignis em̄ vt videmus à fumo incipit, deinde est  
flamma cum fumo, postremo ignis purus & clarus  
in carbone. Similiter granum in terra seminatum  
primò putrescit, secundò germinat, postea pullu-  
lat extra terram, & crescit vsque ad maturitatem.  
Et planta transplantanda in terra sterili existens pri-  
mò eradicabitur; secundò replantabitur & erit tan-  
quam mortua, postea virescit & in altum succrescit.  
suo modo videre est in aliis naturalibus per totum.  
pariformiter volens ascendere ad vitam vnitiuam  
& contemplatiuam, in suo initio non potest habere  
perfectionem: quin potius oportet eum prius emit-  
tere fumum displicentiæ de vita sua præterita: &  
flore

fere amarè, seipsum turbare sine aliqua consolatione; postea veniet flamma amoris cum fumo tali: postremo amor purus sine fumo. In statu primo mortificabitur vita carnalis præterita: in secundo germinabit altius extra terram: in tertio fructus erit perfectus. Simili modo in similitudinem plantæ eradicabitur talis de terra mala & sterili vitæ mundanæ: quod fiet cum pœna magna & labore; postea replantabitur: vbi adhuc leuiter sustinebit grauitates. vltimo vero erit radicans fortiter & perfectè: & afferet fructum multum. Itaque qui in prædictarum trium viarum exercitiis diligenter fuerit exercitatus auiditate adipiscendi diuinum amorem, adiuuante domino, citius valebit attingere perfectionem: nisi ex sua culpa & negligentia hoc noluerit, desinens in eis exerceri, aut rediens ad vitia & noxias delectationes: quæ vt superentur & radicitus euellantur, sollicitè est laborandum: alioquin modicum proficiet, prout plenius continetur in tractatu de Spiritualibus ascensionibus: cuius initium est, Beatus vir.

## CAPITVLVM PRIMVM.

Quòd religioso spiritualiter proficere cupienti, multum confert bonorum consortia quærere, & malorum deuitare.



*De utilitate boni consortij.*

**H**ortatur nos Propheta dicens; Cum sancto sanctus eris: & cum peruerso peruerteris. Igitur frater in Christo Iesu dilectissime diligenter caue ne per prauorū dissoluta & dolosa consortia decipiaris. Adhære alicui viro religioso, qui sit virtute præditus, disciplina ornatus, scientia eruditus, grauitate maturus, in timore Dei fundatus. à quo iugiter audias ædificationis & consolationis verba & imitatione digna. Sicut enim calculus frigidus si adiungatur calculo ignito, accenditur & ardet: ita qui tepidus & frigidus est, adiunctus ei qui est feruidus & deuotus, feruescit sæpe, & fit deuotus, eruditus, atque bonis moribus adornatus. Sicut Apostoli redemptori nostro cohærentes, facti sunt viri sancti, & repleti Spiritu Sancto. Similiter Marcus adherens Petro, fuit eruditus in Euangelio, & meruit esse Euangelista. Timotheus quoque Paulum comitatus, ab ineunte pueritia in scripturis sanctis peritissimus fuit, atque per eundem Apostolum Paulum, Episcopus ordinatus: demumq; Euangelium prædicans obiit gloriosus martyr. Rursus secutus Ambrosium Augustinus ab eo fuit instructus & baptizatus, meruitq; in sancta Ecclesia Doctor esse clarissimus, atque in toto terrarum orbe nominatissimus. Sanctus etiam puer Maurus gloriosum patrem Benedictum sectatus, meruit postea Abbas dignissimus esse, ac virtutibus & miraculis refulgere. Et deuotus Bernardus Abbatem Stephanum comitans in Cisterciensi Monasterio, in sua religione totius religi-

religiositatis effectus est lumen splendidum: & instar corruscantissimi syderis in cunctis claruit terris: & nunc claret in cœlis. Plura possemus tam veteris quàm noui testamenti exempla ponere, quòd ad salutem animæ & ad spiritualia exercitia bonorum consortia multum profunt, & malorum nimium obfunt: quæ ob prolixitatem vitandam prætermittimus.

CAPITVLVM II.

Quòd ad purgandum spiritum religioso valde est necessarium in spiritualibus exercitiis exerceri.

**F**Ratres dilectissimi in libro Psalmorum scribitur, quòd magnus ille Propheta Dauid dicebat; Meditatus sum nocte cum corde meo: & exercitabar & scopebam spiritum meum. Deuoto igitur religioso qui desiderat spiritum ad imaginem & similitudinem Dei factum, de Hierusalem in Hierico, id est, à statu tranquillitatis & pacis ad tantam status mutabilitatem lapsum reformare, & pristino statui restituere, necessarium est vt præfati præclarissimi Prophetæ exemplum accipiens spiritualibus exercitiis spiritum suum castiget, mundet, & purget, tam à vitiis & peccatis, quàm à corruptis affectionibus: vt gratiarum & spiritualium donorum valeat esse

*De fructibus qui ex certis*

capax. Nam scriptum est, quòd in animam maliuolam non introibit sapientia: neque habitabit in corpore subdito peccatis. Et quia, vt ait Augustinus, ordo est causa pacis & tranquillitatis animæ: & ea quæ non sunt ordinata non possunt permanere, & Semper sunt inquieta: & quæ ordinata sunt permanent & quiescunt, & præstant animæ magnam fortitudinem: sit enim hostibus terribilis vt castrorum acies ordinata: ideo operæpre-  
cium est dare aliquem modum, & aliqua assignare determinata exercitia: vt scientes quæ nobis agenda sunt, semper simus pacifici, & in eis nosmetipsos exercentes, <sup>†</sup> spiritum nostrum ad suam pristinam reformemus amissam dignitatem.

CAP. III.

De fructibus, qui ex certis & determinatis exercitiis proueniunt.

**B**onorum exercitiorum perquam gloriosus est fructus.

PRIMVS ex certis & determinatis exercitiis proueniens, est Prauarum & volubilium cogitationum, ac noxiarum affectionum deuitatio; quibus frequenter fordescimus, non habentes frænum, quo motus cordis nostri constringantur: cum sensus nostri & cogitatio sint prona ad omne malum ab adolescentia

*Et determinatis exercitiis proueniunt.* 4

dolescentia sua, vt in Genesi scribitur. Est autem impossibile cor à vagis cogitationibus reuocare, nisi mediante diuina gratia fuerit certis & determinatis exercitiis stabilitum: vt enim ait Abbas Serenus in collationibus Patrum; Naturaliter anima nunquam potest esse ociosa: sed est necessarium vt secundum suam propriam nobilitatem discurrat: nisi habeat aliquid fixum & stabile, vbi suos motus exerceat. Et secundum sanctorum doctrinam, anima absque certis exercitiis est quasi domus quatuor habens ianuas apertas: nam quicumque volunt ingrediuntur & egrediuntur, domino domus nesciente: similiter faciunt cogitationes in animam certa exercitia non habentem.

SECUNDVS fructus, quæ determinata afferunt exercitia, est cordis nostri ad expedite & magnifice operandum stabilitio: nam sæpe idem facientes, illud conuertimus in naturam, & generatur in anima nostra habitus per continuatam operationem. certa autem exercitia non habentes tot in suis exercitiis recipiunt consilia, quot opera vident alios facientes. Hodie circa vnum & cras circa aliud occupantur, semper dispersi & vagi. quod est valde reprehensibile: vt in collationibus Patrum legitur. & in tractatu cuius est initium; Homo quidam descendebat ab Hierusalem in Hierico: vbi dicitur quod isti tales parum, vel nihil proficiunt.

TERTIVS fructus est Feruor: qui enim habet ordinata exercitia est feruentior ad explendum ea,

*De fructibus, qui ex certis & deter. exer. proueniunt.*

& pudet torpore seu negligentia dimittere, quod semel feruenter & sollicitè cœpit. Vnde fit vt deuoti religiosi certa soleant habere exercitia secundum tempora & horas perutilia: ne in spiritus torpeant profectu, quin potius talibus exercitiis se arctant: quo magis ac magis iugiter in tali profectu flamme-  
scant. Et secundum Sanctorum doctrinam, sicut ex incuria & negligentia spiritualium exercitiorum causatur tepor & frigiditas, ita ex assiduo eorundem studio, siue ad animam siue ad corpus pertineant, si absque aliqua remissione operemur ea, generatur in nobis suauis quædam actualis vel habitualis affectio.

**Q V A R T V S** fructus est: quia per certa exercitia facilius in tui deuenies cognitionem: vt scilicet scias quantum proficis vel quantum deficis, si progredieris vel si retrogredieris: considerans si expleueris exercitia feruētius & sollicitius hodie quàm heri, an tepidius seu negligentius. Itaque comparatione vnus diei ad aliam, videbis si proficis vel deficis.

**Q V I N T V S** fructus est: quia longe plus proficit & meretur, qui pauca ordinatè operatur recta intentione, quàm qui agit multa & difficilia vagus absque certo modo & ordine. Et vt Sancti testantur, vtilius est vnum opus recte ordinatum sapientis, quàm multa laboriosa insipientis.

**C O N S I D E R A** ergo quàm copiosus fructus accrescit eis, qui cor suum tradere curant certis vel deter-

*Cond. quas habere debet Spirituales exercitatores.* 5  
determinatis exercitiis. Et quia tantus inde prouenit fructus, Deo adiutore, aliqua certa & determinata exercitia disponemus, in quibus per totam hebdomadam valeamus exercitari secundum prædictas tres vias: scilicet, Purgatiuam, Illuminatiuam, & Vnitiuam: prout inferius est dicendum.

### CAP. IIII.

Quas condiciones debent habere qui in exercitiis spiritualibus exercendi sunt.

**O**portet primo fratres dilectissimi, vt ille qui in spirituali vita vult exercitari, ab omni mortali crimine cor suum expurget per contritionem & confessionem: cor enim impurum Spiritus Sancti influxus nequaquam capere potest.

**SECUNDA** conditio est, vt omnem abhorreat carnis voluptatem, fugiens omnem leuitatem, videlicet, Risum, Fabulas, & quascunque huiusmodi consolationes. quia, vt ait Bernardus, delicata est diuina consolatio: & non datur admittentibus alienam. Et Augustinus dicit; Cum cor nostrum habet vnde delectetur exterius, absque consolatione manet interius. Filii Israël non receperunt manna, donec defuit eis farina quam de Ægypto asportauerant. Et quæ est fratres farina Ægypti nisi nostra se-

*Conditiones quas habere debet Spirituales exercit.*

cularia opera, quæ donec desint, cœleste manna quod est diuina consolatio, nequaquam gustare valemus?

**TERTIA** conditio est, Vt cor à curis exterioribus & superfluis sit alienum: vt quasi vas vacuum diuinæ gratiæ implendum illud offerat.

**QUARTA** est: vt spiritualem profectum ardentè ficiat, ad instar Iacob qui pro Rachele seruiuit, non sentiens præ amoris magnitudine solis ardorem, neque hyemis algorem. Sit feruens in recolendo sua exercitia & in obseruando rememora: ita vt nec minima negligat, nam qui minima negligit, paulatim decedit.

**QUINTA** conditio est, vt sit moderatus, id est discretus in exercitiorum electione & executione: ne eorum multitudine grauetur: & ob indiscretionem ab intento sine fraudetur. Alio enim modo nos debemus habere circa finem, qui est diligere Deum sine mensura, & eum in cor nostrum imprimere: vt nullatenus aliquo consilio ab actu interioris ( si fieri potest ) dilectionis cessemus: nam huiusmodi dilectioni nullus ponitur terminus. Et alio modo nos debemus habere circa ea quæ nos ad finem deducunt: quæ sunt spiritualia exercitia: & sic ea ordinare, quatenus facilius nos valeant in optatum finem deducere: qui est Diuinus Amor, & cordis puritas. vt in collationibus Patrum, & in tractatu, Beatus vir, scribitur.

CAP. V.

Qualia debent esse exercitia spiritua-  
lia, & de eorum moderamine.

**N**on expedit frater vt leuiter eligas qualiacun-  
que exercitia: quin potius debes ea eligere  
& formare secundum sanctorum Patrum exempla:  
iuxta illud quod scriptum est: Omnia fac secundum  
exemplar, quod tibi monstratum est in monte. Ob-  
seruabant autem sancti Patres in suis spiritualibus  
exercitiis certas conditiones: quas & tu in tuis ob-  
seruare debes.

**PRIMA** est, vt diuinis scripturis & sanctorum  
dictis, & Patrum exemplis consonent: nam quic-  
quid sacrae scripturae dissonum est, non immerito  
licet videatur bonum, suspectum est. Et quia sunt  
multi qui ad suum sensum scripturarum intelle-  
ctum extorquent, ideo oportet vt tua exercitia  
cum aliquo spirituali & illuminato viro tractes: &  
super his eius consilium accipias.

**SECUNDA** conditio est; diligenter attende-  
re, vt exercitia sint moderata, maxime quantum  
ad duo; secundum sanctorum doctrinam. Primum  
est, ne nimiam afflictionem, neque immoderatam  
occupationem in eis sumas. Nam propter afflictio-  
nis nimietatem mentis dulcedo in amaritudinem  
vertitur: & propter immoderatam occupationem  
mentis tranquillitas destruitur. Vnde sic oportet  
exer-



*De spiritualium exercitationum moderamine.*

exercitia moderari, vt omnia cum quadam mentis alternatione & moderatione agantur : secundum illud ; Modo lege, modo ora, modo cum feruore labora, & sic hora breuis, & labor erit leuis. Nec te circa ea ita occupes, quòd tibi fastidium generent, aut causent infirmitatem : alioquin non possent multum durare.

**TERTIA** conditio est, vt exercitia sic sint disposita & ordinata, quòd congruant vnicuique secundum suum statum & dispositionem tam interiorem quàm exteriorem : non enim omnia omnibus conueniunt : neque omnes circa eandem rem æqualiter se habere possunt : quin potius talia exercitia vnusquisque debet sibi eligere, quæ contra suas vitiosas inclinationes decertent : & ad virtutis amorem trahant & promoueant, & per talia exercitia magis poterit proficere : nam secundum Ambrosium, quærendum quidem in omni actu quid personis conueniat, quid temporibus & ætatibus : quid etiam singulorum ingeniis sit accommodum.

**QUARTA** conditio est, vt summè caueatur ne sint temporalia, videlicet quòd ad tempus permaneant, & ad tempus negligantur : sed sint stabilia, hoc est, vsque in finem permanentia. Valde namque, ait Bernardus, est suspecta leuitas eorum, qui nunc hoc volunt, nunc illud : nunc sic se exercent, nunc sic, in nullo fixi. qui tot de se consilia præsumunt, quot loca reuisunt ; semper quod non habent cupientes, & quod habent fastidientes, &  
in neu.

in neutro proficientes. Qui vult in suis exercitiis proficere, oportet statuere aliquem finem, & ad eius adeptionem sua media quæ sunt spiritualia exercitia ordinare: & in illis fixus permanere. Finis autem nostrorum exercitiorum (vt ait Abbas Moyses in quadam sua collatione: & tractatus; Beatus vir) est adipisci cordis puritatem & perfectam Dei charitatem. Quorum vnum, scilicet Dei perfecta dilectio vel beatitudo est finis vltimus: alterum quod est finis secundarius & dispositiuus, est cordis munditia, quæ disponit nos ad perfectæ charitatis & beatitudinis adeptionem. & ad hos duos fines animæ oculus semper est dirigendus: instar sagittariorum, qui aliquod ponere signum consueuerunt, in quod sagittas suas iaciant. alioquin multo consumpti labore modicum proficeremus.

CAP. VI.

De his quæ ad spiritualia exercitia nos excitant.

**A**postolus Paulus exhortatur nos dicens; Sollicitudine non pigri, spiritu feruentes domino seruietes. Sollicitè igitur consideranda sunt feruoris incitamenta, quia secundùm sanctorum doctrinam, initium totius boni est eiusdem boni feruens desiderium: nunquam enim in religione feruens erit, qui antè feruens desiderium non habuerit. Nam  
secundùm

*Incitamenta spiritualium exercitiorum.*

secundum Bernardum, necesse est ut ignis desiderii præeat omnem locum quò est ipse venturus. Et ut ignis iste desiderii in nobis excitetur, sexdecim considerationes hic assignabimus, quas summo studio deuotus religiosus debet in corde suo ponere: Nullatenus enim spiritualis vita diu permanere potest, nisi per earum assiduam recordationem.

**PRIMA** igitur est, Ut cum summa diligentia attendamus quantum diligendus est Deus ratione suæ summæ Perfectionis, Beatitudinis, Magnitudinis, Pulchritudinis, Infinitæ Potentiæ, & ineffabilis Sapientiæ: cum ipse sit Summum Bonum, & aliarum innumerabilium perfectionum in eo existentium. Considera igitur quantum ipsum diligis: quoniam totum hoc modicum est ad id quod debes.

**SECUNDA** consideratio est, quot dolores, angustias, anxietates, dura verba, duriora verbera, & acerbissima ac immanissima supplicia passus est; & pro nobis in cruce mori dignatus est: & quam modicum nos pro eo pati volumus.

**TERTIA** consideratio est, quot bona nobis promisit in illa æterna Beatitudine, in animæ & corporis glorificatione, & quam tepidè laboramus pro illius thesauri summi adeptione.

**QUARTA** consideratio est, quot & quanta bona Dominus noster generi humano contulit in eius Creatione & Redemptione; & unicuique nostrum in vocatione ad religionem, in sustentatione,  
& con-

& conseruatione: & propter tot & tanta beneficia non solum gratias non impendimus, quin potius eum incessanter offendimus.

QVINTA est, quot & quanta peccata nobis dimisit, & quoties in eis relabimur; & pro gratiarum actione in odibile ingritudinis scelus incurrimus!

SEXTA est, ad quantam perfectionem tenemur, scilicet, ad Decalogi obseruationem propter precipientis auctoritatem, & per consequens ad nunquam mortaliter peccandum, & ad Deum super omnia diligendum: nihil in hac vita æquè vel supra ipsum amando: & ad cupiendum proximis nostris bonum, eos sicut nosmetipsos diligendo, & eorum saluationem desiderando, hoc est vt Deum super omnia diligant.

SEPTIMA consideratio est, quot nobis perfectionis exempla in sanctis Patriarchis, Prophetis, Apostolis, & in omnibus sanctis sunt exhibita; qui omnes sicut nos mortales erant; tamen ex nostra desidia illorum exemplorum vestigia nolimus imitari.

OCTAVA est, quanta est virtutum formositas, vtilitas, & honestas; & quanta est vitiorum deformitas, confusio, & vtilitas: nos tamen à virtutibus deuiantes inseparabiliter vitiis adhæremus.

NONA est, quam difficile est spirituales vitam inchoare his qui ex tepiditate hoc differunt. cum enim dominus noster semper sit paratus adiuuare liberi arbitrii infirmitatem, nos nequaquam  
conamur

*Incitamenta spiritualium exercitiorum.*

conamur facere quod in manu nostra est. Et hinc est quod pauci benè inchoant, pauciores cœptum bonum prosequuntur; & paucissimi vsq; in finem perseverant: propter quod ex diuinæ misericordiæ confidentia, & ex feruenti conatu, & ex tota nostra scientia, voluntate, & facultate debemus tendere in perfectionem.

**D E C I M A** est, quantæ est difficultatis, carnis & mundi bella deuincere: tam quæ ex bonorum terrenorum appetitu, quàm quæ ex prauorum inter quos degimus consilio & familiaritate insurgunt; & etiam malignorum spirituum subtilia & crebra certamina: nos autem quamuis in tantis finis periculis constituti, ac si essemus securi, tepescimus & torpemus, & nullatenus ad resistendum satagimus.

**V N D E C I M A** est, quàm rari sunt, qui vsque in finem perseuerent. multi quidem sunt, qui perfectionis scalam ascendunt & currunt, & vsque ad eius medietatem pertingunt, non tamen ad eius summitatem perueniunt. Verumtamen rari inueniuntur, qui de tanto bono sicut est perseuerantia curant: pro qua semper est orandum, si saluari cupimus. cum reuera sciamus non esse coronandum, qui triginta vel quadraginta annis benè vixerit, sed qui perseuerauerit vsq; in finem.

**D V O D E C I M A** est, quàm breuis est vita præsens, & quot merita in ea possemus acquirere: & quòd si semel fuerit amissa, nunquam  
ad eam

ad eam redire poterimus: nos verò tempus nobis ad mensuram datum inutiliter consumimus: morti & extremo iudicio, virtutibus vacui & vitiiis pleni, quotidie instanter appropinquamus.

**TERTIA DECIMA** est, quanti rigoris, asperitatis est Diuina iustitia: quæ pro vno solo mortali crimine, de quo si quis pœnitentiã non ageret, neque vsque ad finem emendaretur, corpus & animam eius qui huiusmodi est, in inferno absque dubio æternaliter cruciaret: & quòd nullum peccatum veniale quantuncunque minimum manebit impunitum. Consideranda est hic cæcitas & stultitia nostra: cum enim Dominus noster placari & ad misericordiam inclinari per pœnitentiam, suspiria, & dolorem de peccatis quæ in eum perpetravimus, nunc valeat; hoc agere negligimus; & tanquam intellectu rudes, iugiter Diuinæ iustitiæ manibus appropinquamus.

**QUARTA DECIMA** est; quanta est acerbitas, diuersitas, & æternitas infernalium pœnarum, quarum tamen reus est qui breui & momentanea delectatione sibi per Deum prohibita vult hic frui. Et cum illa tormenta multiplicia, sæuissima, & perpetua credamus, non curamus ab eis fugere: cum per millia millium annorum quascunque temporales pœnas deberemus libenter sustinere, vt ab illis doloribus & nunquam finiendis cruciatibus liberari possemus: dicente Propheta: Quis poterit habitare ex vobis cum igne deuorante, aut quis habitabit ex

B

vobis

*Incitamenta spiritualium exercitiorum.*

vobis cum ardoribus sempiternis?

QVINTA DECIMA est, præ oculis semper habere profundam abyssum diuinorum iudiciorum, quæ super multos fecerit, qui multo tempore sanctè vixerunt, & in magna sanctitate diu perstitierunt, quos tamen Dominus propter aliqua vitia in ipsis latentia deseruit. Si hoc attentè aduerteremus non dubito quin ad benè agendum feruentes essemus. Vnde Propheta nos admonet, dicens: Venite & videte opera Dei, terribilis in consiliis super filios hominum. Hic oportet nos considerationem facere de nostra salute, & timere ne diuina gratia priuemur.

SEXTA DECIMA & vltima consideratio est; quanto nos beati expectant desiderio, & quanto auiditate nostrum affectant aduentum. Si hoc benè attenderemus, non ambigo quin ad eos ire instaremus. De quo dicit Bernardus: Expectant nos Angeli, vt ruina eorum instauretur; Beati, vt eorum gloria compleatur: Deus pater nos expectat quasi filios & hæredes, quos super omnia bona sua constituat; Filius, quasi fratres & cohæredes, vt fructum natiuitatis & precium sui sanguinis nobis impendat: & ipse Spiritus Sanctus qui est Charitas & Benignitas, in qua nos Pater ab æterno prædestinauit; neque dubium quin prædestinationem suam adimpleri velit. O Fratres quomodo curreremus ad aliquem locum in hac vita, si sciremus ibi esse dominam nostram nos expectantem? quanto magis igitur

igitur ad locum deliciarum & gloriæ, quæ sine ca-  
rent festinandum nobis est: ubi tam multi, tam ma-  
gni, tamque affectuosè nos expectant? In hac con-  
sideratione habendum est desiderium resoluti &  
esse cum Christo. Itarum considerationum finis in  
duobus consistit. Primum est propriæ imperfecti-  
onis clara cognitio. Secundum est ardens deside-  
rium ascendendi in altiore perfectionem & ma-  
iorem feruorem, Quis igitur erit qui hæc in corde  
suo conferens, nisi mentem habeat ferream, statim  
ad rectè & religiosè viuendum non inardescat, om-  
nem è se expellens torporem & negligentiam? Ista  
quæ supradicta sunt non hic scripsi, vt ea tantum  
semel legas: sed sæpè & quasi semper maneat in  
memoria: omni die verses ea in corde tuo, ne fri-  
gescat; vel si frigere contigerit, eorum recordatio-  
ne reflammescat.

CAP. VII.

Quòd promissa vota, & loci digni-  
tas, nos ad feruorem cogant in no-  
stris exercitiis habendum.

**L**igitur in Ecclesiaste: Si quid vouisti Deo, ne  
moreris reddere; displicet enim ei infidelis &  
stulta promissio. Vehementer ad rectè & feruenter  
in religione viuendum votis astringimur solenni-

*Religiosa Religiose textus*



### *Excitantia ad feruorem*

ter promissis. Firmiter quippe tenendum est per omne votum ritè promissum, vouentes ad sui teneri obseruationem. Et vt Doctorum quidam asserunt: Magis obligat votum quàm iuramentum. itaq; qui promissum transgreditur votum, mortaliter peccat, & grauius quàm transgressor iuramenti: secundum sanctum Thomam Secunda secundæ. Quid igitur ô Fratres promissimus nisi per labores, exercitia, dare operam vt ad virtutis veniamus perfectionem? à quo conatu qui recedit, voti transgressor reputandus est: sicut è contra secundum Bernardum: Quandiu indefessum proficiendi studium, ingentemq; ad altiora anterioraq; conatum habuerimus, non voti fractores deputamur, etiam si crebrius ceciderimus. Habentes igitur desiderium hoc, & debita ac ordinata exercitia explentes, quod promissimus persoluamus; & quod nobis promissum est, obtinebimus. Sumamus à sæculi hominibus exemplum, qui adeò promissa violare perhorrescunt, vt captiui dimissi reditum pollicentes promisso tempore redeant, quamuis se àriter cruciandos agnoscant. Incitat nos quoque ad feruorem Loci dignitas. Vtinam attente aduertemus quàm grauiter offendunt illi, qui tepidè & remissè in monasterio viuunt. De quibus dicit Propheta Hieremias: Quid est quod dilectus meus in domo mea fecit scelera multa? Grauius quidem peccant qui huiusmodi sunt, multiplici ratione.

PRIMO propter Religionis sublimitatem, quàm  
trans.

transgrediuntur mentientes, cum quod Deo promiserunt non solvunt.

**SECUNDO** propter Loci sanctitatem: secundum illud Esaie: In terra sanctorum iniqua gessit, & non videbit gloriam Dei. & secundum illud Hieremie: Contaminasti terram sanctam meam.

**TERTIO** propter temporis opportunitatem, quam habet in monasterio ad sanctè viuendum. Valde tamen est dolendum, quia mens nostra dura, & ad malum prona, Manna fastidians, appetit manducare cæpas quæ suos edentes ad la chrymas cogunt.

**QUARTO**, propter Bonorum societatem: nam qui inter bonos malus est, similis est Iudæ inter discipulos Domini; & sicut Sathan inter filios Dei.

**QUINTO**, propter Dei liberalitatem ei necessaria providentis. proditor siquidem deputandus est, qui contra dominum suum ei necessaria administrantem pugnat: nam & canis suos consuevit amare beneficos.

**SEXTO**, propter votum & professionem, quæ multum peccatum aggrauant. non enim leuis putanda est culpa, vt qui se primo Deo obtulit, ab eo discedens se offerat Diabolo, & sic mentiatur Spiritui Sancto.

**SEPTIMO**, quia qui in monasterio malè viuit, vnus boni locum occupat.

**OCTAVO**, quia præsumit illos actus exercere.

*Excitantia ad feruorem*

re, ad quos non est idoneus. nam præsumit astare in conspectu Dei, & alia plura huiusmodi.

**N O N O**, quia non timet illas grauißimas pœnas, quibus legimus fuisse punitos, qui in locis sacris aliqua crimina perpetrarunt.

**D E C I M O** & vltimò, quia non timet damna quæ incurrit; nam perdit omnia religionis bona, & fit expers bonorum religiosorum, & comparatur blasphemo latroni; quia de cruce claußri descendit ad crucem inferni. Et concludens vos admo-  
neo, vt si quis vestrum se torpere senserit, cum Bernardo dicat: Cur torpes? cur desidia anima tabescis? non sunt condignæ paffiones huius temporis ad culpam præteritam quæ remittitur, & ad gratiam præsentem quæ immittitur, & ad futuram gloriam quæ promittitur. Euigila anima mea, quia magna sunt quæ promissimus; sed maiora sunt quæ nobis promittuntur. Compleamus ista ô anima mea, & suspiremus ad illa. Attende, quia delectatio peccati breuis est, & pœna perpetua: paruus labor virtutis, & gloria infinita: vocatio multorum, & pauci electi: omnium remuneratio, quidam ad gloriam, & alij ad pœnam sine fine. Vigila igitur frater in tuis exercitiis: & tempore orationis statuto post vigilias ne dormias: quia qua non putas hora vocaberis. Et attende qui vigilant dici beatos.

**H A C T E N V S** diximus, quàm sit necessarium ad spiritualem profectum consortium bonorũ, & de studio spiritualium exercitiorum, & de eorum fructi-

fructibus, si sint certa & ordinata; & de eorum conditionibus, qui in eis sunt exercitandi; & de exercitiorum moderamine; & de his quæ in nobis sanctum feruorem excitant: Restat nunc vt dicamus & disponamus qualiter religiosus debeat exercitari secundum illas præmemoratas tres vias, scilicet Purgatiuam, Illuminatiuam, & Vnitiuam: vt per earundem exercitium, & per orationem & contemplationem, valeat gradatim ad optatū finem peruenire, scilicet animam Deo vnire. secundū illud Pauli: Qui adhæret Deo, vnus spiritus est. & hoc à Sanctis dicitur ad veram sapientiam pertingere.

CAP. VIII.

Quod spiritualia exercitia habere debent certas & determinatas materias, tempora, & horas.

Spiritualium diuersitate ciborum vti debet religiosus. Experientia namq; nouimus, quod quantumcunq; aliquibus cibus sit delectabilis, si quotidie sumatur, interdum parit fastidium: & appetit homo alios cibos quamuis non ita saposos. Et si cui apponuntur diuersi cibi, tantò plus & auidius ex eis sumit, quantò in eorum singulis nouum experitur saporem. Similiter & deuotus religiosus cum ad orandum accedit, spiritualium varietas epularum

rum sibi quærenda est. Non enim mediocriter laborare credenda sunt caput, pectus, & vniuersa corporis membra, cum anima ignitis desideriis in cælum conatur ascendere. Vnde variis meditationum dapibus vtendum est, vt in saporum vicissitudine aliquid valeat corpus releuaminis reperire.

**PRIMVS** & præcipuus cibus debet esse Deuota oratio, & Castum desiderium: vt scilicet anima appetat purgari, illuminari, & vniri illi suo Beatissimo & dulcissimo sponso. Et ideo maximè incipientes duo debent considerare, vel meditari. Primò illa, quæ timorem incutiunt; à quo anima inchoat spiritualem viam ad Deum volens accedere. Secundò debet crebrò Redemptoris nostri vitam & passionem ruminare. Nam Redemptoris vita, mors, & passio, est ostium quo intratur ad amorem diuinitatis. & in huius signum eius latus ferro fuit apertum, vt per hoc clarè nobis innotesceret, neminem ad diuinitatis amorem ingredi posse, nisi per ianuas vulnerum humanitatis. Et cum Dei seruus cœperit radicari in Deitatis amore, poterit aliquandiu à consideratione humanitatis cessare. Nam propter huius gustus & experimentalis cognitionis adeptionem, circa humanitatem, & eius vulnera prius versabatur. Et hoc modo per totam hebdomadam secundùm ferias materiæ sunt distinguendæ. Erit igitur agendum de Timore secundùm viam purgatiuam; de Diuinis beneficiis secundùm illuminatiuam; de Diuinis perfectionibus & laudibus

laudibus secundum viam virtutum : vt exercitator  
dapum spiritualium habeat multipliciter. Et  
hoc quantum ad materias.

**Q**UANTVM ad temporum & horarum assi-  
gnationem Fratres, est notandum quod multo vti-  
lius est corpori, & conuenientius eius appetitui, vt  
assuescat aliquo determinato tempore cibum su-  
mere, si illud semper obseruetur. Simili modo ani-  
ma appetens spiritualiter viuere, debet habere tem-  
pus conueniens, in quo valeat seorsum sola mane-  
re, & certas horas diei & noctis ad orandum; qui-  
bus quotidie panem spirituale, & spirituale diui-  
næ consolationis vinum valeat accipere. Multo e-  
nim amabilius & delectabilius est animæ hoc con-  
uiuium, quàm carni est cibus corporalis. Non enim  
est rationi consentaneum, vt anima quæ domina  
est corporis, maneat ieiuna & expers sui suavis &  
delectabilis cibi; & caro quæ est ancilla nequam, &  
pigra, assignata & certa hora victum suum accipiat.

**Q**UOD autem horæ assignatio orationi sit vti-  
lis, facile potest ostendi. Nam sicut ex consuetudi-  
ne & frequentatione bonorū operum generatur in  
anima quidam Habitus & inclinatio, quæ placet ei  
& delectatur in bono; ita cum tempus est determi-  
natum vel hora in qua vacet orationi, eodem tem-  
pore se sentit promptiorem, & expeditiorem ad sur-  
sum erigendum cor suum per feruens desiderium.  
Tempus autem ad orandum aptius est nocturnum:  
secundum illud Prophetæ : Nox illuminatio mea

## De fructibus orationis

in delitiis meis. Et cum Dei seruus habet horam deputatam orationi, semper illa hora per desiderium se sentit aliquo modo prouocari ad orandum. Et si illa hora absque solita præterit oratione, non manet cor absque magno dolore: & præcipue cum dimittitur ex negligentia vel aliqua minus rationabili causa: non enim est anima cruciatus experta, cum suo dulcissimo cibo delectabili refectione & spirituali lætitia quam degustare solebat frustrari se conspicit. Itaque concludentes dicimus quod opportunum orationi tempus est nocturnum: secundum illud Psalmi. In die mandauit Dominus misericordiam suam, & nocte canticum eius: ac si apertius diceret: In die iussit Dominus operibus vacare misericordiae, & nocte cantico laudis suae.

**HORÆ** autem orationi congruentes secundum Hieronymum, & Bernardum, sunt post Vigiliis & post Completorium: in istis enim horis seruus Dei ad vacandum spiritualibus exercitiis est expeditior. & hæc sufficiant quantum ad tempora, & horas.

## CAP. IX.

Quod multiplice ratione Sancti determinata assignauerunt tempora & horas in quibus vacandum est mentali orationi.

**O** Fratres dilectissimi non immeritò statuerunt Sancti Patres vt certis horis diei & noctis mentali orationi religiosi vacarent. supra modum enim secundum deuotum Bonauenturam conuenit proficere cupienti, vt assiduis orationis & deuotionis studiis exercent cor suum: siquidem, vt prædictus sanctus dicit, religiosus qui hanc orationem quotidie non frequentat, non solum est miser & inutilis, sed reuera animam mortuam portat in corpore uiuo. Cum enim tanta sit efficacia & virtus orationis, ipsa sola certamina & tentationes superat spirituum malignorum. Et omnis anima quæ orationis rore non irrigatur, facit imperfecta opera, & multiplici infecta fastidio. Et è conuerso; Oratio est valde utilis & inæstimabilis virtutis ad omnia proficua promouenda, & noxia amouenda. Et ideo si vis patienter tolerare aduersa, sis homo orationis.

**SI VIS** tentationes & tribulationes superare, sis homo orationis.

**SI VIS** prauas affectiones conculcare, sis homo orationis.

**SI VIS** astutias Sathanæ cognoscere ac eius fallacias vitare, sis homo orationis.

**SI VIS** lætanter viuere in opere diei, & laboris & afflictionis viam incedere, sis homo orationis.

**SI VIS** in spiritali vita te exercere, & carnis curam non agere in desideriis, sis homo orationis.

**SI VIS** vanas muscas cogitationum fugare, sis homo orationis.

Si vis



*De fructibus orationis, & assiduit. exercitiorum.*

**SI VIS** animam tuam sanctis & bonis cogitationibus, desideriis, feruoribus, & deuotionibus impinguare, sis homo orationis.

**SI VIS** cor tuum virili spiritu & constanti proposito in Dei beneplacito stabilire, sis homo orationis.

**SI VIS** vitia extirpare, & virtutibus imbui, sis homo orationis.

**SI VIS** denique ad contemplationem ascendere, & sponsi amplexibus perfrui, sis homo orationis. In ea enim recipitur Sancti Spiritus unctio, quae de omnibus mentem docet: & ad contemplationem & coelestium degustationem, per orationis exercitium deuenitur.

**VIDETIS** Fratres orationis rationes, & quam magnae sit potentiae & virtutis. Ad quorum omnium confirmationem ommissis scripturarum firmitatibus hoc tibi fit pro efficaci probatione: quod quotidie audimus, & videmus ad oculum, illiteratas & simplices personas praemissa & alia complura potiora dona adeptas fuisse. Sollicitè ergo omnes orationi vacare debent, qui Christum imitari desiderant, & praecipuè religiosi, quibus maior ad hoc debet esse temporis copia. Quare, inquit idem sanctus & Seraphicus Docteur ad sororem suam scribès, Te hortor, tibiq; quantum possum mando districtius, vt pro principali exercitio tuo sumas orationem; nihilq; aliud te delectet nisi oratio. quia nihil tantum te delectare debet, quam morari cum Domino; quod fit per orationem.

CAP.

## CAP. X.

Quod incipientes Deo seruire, inchoant à Timore, qui diuinæ est initium sapientiæ: & de speciebus timoris.

SECUNDUM Anselmum in libro doctrinarum, omnes incipientes incipiunt à timore seruili, quia à timore seruili incipit filialis. Beatus cui datum est habere timorem Dei. Timor enim Dei est fundamentum fidei, charitatis origo, initium diuinæ sapientiæ, secundum illud quod scribitur in Prouerbiis: Principium sapientiæ timor Domini; quia est ianua conuersionis. & ut dicit Cassiodorus: Per hunc enim ad Deum velut quibusdam ianuis introitur. & deuotus Bernardus super Cantica dicit: Tunc primo Deus animæ sapit, cum eam afficit ad timendum, non cum eam instruit ad sciendum. Et Cassianus libro quarto Institutionum dicit: Principium nostræ salutis eiusdemque custodia timor est; per hunc enim & initium conuersionis, & vitiorum purgatio, & virtutum custodia, his qui imbuuntur ad viam perfectionis, acquiritur. Vnde notandum est, quod secundum Magistrum Sententiarum in 3. distinct. 34. quatuor sunt species timoris, secundum quem aliquo modo ad Deum conuertimur, vel ab eo auertimur: scilicet, Timor mundanus siue humane,

aus,

*De timore & speciebus eius.*

**Humanus**, seruilis, initialis, castus vel filialis. **Humanus** timor, vt ait Cassiodorus, est quando timemus pati pericula carnis, vel perdere bona mundi propter quod delinquimus. Hic timor malus est, & procedit ex nimio sui & præsentis vitæ amore.

**SECVNDVS** timor est Seruilis, de quo loquimur in præsentibus: & vt dicit Augustinus; Timor seruilis est, cum propter timorem gehennæ, aut alicuius temporalis incommodi seu mali, continet se homo à peccato. Iste autem seruilis timor cum peccandi voluntatem non auferat, non est cum charitate; & habens hunc solum timorem, non posset saluari; sed adueniente charitate propellitur: qui adhuc ideo bene agit quia poenam timet, Deum non amat, nondum est inter filios Dei. Aduertendum tamen quod licet timor seruilis simul cum charitate non stet, nihilominus via est ad illam, secundum illud Ecclesiastici: Timor Domini initium dilectionis. Et August. ait: Timor Dei locum præparat charitati, cum cœperit charitas habitare, pellitur qui ei præparauit locum; quantum illa crescit, tantum ille decrescit; maior charitas, minor timor; si nullus timor, perfecta charitas.

**TERTIVS** timor dicitur Filialis, siue Castus, & est ille quo timemus ne sponsum offendamus: ne sponsus taret, ne discedat, ne eo careamus. Timor iste de vero Dei amore nascitur, de quo Propheta ait: Timor Domini sanctus permanet in sæculum sæculi. De differentia autem istorum duo-

rum

**rum** timorum, videlicet seruilis, & filialis siue casti, Augustinus super prima Canonica Ioānis dicit sic: Est timor quem charitas foras mittit; & est timor castus permanens in sæculum sæculi. sicut sunt homines qui timent Deum ne mittantur in gehennam: iste timor introducit charitatem, sed sic venit vt exeat: Si enim propter pœnas times Deum, non amas, non bona desideras; sed mala caues. corrigis te & incipis bona desiderare, est in te timor castus, qui est ne amittas ipsa bona. Sicut si ponas duas mulieres maritatas, quarum vna velit adulterium facere, sed timet maritum ne veniat: hæc diligit nequitiam, & onerosa est ei præsentia mariti: altera amat virum, & nulla se adulterina immunditia vult maculare, optat præsentiam viri: timet illa, timet ista: illa timet virum ne veniat, ista timet ne discedat: illa dicit timeo ne damnet, ista dicit timeo ne deserat. Hoc exemplo cognosci potest quomodo timor seruilis quem charitas foras mittit differt à timore filiali, vel casto, qui permanet in sæculum sæculi.

**QVARTVS** timor dicitur Initialis, qui est quasi medius inter duos supradictos, scilicet seruilem & filialem. nam seruilis timor iuxta præmissa est, quo se homo continet à peccato timore pœnæ, Timor filialis est, quo se homo continet à peccato timore offensæ; filiorū enim est timere patris offensam: timor verò initialis dicitur, quo homo propter vtrunq;, scilicet pœnam & offensam, à peccato abstinet. Et ideo

Quæ sunt illa quæ semper

Et ideo dicitur à beato Bernardo duos habere oculos, dextrum, quo respiciens sursum, timet à Deo separari; sinistrum, quo respiciens deorsum, timet incurrere pœnas. Timor iste dicitur initialis, quia est incipientium in quibus inchoatur filialis timor per inchoationem charitatis: non tamen est in eis timor filialis perfectè; quia nondum peruenerunt, ad perfectionem charitatis. Et ideo Timor initialis, vt dicit Sanctus Thomas, hoc modo se habet ad filialem, sicut charitas imperfecta ad perfectam, quæ non differunt secundum essentiam, sed secundum statum: quidam enim sunt in statu Incipientium, alij Proficientium, alij Perfectorum.

HOS timores hic exposuimus, vt dignoscere queas quo ipsorum sis affectus: & relicto seruili, à filiali possidearis timore.

CAP. XI.

De his quæ à nobis semper sunt timenda.

DILECTISSIMI Fratres, quamuis plura sunt quæ nobis timenda sunt, quædam tamen sunt periculosiora, & ideo horribilius metuenda: ex quibus potiora colligantur, vt ab illis sollicitius cauere valeamus.

Debet homo timere

HVIVS mundi alteritatem & instabilitatem:  
quia

quia homo nunquam in eodem statu permanet, & nescit vtrum odio vel amore dignus sit. Si enim nos Deus desereret, in ictu oculi dæmon peruerteret.

**CARNIS** propriæ, mundi, & diaboli bellum, quo indefinenter spiritus impugnatur.

**IMBECILLITATEM**, & quotidianam negligentiam in resistendo, pœnitendo, & proficiendo.

**DIVINÆ** iustitiæ seueritatem, quæ claruit in casu Luciferi, qui pro vno commisso peccato, fuit in æternum de cœlo eiectus: quantò magis qui multa comiserunt peccata illuc nequaquam ascendent? Apparet quoque ista seueritas in peccato Adæ, qui propter vnum peccatum à Paradiso fuit expulsus, & porta cœli fuit clausa, donec Saluator noster per suam mortem eam aperuit. In qua etiam morte & passione apparuit rigor inflexibilis, & terribilis Diuinæ Iustitię: quia reliquit suum dilectissimum Filium in manibus tam diræ gentis, vt patuit quando cum clamore valido in cruce clamauit dicens: Deus meus, Deus meus, vt quid dereliquisti me? Quia ergo seuerissimus rigor & rigidissima seueritas Diuinæ iustitiæ ita apparuit in viridi ligno & virtutibus pleno & tam dilecto à Patre, quid erit in nobis qui sumus ligna virtutibus arida & iniquitatibus repleta? Relucet etiam huiusmodi rigor in diluuiò: tunc enim totus (præter animas octo) mundus periit.

**AMBIGVVM** ex hac vita egressum; quis nemo scit,

*Quæ sunt illa quæ semper*

no scit, vbi, quando, aut quomodo, scilicet si bene vel malè moriturus est.

**FVTVRVM** iudicium, vbi Iudex neque decipi neque precibus aut muneribus poterit inclinari, neque ab eius poterit appellari sententia, neque ab eo quisquam valebit fugere.

**POENARVM** Purgatorij acerbiter: quæ, secundum Augustinum, omnem huius vitæ pœnam superant.

**DÆMONIORVM** & pœnarum inferni horrorem, eiusq; ignem inextinguibilem.

**PERPETVAM** à dilectissimis cœlestibus ciuibus separationem.

**AMARISSIMOS** fletus & gemitus damnatorum, omni carentium solatio. Nam sicut oues in inferno positi sunt, & mors depascet eos.

**COGNITIONEM**, & confusionem suorum peccatorum.

Debet homo timere.

**ODIVM** sui, & vniuersorum quæ in toto mundo aguntur.

**POENARVM** infernalium perpetuitatem: quia in Inferno nulla est redemptio.

**PERPETVAM** illius ineffabilis gloriæ, & spei ad eam perueniendi priuationem.

**RATIONIS** obstinationem: quia qui sunt in Inferno, sunt in malo obstinati & nihil boni appetunt.

**DENTIVM** stridorem præ angustia nimietate:

qua

qua damnati vltra quàm dici potest torquentur.

DAMNATORVM detentionem & captiuitatem: non enim inde exire cum volunt, valent.

CONSCIEN TIÆ vermem, qui incessabiliter eorum conscientias corrodit & cruciat,

propter	{	Bona omissa,
		Scandala dimissa,
vel propter	{	Mala comissa:
		Bonorum dimissionem,
		Scandalorum impensionem,
		Malorum commissionem.

Leuemus igitur in æthera oculos, & orantes dicamus,

CHRISTE Redemptor pie,

Qui sumus causatux viæ,

Ne perdas nos in hac die.

CAP. XII.

De meditationum partitione per totam hebdomadam, secundum viam purgatiuam.

DEuotus religiosus, & præsertim incipiens, præcipuè se debet exercere secundum viam purgatiuam. Et vt iuxta ea quæ præmissa sunt sua habeat determinata & ordinata exercitia, diuidendæ sunt meditationes viæ purgatiuæ per totam hebdomadam hoc modo.



*Feria II. exercitium*

Feria II	} Memoria }	Peccatorum,
Feria III		Mortis,
Feria IIII		Inferni,
Feria V		Iudicii,
Feria VI		Passionis,
Sabbatho		Dominæ nostræ,
Die Dominico		Cœlestis gloriæ.

FERIA secunda debemus exerceri in memoria peccatorum, secundum tres particulas viæ purgatiuæ, quæ sunt,

- { Exasperatiua,
- { Compunctiua,
- { Eleuatiua.

Quarum exercitium hoc modo practicari potest.

IVSTICIA & iudicium iuxta Prophetam sunt præparatio sedis Domini. Quando igitur ascendere appetit cordis affectibus ad perfectam cœlestis sponsi vnionem, si pane illo, quo fruuntur spiritus beati in gloria cœlesti, quasi quibusdam micis adhuc in huius mortalis vitæ miseria exulans cupit refici, necesse est ei tria habere officia, per quæ adiuuus Diuina gratia, paulatim ascendat per scalam cœlestis contemplationis. Dicit enim diuinus Dionys. in lib. cœlest. Hier. quod tria sunt Angelorum officia: scilicet, purgare, illuminare, & perficere. Oportet ergo primò vt anima quæ adhuc in hac mortali vita existens ascendere cupit ad altissimum cœlestis beatitudinis statum, vbi Angeli Visione Diuinæ gloriæ lætificantur, studeat se purgare.

purgare. Secundò radiis Diuini splendoris illuminari. Tertio, conetur vt ascendens ad altio- rem gradum cordialium affectuum, perficiatur altitu- dine Diuini amoris, qui eam vnum cum Deo faciet spiritum. Vnde primò dicendum est de prima via, scilicet purgatiua, in qua se exercens luget pecca- ta sua & iniquitates, quas contra Deum perpetra- uit; vt sic lugens Diuinam imploret misericordiam. Nam in via ista purgatur conscientia: quod iuxta præmissa statui conuenit incipientium. Et hac via disponitur & instruitur nouum cor absque aliqua humana doctrina, vacans solùm cœlestium stu- diis doctrinarum. quantumcunque enim fit sim- plex & laicus & illiteratus qui circa hoc versa- tur exercitium, necessariò Diuina illustratione ele- uabitur, non ad theoriam scientiæ, sed ad praxim experientiæ. Vnde antequam illa increata Sapi- entia in anima sedeat sicut in proprio throno, se- cundùm illud, Anima iusti sedes est sapientiæ, o- portet in anima fieri Iudicium & Iusticiam. Iudi- cium quidem vt quemadmodum per peccatum mortale à suo Creatore se auertens, reliquit eum & contempfit, ad creaturam tam infœliciter quàm miserabiliter per amorem se conuertens: sic plene se humiliet, vt tantùm ad misericordiam Diuinam inclinet pietatem sua humilitate, quantum aduer- sum se Iustitiam & vindictam superni iudicis sua prouocauit temeritate. Iustitiam verò vt anima, quæ sui Creatoris amabilem delectationem com-

Feria II. exercitium

mutauit pro abominabili creaturæ delectatione, tāto se cruciet dolore, vt secundū rationem saltem tanta correspondeat satisfactio offensæ maiestatis Diuinæ, quanta correspondere deberet secundū rationis æquitatem iniuriæ humanæ.

QVIA igitur Fratres oportet, vt in nobis ipsi faciamus Iudicium & iusticiam, Feria secunda post matutinas hora deputata orationi veniens ad locum statutum, genu flexus, signans Crucis vexillo frontem, os, & pectus, dic hanc Antiphonam: Veni Sancte Spiritus, reple tuorum corda fidelium, & tui amoris in eis ignem accende. & ter hunc versum: Deus in adiutorium meū intende, Domine ad adiuuandum me festina. Et spiritu attracto accipe personam rei, & timoris affectu positus coram Deo, quasi quodam severo iudice te damnare volente, debes accuratissimè ad memoriā reuocare & attentissimè considerare quantum Deus quolibet offenditur peccato: & vt tali recordatione ad deuotionem compungaris, & exerciteris secundū primam particulam, quam diximus exasperatiuam, in principio orationis vulneretur cor tuum in peccatorum memoriā, te ipsum acerrimè reprehendens: & his actus stimulis, meditans dic;

O A N I M A M E A,

Considera nunc attentissimè & totis viribus sentire satage, quantum vnum solum peccatum displiceat Deo.

INTVERE diligenter & vide, quomodo superbia

perbia è cœlo Luciferum eiecerit: Adam inobedientia de Paradiso: & luxuria consumptæ sunt Sodomæ & Gómorra: & totus mundus diluuió periiit.

**CONSIDERA** quomodo Filius Dei Redemptor tuus, propter peccatum tam amarissimam sustinuit mortem; ne peccatum scilicet maneret impunitum, & iustitia Diuina absq; satisfactione.

**RIMARE** etiam in corde tuo, non nisi secundum opera tua Deum te iudicaturum.

**CONTEMPLARE** Deum esse,

Æquitatem { Intelligibilem,  
                  { Infallibilem,  
                  { Indeclinabilem,

non minùs in punitione malorum, quàm in glorificatione electorum. Vnde secundum opera tua tribuet tibi.

**ANIMO** quoque tuo reuolue peccata ante tuam conuersionem commissa quàm multiplicia sunt, scilicet Cogitationis, consensus, delectationis, oris, & operis: tot enim sunt, vt præ multitudine ea nequeas numerare.

**ADVERTE** quàm turpia, & præcipue quantum ad carnalia: in quibus tamen non est commorandum; ne vnde quæris contritionem, decipiaris à delectatione.

**ATTENDE** quàm grauia quibus DEum offendisti, & iterum Christum crucifixisti.

**RECOGITA** quoque peccata post conuersionem perpetrata, quomodo semper tam negligenter,

*Feria II. exercitium secundū viam purgatiuam.*

glicherweise, tam tepidè, tamq̃ inutiliter tot vix-  
ris annis.

**CONSPICE** peccata tua sigillatim, & ea in  
conspectu DEI confitere. & cum te examinaue-  
ris, ista diligenter in corde tuo pertracta,

Quàm { modicum pro tuis satisfeceris peccatis :  
modicum pro eis dolorem assumpseris :  
pauca opera satisfactoria pro eis feceris.

Scias quidem te in hac vel in futura vita solutu-  
rum vsque ad vltimum quadrantem. Et ideò di-  
cit Bernardus : Centuplum reddes quod hîc sim-  
plo soluere posses. Cum igitur tu peccator, & præ-  
cipuè si nouiter incipis ista in animo tuo versa-  
ueris, & te timore confixum senseris, ac interius  
dolore plenum non timore Inferni quo dignus es,  
sed quia tuum benignissimum Deum offenderis,  
humilians animam tuam, inclina faciem tuam, siue  
caput super genua interpositis brachiis, indignum  
te reputans cœlum suscipere; & dirigens cor tuum  
in Deum cum amara contritione, dic: O piissime  
Pater, ego sum ille filius prodigus, qui omnia sce-  
lera hæc contra tuam immensam maiestatem per-  
petraui, & ingratus extiti: tu enim me innocentem  
condidisti, sed ego meipsum pollui, deformauit, &  
vniuersis peccatis lacerauit. Tu Domine pro me  
crucifixus, vulneratus, humiliatus es; & ego omni-  
bus viribus exaltari curauit. Tu Domine nudus in  
cruce; & ego vanis & lasciuis indutus vestibus.  
Tu Domine felle & aceto potatus; & ego in co-  
messa-

messationibus & ebrietatibus sum delectatus. Tu Domine totus multiplicibus laboribus plenus; & ego torpens & ociosus. Quid igitur faciam Domine? Nunquid desperabo? Vbi est illud quod ait Propheeta? Nolo mortem peccatoris, sed vt conuertatur & viuat. Æs eruginosum & speculum maculis respersum expurgatur, igitur & ego per viam

Purgatiuam { Contritionis,  
Confessionis,  
Satisfactionis,

lima purgari curabo. Et sicut meipsum exaltaui, sic fiam abiectio & opprobrium hominum.

Contra auaritiam proprietatibus renuntiabo; contra carnis illecebras, ieiuniis, vigiliis, fame, & siti me affligere non cessabo: ac meipsum per tria expurgare conabor; scilicet,

per { Gemitum orationis,  
Caminum tuæ passionis,  
Incendium tuæ dilectionis.

EXERCITATA igitur anima hoc modo in prima particula viæ purgatiuæ, & per dolorem asperum ex suorum memoria peccatorum amaritudine & dolore plena, transeat ad secundam eiusdem viæ particulam, scilicet Compunctiuam, & viuaci affectione dicat:

O DOMINE DOLEO

Tuam amicitiam amisisse.

Tuam maiestatem contempnisse.

C 5

Iniqui-

*Feria II. exercitium secundū viam purgatiuam*

Iniquitatibus meis consensum præbuisse, & multifarie culpabilem vitam egisse.

Tempus & vires tam animæ quàm corporis dilapidasse: Iussa tua & tuæ sanctæ Ecclesiæ ac maiorum meorum transgressum fuisse: In resistendo peccatis, pœnitendo, & in virtutibus proficiendo infirmum fuisse. Laborem manuum, orationem, meditationem, & lectionem neglexisse: Habitum, consuetudinem, & creberrimam intentionem peccandi habuisse: Ingratitudinis nequissimo vitio, ultra quàm dici potest te offendisse, Te enim mihi scelerum meorum indulgentiam sæpissimè concedente, fateor me miserum in eis iterum & iterum & infinities reincidisse. Charitatem, vitam animæ meæ, peccatorum meorum innumerabili multitudine frequentissimè in me extinxisse: Timorem tuum delictorum meorum grauedine & ingenti abominatione quæ contra te Dominum maiestatis commisi deseruisse. Et hoc modo humiliatus, compunctus, & confusus orans dic: O Domine Deus meus IESV Christe, ego sum ille iniquus & infelix omnium peccatorum infœlicissimus & abominabilissimus peccator, qui tot & tanta contra tuam immensam maiestatem crimina perpetraui, vt ea numerare non sufficiam, sunt enim super numerum arenæ maris, quæ præ multitudine numerari non potest. Et orans hoc modo vel alio prout te contritio cordis vel deuotio inclinauerit, ex omnibus viribus tuis satage emittere viscerosa suspiria & gemi-

& gemitus. siquidem queadmodum lima purgat & polit ferrum auferens ab eo omnem rubiginem; sic cordialia suspiria & gemitus peccatorum & vitiorum eruginem destruunt, & rore Diuinæ gratiæ penitus diluunt. Et sic ex præcordiis suspirans & gemens dic: Quò igitur Domine à facie maiestatis tuæ fugiam? si ascendero in cælum tu illic es, si descendero ad infernum, ades. atque ita orans adde: O Domine quid faciam? Nunquid meipsum interficiam? Absit Domine: scio enim te piissimum omnibus qui ad te in veritate conuertuntur, & miserationes tuæ supra omnia opera manuum tuarum. Si autem neque sic dolorem in te vales excitare, non propterea cesses per singulas noctes in tuis exercitiis prædicta saltem cursim transcurrere. Nam Deo satis est vt conemur facere quod in nobis est. Et adhuc sæpè Dominus noster expectat finem operum nostrorum, & derelinquit nos aliquantulum non impendens nobis compunctionem, neque aliquam consolationem, vt fides & patientia in nobis probentur, & peccatorum nostrorum maior compunctio nobis fide & patientia probatis per ipsum donetur.

POSTQVAM sic te in particula compunctiua exercueris, de Domini misericordia non desperans, erige per spem animam tuam secundum illam particulam quæ appellatur Eleuatiua; & cum grandi fiducia sustolle caput quod hactenus supra genua tenueras: & erectus stans parumper quiescens



*Feria II. exerc. secundū viam purgatiuam*

scens collige animam tuam, & cum dulcedine mentis eleua te intra temetipsum ad laudandum Dominum, implorans eius Misericordiam, contemplans eius Magnitudinem & Nobilitatem, his quinque verbis magnæ deuotionis excitabis,

ô { Domine,  
      { Bone,  
      { Pulcherrime,

ô { Dulcis,  
      { Misericors.

Ad obtinendum siquidem eius gratiam, sine qua eius consequi misericordiam est impossibile, oportet vt ad similitudinem parasitorum Principum magnorum curias discurrentium, qui cū aliquod munus temporale acquirere cupiunt ab aliquo Principe, primò eum multis modis laudant, & deinde quod desiderant expostulant: sic spiritualis fias parasitus, laudans Dominum ad obtinendam tuorum veniam facinorum. Et cū Deus tantæ sit excellentiæ, vt nullius humanæ linguæ officio possit prout in se est nominari, eum per opera eius nominamus: & per eandem eius Magnitudinem & Nobilitatem commendamus, primò in quantum est Principium & Origo totius creaturæ, dicentes: O Domine, scilicet Factor omnium creaturarum. Bone, secundū quod se habet ad animas sanctas & ad Angelos in æterna beatitudine: ac si diceremus, O summa Bonitas quam facie ad faciem vident & contemplantur omnes Angeli, & animæ sanctæ in illa ineffabili Fœlicitate. Tertiò, nominamus eum considerantes modum secundū quem

quem se habet ad vniuersa creata, tam rationabilia quam irrationabilia, scilicet quomodo dominatur omnibus & quomodo in tanta pulchritudine ea creauerit, dicentes: Pulcherrime, id est o omnium creaturarum pulchritudo. Dulcis, id est o Dulcedo omnium iustorum. Misericors, scilicet omnibus peccatoribus, miserere mihi peccatori, tribuens indulgentiam omnium peccatorum meorum. Et ubi in quinque istis Dominum laudaueris, secure omnium iniquitatum tuarum veniam poteris postulare. Et hoc modo orare docemur in Canticis, ubi Sponsam alloquens, ait Sponsus: Vox tua dulcis & facies tua decora, scilicet per tenebrarum fugationem, quibus ante caligauerat. Et quolibet istorum quinque verborum coelestis Sponsus modo speciali poterit commendari. Et adeo animae deuotae conueniunt ut semper deberet ea corde ruminare. Et cum orare volueris, non erit tibi necesse per multitudinem verborum vagus discurrere, sed intra te ipsum collectus, & non per ea quae foris sunt dispersus, poteris orare, dicens; O Domine bone, pulcherrime, dulcis, misericors, propitius esto huic peccatori, quem precioso sanguine Filii tui redemisti. Et haec dicens verba ad hoc solummodo debet intendere, scilicet ut tuorum veniam peccatorum valeas obtinere. Et quia pro aliis orare est valde meritorium, atque non minus Deo gratum, ideo istis eisdem verbis orare debes pro cunctis tam fidelium quam infidelium statibus dicens, O Domine

*Feria II. secundum viam Purgatiuam*

mine &c. propitius esto vniuersis peccatoribus: & conuerte omnes infideles ad agnitionem tuæ sanctæ Fidei Catholicæ. & poteris nonnunquam ab hoc tuum inchoare exercitium. Post hæc implora quoque misericordiam Redemptoris nostri, & expurga te, ponens inter te & Deum eius preciosam mortem & passionem, dicens: O Domine per sanctam passionem dilectissimi Filii tui qui pro me in cruce immolatus est, propitius esto mihi peccatori. Vel dicens: Per sanctam Incarnationem dilectissimi Filii tui, vel per sanctam Natiuitatem, prout scilicet occurrerit meditatio Vitæ Dominicæ secundum occurrentem feriam. Rursum obsecra per sanctorum & præcipuè Dominæ nostræ intercessionem, dicens: O piissima Virgo mater Dei & Saluatoris nostri, tu quæ es Sanctissima, humilima, & benignissima supra omnes sanctos cœlestis curiæ, & inclinas aurem tuam vt exaudias orationes seruorum tuorum, & semper es iuuare parata, si tu Domina dignaris inclinans te ante Diuinam maiestatem orare pro me, qui sum supra modum peccator superbissimus & cunctis deterior peccatoribus, tecum pariter ô Domina inclinabitur tota cœlestis curia dicens: Inclina Domine aurem summæ pietatis tuæ ad supplicationes Sanctissimæ Genitricis tuæ, dignissimum namq; est, vt

eius

{ Intuitu,  
{ Intercessione,  
{ Affectu,

tribuat

Gratia & Benedictio miserabili & per-  
 tribuatur } Cura & medicatio ægro, (dito,  
 Venia & remissio reo.

O Pientissima virgo, si ego sum indignus, tu Do-  
 mina dignissima: si ego superbissimus, tu Domi-  
 na humilima: si ego immundus, tu mundissima:  
 si ego foetidissimus, tu fragrantissima: si ego car-  
 nalis & libidinosus, tu virgo purissima: si ego pec-  
 cator nequissimus, tu sanctissima. Ex omnibus  
 igitur præcordiis meis te supplico, per vniuersos  
 illos dolores quos feruentissimo amore pro tuo  
 dulcissimo Filio pertulisti, digneris pro me mise-  
 rabili & derelicto interuenire & supplicare, per fu-  
 gam Egypti; per amissionem dilectissimi Filii tui  
 in illo triduo, quo inter Doctores demoratus est  
 in templo disputans; per illum dolorem quem  
 habuisti cum suam mortem & passionem tibi in  
 Bethania pronunciauit; per illud amarissimum  
 verbum quod in cruce te alloquens dixit: Mulier  
 ecce filius tuus: per fellis & aceti amarissimum po-  
 tum ei subministratum; per latus preciosum mu-  
 crone diræ lanceæ perfoßum; per eius preciosissi-  
 mi corporis in sacrosancta brachia tua descen-  
 sum; vt mihi dignetur dimittere omnia peccata  
 mea, largiriq; in præfenti vita gratiam, & in futura  
 æternam suam gloriam. Et his peractis conuerte-  
 re ad Sanctos: videlicet,

FERIA secunda ad omnes Angelos genera-  
 liter, & ad Angelum custodem specialiter: qui in  
 magna

*Feria II. secundum viam Purgatiuam*

magna deuotione & reuerentia tibi habendus est, & offer ei quotidie aliquam deuotam orationem. Sancto quoque cuius festum illo die celebratur.

**FERIA** tertia, vt supra dictum est, ad Dominam nostram, & ad Sanctos Patriarchas, Prophetas, Apostolos, Euangelistas & discipulos Domini, accipiendo vnum eorum pro principali aduocato cum Sancto qui illo die celebratur.

**FERIA** quarta ad Dominam nostram, & ad sanctos Martyres.

**FERIA** quinta ad Dominam nostram, & ad Confessores.

**FERIA** sexta ad dolorosam & amarissimam Domini passionem.

**SABBATHO** ad Dominam nostram cum vniuerso choro Virginum.

**DIE** Dominico ad beatissimam Trinitatem, eam supplicans per suam Omnipotentiam, & per Sapientiam Filii, & per Bonitatem Spiritus Sancti, considerans immensam Dei altitudinem & mirabilem eius super filios hominum dispensationem. Et cum hoc modo Diuinam imploraueris misericordiam; dilata animam tuam adorans, magnificans, & gratias agens pro susceptis beneficiis, & signanter pro beneficiis illius diei, & contritione, & deuotione, & pro aliis donis tunc receptis, dicens: O super summe Domine anima mea te adorat, magnificat, & gratias impendit, pro tot & tantis muneribus à tua largiflua magnificentia receptis.

Ex totis

Ex totis præcordiis meis tuæ me dedico pietati. Et his dictis post trinam pectoris tunctionem dic ter hæc verba: Deus propitius esto mihi peccatori. atque exurgens sta in tuis pedibus cum ingenti reuerentia, & dic Psalmum: Laudate Dominum in Sanctis eius: vel Psalmum: Lauda anima mea Dominum: vel Psalmum: Benedic anima mea Domine, vsq; ad Versum, Renouabitur vt aquilæ iuuentus tua, cum Gloria Patri, & Pater noster, & Aue Maria, dicens in fine, Et ne nos. Sed libera nos. Domine exaudi orationem meam, Et clamor meus ad te veniat: Oremus, Deus ad quem dignè laudandum. vel de Trinitate: Omnipotens sempiternus Deus, qui dedisti famulis tuis. Et hoc modo finitur exercitium huius viæ purgatiuæ.

DEBES tandem aduertere quòd quamuis quælibet istarum trium viarum habeat nomen determinatum & proprium modum procedendi, non propter hoc extimescas quin in earū qualibet seorsum te exercitans, in omnibus simul tribus, diuina præuentus gratia, valeas exerceri, scilicet Purgatiua, Illuminatiua, & Vnitiua, tuas misérias recognoscens, gratias agens, & ad adorandum & magnificandū Dominum animam tuam dilatans. Et caue ne finito præfato exercitio statim diffundaris, sed pro viribus stude conseruare cor tuum in sua virtute & vigore, ne vaga vel fluida cogitatione aut vana lætitia dissoluaris: & sic anima tua lucrum perdat compunctionis, dans locum vanis & fluidis cogitationibus.

*Feria III. secundum viam Purgatiuam*

bus: sed stabilire cura cor tuum in vita Domini secundum meditationem eius in illa die, vel in aliqua alia materia sancta deuotionis excitatiua.

CAP. XIII.

Quid feria tertia post matutinos sit meditando.

**F**Rater dilectissime in oratorio positus, & crucis signaculo insignitus, spiritu ad te reuocato, prout supra feria secunda diximus, forma meditationem circa mortem hoc modo. Et vt semper eius horam habeas suspectam

Cogita

**Q**UOMODO improuisa veniet: nam sicut fur ita ventura est cum eam minus suspicatus fueris, cum minus fueris præparatus, cum maior tibi fuerit viuendi fiducia, cum multa facere proposueris.

Et versa & reuersa accuratissimè in corde tuo modum & ordinem, quo ad mortem tendimus; & interdum ac si statim esses moriturus: & sic profundius senties sequentia.

**Q**UOMODO mortem præcedet quædam grauissima infirmitas: & quomodo huius languoris cæteræ infirmitates sunt nuncii.

Languoris grauitatem. Considera terrorem naturalis inclinationis non mori sed permanere vehementer affectantis.

Cogita

## Cogita

**QVOMODO** cum iam tibi transitus tuus ab hac vita innotuerit indicantibus tibi hoc medicis, vel te hoc in teipso prognosticante, quantus erit tunc clamor conscientiae, quantus remorsus, quia cum potuisti non te disposuisti: tunc omnia peccata tua ad memoriam tibi reuocabuntur.

**QVANTO** pro eorum singulis & passionibus quas non superare curasti, dolore cruciaberis.

**SI** in tali mortis esses constitutus articulo & vitiis & concupiscentiis astrictus, quantum vnum annum vel saltem vnam horam appeteres sanitatis.

**QVOMODO** cum ad illam perueneris horam, si tempus preteritum ad aeternitatem ad quam es transiturus comparaueris, quam breue tibi videbitur: tota vita tua tibi somnium fuisse videbitur. Et omnes dies tui erunt tunc tibi ac si per modicum spatium videlicet vnus miliaris perambulasses.

**QVANTVS** tibi erit dolor cum te propter momentaneam & minimam delectationem aeterna & ineffabilia amisisse gaudia lugebis.

**QVAM** amarissimum erit diuortium cum auulsus eris ab his rebus quas hic male amasti, scilicet ab honoribus, & status celsitudine ad quem hic totis viribus inhiasti, & a deliciis quibus tam auide adhæristi, & similiter de aliis multis similibus.

De dispositione morientis, quomodo corpus nigrescit, rigescit, & caligant oculi.



*Feria III. secundum viam Purgatiuam*

**QVOMODO** dæmones ibi assunt tanquam rugientes leones præparati ad escam animam præstolantes.

**QVOMODO** misera anima eius exitu instante de corpore incipiet anxie considerare regionem illam sibi incognitam ad quam tendit, & quot dæmones eam præstolantur. Quam inuita à corpore egredietur, & quam libenter si posset ad illud regrederetur: non tamen potest, quia omnes portæ sensuum sibi clausæ sunt. itaq; cogitur inde exire, & per medios dæmones transire.

*Cogita*

**QVOMODO** tunc spiritus singulorum vitiorum ad eam concurrent, quærentes singuli quod suum est. Spiritus superbiæ, superbiam: spiritus luxuriæ, luxuriam. Itaq; vnusquisq; illorum immundorum spirituum quæret quod suum est.

**POSTREMO**, quomodo anima de corpore egressa mox ante Tribunal Iudicis statuatur, tunc sententiam receptura irreuocabilem: & vbi lignum ceciderit, ibi erit in perpetuum.

**ADVERTE** quomodo tumulo cadauer traditur, & perpetuæ obliuioni: hospes enim vnus noctis fuit in hoc mundo, & abiit, & periit memoria eius de terra.

**HOC** modo per contrarium meditationes formare potes de morte iustorum. Nam iusti præcognoscentes se de hac vita migraturos, valde lætantur suæ testimonio conscientia: quia se per mortem

tem vident ab huius vitæ miserijs liberari. sed & quia hic carnalibus non fuerunt illecti concupiscentiis vel alijs, non dolent hinc egredi.

Et post horum vel aliquo eorum meditationem prout noueris sufficere ad compunctionem & deuotionem excitandam, assume personam rei vel serui, qui Dominum suum offendit: & humilitatis & doloris affectu forma orationem ex intimis cordis tui, sicut supradictum est, recognoscensq; tuam miseriam postula misericordiam, dicens: O Domine, bone, pulcherrime, dulcis, misericors, miserere mihi peccatori, quem precioso sanguine Filii tui redemisti. Et his dictis implora misericordiam nostri Redemptoris, ponens inter te & Deum preciosam suam mortem & passionem, dicens vt supra; O Domine per sanctam passionem preciosissimi Filii tui, qui pro me in ligno crucis immolatus est, propitius esto mihi peccatori. Et post hæc conuerte tuæ meditationis oculum ad Dominam nostram, postulans auxilium ab ea, sicut supra est expositum. deinde ad Sanctos illius feriæ; & specialiter ad Sanctum cuius solennitas illo die agitur. Et tandem adorans, magnificans, gratiasq; agens, tuum terminabis exercitium, secundum ea quæ fuerunt dicta in fine secundæ feriæ.

CAP. XIII.

De his quæ post matutinorum ex-  
pletionem feria quarta sunt me-  
ditanda.

**I**gitur Feria quarta ad oratorium veniens, post-  
quam te signaculo crucis insignieris, spiritumq;  
recollegeris secundum quod Feria secunda diximus,  
forma meditationes circa pœnas inferni hoc modo.

**DEBES** Frater considerare pœnas inferni ip-  
sumque infernum secundum aliquas similitudines,  
quas Sancti in hac materia assignant.

Confidera

**QVODDAM** teterrimum chaos, quendam  
locum sub terra tanquam quendam profundissimum  
puteum totum ignitum.

**CIVITATEM** quendam horribilissimam &  
maximam, tenebrosam, flammis teterrimis & ter-  
ribilibus succensam & ardentem: vbi commoran-  
tes validos emittunt clamores, ululatus, & omnes  
miserabiliter ac inconsolabiliter plangunt, præ do-  
lorum magnitudine & numerositate: nec est lingua  
mortalis quæ eos sermone explicare valeat.

**PER** has & similes figuras inexplicabilem pœ-  
narum acerbitatem. Nam vt Beatus August. dicit:  
Tantum ignis inferni ab isto igne distat, quantum  
verus distat ab igne depicto. Et idem considera  
circa

circa algorem & foetorem. Acerbitas poenarum clarè patet in stridore dentium, gemitibus, planctibus, & blasphemis quas in Deum inferunt.

POENARVM multipliciter, ibi est terribissimus ignis qui nunquam extinguitur, intolerabilis calor, intolerabilis foetor, palpabiles tenebrae, ibi omnes sensus incessabiliter cruciabuntur. Visus, in terribili daemonum aspectu. Auditus, in gemituum, fletuum, & clamorum auditione.

Confidera

MISERABILEM societatem, & tortorum immanissimam feritatem: sunt enim absque vlla pietate, neque in torquendo lassescunt, neque ad misericordiam vnquam inclinantur: sed insultantes eis quos cruciant dicunt: Vbi est nunc vestrae gloriae claritas? vbi status vestri sublimitas? vbi superbia? vbi deliciae? & sic de aliis vitiis.

QUOMODO in omnibus membris damnati vexantur, sed in his acerbis quibus deliquerunt.

POENAS interiores, scilicet Conscientiae remorsum, & vermem qui nunquam morietur. Quis igitur sufficienter contemplari poterit quantum reprobi ibi crucientur? eo quòd in hoc mundo viuentes modicis & quasi momentaneis laboribus huius vitae, illos acerbissimos & nunquam finendos euadere non curauerunt, cum potuerunt.

INTERIORES passiones quantum in ipsis regnabunt. Erunt enim vltra quàm dici potest iracundi, & inuidi sicut canes rabidi, recordabuntur

*Feria III. secundum viam Purgatiuam*

tur quidem præteritorum peccatorum, & præcedentium deliciarum ad suppliciorum augmentum, & lamentantes dicent: Quid profuit nobis superbia? quid luxuria? quid cupiditas? quid gloria temporalis? quid carnis oblectamenta?

POENARVM diurnitatem, quarum nullus est finis, neque per millia millium annorum; quia ibi nulla est redemptio, & per consequens neque finis.

FRATER igitur dilectissime, conscientia tua præmissis meditationibus stimulata, conuertere ad Dominum dicens in corde tuo: O altitudo sapientiæ & scientiæ Dei, quàm incomprehensibilia sunt iudicia tua. O Domine quot cruciantur in inferno pro vno solo peccato? Et ego qui tot & tanta commisi, quantarum sum reus poenarum; iustissimè reus sum damnationis æternæ, obnoxius enim sum omni supplicio & indignus omni beneficio. Itaque his verbis aut similibus ex intimis præcordiis prolatis, humilia coram Domino animam tuam ante cuius es conspectum. Nam cum orationi intendis, firmiter debes credere te esse coram Domino, & quò te magis mortis æternæ reum iudicaueris & intra te humiliatus fueris, eò citius absolutus eris, & in altiori statu subleuaberis. Itaque dolore punctus erige per spem animam tuam; & fiducia veniam consequendi deuotè forma orationem in intimis cordis tui, assumens personam rei, & humilitatis & timoris affectu, tuas calamitates &

tes & miserias recognoscens, implora Diuinam misericordiam; & age gratias, eius contemplans beneficia, secundum quod dictum est in aliis feriis.

## CAP. XV.

In quibus meditationibus debet religiosus exerceri feria quinta post matutinalem synaxim.

**F**eria quinta constitutus in loco orationi deputato, armans te Sacro Crucis vexillo, collecto spiritu, sicut patuit fer. II. sic formabis meditationes circa finale iudicium.

Attende

**Q**UANTVS erit terror, cum illam Archangeli tubam, & illa tam terribilia signa tonitruorum & fulgurum audient & videbunt peccatores. Turbabuntur horrore terribili vltra quam dici potest.

Attende

**I**VSTI Iudicis iram implacabilem, qui veniet contra eos qui eum offenderunt, & quantum illi reprobi terrebutur.

**A**MARISSIMVM illud diuortium: cum iusti, humiles, & mansueti, ponentur à dextris; superbi autem, inuidi, & luxuriosi, à sinistris, nunquam de cætero coniungendi.

D S

Quan-

*Feria V. secundum viam Purgatiuam*

**QVANTVS** tremor, quantus terror, quanta admiratio erit tunc superbis & elatis, cum se humiliatos, abiectos, pauperes, viles & despectos viderint: & quos viles reputabant, in gloria à dextris Christi astare conspexerint? vnde & præ dolore intra semetipfos dicent: Isti sunt quos aliquando habuimus in derisum. Et è contrario, iusti stabunt in magna constantia aduersus eos, qui se angustiauerunt.

**QVOMODO** ibi omnium operum & cogitationum est reddenda ratio. Illic Hierusalem scrutabitur in lucernis, hoc est, illi qui nunc videntur Sancti, ibi examinabuntur, & quicquid in eis latebat, illic clarè patebit: testes erunt Angeli & Dæmones: qui ostensuri sunt nobis quæ fecimus mala, tempus pariter, & locum. Propria quoque peccata & totus mundus peccatores accusabunt.

Attende

**QVOMODO** Christus insignia passionis sue ostendet: & malis suæ incarnationis beneficia improperebit, quia eum contempserunt.

**ILLAM** tam terribilem & irreuocabilem sententiam, cum dicturus est: Ite maledicti in ignem æternum.

**DVLCESSIMVM** Conuiuium æternæ Cœnæ, ad quam vocandi sunt iusti illis suauissimis verbis: Venite benedicti Patris mei, percipite Regnū quod paratum est vobis ab origine mundi.

**QVANTVM** Deo placent opera misericordiæ & pietatis: cum sola ea Christus Redemptor noster in iudicio allegare videatur. Quo.

**QVOMODO** iusti ibunt in vitam æternam, mali autem ad æterna tormenta. Et ista duo loca, scilicet Paradisus & Infernus propter interpositum magnum chaos, in æternum permanebunt diuisa. Stimulata igitur Frater conscientia tua per supra-positam meditationem, verte cor tuum ad Dominum, & dices: O Dñe quis euadere poterit illud tam iustum & tam tremendum Iudicium? O Domine non intres in iudicium cum seruo tuo, quia non iustificabitur in conspectu tuo omnis viuens. Et per hæc verba vel similia, forma orationem vt supra patuit.

**CAP. XVI.**

**Quæ cogitanda sunt feria sexta post matutinorum officium.**

**P**ostquam feria sexta ad oratorium veneris & te crucis signo munieris, collecto spiritu, prout supra dictum est feria secunda, forma tuas meditationes, quomodo scilicet Redemptor noster in horto orabat, & ac si ibi præsens esses

Debes considerare

**QVOMODO** consummata cœna in Ierusalem in cœnaculo in monte Sion egressus est cum discipulis suis in hortum.

**CVM** quanta eos benignitate alloquitur dicens: Vigilate & orate ne intretis in tentationem.

**Quomodo**



*Feria VI. secundum viam Purgatiuam*

**QVOMODO** est auulsus ab eis, & sciens omnia quæ super eum ventura erant se muniuit armis orationis.

**QVOMODO** in agonia positus fuit in eo tantus dolor & timor in parte sensitiua, vt per omnia corporis membra sanguinei sudoris guttæ scaturirent, insinuans per huiusmodi sudorem magnitudinem internorum dolorum & anxietatum.

**QVOT** & quanti fuerint dolores & eorum causæ, & acerrimi dolores gladii cor suum transfigentes; quorum omnium causa fuerunt peccata electorum præcedentium, præsentium, & futurorum, quæ omnia ipse clariùs, apertiùs, & distinctiùs vidit, quàm aliqua mens humana aliquid valeat cognoscere.

**QVOMODO** ibi satisfacit Patri pro iniuriis sibi illatis, pro singulis electorum peccatis singularem ei offerens satisfactionem; scilicet singularem dolorem, & passionem sustinens pro vnaquaq; Patris sui offensa.

**QVOMODO** tunc præsentata fuerunt ei omnia peccata tua, vsque ad minimum veniale, sigillatim: & quantum pro eorum singulis assumpsit dolorem Patri pro te abundantissimè satisfaciens.

**CONDITIONES** quæ in eo fuerunt ex quibus tam incomparabiles dolores oriebantur,

Debes considerare.

**PRIMAM** conditionem, quia erat Filius Dei; & ideo vehementer dolebat de offensis Patris.

Secun-

**SECUNDAM**, quia erat pacis Mediator inter Deum & homines: & quantò pacem diligebat; tantò de inimicitia & ira Dei contra homines ex peccato exorta dolebat.

**TERTIAM**, quia erat animarum Sponsus, & earum pulchritudinem ardentè amabat; vnde propter eam fuit doloribus plenus.

**QUARTAM**, quia erat Gratia reparator, quæ per peccatum fuerat destructa.

**QUINTAM**, quia erat vniuersalis Redemptor; & oportebat ne peccatum maneret impunitum, vt pro omnibus Diuinæ iustitiæ solueret & satisfaceret.

**ACCERRIMOS** doloris gladios cor eius transfigentes.

Debes considerare

**PRIMO**, videns gloriæ suæ Regnum diuersis peccatis ita expoliatum, & quàm rari illud erant ingressuri.

**SECUNDO**, videns gratiam multiplicibus peccatis destructam in animabus, & suam Sacrosanctam passionem paucissimis profuturam. Nam cum ipse esset ipsamet Gratia, dolebat de peccatis tanquam sui destructiuus.

**TERTIO**, propter nostram ingratitude, in quantum considerabat peccata illorum, qui post cognitionem tam inæstimabilis redemptionis, non verentur ad peccata redire, eum in seipsis denuò crucifigentes.

Quartò

*Feria VI. secundum viam Purgatiuam*

**QVARTO**, videns ianuas inferorum patulas & omnes reprobos damnatos, & vsq; ad finem mundi damnandos.

**QVINTO**, cum nudè, clarè, ac distinctè omnes dolores, opprobria, & impropria quæ continuò erat passurus, fuit intuitus.

**SEXTO**, cum ei illic fuerunt præsentati omnes suæ Sanctissimæ Matris, & omnium discipulorum suorum dolores, ac vniuersæ Martyrum omnium cruces, & cæterorum labores electorum: quæ vsq; ad finem mundi propter eum erant passuri, omnes enim animam suam transfixerunt.

**ACERBITATEM** dolorum, ex suarum viuacitate potentiarum: excedunt enim omnem mensuram, qui fuerunt longè plures & maiores, quàm nos intelligere valemus.

**SVA** infinitam misericordiam ex parte nostri, & ex parte Dei tam copiosam redemptionem & satisfactionem.

**O DVRISSIMVM** cor, quantum malum erit tibi in nouissimo tempore, si ad tot amoris insignianequis frangi, & totum per amorem resolui: & tot vinculis allectiuis non potes à tua durtia auelli.

**AGITATA** igitur Frater conscientia tua per præmissam meditationem, verte ad Dominum oculum mentis tuæ, procidens ante suos sanctissimos pedes: petensq; indulgentiam omnium peccatorum tuorum, & ingratitude, & frigiditatis hæc-

nus à

nus à te habitatum: proponensq; de cætero cale-  
scere ad tantum amoris ignem dices cum Prophe-  
ta: Memoria memor ero, & tabescet in me ani-  
ma mea, scilicet propter ea quæ dicta sunt. Et sic  
prostratus non finas eum donec benedicat tibi. cæ-  
tera fiant sicut in præcedentibus feriis.

## CAP. XVII.

De materia meditationis Sabbatho  
post matutinalem synaxim.

Sabbatho in oratorio positus, ac crucis vexillo  
S insignitus, spiritu ad interiora reuocato, vt pa-  
tuit Feria secunda, forma tuas meditationes con-  
siderans maximos dolores Dominæ nostræ hoc  
modo: Attende igitur quod si eius filius cupis esse  
& eam tuam aduocatam, oportet te condolere ei  
quæ omni tempore vitæ suæ fuit plena doloribus,  
angustis, laboribus & afflictionibus, tota quippe  
eius vita fuit quoddam dolorosum martyrium.

Attende quem habuit dolorem,

CVM vidit suum benedictum Filium in præse-  
pio vagientem præ frigoris asperitate, nil habens  
quo eum operiret.

IDEM in crucifixione: & in eo quod Simeon  
ei prædixit, quod suam illius gladius animam esset  
transfixurus: In fuga Ægypti: In triduo illo quo e-  
um quærens tandem inuenit in templo: & in toto  
eius

*Sabbatho secundum viam Purgatiuam*

eius vitæ decursu, videns eum fame & aliis inopiis vexari, neq; valens ei subuenire.

**C V M** vidit eum sæpè plorantem : cum quo & ipsa lugebat.

**C V M** vidit eum ex itineribus fatigari, fame & siti cruciari ; & docentem contemni, vilipendi, & blasphemari, & ad comprehendendum obseruari : nunquid hæc non fuerunt ei immanissima martyria? reuera sic.

**C V M** toties audiebat eum de morte & passione sua loquentem : si enim Petro & aliis Discipulis erat tam graue eum de passione sua loquentem audire; quid putas dicendum de Matre, quæ eum tam tenerrimè diligebat?

**C V M** cognouit eum à Iuda fuisse venditum, à Iudæis comprehensum, & à Discipulis derelictum.

**C V M** vidit de Iudice ad Iudicem trahi, & mortis sententia in eum data crucem in humeris baiulare.

Attende quem habuit dolorem,

**C V M** vidit eum in cruce, & audiuit eum in ea loquentem transfixo corde doloris magnitudine sui dilectissimi Filii, & in agonia positum vidit spirare. Et cum de cruce depositum in suis sacrosanctis vlnis est intuita mortuum & tam dirè vulneratum. Et cum conspexit eum tumultuari, magnitudinem suorum tunc dolorum non est lingua quæ possit depromere.

**MANENS** in cœnaculo cum Ioanne & Mariis, & aliis discipulis qui postea superuenerunt, quomodo

quomodo erant supra modum tristes & afflicti propter mortem & passionem Domini die hesternā celebratam : & ac si ibi adesses intuere diligenter quā̄m̄ m̄cestum est videre, quòd̄ Domina mundi, & Principes Diuini exercitus, sic sint reclusi in quadā domuncula, pleni timore, amaritudine, & dolore.

C V M adinuicem loquebantur magnis fletibus, & singultibus.

C V M Discipuli aderant pleni pudore & confusione, eo quòd̄ eum dereliquerant : & præcipuè Petrus qui eum negauerat: omnes percutientes pectora sua postulantes sibi à Domina veniam præstari.

C V M eos verbis consolatoriis consolabatur & confortabat dicens : Magister bonus & pastor fidelis discessit à nobis, & ecce mansimus sicut orphani; sed firmiter expecto nos citius eum rehabituros. Vos scitis quā̄m̄ benignus est Filius meus & quantum vos diligebat, non dubitatis quia benè reconciliabimini ei, & libenter remittet omnem offensam. Tantus autem permissione Patris fuit furoris impetus contra eum, & ita præualuit malorum audacia, quòd̄ non potuissetis eum iuuare etiam existentes cum eo ; & ideo nolite turbari. Et quā̄m̄ uerecundè respondit Petrus, dicens : Verè Domina ita est ut dicis : nam & ego qui tantam de me ipso confidentiam habebam, tanto in atrio Cayphæ fui timore percussus, ut vix crederem me euadere posse; & eum negaui; nec fui memor verborum quibus hoc prædixerat mihi, quousq; me respexit.

*Die Dominico secundum viam Purgatiuam.*

CONSCIENTIA igitur Frater tua per præcedentem meditationem stimulata, conuertere ad Dominum; petens ab eo veniam omnium peccatorum tuorum, quibus toties eum negasti, quoties in eum deliquisti; & ad Dominam nostram cum omnibus aliis Sanctis, sicut fuit præmissum.

CAP. XVIII.

Que meditaturus est Exercitator die Dñica expleto matutinorū officio.

**D**ominica die postquam ad locum orationis assignatum accesseris, & te armis salutiferæ crucis munieris, reuoca ad te spiritum tuum eo modo quo superius fuit dictum: & forma meditationes tuas de cœlesti gloria hoc modo: In primis

Contemplare

ILLVM mirabilem locum scilicet cœlum Em-pyreum, sic appellatum propter suum admirabile lumen: hoc autem debes speculari per quasdam similitudines imaginarias à sanctis inuentas vt hoc capere possimus.

ILLVM locum qui est sicut quidam magna ciuitas ex auro purissimo, gemmisque preciosissimis mirabiliter constructa, singulæ eius portæ sunt ex singulis margaritis.

QVOD in ciuitate illa intrinsecus est campus speciosissimus, omnium florum qui excogitari possunt pulchritudine decoratus, ibi lilia rosæ, &c.

florum

florum genera tam suauissimæ fragrantia, vt nullo linguæ officio explicari queat, quæ nunquam marcescunt. Ibi semper est amœnissima æstas, fragrantissima odorum suauitas.

**ILLVC** æternarum deliciarum habitaculum penitus vnus moris, & absque vlla dissensione; in quo sancti æternaliter habitant, continens in se omne quod delectare potest.

**QUANTVM** illic erit gaudium semper videre Beatissimam Trinitatem; in qua relucet omnis pulchritudinis, dulcedinis, & bonitatis exemplar; in qua visione omnia scibilia cognosces, omnia concupita possidebis, in ea enim Beatus eris.

**QUANTVM** est gaudium quo ibi perfruntur beati, gaudent enim feliciter in perfecta & præclara contemplatione Diuinæ claritatis: & gaudent dulciter in fruitione sapidissima Diuinæ bonitatis, gaudent æternaliter in possessione securissima Diuinæ maiestatis, non enim timent ea vnquã priuari.

**VISIONEM** humanitatis Redemptoris nostri. quomodo ille qui quondam in hoc exilio visus est pauper, humilis & abiectus illic videbitur vt Deus altissimus & homo verus.

**GAVDIVM** quod ibi tibi erit ex consortio Virginis Mariæ Dominæ nostræ, & omnium Sanctorum, scilicet, Apostolorum, Martyrum, Virginum, & Confessorum; ita enim de gaudiis eorum gaudebis sicut de propriis.

**DOTES** quibus corpus tuum beatificabitur,

E 2

scilicet



*Die Dñico secundum viam Purgatiuam*  
scilicet immortalitatem, impassibilitatem, agilitatem, & claritatem.

**D O T E S** animæ, scilicet Plenitudinem scientiæ, iustitiæ, & læticiæ.

**Q V A M** multa alia magna & ineffabilia ex his principalibus dotibus consequeris, videlicet Securitatem, vt iam non timeas eiici, neq; aliqua tentatione vinci, quia nullam experieris: habebis summam libertatem, sanitatem, voluptatem, amicitiam, honorem & concordiam, & breuiter omnia colligendo, habebis quicquid volueris, & quod nolueris non habebis. Vnde Frater tua conscientia huiusmodi amoris stimulis agitata, dole vehemēter te tuis sceleribus ab hoc tam mirifico tabernaculo elongasse; & tuos defectus recognoscens conuertere ad Dominum ex toto corde tuo dicens: O Domine trahē me post te, & curram in odorem vnguentorum tuorum. Et eodem modo orans conuertere ad Redemptorem nostrum, & ad eius Genitricem Dominam nostram. & post implorationem suę misericordiæ, & gratiarum actionem, fac finem exercitii tui, eodem modo quo diximus Feria secunda.

### C A P. XIX.

Quanto est tempore manendum in præfata via Purgatiua, & quomodo valet cognoscere quis se esse purgatum.

**D**iximus in superioribus de via Purgatiua, per quam nouus Christi discipulus disponitur ad adeptionem optati finis, qui est Gradatim ascendere ad vniendum animam cum Deo, quod est vera Sapientia, & quòd oportet eum studiosè in ea assue fieri. Vbi autem in hoc assuefactus fuerit exercitio, scilicet per spatium vnus mensis, vt dicit Henricus de Palma in sua Mystica Theologia, progrediatur vltèrius amori Cœlestium intendens; quod fit per exercitium secundæ viæ, quæ dicitur Illuminatiua: eò quòd cor illuminat per morosam Diuinorum beneficiorum considerationem. Et quamuis sit magnus peccator, non vereatur à Domino petere sui amoris incendium; quia in hoc nulla est præsumptionis culpa. Cùm enim per præfatum temporis spatium Saluatoris pedes fuerit osculatus suorum amara recordatione peccatorum, dignè potest accedere ad manuum oscula per Diuinorum beneficiorum considerationem: quod tamen intelligendum est si ita studiosam custodiam adhibuerit vitæ suæ quòd non habeat aliquid iugiter purgandum. Et ad cognoscendum an sit purgatus, debet diligenter considerare, vtrum hæc tria fuerit adeptus; scilicet

Strenuitatem  
Seueritatem  
Benignitatem

} contra

{ Negligentiam,  
Concupiscentiam,  
Nequitiam.

His enim tribus habitis, conscientia fit bona, munda & recta. Et vt ista faciliùs valeant intelligi, ponenda sunt

*Quanto tempore oportet exerceri in via Purgatiua.*

dæ sunt hic earum diffinitiones, quas ponit Bona-  
uentura in Tractatu quodam, qui dicitur Paruum  
bonum.

Strenuitas est quidam vigor animi excutiens omnẽ  
negligentiam, & disponens animam ad faciendum  
bona opera,

{ Vigilanter,  
Confidenter,  
Eleganter.

Seueritas est quidam vigor animi restringens o-  
mnem concupiscentiam, & habilitans animam ac-  
feruentem reddens eam ad amorem; scilicet

{ Asperitatis,  
Paupertatis,  
Vilitatis.

Benignitas est quidam dulcor animæ excludens  
omnem nequitiam, scilicet omnem iracundiam, in-  
uidiam, & acediam, & habilitans animam ad

{ Beneuolentiam,  
Tolerantiam,  
Internam lætitiã.

Et hic est finis & terminus viæ Purgatiuæ secundũ  
viam meditationis: nam omnis conscientia munda  
læta est & iucunda. His tribus adeptis promptus  
est animus vt sursum tendat, & per ista cognoscere  
poterimus terminum nostræ purgationis.



## SECUNDA PARS.

## CAP. XX.

QVOD ACCEDENS AD EXERCITIVM viæ Illuminatiuæ, est prius purgandus & mūdandus à suis peccatis per viam Purgatiuam, vt splendores Diuinæ lucis possit capere.



ACTENVS DIXIMVS DE via Purgatiua per quam purgatur conscientia, quæ facilius in corde recolligi quàm scripto vel verbo doceri potest, per quam immediatè Dei seruus ad Illuminatiuam ascensurus est: quæ ad illuminandum ordinatur secundùm illud Prophetæ de viro iusto loquentis. Beatus vir cuius est auxilium abs te ascensiones in corde suo disposuit in valle lachrymarum in loco quem posuit. Vbi est notandum quod per lachrymas & gemitus viæ Purgatiuæ mundatur anima à rubigine malorum operum: & hinc immediatè assurgit ad illuminationem per Diuinæ lucis radios. Et hoc est

E 4 conue.

*Quòd debet præcedere*

conueniens ex parte recipientis : prout experientia videmus in materiali speculo, quod si ærugine vel aliqua alia re fuerit maculatum, non clarè apparet facies in eo speculantis, sicut quando est benè tersum & politum. Anima autem speculo comparatur, quia si se perfectè consideret, in seipsa cerneret illum cuius imago ipsa est. Cùm enim ab ea abstergitur quicquid in ea obscurum est, confestim eam illustrat ille spiritualis Sol splendoribus suæ gratiæ & bonitatis. Et quod plus est, Quemadmodum radius huius materialis solis percutit fenestram non retrocedens, sperans quando aperiatur ei, cui si aperitur totam illuminat domum quæ priùs tenebrescebat. : sic verus iustitiæ Sol, cuius similitudinem gerit iste sol materialis, nihil aliud expectat immobiliter nostræ conscientiæ ianuam pulsans, nisi quòd ei quoquomodo aperiatur & præstemus ingressum ad fœliciter quiescendum in anima nostra, & sic anima spiritualiter illuminatur. Vnde cùm anima nostra Diuinis debet irradiari fulgoribus, oportet vt eis proportionetur & conformetur : scilicet vt mundetur priùs per viam Purgatiuam, à tenebris & sordibus peccatorum; vt conformis effecta speculo immaculato, illius increatæ lucis radios capere valeat. Et quia iam assignauimus exercitia in quibus post matutinalem synaxim secundùm viam Purgatiuam debes occupari, quæ ad præfatam animæ purgationem ordinatur ; restat dicendum  
de exer-

de exercitiis viæ Illuminatiuæ, ad quæ aptius tempus est post Completorium, secundum quod dicit Bernardus : quod in hac hora debet religiosus examinare suam conscientiam, & pro beneficiis gratias agere.

## CAP. XXI.

Quomodo ad transeundum ad viam Illuminatiuam exercitator debet suam conscientiam examinare.

**E**gressus à Completorio non expedit tibi diu extra cellam demorari, aut per signa vel verba dissolui. Vt enim dicit Bernardus : post Completorium non debet Monachus loqui quousque finita sit missa sequentis diei, nisi sit vrgens causa. Supradicta igitur hora cellam ingressus flexis genibus vel supra pedes stans, postquam te crucis vexillo armaueris, attrahens spiritum & inuocans Spiritum sanctum dic sequentem Antiphonam : Veni sancte Spiritus, reple tuorum corda fidelium, & tui amoris in eis ignem accende. Et sequatur Psalmus : Deus in adiutorium meum intende. totus dicatur. Nesciens Antiphonam & Psalmum, dicat ter hunc versum : Deus in adiutorium meum intende ; Domine ad adiuuandum me festina. Post hæc tene tibi diligenter capitulum te examinans de

**Examinatio ante transitum**

peccatis { Negligentiæ,  
          { Concupiscentiæ,  
          { Nequitæ.

ad quæ omnia alia possunt reduci.

Quantum ad negligentiam debes te examinare in IX.

Si negligens fueris illo die,  
Cordis custodiendi: examinans te quid cogitaueris, dixeris, feceris.

Temporis expendendi.

Finis debiti intendendi, scilicet in omnibus operibus tuis: scilicet, Vtrum ea feceris principaliter ad Honorem & gloriam Dei; ad quam omnia sunt referenda.

In Oratione: Quomodo illa die diurnum expleueris officium, an tepidè vel deuotè: vel si aliquam prætermiseris canonicam horam, vel aliquid de tuis solitis exercitiis.

In lectione.

In bonorum operum executione. In his enim tribus debes diligenter te exercere, & cordis tui agrum excolere, vt possit bonum fructum dare in tempore suo. Et vnum horum sine aliis non sufficit.

Ad dolendum de iniquitatibus,

Ad resistendum tentationibus,

Ad proficiendum in virtutibus.

Debes enim summoperè

{ Desistere culpam commissam,

{ Repellere tentationem Diabolicam,

{ Proficere de vna virtute in aliam: vt

vt sic possis peruenire ad terram promissam. Nota bene ista nouem quæ diximus pertinere ad peccatum negligentia.

**CIRCA** concupiscentiam, debes cogitare si viuit in te

- { Concupiscentia voluptatis,
- { Concupiscentia curiositatis,
- { Concupiscentia vanitatis.

**PRIMO** cogitare debes concupiscentiam voluptatis, quæ tunc viuit in te, si fuerit in te

- appetitus { Dulcium,
- { Mollium,
- { Carnalium.

Hoc est si quætis

- { Cibaria saporosa,
- { Vestimenta delitiosa,
- { Oblectamenta luxuriosa.

Quæ omnia non solum est reprehensibile appetere cum consensu, sed etiam homo debet ea respicere primo motu.

**SECUNDO**, te debes examinare de concupiscentia curiositatis, si viuat vel si vixerit in te. hoc autem deprehenditur,

- cum appetis { Scire occulta,
- { Videre pulchra,
- { Habere chara.

In omnibus his est vitium auaritia & curiositatis. hoc autem multum reprehensibile est in viro religioso.

Tertio,



*Examinatio ante transitum*

**TERTIO**, te debes examinare de concupiscentia vanitatis. quæ tunc viuit in te, si habueris

Appetitum { Fauoris,  
                  { Laudis,  
                  { Honoris.

Quæ omnia vana sunt, & hominem vanum reddūt ; & ita fugienda sunt sicut concupiscentia mulierum. Et de omni tali debet conscientia arguere cor tuum. Attende benè hæc quæ pertinent ad peccatum concupiscentiæ.

**CIRCA** nequitiam debes te examinare, si in te viuit, vel aliquando vixerit : scilicet

{ Iracundia,  
  { Inuidia,  
  { Acedia :

quæ faciunt hominem nequam.

**PRIMO** est cogitanda Iracundiæ nequitia : quæ consistit

in { Animo,  
      { Signo,  
      { Verbo ;  
      { Corde,  
vel in { Facie,  
          { Clamore ;  
          { Affectu,  
          { Affatu,  
          { Effectu.

**SECUNDO**, cogitanda est nequitia Inuidiæ : quæ in

aliena

aliena { Prosperitate tabescit,  
 { Aduersitate hilarescit,  
 { Mendicitate refrigescit.

TERTIO, recogitanda est nequitia Acediæ:  
 ex qua

oriuntur { Suspitiones malignæ,  
 { Cogitationes blasphemæ,  
 { Detractiones iniquæ.

Omnis enim talis nequitia admodum detestanda est. Et hoc modo examinata conscientia tua, si te culpabilem inueneris, compunge te ante Deum, & abluere peccatorum tuorum sordes, purificans lachrymis conscientiam tuam; ac ponens in corde tuo confiteri si quid notabile repereris. Et attende istum modum examinandi prædictum, quem ideo protraximus, vt in confessione peccatorum tuorum tibi feruiat. Non enim oportet te tam prolixè semper post Completorium examinare; præcipuè si in tui custodia peruigil fueris: quin potius breuiter te examinans quomodo diem illum expenderis, debes postulare tibi veniam à Deo, dicens generalem Confessionem, & Psalm: De profundis pro negligentis. Et hinc transibis ad morosam & diligentem Diuinorum Beneficiorum considerationem. In qua recordatione Diuinis fulgoribus illustraberis: cumq; te illustrari cognoueris, ignito affectu gratias age. Et vt plenius & perfectius Dei beneficia recolere valeas, per Ferias ea describere uolui, vt in sequentibus apparebit.

*Excitatio ad ingressum viae Illuminatiuae.*

CAP. XXII.

De via Illuminatiua, secundum diuinum Dionysium.

**P**Vrgata & tersa ad modum speculi conscientia vt supra diximus, tunc iam fit aptior & capatior Diuini amoris, vt possit se transferre ad viam Illuminatiuam; in qua incipit anima iam suum dilectum cognoscere, in quem propter rubiginem peccatorum suorum aspicere non poterat. Tunc autem anima se interrogat, dicens: Quisnam est dilectus meus? Et ipsa respondet sibi dicens: Ille qui tot & tanta mihi contulit bona; à cuius si possibile foret laudibus nunquam cessare deberem, sed ei semper gratias referre. Hanc viam Illuminatiuam habuit Propheta cum in Psalmo dicebat: Benedicat anima mea Domino, & omnia quæ intra me sunt nomini sancto eius. Est tamen considerandum quod non debemus principaliter Deum diligere propter eius beneficia, sed propter suam immensam Bonitatem & propter Seipsum. Nam quemadmodum res non videtur propter lumen, tanquam propter finem, sed tanquam medium per quod clarius videtur; sic via Illuminatiua appellatur Illuminatiua quia accendit, prouocat, & illuminat hominem ad dilectionem Dei. Deinde dicit Bernardus: Tot bona contulit mihi Deus, quod

quòd si ea attenderem, & si vnus rusticus mihi ea præstitisset, eum diligerem. Quid igitur rependam summo Amatori de suis beneficiis? Reuera gratias referam, & ea quamdiu potero recolere non lassabor. Et ne discurras per diuersas materias, & valeas morosius Diuina considerare beneficia, repetenda sunt hic quæ diximus in directorio in meditationibus primæ & tertię.

CAP. XXIII.

De modo quem per omnes hebdomadæ ferias ad animæ irradiationem Religiosus debet habere in Diuinorum beneficiorum recognitione & pro eis gratiarum actione secundum viam Illuminatiuam.

**F**ERIA SECUNDA post Completoriū diligenter considera creationis beneficium, prædicens in vnoquoq; sequentium articulorum: Gratias tibi ago super summe Domine Deus meus.

QVI ab æterno me prædestinasti, & perpetua me charitate dilexisti.

QVI tempore quo tibi placuit, me creasti vnam creaturarum tuarum nobilissimam scilicet: hominem: non enim me fecisti lapidem vel aliquid aliud huiusmodi.

Qu;

*Feria II. de beneficio creationis.*

**QVI** ex parte corporis dedisti mihi membrorum integritatem, complexionis bonitatem, sexus nobilitatem, liberans me à multis miseris, faciensque aptum ad tuum seruitium.

**QVI** ex parte animæ ad imaginem & similitudinem tuam me fecisti, eam tui capace[m] atque immortalem faciens, necnon multis naturalibus viribus, & potentiis decorans.

**QVI** à tempore conceptionis in vtero matris meæ mihi Angelum deputasti custodem, qui mihi innumera conferret beneficia.

**QVI** mihi parentes contulisti Christianos & me Christianum, non Iudæum, non Agarenum, aut Paganum, vel Infidelem fecisti, & in tempore Fidei Christianæ.

**ITAQUE** vbi hoc recognitionis beneficiorum expleueris exercitium, & secundum hanc viam Illuminatiuam gratias egeris, impone finem tuo exercitio, cum ingenti reuerentia adorans & glorificans Deum, & dicens: Deus propitius esto mihi peccatori. & Canticum, Benedicite omnia opera Domini Domino: vel, Te Deum Laudamus. vel Psalmum, Lauda anima mea Dominum: & finito Psalmo dices, Sic nomen Domini benedictum ex hoc nunc & vsq; in seculum. Dñe exaudi orationem meam, & clamor meus ad te veniat. Oremus.

**GRATIAS** ago tibi Domine Sancte Pater omnipotens, æterne Deus, qui me dignatus es in hac die per tuam sanctam misericordiam custodire,  
concede

concede mihi hanc noctem mundo corde & corpore sic transire, quatenus manè tibi gratum seruitium exoluere possim, per Christum Dominum nostrum. Itaq; apponens circa te studiosam custodiam quiesce in lecto, & iubilans in corde tuo dic,

Amator ardentissime,

Amor meus,

Gloria mea,

Pater meus,

Spes mea,

Quando te diligam filiali amore? Quando te ex totis visceribus meis amplexabor? Et si hæc verba ex viscerali amore iterum & iterum & sæpè geminaueris, experientia disces quantum proficies, & ad quem gradum prouerheris. & sic capies somnū prædictis vel similibus verbis iubilans.

**A T T E N D E** autem diligenter quòd in hoc exercitio viæ Illuminatiuæ non est festinanter meditandum, vt totum percurras, sed in singulis articulis immorandum, accédens amoris ighè animam tuam, quousque in admirationem redigatur. Et si tempus orationi deputatum non sufficit nisi ad meditandum vnum solum articulum, non cures de aliis nisi vt cursim eos mente pertranseas: & ita concludes tuum exercitium. Et hæc eadem Regula obseruanda est in omnibus aliis exercitiis: non enim expedit vt totum exercitium meditando festines transcurrere, sed si illius primordiis deuotionis, vel compunctionis gratia te Dominus visitauerit, claudere te

**Feria III. de beneficio gratificationis.**  
 de te intra teipsum, & mane fixus conseruans in te  
 illam gratiam & dilatans cor tuum in feruidis affe-  
 ctionibus: & circa hoc expende totum tempus o-  
 rationi deputatum: nec te per alia dispergas. si em̄  
 vis ulterius procedere, siue vt totum expleas exer-  
 citium, vel alia quacunq; causa continuo gratia de-  
 uotionis vel compunctionis euanescet, nec poteris  
 eam ad nutum rehabere. Et cum te amore & de-  
 uotione senseris ignitum, caue ne in fine exercitii  
 facias prostrationes, vel accipias disciplinas.

**FERIA TERTIA post Completorium**  
**de beneficio gratificationis.**

Gratias ago tibi super summe Dñe Deus meus,  
 Qui me dignatus es gratificare in tuo dilectis-  
 simo Filio, non parcens ei, sed illum pro me dans  
 in } Precium,  
 } Exemplum,  
 } Socium.

Qui dedisti mihi Spiritum Sanctum,  
 in } Signum adoptionis,  
 } Priuilegium dilectionis,  
 } Anulum desponsationis.

Qui dedisti mihi Sacramenta: primò dans mihi  
 Sanctam Ecclesiam in refugium, vbi saluari possem  
 à diluuiò peccatorũ, sicut saluatus fuit Noe in arca.

Pro gratia baptismali, qua  
 } Deletur originalis culpa,  
 } Restituitur innocentia,  
 } Confertur iustitia.

PRO Sacramento confirmationis: cuius gratiam multi non sunt adepti. per quod multa mihi contulisti munera, & multa à me remouisti mala.

QVI ad ostendendum me gratificatum, & in tua gratia receptum, me tuo nomine vocasti, scilicet Christianum, & hoc in tui memoriam constituens me filium & hæredem regni cœlorum.

Itaq; hoc exercitio huius Feriæ consummato, cætera omnia facies prout dictum est in fine Feriæ secundæ, secundùm hanc viam Illuminatiuam.

FERIA QVARTA post Completorium de beneficio vocationis,

Gratias tibi ago super summe Dñe Deus meus,

Qui post tam innumera beneficia à te recepta, te spreto per diuersa peccata ad creaturas conuersum tam patienter sustulisti, tamq; longanimiter expectasti: neq; me damnare voluisti, neq; me mori in tali statu permisisti.

QVI toties & tam multipliciter errantem multis modis me reuocasti,

modo { Internis inspirationibus,  
Aliorum admonitionibus,  
Scripturarum exortationibus,  
Tuorum beneficiorum collationibus,  
Præmiorum promissionibus,  
Suppliciorum comminationibus,  
Nec non aliis modis pluribus.

QVI dignatus es auferre duritiam mentis meæ, dans virtutem voci tuæ, & dans mihi bonam volunta-



*Feria III. de beneficio vocationis.*

luntatem, quæ est tuorum donorum præcipuum;  
& obstacula meæ conuersionis repulisti.

QVI quoties ad te volui conuerti paternaliter  
ad similitudinem illius filii prodigi Euangelici,  
gaudenter me recepisti; tuis amorosis amplexibus  
me constringens, meq; deosculans; ac mihi pri-  
mam stolam, & primum anulum restituens.

QVI non solum me eduxisti de seculo, sed me  
adunasti consortio sancto & reformato, & custodi-  
sti me à conuentu non reformato, dando mihi  
pœnitentiæ tempus, quod est valdè preciosum,  
& gratiam ad merendum, ac remittens mihi per  
professionem quasi per alterum Baptisma vniuer-  
sa delicta mea. Post hæc fiant cætera, sicut præ-  
missum fuit in fine feriæ secundæ.

**FERIA QVINTA** post Completorium de  
beneficio Iustificationis.

Gratias tibi ago super summe Dñe Deus meus.

QVI dignatus es ita mutare voluntatem me-  
am, vt opera pœnitentiæ, quæ mihi prius amara e-  
rant, essent mihi dulcia; & quæ mihi prius sapie-  
bant, essent mihi insipida; dans mihi continenti-  
am quod valdè insigne est Donum.

QVI dedisti mihi constantiam & perseueran-  
tiam, sine qua fieri saluus potest nemo; cum tam  
multi cœperint & non perseuerauerint.

QVI ne in cœptis deficerem mihi virtutem  
dedisti: & spem veniæ, gratiæ, & gloriæ, de hac  
varietate

varietate consolationum internarum me confidentem reddens, dansq; gratiam profectus per odium præteritorum malorum, & per desiderium futurorum bonorum.

**QVI** ne in profectu lassatus succumberem, mihi mensam ubi rescerer, & educarer præparasti; dans mihi Sacramentum preciosissimi Corporis & Sanguinis tui

in { Viaticum peregrinationis,  
Sacramentum communionis,  
Sacrificium redemptionis.

**QVI** vt plenus possem iustificari & mundari, mihi vniuersa necessaria subministrasti: dans mihi sacram scripturam & sanctos libros, velut quoddam speculum in quo defectus meos valeam cernere, & affectus accendere.

**QVI** dedisti mihi ornamenta & exercitia virtutum, quibus turpitudinem peccatorum meorum cooperirem. Et ne in iustificatione deficerem vel tepescerem, proposuisti mihi sanctorum exempla, quibus possem in bono informari & excitari.

His peractis facitò omnia alia, sicut *Feria secunda* digessimus.

**FERIA SEXTA** post Completorium de beneficio singularis dotationis.

Gratias tibi ago super summe Domine Deus meus, Qui mihi dedisti

in bonis naturæ, { Sensum capacem,  
Memoriam tenacem,

F 3 In bonis

**Feria VI. de beneficio singularis dotationis.**

in bonis fortunæ, { Fortitudinem,  
Pulchritudinem.  
in bonis gratiæ, { Purè credere,  
Ardenter imitari.

**QVI** alia innumerabilia bona mihi contulisti; nã

me { Errantem reduxisti,  
Ignorantem instruxisti,  
Iacentem erexisti.

**QVI** mihi singularem meditandi, & interiùs  
me exercendi gratiam contulisti,

{ Illuminando intellectum,  
Excitando affectum,  
Cooperando effectum.

**QVI** non modò meum intellectum docuisti  
meditatione, sed quod potius est, affectum meum  
affecisti gustu & deuotione, & accendisti interna  
consolatione, dans mihi arram vitæ æternæ.

**QVI** ne supradiçtas gratias perderem, singu-  
lariter ne laberer custodisti,

{ Remouens occasiones ad peccandum,  
Dans vires ad resistendum,  
Sanans affectiones ad permanendum.

**QVI** si quando tentatione me superari per-  
misisti, fortiorem me erexisti, præstans virtutem  
fortiùs resistendi, & ponens super me manum tu-  
am, ne prorsus frangerer. Vbi hæc compleueris,  
adde ea quæ supra Feria secunda posita sunt.

**SABBATHO** post Completorium de bene-  
ficio gubernationis. Gratias

*Sabbatho de beneficio gubernationis.* 44

Gratias tibi ago super summe Domine Deus meus,

QVI in hoc Esse hactenus me conseruasti, dans mihi augmentum quotidianum, præstansq; esse sanum & iocundum, cum ex me nihil sim.

QVI ab ineunte pueritia vsque ad præsentem diem, tam sollicitè à tot periculis, languoribus, hostibus, & ab aliis malis pluribus me eripuisti.

QVI ad meam sustentationem sufficienter mihi victum & vestitum præstitisti.

QVI cætera omnia mihi necessaria ministrasti, dans domum ad manendum, cubile ad quiescendum, & non solum mihi necessaria impendisti, sed alia multa iocunda & vtilia.

QVI non solum me gubernasti, sed etiam omnes alias creaturas propter me in suo Esse conseruasti & direxisti : ministrans successionem temporum, producens diuersitatem fructuum ad tollendum fastidium.

QVI non modò me rexisti deducens me per prospera, sed etiam per aduersa, in quibus mihi multa impendisti bona, purgando delicta, augendo merita. Et quod plus est, quòd semper circa me ita es sollicitè intendens & intentè sollicitus, ac si vacares à cæteris. Et semper mihi es præsens omnia opera mea prospiciens. Finito hoc exercitio addantur cætera vt in Feria secunda.

**DIE DOMINICA** post Completorium de beneficio glorificationis.

**F 4** Gratias

Die Dominico de beneficio glorificationis.

Gratias ago tibi super summe Domine Deus meus,

**QVI** mihi gaudia Paradisi promisisti, scilicet, supra me, Diuinitatis fruitionem, Redemptoris & Matris eius visionem. O Domine quantum gaudium erit mihi videre Regem Cœlorum in decore suo, & Dominam meam Virginem Mariam totam deificatam & glorificatam? Circa me frui Sanctorum societate iocundissima, propter eorum quietatem. Sunt enim speciosissimi, nobilissimi, charitate plenissimi, & in numero plurimi. Intra me, stolam animæ & corporis ratione quadruplicis dotis, quæ illud decorabit, immortalitas illud circumdabit, atq; supra solem fulgebit. Extra me, locum amœnissimum, delitiosissimum, & omni quod delectare potest refertissimum:

scilicet, omni {  
Odore,  
Sapore,  
Candore.  
Altissimum,  
Spatiosissimum,  
Luminosissimum.

Qui alia plura gaudia mihi daturus es, vt promisisti: non enim tantummodo fruam his, quæ sunt supra me, iuxta me, & intra me; sed etiam his quæ sunt subtus me: cum prospexero me tam sæuos & terribiles tua gratia & virtute hostes deuicisse, & commissos reatus tua clementia defleuisse: & tam dolorosos cruciatus tua misericordia euasisse.

**PROPTER** alia multa bona quæ mihi impensurus es: quæ sunt

sunt { Tam multa, vt nequeant numerari:  
{ Tam magna, vt nequeant mensurari:  
{ Tam preciosa, vt nequeant aestimari.

Gaudens gaudebo itaq; amotione omnium malorum, & impletionem omnium desideriorum: omne habens quod cupiam & nihil habens quod odiam,

Cætera explenda sunt sicut Feria secunda.

ADVERTENDVM quòd in qualibet predictarum considerationum non cursim, sed morosè te debes habere, vt supra meminimus. Rursum uti debes in singulorum recordatione beneficiorum aliquibus punctis, eleuatiuis ad intellectum eleuandum, & affectum inflammandum: qualia sunt

O { Summa Bonitas,  
{ Altissima,  
{ Imcomprehensibilis Maiestas.

O { Ardentissime Amator.  
{ Suauissime Inhabitor,  
{ Sanctissime Sapor.

O { Rex præclarissime,  
{ Magister sapientissime,  
{ Nutritor sufficientissime.

O { Largissime creditor,  
{ Diligentissime custoditor;

quando tibi Domine digne potero gratias agere,

pro tot { Beneficiis,  
{ Donis,  
{ Misericordiis!

*Die Dominica de beneficio glorificationis.*

**ET** non tantū in his exercitiis viæ Illuminatiuæ, huiusmodi punctis eleuatiuis, & affectiuis debes vti, sed etiam in aliis exercitiis.

**VTENDVM** est præterea in consideratione prædictorum beneficiorum aliquibus Sacræ scripturæ auctoritatibus ad eleuandam mentem aptis: vt est illud, Benedictio, claritas, sapientia, gratiarum actio, honor, virtus, & fortitudo Deo nostro in sæcula sæculorum, Amen. & illud: Regi autem sæculorum immortalis, inuisibili, soli Deo honor & gloria in sæcula sæculorum, Amen. & illud, Benedic anima mea Domino, & omnia quæ intra me sunt Nomini Sancto eius. & alia huiusmodi.

**CONSIDERANDVM** quòd gratiarum actione in aliis quoq; exercitiis vtendum est. Oratio enim si sit perfecta, tres debet habere partes: scilicet,

- { Culpæ recognitionem,
- { Misericordiæ implorationem,
- { Gratiarum actionem.

**ET** à quolibet horum trium potes Orationem inchoare: non enim necesse est semper incipere à defectuum consideratione: sed secundum statum animæ, scilicet: Incipientes à consideratione suarum miserationum, Proficientes ab actione gratiarum, Perfecti verò ab affectionibus & suspiriis vnitiuis & amorosis: descendentes nonnunquam ad suas miseras intuentes, & ea quæ timorem ingerunt.

## CAP. XXIII.

Quomodo via Illuminatiua ex multis partibus recipit radios suæ claritatis, & præcipuè ab Oratione Dominica, quam religiosus contemplari debet diligentissimè, affectuosissimè, & deuotissimè, vt incendio flammescat Diuini amoris.

Sicut à sole sydera radios recipiunt suæ luminositatis, sic via Illuminatiua ab illo Sole Iusticiæ Redemptore nostro recipit splendorem suæ claritatis: scilicet, Ab eius sanctissima vita, exemplo, & doctrina. Nam vita Saluatoris nihil aliud est, quàm quidam illius æternæ claritatis splendor ad animarum illustrationem. Et ideo oportet si in spiritualibus cupis copiosè illuminari, te frequenter recolere vitam, exempla, & doctrinam Domini. Recipit quoq; hæc via Illuminatiua influentiam sui luminis ex vitis Sanctorum Patrum quæ nobis in exempla datæ sunt, prudenter nobis imitanda. Recipit quoque hæc via influxum ab omnium creaturarum sollicita consideratione; à sanctarum scripturarum assidua lectione, à Diuini verbi crebra auditione, à cotinua & præcipuè Dominica oratione.



*De Oratione Dominica.*

ratione. Et vt intellectus tuus clariùs valeat illuminari, & affectus ardentius inflammari, enodabimus hìc in sensu spirituali, scilicet anagogico, Orationem Dominicam, secùdùm septem petitiones in ea contentas. Dicamus igitur

**PATER** noster. id est, ô Pater dulcissime, tu es qui spirituales generas filios per feminis tui dulcissimi amoris in eorum corda diffusionem: qui eis præstat vitam. Igitur si ego Domine verè sum filius tuus, ostende quomodo te vero amore quem diligere, & ex totis præcordiis meis amplexari. Tu quidem Domine es Pater noster; & diffundis affluenter in omnibus te diligentibus bonitatem tuam. Si autem ego te verè diligerem, destillaret aliquid in me de largitate roris tuæ gratiæ & charitatis. O Domine da mihi vt te toto ardore valeam diligere: si enim toto conamine te diligerem voluntatis, appareret in me tuæ largitas bonitatis.

**ET** hoc modo potest intelligi quod sequitur in oratione Dominica, scilicet anagogicè. Itaq; præcedente meditatione eo modo quo diximus, nostri amoris affectio paullatim exardescet. Nam sicut stupa madefacta in igne posita primò exiccatur, deinde accenditur: sic & cor multò plus ignescit & in Deum eleuatur per præcedentem meditationem. Et per hunc modum potest anima deuota dicere illud quod mox sequitur: **QVI** es in cælis. O miserabilis anima mea, quando ad similitudinem cæli efficieris clara & limpida, & diuersitate  
virtutum

virtutum sicut cœlum stellarum varietate adorna-  
beris. Tunc Pater optime cognoscam quia tibi  
placet in me habitare, cum te ardentissimo amore  
amplexabor, & à peccatorum meorum facibus  
per incendium tuæ dilectionis purgatus fuero.  
Tunc cognoscam te proculdubio cum tua gratia  
obumbrabit mihi, & dignaberis venire ad inhabi-  
tandum templum animæ meæ à peccatis mundatæ.

### PETITIO PRIMA.

SEQVITVR deinde: SANctificetur nomen  
tuum. O Sanctissime Pater, tunc nomen tuum in  
nobis sanctificabitur, id est cognitio nominis tui e-  
rit in nobis sine terra, hoc est sine omni carnali af-  
fectione, & diligeris à nobis solus super omnia quæ  
in mundo sunt. Cum ego Domine hoc fuero affe-  
quutus, non habebit in me locum terra, quæ est car-  
nale desiderium: tu enim benignissime Pater per  
tuam gratiam & charitatem solum in me habitabis.

### SECUNDA PETITIO.

Adueniat Regnum tuum. Heu me peccatorem  
nequissimum, quia sæpè satagunt intrare & regna-  
re in me cœnodoxia, voracitas, & carnis voluptas:  
ego verò Domine nollem vt in me quicquam re-  
gnaret, nisi tu superoptime Pater, qui es in Cœlis.  
Tunc autem in me verè regnabis, cum te ardentif-  
simè amauero. Quando igitur Domine te posside-  
bo, & amorosæ charitatis vinculis amplexabor; vt  
tu solus

De Oratione Dominica.

tu solus in regno meæ voluntatis iniquitatum tenebris pleno incipias regnare?

TERTIA PETITIO.

Fiat voluntas tua sicut in cœlo & in terra. Tua autem voluntas tunc in me primò fiet, cùm ego miser & vermis totus terrenus consensero tuæ Voluntati, quantum possibile est humanæ fragilitati; sicut consentiunt illi beati spiritus, qui in cœlis facie ad faciem contemplantur tuam maiestatem. Verumtamen ô Deus meus dulcissime, quid me faciet tuæ voluntati consentire, nisi feruor tui amoris qui copulat contrarias voluntates, & diligentē te tibi conformat; & miro modo transformat de claritate in claritatem? Quando igitur te diligam ex toto corde ô BONE IESV Domine & Redemptor mi? Quando tibi soli consentiam, nisi cum amoris glutino tibi soli adhæsero?

QUARTA PETITIO.

Panem nostrum quotidianum da nobis hodie. O Panis Angelorum, quando de te dulcissimo cibo saturari poterò. Per te panem viuum qui de cœlo descendisti, viuunt Angeli & spiritus beati in regno tuo, tibi Pater Optime & Redemptor ignitis amoris adherentes desideris. Vt ergo illo cibo quo in cœlesti gloria viuunt Angeli, in hac mortali vita ego valeam sustentari, & vt mensæ tuæ æternæ beatitudinis epulas valeam degustare, ô Pater Optime & Æterne da mihi semper hunc panem: quia superplenum

plenum inquietudine est cor meum, donec te pane viuo aliquatenus impleatur: qui de coelo descendiſti; cum panis tui amoris, fit panis quotidianus: tantò enim auidius appetitur, quanto ardentius amatur.

### QVINTA PETITIO.

Et dimitte nobis debita nostra, ſicut & nos dimittimus debitoribus noſtris. O bone creditor dulcis I E s v & Redemptor meus, quando & quomodo ſcire poterò eſſe mihi dimiſſa peccata mea? Si ego te Domine verè diligerem, indubitanter per quèdam in æternum ſaporem à te mihi dimiſſa eſſe ſcèlera mea cognoſcerem, ſicut peccatum me conſtituit inimicum tibi; ita ſi amor me tibi conglutinet, te ad indulgendum mihi delicta mea cogeret: ac gratum & acceptum coram oculis tuis faceret. Igitur Domine & Saluator mi quando ego poterò tibi per amorem conciliari, vt experientia dicere valeam, mihi dimiſſa eſſe peccata mea, & quod tu conuerſus es in pium & manſuetum.

### SEXTA PETITIO.

Et ne nos inducas in tentationem. Et hoc peſto Pater mi & Creator de tua confidens bonitate, ſperans me inſeparabiliter tibi amore còaptari. Scio Domine quia ſi poſt te amoris tui odor me currere compulerit, quod tibi tanto copulabor vinculo, vt facile omnia contemnam, & tibi nunquam à te diuellendus adhæream. Quis mihi Domine auxili-  
um præ-

De Oratione Dominica.

um præstabit, vt te inueniam & te solum inseparabiliter amplectar; nam tu solus es bonus & dulcis hospes animæ, & tu solus me potes tutum reddere, & ab omni aduersitate liberare.

SEPTIMA PETITIO.

Sed libera nos à malo. non solum à malo pœnæ infernalis, sed temporalis. Et non peto hoc chore & bone Pater vt tormenta fugiam, sed ne multo in Purgatorio demorans tempore, à complemento mei desiderii impediatur; scilicet à visione tuæ maiestatis, quam sancti Angeli & animæ sanctæ semper cupiunt intueri. Si autem ego te verè diligerem, amor ille omnem peccatorum meorum reatum consumeret. Si ego te Domine verè diligerem, tui amoris incendium adureret mearum iniquitatum rubiginem: vt flammis ignitorum desideriorum purgatus, ad te spiritus meus sine aliqua mora in die volaret obitus mei. Quando igitur te Domine tam ardentem diligam, vt amor meus ab æternis suppliciis & diuortio tuæ visionis me liberare sufficiat? Tu Domine qui per nunquam terminanda secula viuis & regnas, hoc facturus es. Tu Domine apud quem non est transmutatio, neque vicissitudinis obumbratio, potens es mihi inuili seruo tuo sanctas impendere virtutes; qui beatos Angelos & sanctas animas satias. Tu es Domine Sapiencia increata, qui splendoris tui clarissimis radiis Angelos illustras, & omnes

*Contra exdesidia deserētes exercitia determinata.* 49  
mnes cœlestes ciues: tua enim virtus omnes vi-  
uificat creaturas. Adauge Domine amatores tuos  
& à terrenorum auelle amore: & eos ad tuam no-  
titiā & amorem conuertens, ab omni auerte dis-  
persione, & tuo regno & veritati cœlesti fac ap-  
propinquare. Tu enim Redemptor noster in tem-  
plo claritatis æternæ veros congregas filios Israēl:  
qui sparsim per bonorum terrenorum concupiscen-  
tias discurrunt. Vnde frater ora sic dicens: O bone  
Iesu dulcis & speciose, suavis, & misericors, misere-  
re omnium peccatorum; quos precioso sanguine  
tuo, & tot & tantis doloribus redemisti. Qui viuus  
& regnas cum Deo Patre, in vnitāte Spiritus San-  
cti Deus per omnia secula seculorum. Amen.

C A P. X X V.

Ostendit multipliciter quā vitu-  
perandus est, qui desidia deserit  
prædicta exercitia.

SAnctus Abbas Effrem in tractatu de contempla-  
tione, durè reprehendit eos qui Diuinis serui-  
tiis dedicati, & ad sanctam religionem vocati, qui-  
bus Dominus tantam quietem & opportunitatem  
ad vacandum spiritualibus exercitiis, & adhæren-  
dum Deo per orationis & contemplationis studi-  
um contulit, inutilibus occupationibus, incuria,  
G negligentia,

*Contra ex desidia deserentes*

negligentia, & torpore non curant in eis exerceri: aduersus quos tales adducit rationes. Primò, quia isti non obediunt Dei præcepto, qui ait: Vacate & videte quoniam ego sum Deus. Per hoc nobis insinuans, quia circa hoc debemus nos singulariter intendere, occupari, & contemplari; scilicet quoniam ipse est Deus & Dominus qui summè diligendus est. Si igitur religiosus huiusmodi exercitia spernit, clarè patet eum esse inobedientem & præmemorati præcepti transgressorem.

**SECUNDA** est, quia ex hoc apparet quod religiosus modicùm diligit Deum, & minùs quàm quàm cunq; aliam rem, non implendo quæ ad suum habitum & religionem pertinent. Et cùm Dei specialis amicus & cultor nominetur, & sacram scripturam quæ est imago Dei iugiter legat vel audiat; & Diuinum decantet Officium, quod est cum Deo loqui, & quod hæc omnia non sentiat Monachus, magnum indicium est quòd modicùm diligit Deum, & modicam partem habet cum eo. Vnde bonum fuisset ei, si ad religionem non venisset.

**TERTIA** est, eo quòd quantò isti tepidiùs & negligentius Deum colunt, tantò sunt minùs certi de eius gratia, & quia eum non requirunt non ostendit eis aliquod amoris signum. Vnde accidit vt ad eorum confusionem sæpè quibusdam in sæculo manentibus, & simplicibus, & idiotis maiora ostendat amoris insignia: quia fidentiùs & diligentius eum colunt, diligunt, & quærunt.

**QVARTA** ratio est, quia qui huiusmodi sunt permagna indicia manifestant in se parum Boni esse, qui in altiori statu positi, pigriores, frigidiores, inutiliores & indevotiores sunt his, qui in minori statu sunt constituti. Et ideo merito à Domino repelluntur, despiciuntur, & in aliorum in humiliori statu degentium scandalum dantur.

**QVINTA**, quia dedit eis maiorem oportunitatem ad benè viuendum quàm cæteris omnibus, & eos à laboribus hominum elongavit, vt possent ei vacare. Et quia tem, us ad Deo vacandum eis impensum viuentes delicatè, segniter, & negligenter expendunt, non est mirum, si eis Dominus non dat sentimentum sui, neq; sui Amoris gustum.

**SEXTA** est, quia Deus constituit eos medios inter se ipsum & populum, & vult vt comedant peccata populi, quod & faciunt. & hoc non obstante, ipsi non satagunt adhærere Deo per assiduam orationem, contemplationem, & bonorum operum exercitationem. Vnde fit vt per hunc contemptum eum prouocent contra seipsos: & sic indignos seipsos reddunt, vt sint mediatores inter Deum & populum, & ad recipiendum emolumenta, quæ ob hoc eis à populo impenduntur.

**SEPTIMA** ratio, propter quam orationis & contemplationis exercitia religiosi sunt magis necessaria, est; quia eos faciunt in tentationibus fortes, & à peccatis elongatiores, & aliorum exemplaria, & iustiores, & ad corrigendum peccata ali-



*Quæ necessaria sunt ad attingendum*  
orum feruentiores. Et propter omnes prædictas ra-  
tiones hortatur præfatus Sanctus Pater vt religiosus  
nisi sit occupatus ratione obedientiæ, relictis omni-  
bus se tradat exercitiis orationis, & contemplatio-  
nis. Itaq; propter vitandam prolixitatem, præter-  
mittimus hic plura alia documenta, quæ ad hanc  
materiam adduci potuissent. Vnde dantes finem  
in hac Via Illuminatiua, dicamus de Via  
Vnitua & perfectiua.



---

## TERTIA PARS.

### CAP. XXVI.

QVID EST VIA VNITIVA,  
& Perfectiua; & de conditionibus  
eius qui ad eam cupit peruenire.



IXIMVS DE VIA ILLV-  
minatiua, quæ intellectum illuminat:  
& quomodo Monachus poterit me-  
ditando ad finem optatum, qui est  
adhærere Deo, per amorem pertin-  
gere: tempus est vt tractemus de via Vnitua &  
Perfecti.

Perfectiua, quæ vnit animam cum Deo, & facit eam perfectam. Et hoc est, secundum doctrinam Sanctorum vt supra dictum est, ad veram Sapientiam peruenire. Diffinientes autem primò viam Vnitiuam dicimus quòd est illa qua quis benè purgatus & illuminatus amorosè vnitur Creatori suo, exultando de perfectionibus eius, illi soli placere desiderans, libenter & deuotè nunc ipsum magnificat, nunc laudat, nunc admiratur; totus languet timore eius, vt possit dicere illud Canticorum: Anima mea liquefacta est, vt dilectus locutus est. & illud: Fulcite me floribus, stipate me malis, nunciate Dilecto, quia eius amore langueo. Et amor iste quo tuum quæris Dilectū debet esse purissimus: scilicet principaliter propter suam Bonitatem, secundum illud Psalm. Quid enim mihi est in cælo? & à te quid volui super terram? id est, ego purè amo te, non propter dona cælorum aut propter dona terrena, sed propter tuam summam bonitatem, & propter te ipsum. Vnde considerandum est, quòd per viam vnitiuam eleuat homo mentem suam in Deum, excludens omnes vanitates, id est omnia creata: & auertit affectum sui amoris ab omni creatura, conuertens illum ad suum Creatorē: & proponit sibi illud; Vidi cuncta quæ erant sub sole, & ecce vniuersa Vanitas. Fac igitur Frater sicut auis in altum se eleuans; & si occurrunt muscæ non cures, sed pertranscas, dicendo, Ad solem tendo, id est, ad Redemptorem meum Christum, qui est verus Sol iustitiæ, qui solus est Sanctus,

*Quæ necessaria sunt ad attingendum*  
solus Dominus, solus Altissimus; & ideo nolo cor  
meum circa vanitates terrenas occupare.

**A C Q V I R I T V R** autem hæc via per intimã  
recollektionem ab exterioribus ad interiora, ab in-  
fimis ad summa, à temporalibus ad æterna.

**R V R S V M** aduertendum quòd ad acquiren-  
dam hanc viam primò requiritur, quòd homo per  
virtuosam assuefactionem & gratiam sit in virtuti-  
bus radicatus, quòd nullam delectationem habeat  
in appetitu vanæ gloriæ, in cupiditate diuitiarum,  
in concupiscentia oculorum & gulæ.

**S E C V N D O** requiritur internum silentium:  
vt scilicet non occupet se Monachus circa extero-  
ra, quid foris viderit, vel audierit, nihil curando  
tanquam in somnis occurrissent.

**T E R T I O**, quædam cum Deo amorosa vnio:  
vt omnia eius iudicia, omnia facta, omnes doctri-  
nas cum summa reuerentia amplectatur.

**Q V A R T O**, quod nihil aliud quærat, sed re-  
putet sibi illum Dilectum sufficientissimum, supere-  
xaltans eum in corde suo, diligat super omne visi-  
bile, audibile, cogitabile, & imaginabile. quia

totus { Amabilis,  
          { Desiderabilis,  
          { Fidelis.

**E T** est aduertendum quòd iste quem perfectè  
cupis diligere,

non est

non est {  
 Visibilis,  
 Audibilis,  
 Odorabilis,  
 Gustabilis,  
 Tangibilis,  
 Sensibilis, } sed totus Desiderabilis.

SCIAS quoque quòd iste quem amando quæris,

non est {  
 Terminabilis,  
 Figurabilis,  
 Numerabilis,  
 Circūscriptibilis,  
 Commutabilis,  
 Imaginabilis, } sed totus Desiderabilis.

VLTERIVS cogita quòd ille quem diligis,

non est {  
 Demonstrabilis,  
 Diffinibilis,  
 Opinabilis,  
 Æstimabilis,  
 Inuestigabilis,  
 Intelligibilis, } sed totus Desiderabilis.

QVINTO, quòd frequenter ad memoriam reducat Diuinas perfectiones, & illis intimè congratuletur. Et quamuis Dei perfectiones innumeræ sint, tamen communiter tres occurrunt, in quibus tuum affectum excitare debes, sic dicens:

O DOMINE & Dilecte mi congratulor tibi, quia tu es potentissimus, non quòd mihi in hoc bene sit quasi comòdum meum principaliter quærens,

*Quæ necessaria sunt ad attingendū viam Vnitiuam.*  
rens, sed quia illa est perfectio tua, quia nullum ti-  
mes, nullius indiges, nemo te superare potest, ne-  
mo valet tibi resistere, nullus Dæmon, nullus aduer-  
farius, & de hoc ego primo gaudeo.

**SECUNDO** Domine congratulor tibi, quia  
tu es Sapientissimus, in te enim ipso clarissimè, &  
limpidissimè intueris vniuersa, scilicet bona & ma-  
la, præterita, præsentia, & futura, actualia & possi-  
bilia, temporalia & æterna, mutabilia immutabili-  
ter, contingentia infallibiliter; & hoc totum est  
perfectionis tuæ: quia sic nullus te decipere potest,  
quia nihil te latet.

**TERTIO** congratulor tibi, quia tu es summè  
bonus, hoc est summæ perfectionis: quia immuta-  
biliter es Bonus, & ita bonus quòd quicquam te me-  
lius excogitari non potest: immò neq; dignius, ne-  
que nobilius.

**QUARTO** utile est incipientem habere a-  
liqua puncta & verba, per quæ exprimat desiderium  
suum affabiliter alloquendo Dominum in ora-  
tione, prout diximus in fine viæ Illuminatiuæ, &  
dicemus in praxi huius viæ Capitulo sequenti.

## CAP. XXVII.

De his, quæ tota hebdomada post nocturnalem synaxim secundum viam Vnitiam meditaturus est deuotus Monachus, vt sex gradus possit ascendere quibus anima Deo adhæreat.

**P**ostquam ad locum Orationi statutum peruenis, primò Crucis sacrosancto vexillo te munies, & recolligens spiritum assumes personam Filii vel Sponsæ cum affectu amoroso, & forma meditationem de perfectionibus & laudibus Diuinis discendo in eis gustare quàm dulcis est Dominus hoc modo:

Feria secunda, quomodo est Fons siue principium & finis omnium rerum.

Feria tertia, quomodo est Pulehritudo vniuersi.

Feria quarta, quomodo est Gloria mundi.

Feria quinta, quomodo totus est Charitas.

Feria sexta, quomodo est omnium Regula.

Sabbato, quomodo est quietissimus Gubernator.

Dominica, quomodo est sufficientissimus Dona-

tor.

*Feria II. secundum viam Vnitiuam.*

**FERIA SECVNDA** debes morosè cogitare, quomodo Deus est auctor, hoc est Alpha, & O, principium & finis omnium: de cuius arbitrio omnia tam mortalia quàm immortalia pendent: & qui solus dedit vniuersis esse.

**QVOMODO** ipse est qui facit, & reficit; creat, atq; creata gubernat: cuius idem est Possesse quod Velle.

**QVOMODO** Deus non potest cogitari non esse: quia si ipse non esset, nihil esset: & etiam quia à nullo alio habet Esse, quin potius omne quod est, habet Esse ab eo.

**QVOMODO** nulla res est Bonitatis suæ tam diffusiva, sicut ipse: Bonum autem quantò communius, tantò melius.

**QVOMODO** nihil est tam cito placabile, desiderabile, delectabile, & amabile sicut ille.

**QVOMODO** Deus est Causa vniuersalissima omnium rerum, illa scilicet quam Philosophi, naturali ratione ducti, cognouerunt esse Primam causam.

**QVOMODO** ipse est A quo, & In quo, & Per quem sunt omnia: & qui cœlum & terram implet, & eius virtute omnia subsistunt: & quòd est vbiq;: & quòd omnia per ipsum facta sunt, & sine ipso factum est nihil. qui non potest sentiri, neq; videri, cum ipse vniuersa sentiat, videat, sciat, & nusquam desit. Cùm igitur congratulando summæ Bonitati tui Dilecti, morosè in cordis tui intimis prædicta pertractaue.

tractaueris, forma orationem tuam suspiriis & igni-  
tis affectionibus, mentem in Deum eleuans; & in  
cordetuo alloquens Dominum, dic amorosè:

O DOMINE, tu es amor meus, honor meus,  
spes mea, refugium meum, vita mea, finis meus,  
dux meus, eruditor meus, gaudium meum. Non  
aliud quæro Domine, nihil aliud volo, nihil aliud  
mihi dicatur, nihil aliud mihi proponatur nisi tu  
Deus meus: quia tu es mihi sufficientissimus, tu  
es Pater meus, Frater meus, Nutritor meus, Re-  
ctor meus, Custos meus, qui es

totus { Amabilis,  
Desiderabilis,  
Fidelis.

Quis tam liberalis qui seipsum det?

Quis tam charitatiuus, qui pro tam vili peccatore  
moriatur?

Quis tam humilis, qui maiestatem suam tantum  
humiliauit?

O DOMINE, qui nullum despicias, nullum  
quærentem te deseris: nullum horres, sed præue-  
nis eum, & occurris quærenti. Delitiæ enim tuæ es-  
se cum filiis hominum.

QVID in me inuenisti nisi sordes peccatorum,  
& mecum vis esse vsq; ad consummationem sæculi?  
Nonne satis fuit te pro me mori, & dare tot Sacra-  
menta, & Angelos custodes? Et his semper sum in-  
gratus, sed & tu vis esse mecum. O amantissime  
Pater, tam bonus es quo teipsum negare non po-  
tes.



*Feria II. secundum viam Vnitiuam.*

tes. Faciamus igitur cambium simul: tu intende mihi, & ego tibi; & sicut scis & vis fac mecum: quia tuus & non alterius esse volo. Da mihi Domine vt ego tibi soli intendam, te solum diligam, tuo semper amore ferueam: nihil aliud cupiam nisi te, & me totum tibi offeram, & oblatum nec aliquatenus repetam.

O I G N I S me incendens, ô Charitas me inflammans, ô lumen me illuminans, ô requies mea, ô refrigerium meum, ô spes mea, ô thesaure mi: ô vita mea, ô amor qui semper ardes, & nunquam extingueris.

O D O M I N E I E S V Christe Rex meus, accende me igne Amoris tui desiderii, tuæ charitatis, tuæ lætitiæ, tuæ pacis, tuæ pietatis, tuæ mansuetudinis; vt totus dulcore tui amoris plenus, totaliter compos flammæ tuæ charitatis, te dulcissimum & speciosissimum Dominum meum diligam ex toto corde meo, ex tota anima mea, ex omnibus viribus meis, ex tota intentione mea, ex tota contritione cordis mei, & lachrymarum compunctione, ex multa reuerentia, tremore, & timore: te semper habens in corde meo, ante oculos meos in omni loco, ita vt in anima mea alicuius priuati amoris non sit accessus: sed transformatus totus in tuum amorem, merear tecum vnus spiritus esse.

P O S T Q V A M autem auxilio Diuinę gratiæ, secundum prædictum modum per aliquod tempus fueris exercitatus, amorem adeptus, ascensis  
sex gra-

sex gradibus infra describendis, tunc sine aliqua precedenti meditatione, neque intellectus consideratione, poteris centies in die amorosè mentem in Deum leuare.

E T si quis ignorantia, vel simplicitate nescit se in præfata via exercere, in fidei virtute fundatus, doleat saltem de suis peccatis. Et si nescit in diuinis scripturis meditari, conetur ex toto corde suo Deum amare, in suis orationibus frequentans verba quæ sequuntur;

O Domine, quando te poterò amplexari certo & integro amore?

O amator ardentissime, quando te diligam filiali amore?

E T hoc faciens, quantumcunque sit simplex, & illiteratus, ex dolore & compunctione peccatorum quasi quodam pedum osculo & ex recordatione Diuinorum beneficiorum sicut quodam manuum osculo ascendet ad osculum oris, scilicet ad effectum diuini amoris: secundum illud quod Salomon ait in Canticis in persona sponsæ, scilicet deuotæ animæ Redemptori suo desponsatæ: Osculetur me osculo oris sui. Et non est putandus superbus, vel præsumptuosus, qui hoc osculum oris petit: cum prius fuerit assuefactus & exercitatus in osculis pedum & manuum per compunctionem peccatorum, & memoriam Diuinorum beneficiorum, vt dictum fuit supra Cap. XIX. cum loqueremur de via purgatiua. Et hæc sufficiant quo ad exercitium ferix secundæ.

*Feria III. secundum viam Vnitiuam.*  
cundæ, quod quidem consistit in suspiriis amorosis  
dilecti.

**FERIA TERTIA** veniens ad oratorium,  
signaculo sacro Sanctæ Crucis consignatus, assume  
personam Filii cum amoroso affectu, & forma me-  
ditationes hoc modo:

**PRIMO INTVERE**

Quomodo iste tuus Dilectus est decor vniuersi,  
& vniuersa decorauit.

Quomodo est ille, cuius pulchritudinem Sol &  
Luna mirantur, & in quem Angeli desiderant pro-  
spicere.

Quomodo ab isto tuo dilecto habet decorem  
pulchritudinis sidera, rosæ, lilia, plantæ, & vniuer-  
sa creatura.

Quomodo ab illo habent aues decorem suavis  
melodiæ, philomelæ, alaudæ, & omnium auium  
genera, & organorum.

Quomodo ab illo habent dulcorem saporis, mel,  
vinum, & omnium pigmentariorum & fructuum  
genera.

Quomodo ille decorauit Cælum syderibus, æ-  
rem volucris, terram animalibus, aquam innu-  
merabilium generum piscibus.

Quomodo ipse sustentat omnia: & si suam sub-  
traheret sustentationem seu conseruationem, om-  
nia in nihilum redigerentur.

Quomodo ipse est fons sapientiæ, à quo ema-  
nant

nant omnes thesauri sapientiæ & scientiæ. ille enim est æterna sapientia, attingens à fine vsq; ad finem fortiter, & disponens omnia suauiter.

Quomodo ipse est qui cœlorum continet thronum, & abyssos intuetur: montes ponderat in statera, terram palmo concludit, & posuit legem aquis ne transirent terminos suos.

Cum igitur lentè ista, super potentia & decore dilecti tui fueris contemplatus, ex intimis cordis forma orationem amore ignitus eo modo quo diximus fer. ii. dicens: O Domine tu es amor meus, honor meus, spes mea, refugium meum, &c.

FERIA QVARTA ad locum orationis accedens, vbi tibi Crucis signaculum impresseris, &c. personam Sponsæ assumens ingenti amoris affectu forma meditationem modo qui sequitur,

### INSPICE

Quomodo iste quem amando quæris, est mundi Gloria: quem adorant Angeli, adorant Archangeli, tremunt Potestates, & cui omnia seruiunt.

Quomodo eum iurè laudat omnis creatura: & ipse est Spes nostra, salus nostra, honor noster, gloria nostra, finis & expectatio nostra.

Quomodo est abundantissimus: nam sua est terra, & plenitudo eius, & gloria & diuitiæ in domo eius. & quod si honoratur & diues dicitur qui habet aurum, quantum honorari deberet, qui fecit aurum & gemmas, & omnia quæ sunt in vniuerso?

Quomodo

*Feria V. secundum viam Vnitivam.*

Quomodo iste tuus Dilectus est incompræhensibilis, de eo enim dicitur: Magnus Dominus & laudabilis nimis, & magnitudinis eius non est finis.

Quomodo est tantæ excellentiæ, vt suam altissimam Celsitudinē nemo possit capere ad plenum: neque Angelus, immo neq; vlla creatura: quia omnis creatura est finita, Dilectus autem tuus infinitus: Finiti vero ad infinitum nulla est proportio.

Cumque ista congratulans Gloriæ & diuitiis tui Dilecti morosè fueris meditatus, ex præcordiis amore plenis forma orationem, vt supra Feria Secunda dicens: O Domine tu es amor meus, &c.

**VBI FERIA QVINTA** ad orationis locum perueneris, & Crucis sanctæ vexillo te insignieris assumens personam &c. vt supra cum ardenti amore forma meditationes hoc modo:

**CONTEMPLARE**

Quomodo iste quem diligis totus est charitas: & qui manet in eo, manet in charitate: sicut natura ignis est ardere, incendere, & calefacere; sic proprietas Charitatis eius est creare, & se largissimè diffundere, ad amorem inflammare, accendere, saluare, redimere, custodire, liberare, illuminare.

Quomodo iste Dilectus tuus est, loco incircumscripibilis: & tamen vbique est: nam si ascenderis in Cœlum illic est; si descenderis in Infernum adest. De illo enim dicit Bernardus: Deus vbique regnat, vbique imperat, vbique Maiestas eius omnia implet:

plet: nam in Inferno exercet actum iustitiæ: dicere autem in absentia eius hoc fieri perfidia est.

Quomodo iste dilectus tuus est Merces Sanctorum, Iubilus Angelorum, Speculum omnium electorum, expectatio Patriarcharum, Fundamentum Prophetarum, Solamen Apostolorum, Corona Martyrum, Iubar Confessorum, Gloria Virginum.

Cum ergo ista charitati, & magnificentiæ dilecti tui congratulans demorando meditatus fueris, oramodo quo supra, dicēs: O Dñe tu es amor meus, &c.

FERIA SEXTA ad oratorium perueniens, postquam te sacræ Crucis armis munieris, accipiens personam vt supra, cum affectu amoroso forma meditationem sic:

ANIMADVERTE

Quomodo iste quem cupis ardentè diligere, est Regula & exemplar omnium. & quantò res est ei propinquior, tantò est nobilior.

Quomodo aliqua habent Esse solùm, aliqua Esse & viuere, & sunt nobiliora prioribus; aliqua Esse, viuere, & discernere, & sunt secundum naturam vtrisque nobiliora; aliqua præter hæc habent purum Esse, & virtuosum esse: & sunt eis plus cæteris propinqua.

Quomodo per sincerissimã eius Bonitatẽ, est in eo

omnis	{	Exemplaritas,
		Virtuositas,
		Communicabilitas.

H

Quomo.

*Sabbatho secundum viam Vnitiuam.*

Quomodo iste tuus Dilectus est Ordo siue ordinator vniuerforum; qui singula locat secundum statum suum, & sua merita, sursum aut deorsum, sicut prudens pictor ponit colores, hic rubeum, illic nigrum, ibi fuluum, vt decor & opus suum.

Quomodo iste quem diligere concupiscis, est perfectissimus sine omni defectu; qui nullius indiget, quia est sibi sufficientissimus: quo melius, aut dignius, aut nobilius, aut perfectius quicquam neque est, neque potest cogitari.

Quomodo quicquid est laudabile, & perfectionis in creatura in positiuo, hoc est in eo in superlatiuo. Vbi autem hæc congratulando exemplaritati, ordinationi, & perfectioni tui Dilecti demorâs fueris contemplatus, affectu amoris igniti forma orationem eo modo quo diximus Feria secunda dicens: O Domine tu es amor meus, &c.

**S A B B A T H O** vbi accesseris ad locum orationi deputatum, consignans te Sacro Sancto signaculo Crucis, ac assumens personam vt supra, cum affectu amorofo, forma sic meditationem,

**C O N S P I C E P R I M I T V S,**

Quomodo iste quem amas est Quietissimus, & perpetua mundum ratione gubernat: terrarum cœliq; sator est: Stabilisq; manens dat cuncta moueri.

Quomodo est Principium Rector, Dux, semita, & Terminus omnium.

Quomodo ipse est Finis, & Requies tranquilla  
piis, &

piis, & immobilis & immutabilis, quia ubiq; est: res autem dicitur moueri quæ tendit ad locum vbi prius non fuit; immobilis autem quæ ubique est, & non habet quò tendat.

Quomodo est omnium Recreator, ipse enim dixit: Venite ad me omnes qui laboratis & onerati estis, & ego reficiam vos: & quòd anima quæ in suo Dilecto radicata est sicut in suo centro recreatur & quiescit: quæ verò non, multis vanis phantasmatis inquietatur & fatigatur. Postquam hæc prædicta diligenter meditando in corde versaueris tuo, vt valeas in corde aliquem percipere saporem congratulans Quietæ, stabilitati, & recreatiuæ virtuti tui Dilecti, amoroso affectu ora vt supra dicens: O Domine amor meus tu es. &c.

**DOMINICA DIE ORATORIVM** ingressus, & Sanctæ Crucis vexillo munitus assumensq; personam Filii vel Sponsæ cum amoris affectu forma isto modo meditationem tuam.

### PRIMO COGITA

Quomodo iste quem amans desideras est sufficientissimus; & qui eum possidet, omnia possidet. & qui eum non habet, mendicus est & pauper. quia quicquid præter eum est non reficit; & si reficit non sufficit: & si ad tempus sufficit, non tamen in perpetuum satiat, quin adhuc ampliùs quærat: qui autem eum habet, saturatus est; quia secum finem suum habet & non aliud quod quærat.



*Dominica secundum viam Vnitiuam.*

COGITA

Quomodo iste tuus dilectus est super

omne {  
Visibile,  
Audibile,  
Gustabile,  
Odorabile,  
Tangibile,  
Sensibile.

Quomodo est altior: quia super

omne {  
Terminabile,  
Figurabile,  
Numerabile,  
Circumscripibile,  
Commutabile,  
Imaginabile.

Quomodo est altissimus: est enim super

omne {  
Demonstrabile,  
Diffinibile,  
Opinabile,  
Inuestigabile,  
Æxistimabile,  
Intelligibile.

Est tamen totus amabilis, maximè laudabilis & sum-  
mè desiderabilis.

Quomodo iste tuus dilectus est thesaurus fide-  
lis: & vbi est thesaurus tuus, ibi est cor tuum; quic-  
quid tibi auferatur: si ille in te permanserit suffi-  
cit tibi;

cit tibi; nam illic est illud vnum, quod dixit Marthe esse necessarium.

Quomodo ille est summa complacentia nostra, & si totus mundus nos reprobet, si ille nos approbat sufficit nobis; Desiderium enim nostrum ipse est & nostra sufficientia.

Quomodo est vita à qua habent Viuere omnia; in quo nos mouemur, viuimus, & sumus: de illo enim dicitur: Ex ipso & per ipsum, & in ipso sunt omnia.

Quomodo Dilectus tuus dicitur Christus, id est, vnctus. nam est talis vnctio & falsa, quæ apposita vnicuique rei mundi, facit ipsam sapidam.

Quomodo in electis est sapor gratiæ, in damnatis sapor iustitiæ, & vindex iniquitatum.

Quomodo iste tuus Dilectus est Creator, Gubernator, Redemptor, Iustificator, Retributor, & glorificator. Exultans igitur in meditatione harum perfectionum dilecti tui, & eis congratulans, liquefiat anima tua, & in pace in idipsum dormiat & requiescat: & dicat: Nolite suscitare dilectam donec ipsa velit, & prorumpam in eius laudibus. Et si dignè eum laudare nequeam, de eo tamen non silebo; cum solùm de eo gaudeam: ille enim est dulcissimus sapor, & qui eum gustat, victus ab eius sapore, mori poterit præ amore. Tu solus amans vnice dilecte mi pulcherrime: Vbi quæso vis manere? Vbi vis te quæram, qui totus es sapor & dulcedo? O dulcis hospes animæ, esto hospes meus, & ego tecum sine fine.

*Quomodo mens eleuatur in Deum*

Cumq; ista congratulans sufficienti & fidei the-  
sauro vitæ & vnctioni tui dilecti morosè medita-  
tus fueris, ex intimis suspiriis & desiderii eius for-  
ma orationem prout diximus Feria secunda, dicens:  
O Domine tu es amor meus, &c.

CAP. XXVIII.

Quomodo anima nostra per ferui-  
dum amorem, sine aliqua intelle-  
ctus operatione, erigitur in  
Deum.

**D**Iximus in superioribus quomodo intellectus  
noster per meditationem & laudationem Di-  
uinarum perfectionum erigitur in Deum: & qua-  
liter in anima nostra, per verba & desideria ignita  
ignis Diuini amoris est accendendus: nunc tractan-  
dum est, qualiter mens iam aliquantulum secun-  
dum formam supra positam exercitata, eleuatur in  
Deum absq; vlla intellectus actione, & ei per fer-  
uidum amorem adhæret; quod Sancti veram sapi-  
entiam nuncupant. vt em̄ dicit Diuinus ille Dionys.  
Sapientia ista est per ignorantiam cognita; eò quòd  
nulla humana ratio intellectus vel notitia eleuat a-  
nimam ad huiusmodi amorosam vnionem: sed est  
opus solius Dei, qui sine aliquo intellectus nostri of-  
ficio dignatur sui sentimentum animæ communi-  
care.

care. Vnde hic anima nostra, quoad intelligere potius se habet passiuè & receptiuè quàm actiuè: nam ibi sensus non habet locum, vbi sola regnat amoris affectio. De hac sapientia dicit Beatus Iacobus, Quod omne donum perfectum de sursum est descendens, id est à Deo. Ista est sapientia quæ tantum & tam sæpè commendatur in Libro Sapientia. Et non gignitur in nobis hæc sapientia per studium intellectus, sicut scientiæ humanitatis acquiruntur, sed per exercitia internorum affectuum, de qua loquitur Propheta, cum ait: Renuit consolari anima mea, memor fui Dei & delectatus sum, & defecit spiritus meus: hoc est quod anima quæ omnem humanam & carnalem delectationem à se repulerit, tactu Diuinæ Sapientia exhilaratur, & sursum eleuatur, & hic deficit. nam non sufficit linguæ exprimere officio, quod de suo hic sentit dilecto. Ad hanc sapientiam nunquam Philosophi perueniunt, neque illi qui circa corporalia & phantasmata intellectum occupant. Et est super omnia dona nobis supernaturaliter infusa quantum ad modum eleuandi in Deum, scilicet per amorem, superiorem animæ portionem. neque enim in aliqua alia re Anima tantum quiescit; neque adhuc in eo habens respectum ad aliquid commodi vel voluptatis, sed solum propter seipsum; qui solus est summè amabilis; quem quærit & petit & diligit duntaxat; quia sentit eum summè bonum, immo ipsum summum bonum, ab omni defectu & miseria

*Quomodo mens. eleuatur in Deum per solū amorē.*

elongatissimum. Et vt dicit quoq; idem Beatus Dionysius Cap. VII. de Diuinis nominibus: Sapientia ista ita pertingit suum Dilectum per amorem, quòd non speculatur, vel considerat eum speculatiuè, vel subtiliter, quod quidem non mouet ad amorem. sicut si quis ad inuestigandum aliquas veritates subtiles vehementer occupetur in materia de Trinitate, vel de Æterna Verbi generatione, aut de mundi Creatione, in quibus patefit Diuina Potentia, non afficitur ad amorem; sed solummodo hæc sapientia studet illis considerationibus, quæ afficiant animam nostram, vt eleuetur & caleseat ad amorem ardentem sui Conditoris, sentiens eum absq; aliqua similitudine corporali, & intelligens ineffabiliter. itaq; supra naturæ cursum prius amatur quàm cognoscitur. Et qualiter per hanc Seraphicam sapientiam ametur & cognoscatur, hic experiri potest, dici non potest. nam cùm hoc totum sit purè spirituale, nihil corporeum ad illud aliquod adminiculum præstare potest: hoc enim Deus tantummodo per seipsum operatur. Vnde quilibet licet simplex & illiteratus, qualis est vnus rusticus, vel vna simplex vetula, in hac sapientia tam alta potest repentè fieri magnus discipulus, prout ei Dominus illam sapientiam dignabitur communicare in magna vel parua quantitate, prout ad eam se præparauerit: si enim non se præparat faciens quod in se est, nunquam ad hanc sapientiam perueniet.

CAP.

Exercitator plus sentit & diligit, quàm videt & intel. 61

C A P. XXI X.

Quòd Exercitator plus sentit & diligit, quàm videt & intelligit.

**D**Auid Propheta confirmat hanc sententiam dicens: Gustate & videte quoniam suavis est Dominus. Vbi ostendit quòd deuotus quisq; prius gustat Deum affectu per amorem, & deinde cognoscit intellectu quod interiori palato prægustauerat. Rursum patet hoc per hoc, Quòd multi contemplatiui & deuoti plus amant quàm intelligant vel sciant: sicut patet de ignorantibus vel simplicibus, qui magnis Scholasticis sunt deuotiores. Illi ergo tales maiorem habent amorem, & ad plura se extendit in eis amor quàm intelligentia naturalis, & per consequens aliquis est amor in eis: qui non est per intelligentiam vel cognitionem præuiam. Præexigit tamen talis amor lumen fidei, & præsentiam gratiæ & charitatis. secundùm em̄ quod ait Dionys. in principio libri de Mystica Theologia, Ista alta sapientia de qua loquimur, ista est sapientia, quod solum est eius qui verus est Christianus, & amicus Dei. Vnde notandum quòd quamuis amor iste detur deuotis personis sine hoc quod præexigatur aliqua cognitio præcedens, quia hic amor non firmatur in anima nisi per cognitionem Fidei, quam de Deo habemus; tamen quia hæc gratia non ita om-

*Exercitator plus sentit & diligit,*  
nibus copiosè confertur, ideo qui nouiter contem-  
plationi vacare incipiunt, antequam ad perfectio-  
nem huius amoris perueniant, in quo omnis con-  
templatio finitur, oportet primitus speculationi &  
considerationi creaturarum, & Diuinorum ope-  
rum insistere: quemadmodum ei qui vult in altum  
ascendere opus est scala. Hoc insinuauit Propheta,  
cum dixit: In meditatione mea exardescet ignis.  
quasi dicat; Priusquam anima igne Diuini amoris  
inflammetur, oportet vt præcedat aliqua creatura-  
rum & Diuinorum operum consideratio, qua ve-  
luti quadam scala sursum feratur. In perfectis verò  
& exercitatis contemplatiuis absq; vlla scala intel-  
ligentiæ vel considerationis speculatiuæ vel practi-  
cæ alicuius alterius rei, quæ non est Deus; & adhuc  
nulla de Deo præcedente speculatiua cogitatione,  
mox per ardorem amoris erigitur sursum superior  
animæ portio. Et quia aliquis posset dicere quod  
Augustinus dicit; Inuisa amare possumus, incognita  
verò minimè: dico quod secundum quòd dicunt  
Sancti Doctores, Augustinus vult dicere, quod in  
omni contemplatione requiritur aliqua cognitio:  
& hoc verum est, iste autem tam altus amor de quo  
agitur, est totus circa Deum in quantum est sum-  
mum bonum, & est speciale donum Dei: ita vt per  
nullum alium modum, neq; ab alio quàm à Deo ha-  
beri possit. Et ideo Amor iste præsupponit cogniti-  
onem Dei, quæ habetur per lumen fidei, quæ est  
virtus Theologica, & per consequens nobis infusa  
à solo

à solo Deo. & per nullam aliam viam gignitur in nobis talis amor, neque per aliquam cognitionem vel industriam aut artem humanam: sicut ille amor communis, qui naturaliter excitatur in nobis ex quadam naturali inclinatione animæ nostræ in rem amatam. Et ad clariorem præmissorum intelligentiã est notandum, Quòd sicut contingit accedentem ad ignem prius sentire calorem ignis, quàm videat eius lumen, sic contemplatius perfectus prius sentit calorem Diuini amoris, quàm cognoscat quod experitur, saltem in hac vita: nam in Patria aliud erit, vbi anima nostra inseparabiliter vnietur cum illo æterno lumine gloriæ, quod est Deus. Ad istum amorem de quo loquimur, citius vel prius ascendit, qui sæpius suspirans & gemens in corde suo, dicit illud, quod supra diximus in meditatione & oratione Secundæ Feriæ hanc materiam tangente; O Domine quando te diligam? quando te fruam? quando te amplexabor? quando intra me intuebor? & cætera. Qui huiusmodi est, citius eleuatur ad amandum, & feruenter desiderandum Deum, quàm si contemplaretur profunda arcana immensurabilis æternitatis, vel Diuinarum processionum. qui enim huiusmodi speculationes in mente sua versat vt sciat solùm, & non vt igne Diuini amoris ignescat, parum proficit: nam amor est finis omnium cogitationum in homine benè ordinato. Et quia hoc non fecerunt Magni Philosophi, neque faciunt moderni Theologi; ideò quamuis sint ma-

gni



*De gradibus viæ Vnitivæ.*

gni speculativi, sunt tamen elongati à Deo & ab omni devotione, & amore, & timore Dei, in multis & magnis sceleribus inuoluti. De hac tam sublimi & tam gloriosa sapientia ait Beatus Paulus: Quam nullus sapientum, scilicet Græcorum intelligere potuit. De qua etiam Corinthiis scribens, ait: Spiritus noster spiritui Divino unitus, sentit quæ sunt eius, & hæc est sapientia quam loquimur inter perfectos. De illa quoque Redemptor noster. dixit Apostolis ante ascensionem: Induemini virtute ex alto. Et hoc signatur cum ad altare induitur sacerdos: qui incipiens à capite vestit se amictu alba & casulla: eo quòd ista sancta sapientia solùm venit de sursum, neque quisquam alius eam docere potest quàm Deus.

CAP. XXX.

De effectibus quos gradatim iste amor Vnitivus & Perfectivus in anima operatur.

Opera siue effectus, quos iste Divinus amor & Spiritus supernæ contemplationis in mente deuota gradatim operatur, secundùm doctrinam Sanctorum sunt sex isti gradus.

{	Illuminatio,	{	Desiderium,
{	Inflammatiô,	{	Saturitas,
{	Suauitas,	{	Raptus.

Et signi-

Et significantur per sex gradus, quibus Salomon ascendebat ad thronum, qui erat in alto positus: quia eodem modo Christus I E s v s ascendit per eos in altiori portione Animæ nostræ, quæ dicitur apex mentis: & illic residet, cum eam plena pace possidet.

**PRIMVS** Gradus, vel effectus, quem iste supernus amor in anima contemplantis operatur, dicitur illuminatio: postquam enim illius igne Seraphici amoris inflamatur, relinquit in ea quandam experimentalem Dei cognitionem: hinc cognoscit anima Deum esse fontem totius bonitatis, nobilitatis, & speciositatis: & dignum omni honore, gloria, reuerentia, & laude. & ex comparatione ad ipsum, cognoscit seipsum esse miserabiliorem, viliorem, contemptibiliorem, & abominabiliorem quam aliqua mortali lingua exprimi possit. Et comparans Deum ad seipsum, cognoscit nihilominus quanta sit eius dulcedo, & clementia: quia suæ sapientiæ tam inæstimabiles thesauros dignatur in tam vili loco, scilicet sua abominabili conscientia, & anima peccatorum omnium spurcitiis plena reponere.

**SECUNDVS** Fructus, siue gradus huius vnitivi amoris, quæ est in hac altissima contemplationis pars, vocatur Inflammatio. nam anima illuminata habens experientiam speciositatis, sublimitatis, & nobilitatis Diuinæ, manet intantum inflammata eius ignito amore, vt nihil aliud cogitet, neque in alia re delectetur: neque cogitare vel loqui aliud vellet.

*De gradibus viæ Vnitivæ.*

vellet. Et tunc abhorret prorsus omnem carnis voluptatem vndecunque venientem.

**TERTIVS** effectus, siue gradus, est quædam suavitas & delectatio. Vbi enim anima fuerit illuminata, & igne isto Diuini amoris inflammata, oritur in ea quædam ineffabilis delectatio omnes superans mundanas delectationes, sicut mellis dulcedo fellis amaritudinem. itaque modicum quid illius supernæ dulcedinis præualet, & plus animam delectat quàm omnes mundi huius quæ fuerunt, & sunt futuræ carnales delectationes.

**QVARTVS** gradus, dicitur esuries vel desiderium, cum enim Anima contemplantis sic illuminata & delectata in Deo fuerit, sicut dictum est: desiderat ita vehementer per assiduum amorem & sentimentum Deo adhærere, quòd potiùs quæcunque tormentorum & pœnarum genera in quibus ipse non offenderetur eligeret, quàm illis supernis deliciis quas in suo dilecto expertus est ad horam carere. Et ideò omnis alia voluptas est sibi Mors, & semper manet in illo ardore & vehementi desiderio fruendi his deliciis, quas apud suum superabilem Patrem & Dominum sensit.

**QVINTVS** gradus, dicitur saturitas: tunc enim ita anima illis Dei sentimentis saturatur; vt nihil aliud quærat vel desideret: quin potiùs aliud habere vel possidere est sibi mors: tunc in ea sopiuntur vniuersa alia desideria, gaudia, & affectiones; & videtur sibi quòd fruatur Deo; & quod fru-

ens Deo,

ens Deo, fruitur omnibus quæ sunt: & quod sine illo nihil est: & quod tenens eum est generalis regina super omne quod est & esse potest.

Ex omnibus præmissis quinque gradibus quos præfatus Seraphicus amor in mente veri contemplativi operatur, procedit sextus qui appellatur raptus, seu excessus mētis: non quòd ille raptus requirat quòd homo videat aliquas visiones imaginarias, vel reales: sed requiritur quòd homo videat se illuminari, inflamari, recreari, eleuari per amorē in suū creatorem. ita quòd illud quod sentit & videt, non potest aliquibus verbis declarari ratione suæ Sublimitatis, bonitatis, formositatis, puritatis, & nobilitatis. & ratio huius est, quia ille raptus, seu mentis excessus provenit ex gratia Dei, sua immensa bonitate illam animam ita sursum ferre volentis; vt nulla alia res à Deo eam eleuare sufficiat; cum talis eleuatio omnem potentiam creatam transcendat. Et quia iste raptus est quid spirituale, ideo intellectus noster onere carnis prægrauatus non potest in eodiu permanere; sed quasi captiuus eleuatur, statim ad seipsum rediens. Habet se quoque intellectus noster in illo raptu, sicut oculus corporis intuens solis radios, qui non potest diu fixis obtutibus solem intueri; sed per modicum temporis aspicit: & mox non valens lucis solaris virtutem sustinere, clauditur & iterum aperitur ad intuendum: & mox solis vigorem non sustinens clauditur. simile accidit intellectui nostro in contemplatione solem iustitiæ intueri

*De gradibus viæ Vnitivæ.*

intueri conanti. Rursum est similis sagittæ quæ sursum proiecta, statim deorsum descendit ratione suæ grauedinis ad descensum eam inclinantis. Et pisces extra aquam saltanti, & mox ad eam descendentem. Tale quid in proposito contingit.

**HVIC** sexto gradui annectunt Doctores hos duos sequentes :

**PRIMVS** dicitur Securitas : siquidem cum anima à suo Sponso Christo **IESV** experitur se tam ardentem amari, & sic illuminari, inflammari, deliciarum, & rapti, concipit ab eo & in eo tantam securitatem, ut nulla huius mundi supplicia vel corporis detrimenta, neque adhuc ipsam mortem dubitaret propter eum sustinere: & extunc nihil timet. Et tantam habet fiduciam in æterna Dei bonitate quam prægustavit & expertus est, ut non formidet ab ea vnquam seiungi, quin potius confidat proculdubio se cum eo in gloria æternaliter futurum. O quanta habitat omni tempore lætitia in tali anima, quæ illam æternam beatitudinem, quam infalibilibiter sperat, hic iam præuidet & prægustat?

**SECUNDVS** est plena Tranquillitas, nam cum animam huiusmodi nulla tribulatio neque damna corporis, neque metus terrere valeant, sequitur eam esse in plena pace & quiete, & tanta ut nullis verbis queat explicari. Vnde super hoc dicit Ricardus in suis contemplationibus : O anima Christiana cum hunc Paradisum possis ascendere, & in hac vita permanere, vende omnia quæ possides & scis,

scis, & compara hanc gloriosam possessionem, nec cara tibi videatur; nam eius venditor Christus est, qui se offert vniuersis eam emere cupientibus.

Et est aduertendum quod in hac vita nullam prædictarum trium viarum supra expositarum, scilicet Purgatiuam, Illuminatiuam, & Vnitiuam plenè possumus perficere: sed nos ipsos in illis exercentes, ascendimus ad puritatem cordis, & charitatem perfectam in hac vita possibilem.

**I**N exercitio primæ viæ quærimus Deum, quem quamuis inueniamus, non tamen per feruentem charitatem.

**I**N secunda via, scilicet Illuminatiua, offerimus hostias & sacrificia laudis, & ardentium desiderio, spe & auiditate ad æternam beatitudinem perueniendi.

**I**N tertia via, scilicet Vnitiva, inuenimus illum quem diligit & desiderat anima nostra.

**I**N prima itaque via mundanæ concupiscentiæ deferuntur: in secunda mens illustratur: in tertia iam quietata quiescit in Deo. Nec putandum est quòd in præsentī vita omnino à concupiscentiis purgari queas, cùm hoc Beatus Paulus consequi nequiuerit, vt ait Augustinus: & tractatus; Beatus vir. neque valemus omnes nostras affectiones sursum erigere, quin quicquam earum terræ adhæreat. nam terrena inhabitatio deprimit sensum multa cogitantem. neq; possumus ad tantam cordis munditiam hîc venire, vt Deo incessanter per feruorē actu-

*Quod ad contemplandum*

alis amoris adhareamus. quia quandiu in corpore  
viuimus, peregrinamur à Domino.

Hactenus exposuimus tres vias prædictas: & quomo-  
do per eas si orationi & meditationi studiosè vaca-  
ueris, poteris feriatim ad illud quod optas perueni-  
re, scilicet ad vnionem illam cum Deo amorosam.

Et ideo dantes finem huic viæ Vnitiuæ, oportet vt  
nunc saltem breuiter tangamus, qualiter contem-  
plando poteris ad illam Seraphicam vni-  
onem pertingere.



---

## QVARTA PARS.

### CAP. XXXI.

QVOD MAGNA LITERATV-  
ra est scientia & non sapientia, &  
quod contemplatiuis non est  
omnino necessaria.



VAMVIS multi Sancti, & præcla-  
ri Doctores subtiliter de contempla-  
tione locuti fuerint, sicut Beatus Gre-  
gorius in Moralibus, & Beatus Ber-  
nardus super Cantica, & Richardus  
de San-

de Sancto Victore in suo libro de Contemplatione; & multi alii, ad quorum tractatus eruditi recursum habere possunt: pro minus tamen eruditis tractabimus saltem breuiter de ipsa contemplatione: licet plura de ipsa in superioribus dixerimus. Et primò asserimus non esse necessariam contemplatio sci-entia copiam. Quamuis enim multa scientia & literatura, eruditioq; legis Diuinæ ac sacræ scripturæ non modicum apicem contemplationis ascendere cupientibus conferat adminiculum, interdum tamen multum officit multis: non quidem ex se, sed ratione inflationis occasionaliter ex ea prouenientis. Nemo autem ad veram contemplationem scandere valet, nisi per scalam humilitatis, vt ait Apostolus: Si quis inter vos videtur sapiens esse in hoc sæculo, stultus fiat vt sit sapiens. hoc est, intellectum suum humiliando subiiciat, stultum se æstimans respectu Diuinæ Sapientia: vtpote non valens comprehendere Dei iudicia atque opera. Hinc est quòd in contemplationis adeptione iter ad eam perueniendi pluribus huius mundi sapientibus nil adeo interclusit, quàm quòd se humiliare dedignati sunt, scilicet suum intellectum captiuando & subdendo arcanis redemptionis per Christum Iesum Redemptorem nostrum patratæ, ac eius operibus tam humilibus exemplis quæ nobis reliquit. Attamen qui per hoc ostium tam humile & bassum non ingreditur, fur est & latro, & frustra laborat, prout dicit Dominus: In vanitate sensus sui capite incedēs leuato,



*Qui sunt aptiores*

id est, in magna intellectus sui & scientiæ suæ æstimatione, renuensq̃ humiliari & effici vt paruulus, nunquam per illam humilem ianuam valebit intrare: immo cespitans retroibit instar quorundam Domini nostri discipulorum: de quibus scriptum est, quòd abierunt retrorsum, cum eum intelligere non potuerunt. Quod etiam constat quibusdã contigisse viris doctissimis, qui vtinam tantam scientiæ copiã non acquisiuisset, sed potius in sua simplicitate sicut eorum patres absque literatura permansissent: non ratione scientiæ, quæ ex se proficua est, & plurimum prodest benè ea vtenti, humiliter, & in Dei gratia; sed hoc prouenit ex superbię surreptione, sicut dicit Apostolus, Quia scientia inflat. Contingit etiam hoc secūdum complexionum & personarum diuersitatem: experientia enim cognoscimus vinum optimum non parum nocere febricitantibus: ensem quoq̃ furioso, si seipsum eo occidat. Videmus præterea ægris oculis odiosam esse lucem, quæ sanis est amabilis, dulcis, & delectabilis. Simile est de scientia, quæ cum sit bona in se, homini tamen indiposito, & moribus inordinato, ea abutenti multum nocet.

CAP. XXXII.

Qui sunt aptiores ad contemplationem.

Sicut ait Beatus Gregorius Moralium sexto libro, sunt quidã naturaliter, aut ex complexione vel  
assuefa-

assuefactione adeo ad exteriora occupationesq̄ terrenas proni, vt ad contemplationem erigi non possint: ad vitam verò actiuam multū aptiores inveniuntur. Qui si contemplationi vacare conarentur, in magnos inciderent errores & blasphemias; eo quòd tantò deteriores cordis tumultus tolerant, quantò eis libentius ad cogitationes vacat. Vnde tales circa opera vitæ actiuæ versari habent.

Alii autem mentem habent ita tranquillam & ociosam, vt si eos labor occupationis excipiat, in ipsa operis inchoatione succumbant: sed delectabiliter viuunt in consideratione operum Dei, vitæq̄ cœlestis. & hæc ruminantes ac tota humilitate de sua salute præmeditantes, quantum valent mentes suas ab exercitatione immoderati laboris abstrahant. Sæpè enim qui Deum contemplari quieti poterant, occupationibus pressi ceciderunt. Et sic tales circa opera exteriora versantes, potius deficerent quàm proficerent. Sunt alii qui ex consuetudine, vel ex virtute contemplationis, vel ex excessiuo Dei amore, aut fortè eis à suis progenitoribus inest, vt habeant mentemabilem, & quasi ambidextri valeant modò circa vnâ, modò circa alteram vitam occupari: & tales decet esse Prælatos. Qui autem sunt de prima conditione, & statu, scilicet illorum qui ratione complexionis vel consuetudinis sunt habiles ad exteriora, frequenter errant: si se profundis cogitationibus tradunt; operationibus & occupationibus exterioribus derelictis. Accidit

### *Differentia inter sapientiam*

quoque personas simplices & illiteratas esse de conditione secunda & statu. & hi securè possunt degere in solitudine, & sæpè cogitare de sua salute sine alia terrena occupatione. Vnde manifestè apparet, quòd personæ simplices non sunt tanquam ineptæ à contemplatione repellendæ. Vidimus enim & experientiam videmus in sanctis Eremitis, & in aliquibus fæminis plus in Dei amore quosdam per contemplationem profecisse, quàm plures magni Clerici & religiosi literati proficiunt. Cuius rationè assignat Gerlon in suo monte contemplationis: quia ista vita contemplatiua meliùs acquiritur per bonam & simplicem Humilitatem, quàm per magnam literaturam: sicut dicit Salomon de Dei Sapientia, Quòd ipsa graditur cum simplicibus, & cum eis est fermocinatio eius. Et ideo in alio loco nobis præcipitur: Quærite Deum in simplicitate cordis: quia ipse est simplicissimus, & inuenitur per simplicitatem.

### C A P. XXXIII.

## De differentia inter scientiam & sapientiam.

**M**agnam differentiam assignant Doctores inter Sapientiam & Scientiam, & præcipuè Beatus Bernardus: quia scientia conuenit intellectui & ipsi soli: sed sapientia pertinet ad affectum. Et ideo

ideo secundum nominis etymologiam, sapientia interpretatur quasi sapida scientia: qui sapor pertinet ad affectionem, desiderium, appetitum, & voluntatem illius personæ cui sapientia inest. Et idcirco potest esse in aliquo magna scientia vel cognitio, in quo erit modica, vel nulla sapientia. Ratio huius est, ut dicit Gerson, quia non habet sapor, vel affectionem ad illud quod scit. Et declarat hoc per aliqua exempla. Potest quis cognoscere naturam mellis, quia fortè audiuit aliquando de ea loquentes alios, vel in aliquo libro legit, sine hoc quod aliquando mellis dulcorè degustauerit. Rursum medici sciunt languorum naturam, & frequenter melius quàm idem languidus: sed quantum ad doloris sensum, manifestum est ipsos ægros melius scire egritudines, non per rationem scientiæ, sed ratione experienciæ. Simili modo potest quis habere maximam notitiam alicuius personæ, sine hoc quod habeat magnam affectionem amoris vel odii, complacentiæ vel displicentiæ ad illam. Et ex alia parte potest quis multum affici, amore vel complacentia, erga aliquam personam absque eius magna cognitione. Secundum ergo prædicta possumus videre, quomodo in aliquo potest esse magna sapientia sine multa scientia: & magna scientia, sine multa sapientia. Ex prædictis claret quantum distant ad vacandum contemplationi deuoti simplices, & illiterati; & literati indeuoti.

*Quòd contēplatiua debet incipere à labore vita actiua.*

CAP. XXXIII.

Quomodo vita contēplatiua debet incipere à labore actiua.

**P**RIMVS gradus pertinens ad statum Incipientium & Imperfectorum est, Humilis confessio pœnitentia mediante, qua quis in se amorem mundi cum prauis concupiscentiis mortificat, ac motus illicitos, & prauas consuetudines: huius est carnem castigare & domare, ne rationi rebellet, sed ei subiiciatur. & hoc facit per ieiunia, vigilias, abstinentiam, afflictiones, lachrymas, gemitus, & assidua suspiria, & per laborem corporalem à Prælati in iunctum. Qui ante talem pœnitentiam, vel sine huiusmodi labore & exercitio, repentè vellet uti perfecta & contēplatiua vita, hic seipsum seduceret: & esset sicut qui vellet montem excelsum vnico saltu ascendere. Et ideo dicit Beatus Gregorius, & alii sancti, Quòd vita actiua quæ sita est in laboribus & afflictionibus corporalibus, debet assumi ante contēplatiuam, tanquam aptans viam pro illa. Quod figuratum fuit in Iacob, qui seruiuit septem annis pro Rachel typum gerente vitæ contēplatiuæ. priùs tamen supposita est ei Lya eius soror vitam actiuam designās. Ex quo notatur secundum Gersonem, iuuenes carnalibus adhuc tentationibus & vitiis plenos, magnos quoque peccatores, qui

res, qui multum temporis vitæ suæ malè expenderunt, non posse neque debere mox se omninò tradere vitæ contemplatiuæ: cùm enim crederent se cogitare de Deo, & in loco secreto puras habere orationes, citiùs ipsi tunc & abundantius cogitarent ea, ad quæ ex suis malis inclinationibus afficerentur; & sic peiores efficerentur. Vnde & Seneca dissuadet, ne quis solus longo tempore degat. Et eadè ratione omnes sancti & Philosophi ociositatem damnant. Nihilominus ipsemet Seneca & sancti laudat solitudinem & ociositatem contemplationis in exercitatis, ad liberiùs seruiendum Deo: sicut fecerunt sancti Eremitæ, & alii multi deuoti viri.

C A P. XXXV.

Quòd non omnes debent imitari gratiam singularem in solitudine habitandi quibusdam diuinitùs exhibitam.

Quibusdam ex Dei speciali munere exhibitum fuit, vt in iuuentute sua solitudini & solitariae habitationi seipso traderent. Quemadmodum D. Benedictus legitur fecisse, ipse tamen in Regula sua illud non consulit, sicut etiam faciunt alii Eremitæ & Doctores, persuadentes ne quis audeat attentare illud & aggredi: quia gratia singularis alicui data

*Quod non est ab omnibus*

non est omnino trahenda ad consequentiam, seu non omnibus est imitanda. Et qui quandoque oppositum ausi sunt facere, scilicet quærere solitudinem, & eremi ociositatem absque præcedente labore, & præuia instructione ac consuetudine conuersationis inter societatem, miserabiliter sunt defraudati. Rationē assignat præfatus Gerson dicens: Volare enim conati sunt antequam essent alati, & congregi bellum cum hoste immanissimo priusquam alios minores debellassent aduersarios, scilicet mundum & carnem. Et ideo dicit ipse quod non habet magnam fiduciam in quosdam nostri temporis Eremitas, se dicentes magnum afferre profectum sibiipsis: quod & sentiendum putat de fæminis in reclusoriis positis. Qui etiã scribens sororibus suis dicit: Scitis vos ipsæ sorores meæ dilectę quam necessitatē sustinistis vsque huc esse in labore magno & forti: adhuc ex vobis aliquæ tali indigent, antequam potuissetis vos tenere in secreto & solitarias, & vos tradere omnino ad cogitandum de Deo in similitudine Eremitarum & reclusarum. Habemus enim & reclusorium non solum in nemoribus, locisq; desertis positum, sed vbicunq; possunt haberi vel exerceri tales loci ad declinandum mundum seu euitandum eius tumultum cum omnibus suis occupationibus & sollicitudinibus. Propter hoc videmus in religionibus benè ordinatis, nouitios & insipientes oneratos fortiter in addiscendo, magnum habere seruitium in laboribus, & vigiliis, ieiuniis & clamoribus

ribus & canticis, ad remouendum per ista cogitationes, quas circa alia solitarii existentes possent habere. sed tamen aliqui benè experti in talibus pœnitentiis, & scientes tentationes & cogitationes prauas deuincere possunt diutius demorari in solitudine etiam abq; labore. Vnde contingit aliquos esse tam fortis complexionis, ad vincendum domandumq; cum labore tentationes suas quòd inhabiles sunt ad perfectionem contemplationis: sed oportet eos assiduè occupari laboribus vitæ actiuæ, & multi reperiuntur tales. E contrario est inuenire quosdam, quibus ipsa vita actiua est graue onus & mirabiliter per eam impediuntur. Etiam accidit vt aliquis sit talis & tam benè in sua naturali complexione ordinatus, vel etiam ex speciali Dei gratia, quòd plùs vna die proficiet vacans contemplationi, quàm alius proficiet per spatium vnus anni. Verùtamen non intèdo quòd quis ita vni vitæ studeat, quod aliquando non intendat alteri, vel plus vel minus secundùm tempus, prout sibi vtilius viderit expedire. non enim adeò se totum debet tradere vitæ actiuæ, quòd aliquando non habeat cogitare aliquid de Deo & de sua conscientia, scilicet ad confitendum peccata sua & pœnitendum. Et è contrario, non fit ita totus vacans contemplationi, quin aliquando oporteat eum laborare. Vnde semper in vna & eadem persona oportet reperiri Martham cum Maria, & Mariam cum Martha, plus vel minus sicut diximus: talis tamen ab illa vita denominabitur cui plùs incubuerit.



Quòd Diuinus amor est principium & finis

CAP. XXXVI.

Quòd Diuinus amor est Principium  
& Finis vitæ contemplatiuæ.

**R**ADIX & principium vitæ contemplatiuæ debet esse Amor Dei, id est quod propter eum vita deseratur mundana, omnesq; sollicitudines & occupationes exteriores homo fugiat, vt se totus tradat Deo. Qui autem oppositum facit, seipsum decipit: & sæpè non perueniet ad laudabilem finē, nisi per pœnitentiam se emendatum reddiderit. Quales sunt multi religionem intrantes, vel literarum studio intendentes, non ex Dei amore, sed ex desidia simulatè laborē fugiunt mundi; vel vt habeant vnde vituant; vel ex vanitate & superbia, cupientes magnos & deuotos religiosos reputari; vel ex curiositate solummodo, scilicet vt sciant: cuiusmodi magni fuerūt Philosophi. Amor quoque Dei debet esse contemplationis finis: & hoc est quod eius amore & dilectione satagat homo de bono in melius proficere, & ab omni alio negotio & occupatione segregari terrena, tali scilicet quæ sit notabiliter contemplationis impeditiua. Neq; enim nescius sum, quod ad vacandum contemplationi & ad pigritiam & inordinatam tristitiam propulsandā, interdum necessaria & admodum proficua est modica & moderata occupatio. Diuinum amorem esse finem

finem contemplationis testatur Apostolus, cum ait: Plenitudo legis est Dilectio. Vnde in Lege Diuina, quæ sapientia vel Theologia nuncupatur, ille debet æstimari excellentior Magister & Doctor, qui Deum plus amat: ille namq; vitam perfectiorem & nobiliorem statum sortitur, qui Deum ardentius & rectius diligit. Et quia vita contemplatiua in exercitatis aptior est ad diligendum Deum, eò quòd est sicut quædam schola vel gymnasium vbi citius & facilius ista ars Diuini amoris acquiritur: ideo vita ista plus approbatur & commendatur in Sacra scriptura & à Sanctis Doctoribus; & præcipuè à vero Deo amoris Christo I E s v, qui hanc protulit sententiam: Maria optimam partem elegit. Et quæ est ista pars optima? Reuera ista scilicet quòd illa sedebat secus pedes Domini, & audiebat verbum illius; & audiens eius amore inflammabatur. Notandum tñ est quòd frequenter quis in sua vita actiua plus diligit Deum, quàm alius in sua contemplatiua: & talis est perfectior, licet sit in imperfectiori & humiliori statu quàm contemplatiuus: & vita actiua illius perfectior erit contemplatiua alterius, quamuis ex se sit in statu imperfectiori. Vnde patet illos seduci qui putant finem vitæ contemplatiuæ esse duntaxat scire vel acquirere nouas veritates: quinimo præcipuus finis illius est Amare Deum, & gustare quàm Bonus & suauis est. Esto quòd ille sapor vel gustus, seu spirituale sentimentum, fortè potest dici quidam cognitionis Modus: quia

amor

*In quo consistit perfectio*

amor ipse notitia est, sicut dicit Beatus Gregorius: quæ tamen cognitio est talis, & tam occulta, vt à nemine nisi qui ea fruitur, dignosci queat: quia per fermocinationem vel doctrinam nequaquam ostendi seu explicari potest. sicut consuevit dici de aliquo graui languore, quod nemo illius dolore ita vehementer afficitur sicut ipse patiens.

CAP. XXXVII.

In quo consistit Perfectio vitæ contemplatiuæ, per similitudinem mundani amoris.

**D**Eclarare conuenit aliquatenus antequã vterius procedamus, in quo perfectio consistit vitæ contemplatiuæ. Quãuis autem in præcedenti Capitulo diximus, Dei amorem finem esse vitæ contemplatiuæ, nihilominus tamen, vt dicit Gerson ita potest dici, quòd ad illum finem, scilicet Dei amorem omnia opera nostra referenda sunt. Qua de causa volo aliquas conditiones ponere vitæ contemplatiuæ; non quidem quòd ego has sufficienter cognoscam; quin potius de his loquor sicut cæcus de coloribus, referens ea quæ Sancti nobis in suis libris tradiderunt, alia expertioribus in hac materia relinquens. Et vt facilius apprehendere valeamus, qualis debet esse amor Dei, cui perfectio vitæ contemplatiuæ

templatiuæ conuenit, volo hoc per eius contrarium enodare, scilicet, per amorem mundanum: eò quòd illum longè meliùs & famulariùs quàm Diuinum cognoscimus, & experimur. Consideremus igitur quid operatur Amor mundi in homine profundè in eo positus; sicut est amor argenti, auri, honoris, dignitatis, vel prauæ carnalitatis. Certum est quòd in tali amore homo primo languet præ auiditate consequendi illud, quod singulariter (licet stultè) diligit. Deinde ita mentem suam, & totum cor suum, & intellectum in re amata apponit, vt nihil aliud nisi illam cogitare queat. Itaque sui ipsius obliuiscitur, omnem deponit pudorem, & nihil est quod continere vel abstrahere eum à re amata valeat. neq; labor, neq; vexatio, neq; periculum, neq; mors, neq; amicorum consilium, neq; timor Dei vel Diuinorum iudiciorum. Si dormiat, rem amatam somniat; si vigilet, nil aliud curat audire, neq; loqui; adeo vt vsum rationis amittat, & fiat sicut amens, aut ebrius siue furibundus. Nihil est quod huiusmodi hominem à tali amore amouere posset: neq; quod ipse formidaret vel recusaret facere, dum tamen illud posset obtinere, cuius amore stulto & mundano ita ardet & vulneratur. Obliuiscitur adhuc omnia bona tam præsentis quàm futuræ vitæ. Vnde si quando quisquam de Paradiso quicquam fortè loquatur, aut de Inferno, seu de morte, videtur ei quoddam esse somnium aut fabula. Neq; ad modicum etiam tempus huiusmodi spiritualem cogitationem in-

tra se

*Qualis debet esse amor contemplat.*

tra se retinet vel recipit: eò quòd amor carnalis, vel mundanus citissimè eam inde repellit.

CAP. XXXVIII.

Qualis debet esse amor Dei, quem Contemplatiuus debet habere.

SECUNDUM præmissum exemplum consideremus pariformiter, quòd Amor Dei esset in aliquo tātus, & talis, vt eum faceret penitùs mundum contemnere, & illius obliuisci; sicut mundi Amor facit obliuisci Dei: & quòd esset ad eò ardens & fortis, sicque radicans in corde, vt nequiret & nesciret spontè neque liberè aliunde cogitare: neque metueret vilipensionem & opprobria, seu increpationes & persecutiones, nec adhuc ipsam mortem præ ardore Diuini amoris: atque omnia quæ mundi sunt visa, audita, & ad memoriam reducta, viderentur ei quoddam somnium & fabula esse, propter Diuinum honorem & gloriam, ea omnia vilipendens, & breuiter mundi iudicio tanquam demens & ebrius estimaretur, eò quòd ea quæ mundi sunt, spernit: vilius ea æstimans quàm quæ Dei & paradisi sunt, mundano absorpti amore extimant. Tūc ego dico, quod iste talis esset amor Dei perfectus. Ad quem toto conatu verus contemplatiuus conari debet ascendere per suam contemplationem. Et in tali statu amoris existens, meritò dicendus esset mortuus mundo, & crucifixus: eò quòd nihil eius cum detinere va-

nere valet: & viueret Deo, dormiret vanitatibus  
 huius sæculi, & bonis æternis vigilaret; ad vniuersa  
 quæ per homines mundanos fiunt, corporis oculos  
 haberet obtrufos & sopitos, sed ad sanctorum gau-  
 dia patulos. Et hoc est quod sancti Doctores asseue-  
 rant figurari per Moysen, Qui volens cum Deo ser-  
 monem habere, ingressus est caliginem: per hoc in-  
 finitas, qui ad Diuini amoris perfectionem perueni-  
 re cupit, intrare oportere obliuionem mundanarum  
 rerum, cuius typum illa caligo gerebat, vt scilicet  
 neque videat, neque intendat, neque afficiatur ad  
 eas. Sed qualiter hunc Dei amorem, qualem descri-  
 psimus, acquirere valeamus, aliquo modo ostendamus.  
 Iste quippe est Finis vitæ contemplatiuæ: & qui ad  
 istum peruenerit amorem, qui huiusmodi est, verti-  
 cem attingit Montis, vbi cum tribus discipulis Chri-  
 stus transfiguratus est: ille loquitur Deo in figura  
 Moyfi quando legem accepit: iste talis rapitur in  
 spiritu, vel potius supra spiritum: huius conuersa-  
 tio in Cœlis est, iste talis amore viuunt, & feliciter &  
 delectabiliter graditur sine aliqua fumi vel caligi-  
 nis obscuritate. Verumtamen Fratres, proh dolor,  
 quàm raris hæc gratia conceditur, & quàm modice  
 cum durat quamdiu in hoc exilio demoramur.

## CAP. XXXIX.

De duobus modis, silentii & soli-  
 tudinis.

*De duobus modis, silentii & solitudinis.*

**S**ecundum statuum & humanarum conditionum  
varietatem, quisque potest sibi locum eligere se-  
cretum ut ibi in pace silentio quiescat; verum est  
tamen quod principale secretum debet potius in-  
tra animam, quam extra esse: hoc est, ut anima pel-  
lat eminus ab habitaculo sui cordis omnem huma-  
nam & mundanam sollicitudinem, & omnem va-  
nam & noxiam cogitationem, & cuncta quæ eam  
impedire possunt, ut quò tendit perueniat. Inter-  
dum quippe contingit, ut quis solus corpore de-  
gens, & ab hominum consortio separatus, non pro-  
pter hoc minores patiatur phantasias & cogitatio-  
nes, ac melancholias: quin potius in seipso grauif-  
simam & valde onerosam tolerat societatem, quæ  
videlicet phantasie varios in eo tumultus generant,  
& magnas confabulationes, & garrulationes ante sue  
mentis oculos; modo vnũ modo aliud repræsentan-  
tes, deducẽtes eum modò ad coquinam, modò ad fo-  
rum: offerentes ei imundas & carnales voluptates:  
obiiciendo quoque ei nũc choreas, nũc res pulchras,  
cantilenas, & huiusmodi alias vanitates, ut eum in  
peccatum præcipitent: secundum quod de seipso  
Beatus Hieronymus humiliter confitetur: qui cum  
non nisi feris & scorpionibus associatus esset, inter-  
dum nihilominus cogitatione erat inter choreas  
puellarum saltantium. Rursum huiusmodi phan-  
tasie, siue cogitationes, prouocant animam solitariẽ  
degentem ad iram; & faciunt eam cum absente ac  
si esset præsens litigare, & verborum iniuriis eum  
laceßere.

*Quòd Contèplatiua vita primo proficit sibiipfi. 74*  
laceffere. Aliquando numerabit argentum, & ma-  
gnum thesaurum asportans faciet mercationes.  
Crebrò quoque mare suis desiderijs transfretabit;  
nonnunquam etiam per diuersas terras transeurret;  
constituitur præterea in magnis dignitatibus. Ita-  
que talis anima huiusmodi phantasijs & stultitijs  
quamuis fit sola, sæpè impletur. Vnde non in secre-  
to & solitudine verè commoratur, licet exterius  
solitaria manere videatur. Neq; putanda est deuota  
anima contemplationi vacās omnino sola esse, quia  
nunquam minùs sola quàm cùm est sola. Istarum  
tamen duarum solitudinum consortia multum in-  
ter se distant: nam deuota anima & contemplati-  
ua non est sola, quia optimam, proficuum, & dele-  
ctabilem possidet societatem, scilicet Deum & San-  
ctos, cum quibus degit per sancta desideria & de-  
uotas cogitationes. altera autem, id est inutiliter  
vagabunda, habet societatem valdè nociuam, & in  
nullo ei proficuum.

CAP. XL.

Disputat, quòd contemplatiua vita  
primò proficit sibiipfi.

**T**Ribus motiuis siue rationibus inter alias qui-  
dam admirantur, cùm quis se tradit contem-  
plationi. Prima, quia contemplatiui sibi solùm pro-  
desse videntur. Secunda, quia videntur plus velle



*Quod contēplatiua vita primò proficit sibiipsi.*

inuestigare & sapere quàm oportet, & in altū velle  
volare. Tertia, quia multi seducuntur & in amētiam  
& melancholiam vertūtur. Ad quas tres rationes, si  
fortè rationes dici possunt, respondet Gerson, refe-  
rens Sanctos Doctores, qui de hac materia copiosè,  
subtiliter, & profundè loquūtur. Et primò quòd ali-  
quis contēplationi intendens sibiipsi proficit multò  
plūs atq; diuinius, ampliùsq; Deo placet, quàm si  
vitæ actiuæ intenderet: & hoc sufficit. Nihil quip-  
pè post Deum plus debeo diligere quàm meipsum,  
& ampliùs etiam quàm residuum totius mundi. Vn-  
de debeo diligere id quod amplius placet Deo, &  
illam vitam plus acceptare, qua ei valeo fieri acce-  
ptior quàm modicum acquirere meriti: & forsan  
volens alium lucri facere, detrimentum mei face-  
rem, meipsum damnans. Hic intelligenda sunt cū  
quis est tam liber, vt pro libito voluntatis suæ ita  
possit vni vitæ vacare, sicut & alteri. Et hoc dico  
propter habentes publica officia, & propter Præla-  
tos, & alios in dignitate constitutos, quæ eos ad in-  
tendendum operibus vitæ actiuæ obligant. Et simi-  
le est de mulieribus maritatis, quarum est pueros  
suos & familiam gubernare: & de illis qui suis pa-  
rentibus ministrare tenentur. Si igitur isti pro tunc  
cū curæ vel profectui aliorum studere debent,  
contemplari vellent, ipsi seipfos seducerent: & effet  
hæc quædam nequam & periculosa tentatio, scili-  
cet vt effet eis delectabile semper contemperationi  
intendere, spretis vel postpositis his, ad quæ tenen-  
tur: &

Quomodo contemplatiui aliis multum proficiunt 75  
tur: & ideo non solum sibiipsis, sed etiam Reipub-  
licæ nocerent. Secus autem est de his, qui ratio-  
ne officii aliis ministrare non sunt astricti.

## CAP. XLI.

Quod contemplatiui aliis etiam  
multum proficiunt.

Consequenter ostendendum est personas con-  
templatiuas, non solum sibiipsis, verum etiam  
aliis non modicum esse proficuas. Primò eò, quod  
aliis præbent exemplum bene viuendi, operibus  
prædicantes Deum super omnia esse amandum, &  
cuncta esse vanitatem, & ideo contemnenda. Et  
hec non est paruipendenda doctrina, sed tantò præ-  
stantior quantò opera constant de fictione minus  
esse suspecta quàm verba. Rursus contemplatiui  
per suas deuotas orationes aliis omnibus prosunt,  
sed & sæpè euenit, vt hominibus negotiis mundi de-  
ditis, quamuis sceleratis, eorum meritis Deus ali-  
quod magnum conferat, scilicet pacem: nihil enim  
possumus sine speciali Dei gratia, quàm citiùs à  
Deo impetrant veri contemplatiui, quàm actiui.  
Sunt autem contemplatiui in Ecclesia sicut oculi  
in corpore illuminantes, & dirigentes vniuersa, quæ  
per alia membra fiunt. Et si oculi non laborant si-  
cut manus & pedes, non propter hoc manus vel  
pes dicere habet quod oculi non nisi sibiipsis pro-  
ficiunt.

*Quomodo contēplatiui aliis multū proficiunt.*

ficiunt. Talium siquidem contemplatiuorum est, aliorum, qui non sunt ita illuminati & ad spiritualia eleuati, opera dirigere, & in Deum referre: nam qui cor ad superna eleuatū habent, etiāsi in sæculo com morentur, per seiplos sciunt, & poterunt in Deum ea quę agunt bona, sicut in finem ordinare. Verūtamen non dico quòd in casu necessitatis contemplatiuus non habeat suam contemplationem prætermittere, scilicet ad subueniendum alterius necessitati. Qui verò vtranq; simul, & perfectè vitam tenere possēt, iste esset melior: sicut Beatus Gregorius, & Beatus Bernardus, & alii Sancti tenuerunt. Et qui diligenter aduerteret quantū anima, & spiritualia bona excedunt corpus & bona temporalia; iste palam cognosceret, quòd ad succurrendū aliorum necessitatibus corporalibus, plūs proficit toti Ecclesię vna alicuius viri contemplatiui oratio, quàm bis centū eorum, qui operibus actiuę vitę sua sponte & non ex obedientia intendunt. Et longè plūs proficiunt quàm si in mundo se occuparent, non ad succurrendum aliis, sed pro commodis propriis, & interdum in damnum aliorum. Itaque dico quod si quis ad vacandum vitę contemplatiuę se instinctu Spiritus Sancti senserit inclinari, aut moueri, & hoc alicuius viri spiritualis consilio agnouerit, non confidens in seipso, eò quòd facilè possēt decipi, recipiens Angelum Sathanę pro Angelo lucis, iste talis sine vituperio actiuę poterit se dare vitę contemplatiuę: & hoc erit in eo laudabile, & non modicam propter hoc

hoc recipiet in cœlis mercedem: nisi fortè per contrarium talis Prælato suo obedire teneretur, seu aliquod publicum officium exercere, aut alicui in casu vrgentis vel extremæ necessitatis subuenire. Vrgentem dico necessitatem, cum esset verisimile, quòd aliqui possent in corpore vel anima perire, si ipse eis valens remedium non impenderet.

CAP. XLII.

Ostendit exemplo non esse superbiam, vt quidam existimant, intendere contemperationi.

**N**Equè dicendum est secundùm præfatum Gersonem quantum ad secundam rationem ante dictam, quòd qui contemperationis fini vacat, quem superius exposui, hoc est ad summè amandū Deum ex toto corde suo, iste talis nimis altè tendat, aut præsumptuosè agat, quin potius si quis ad hoc aptus est, & hanc à Deo consecutus est gratiam, deficeret, & minùs benè ageret, prout videtur, si Diuino munere non vteretur; præsertim Ecclesiastici & Religiosi, quorum vita ad hoc ordinatur potiùs quàm ad actiuam. nam Clericis maximè Theologis (si quod isti dicunt verum esset) eorum sciëntia non solum non prodesset, verùm etiam multùm obesset, inde quippe efficerentur tumidi, vani, vacui, & superbi. Vtèrius hoc patet ad oculum per sequens

*Quantum actiuos contemplatiui præcellunt.*

exemplum. Erit in curia Regis aliquis coquinæ administrator, cui Rex talem largietur gratiam, scilicet faciens eum suum Camerarium, quia iudicat eum ad hoc sufficientem, sicque placet Regi; nulli dubium quod si prædictus minister hoc recusat ob suam desidiam, vel pusillanimitatem, aut voracitatem, dicens se potius in officio velle ministrare coquinæ, iste talis multum est reprehensibilis. Eodem modo qui potest Deo in aliquo excellenti statu seruire, & voluerit circa res minimas versari, neque humilitas eum excusabit; sed fictioni & tempori cordis hoc imputabitur. Amplius dico quod deficiunt & errant qui in suis contemplationibus plusquam oportet inquirere volunt. Valde quippe est eis humilitas necessaria, charitatis custos & nutrix.

C A P. XLIII.

*Quantum actiuos contemplatiui præcellunt.*

**Q**uantum ad tertiam rationem quod scilicet aliqui contemplatiui falluntur & efficiuntur dementes & melancholici, respondet prædictus Gerson, quod eodem modo in vita actiua multi decipiuntur, non habentes discretionem quæ requiritur ad opus cœptum consumandum. Neque omnibus hæc gratia exhibetur, scilicet intendere contemplationi certis de causis iam assignatis, quemadmodum

modum ait Apostolus: Vnusquisq; habet proprium donum à Deo: vnus sic, alius verò sic. Et iterum si in corpore omnia membra essent, oculus vbi manus &c. Verùm est tamen quod homines mundani facile iudicant contemplatiuos esse amentes & melancholicos, quia non faciunt sicut & ipsi; nam omnia paruipendunt, quæ illi nimis amant & magnipendunt: sed non vident magnas consolationes & sancta opera, & spirituales diuitias quas acquirunt contemplatiui mundum spernentes, & à se procul pellentes omnem auaritiam, iram, inuidiam, & vniuersam Vanitatem. Quæ huius mundi amatoribus non modicam præstant vexationem, & contemplatiui viuunt in magna quiete & pace suæ Conscientiæ: quæ est tam magnum bonum, vt aliud ei hic nequeat comparari; & loco mundanarum occupationum super terram in angustissimo loco & re modica, ipsi contemplatiui occupantur in maiori & ampliori loco atque negotio quàm sit totus Mundus, hoc est in Deo. Quid per hoc exprimere velim, norunt in talibus experti. Certum siquidem est, quòd vita rationalis creaturæ consistit potius in operatione intellectus seu rationis quàm in aliquo alio, hoc est in rationalibus meditationibus, & in amore spontaneo. Vnde illi & quasi solum dicendi sunt viuere, qui in contemplatione tali cibo & potu reficiuntur; & non hi qui animas suas & vitam non plùs quàm bestia ad cælestia leuant: nam isti comedunt & bibunt, exultant, gaudent, & rident, &

*Quàm necessaria est contemplatiuo*

sunt occupati in vanitatibus & leuitatibus; & sua corpora laborant: & sic per hunc modum sunt sicut pecora. Sed fortè dicent isti, quòd suis laboribus aliis auxilium præstant: Hoc idem faciunt equi & asini, & aliquando plus. Quamuis hoc sit laudabile in eo, qui non valet neque scit aliud, & illud complet fideliter, id est recta intentione, & bono fine, scilicet ad seruiendum Deo, & subueniendum proximo. Fateor tamen contemplatiuos in negotiis mundanis non esse ita sapientes & prudentes, sicut sunt actiui. Ratio est secundùm prædictum Doctorem, quia suum ingenium & intentionem circa talia non apponunt: vnde fit eos & simplices & insipientes iudicari. sed ipsi de hoc non curant; nam ad hoc vocati sunt secundùm Apostolum, & ad hoc totis viribus nituntur, scilicet stultos reputari vt possint esse sapientes.

CAP. XLIII.

*Quàm est necessaria contemplatiuo  
Diuina gratia.*

**I**AM superius aliquo modo exposuimus, quòd silentium alterum est extra animam, alterum intra; & quòd contemplatiuus non tam satagit exterius silentium & secretum attingere, quàm interius. Ad quod acquirendum est necessaria custodia & secretum Cellæ. dicit enim Beatus Bernardus, quòd Speciosus

ciosus animæ IESVS Christus verecundus est a-  
 micus, neq; libenter ad sponsam suam accedit mul-  
 tudine præsentē; quærit autem esse solus. Opor-  
 tet igitur animam à se omnino expellere exterius,  
 & interius omnes occupationes, & solummodo esse  
 sollicitam & intētam ad recipiendum Sponsam su-  
 am, quoniam quidem est simplex & vnica; ideo  
 vult quæri in simplicitate & vnitāte cordis. Tale  
 autem cor, scilicet circa exteriora occupatum, non  
 est simplex & vnitum, sed humanis, vanis, & illicitis  
 curis multipliciter diuisum. Sed heu Fratres ad  
 quantam miseriam nobilis Anima redacta est pro-  
 pter peccatum, quæ in primo statu innocentie or-  
 dinata fuerat ad contemplan- dum Deum Crea-  
 torem suum, & considerandum spiritualia: quod nūc  
 tanta pœna & difficultate, onere corruptionis suæ  
 aggrauata, vix explere potest. Quod benè experiū-  
 tur qui ad hoc conantur. O DEVS meus quid est  
 nunc illud, quod ipsam animam in altum ferre &  
 congregare ad vnitatem & reducere ad simplicita-  
 tem posset, & eam ab hoc procelloso & fluctuanti  
 tumultuosoq; mari per innumerabiles sollicitudines,  
 per diuersas phantasias & imaginationes velociter  
 inundantes eripere? Certè hoc nemo nisi virtus tuæ  
 gratiæ valet facere; & huius maris magni & spati-  
 osi quod intra nos est motus mitigare. Tu Domine  
 suscitās egenum iacentem de puluere vanarum co-  
 gitationum, & eleuas pauperem de stercore inordi-  
 natarum delectationum, collocans eum in alto, vt  
 sedeat



*Qualiter anima contemplatiua*

sedeat cum Principibus, id est cum Angelis & Sanctis, & conuersatio eius fit in cœlis. Hoc gratiæ munus illis verè & solùm conceditur qui accuratè & ardentè illud exquirunt, & ad hoc se disponunt.

CAP. XLV.

*Qualiter anima contemplatiua supra corpus eleuatur, & efficitur simplex & vnica.*

**N**on debemus existimare quòd anima secundum substantiam deserit proprium corpus, cum in contemplatione rapitur secundum communem cursum; sed protunc dicitur esse, vbi fuerit Cor & amor eius. Secundum enim B. Augustinũ, Anima veriùs est vbi amat quàm vbi animat, id est quàm in corpore quod viuificat. Dico igitur quòd talis Animæ deuotæ eleuatio extra mundum, & supra ista corporalia vsque ad seipsam, vel vsque ad Angelos; vel certè vsque ad Creatorem suum, quia altius non potest ascendere, fit per fortem & Sanctam meditationem, vel per ardentem Amorem. Itaq; talis fortis & Sancta meditatio, vel Amoris ardor, virtute est tam potens, vt faciat eam obliuisci, & cessare cæteras alias operationes & phantasias, ac si esset in perfecta quiete & in quodam dulci sopore. & si penitus tales operationes non cessant, non tamen valēt interrumpi.

interrumpere vel superare illam validam meditationem seu feruidam dilectionem, propter suam vigorosam virtutem. Oportet quoque vt anima in tali meditatione totaliter sit occupata & amore feruenti, neque sit ei cura protunc de quacunq; alia re, neque ad alia respiciat, nisi fortè ea cursim transcurrens: non tamen in eis pedem figens, id est non demoretur in talibus. Et hoc posse fieri quotidiana experientia in rebus minoribus nobis ostendit. Hoc asserit Aristoteles dicens, Quod contingit nonnunquam quempiam super aliqua re tam vehementer meditari, vt apertis oculis non videat illud quod ante ipsum transit: & sæpè illi cum quibus est loquentur & facient coram eo multa, quorum ipse nihil sciet; sed in sua vehementi meditatione perseuerabit ac si dormiret. Vnde & de tali consuevit dici istud commune prouerbum: Iste suos meditatur amores. Talem modum raptus concipiunt aliquando Scholastici, cum ad compilandum aliqua subtilia intendunt. Tale quoque aliquid solet accidere pictoribus, & aliarum subtilium artium artificibus positis in vehementibus imaginationibus. Legitur quippe de quodam Philosopho nomine Archimedes in Geometricis peritissimo, quod decreuit imaginando facere subtilia instrumenta ad expugnandum, defendendum, & capiendum vrbes. & cum urbem quam prædictus Philosophus incolebat ab hostibus capi contingeret, iussit Dux exercitus, ne preno-minatus Philosophus necaretur: & cum à casu quidam ad

*Qualiter anima contemplatiua fit simplex & vnica.*  
dam ad eum intrasset & in illis vehementibus imaginationibus occupatum reperiret, interrogauit eum quod esset eius nomen; ille verò manens fixus & intentus in suis imaginationibus nesciebat neq; attendebat quid ab eo quæreret, nisi quòd innuebat ei, ne eum impediret, nihil aliud respondens: vnde & vitam perdidit. Ecce quàm attenda erat istius cogitatio, vt eius virtute, neque inuasionem propriæ Urbis, neq; hostem qui eum occiderit, agnouerit. Alius quoq; Philosophus nomine Carneades sæpè ad mensam sedens obliuiscatur sumere cibum, & oportebat, ne inedia periret, vt quædam eius ancilla sibi victum capiendum subministraret. De quo Valerius quod prædiximus recitans dicit, eum solum propter animam vixisse, & corpore veluti re extera & inutili fuisse circumseptum. Prædicta adduximus exempla ad demonstrandum Quòd anima imaginationes & sollicitudines inutiles à se possit expellere, vt valeat ad altiora & sibi magis proficua eleuari & ascendere; & sic reduci ad vnitatem & simplicitatem, intendens duntaxat quomodo possit peruenire ad suum Creatorē qui est eius Locus, Finis & Amor: quamuis hoc facere tantò sit fortius & difficilius scilicet, quod in præmissis exemplis ostendimus; quantò oportet nos vti spiritualibus meditationibus, & habere cogitationes altiores & magis extraneas.

## CAP. XLVI.

## De diuersis modis, quos in tractando de Contemplatione Sancti habuere.

**R**ichardus de Sancto victore, quendam edidit librum in quinque partes diuisum, vbi subtiliter & profundè tractat hanc materiam contemplationis, eam in sex species diuidens. Quarum duæ ponuntur in Imaginatione, duæ in Ratione, & duæ in Intelligentia. & secundū hoc prædictus Doctor ponit intra animam tres cœlos secundū quod ipsa anima circumuoluitur diuersimodè cogitans siue meditans, scilicet vel corporea quæ sensibus exterioribus percipiuntur; aut seipsam vel Angelos, siue eorum statum; aut reuera ipsa contemplans Deitatem. Et præsertim præfatus Richardus in quinta parte illius libri tradit, quomodo contemplatio tribus modis formatur, siue diuersificatur. Aliquando in quantum ipsa anima interdum amplius dilatatur, quandoque per hoc quod plùs eleuat anima suum intellectum, quandoque autem secundū quòd habet ipsum intellectum sicut alienatum & oblitum. Declarat verò quomodo hoc fiat, adducens auctoritates & exempla Sacræ scripturæ: Accidit siquidem hoc, vel per vehementem Admirationem, vel præ feruore Deuotionis, vel præ magnitudine

De diuersis modis contemplationis.

gnitudine Delectationis, & spiritualis Consolationis. Sed quia intentio mea est loqui non subtiliter, at verè & breuiter, tùm propter materiæ subtilitatem quæ pertinet ad magnos Theologos, tùm etiam quia meum excedit intellectum, de ea modicum loquendum est. & ideo ponemus hîc modos contemplationis qui à simplicioribus capi & intelligi facilius possint, quos Sancti exercuerunt & in suis scriptis nobis tradiderunt. Beatus verò Augustinus in libro Confessionum describit quendam certum modum contemplandi, quem cum matre sua habuit, stans ad quandam hortuli fenestram, non longò ante eiusdem suæ parentis obitum. Beatus præterea Gregorius in suis Moralibus largissimè loquitur de contemplatione, monstrans pericula & commoda, quæ in ea sunt: sed particularem modum intrandi ad eam, ibiq; manendi, inibi non tradit. Sanctus Hieronymus inter cætera scribit quendam modum ad Eustochiam virginem; scilicet, vt cogitaret horam mortis: qualeq; tunc præmium esset perceptura qualiter Virgo Maria vna cum Filio suo Redemptore nostro, & Sanctis Angelis, atq; Virginibus exirent obuiam ei, illud Canticum concinentes quod post transitum filiorum Israël per mare rubrum Maria cecinit soror Moyse: Cantemus Domino; gloriose eîm &c. De seipso dicit etiam idem B. Hieronymus, quòd post validas tentationes & sæuas peccatoris sui tunctiones sibi assiduis fletibus & lachrymis Diuinum auxilium quærenti visum est Angelorum

lorum interesse cœtibus præ magnitudine pacis & spiritualis lætitiæ suæ conscientia, sibi post suam tribulationem & pœnitentiam à Deo cœlitus transmissæ. Communiter omnes Doctores in hoc modo concordant; scilicet, vt homo meditetur terribilia Infernorum supplicia, Paradisi gaudia, peccata propria, mundi vanitatem. Tamen quia de iis materiis in via Purgatiua, Illuminatiua, & Vnitiua, satis locuti sumus: adhuc alium quærimus contemplationis modum. Sanctus igitur Bernardus, in omnibus ferè sermonibus super Cantica tractat vnum modum, scilicet, matrimonii spiritualis inter Deum & animam: quem sequitur quidam alius nouus Doctor inter Deum & animam similiter quoddam contemplans spirituale matrimonium, & intitulatur ille liber Horologium æternę sapientiæ. Et reuera iste modus est arduus & subtilis & satis periculosus, & maximè his qui eum tenere vellent in principio suę conuersionis. Rationē huius assignat Gerson sic dicens: quia cum tales nouitii & in spiritualibus minimè exercitati inciperent meditari spirituale matrimonium, facile transirent ad carnalis recordationē, & quærentes puritatem animæ, plus fordelerent.

C A P. XLVII.

De modo contemplationis, quem in initio suæ conuersionis B. Bernardus habuit.

De modo contemplandi B. Bernardi.

**D**E seipso refert D. Bernardus, qualiter in suæ  
exordio conuersionis agnouit sibi esse necessa-  
rium Habere bona opera & merita, quæ ex seipso  
nequibat habere & exigere: & ideo prouidit sibi  
acquirere hæc ex meritis Christi Redemptoris no-  
stri: & tunc accuratissimè meditabatur totius vitæ  
Dominicę decursum, à Conceptione vsq; ad Ascen-  
sionem: & ex vniuersis pœnis & amaritudinibus e-  
ius collegit sibi fasciculum mirrhæ, qui assiduè in-  
ter eius vbera commoraretur: atq; illum iugi me-  
moria in suo pectore collocauit, ei intimè compati-  
endo. Propter quod concludo D. Bernardum suam  
contemplationem & spirituales ascensum, à vita  
Domini inchoasse, eam crebrò meditando. secun-  
dum quod de B. Cecilia legimus, quòd Euangelium  
Christi semper in suo pectore gerebat absconditum;  
scilicet eius vitam assiduè meditando: & diebus ac  
noctibus non cessabat à colloquijs Diuinis & orati-  
one. Et Doctor Seraphicus Bonauentura, in suo Sti-  
mulo amoris tractat quoq; hanc materiam, & speci-  
aliter de Passione Dñi & Redemptoris nostri IESV  
Christi, ostendens Quod in ea inuenitur omne Bo-  
num, & quod ipsa est ostium huius vitæ, scilicet Con-  
templationis; & qui aliunde vult ingredi, ipse sei-  
psum decipit. Et confirmat præfatus Doctor suam  
sententiam auctoritate Domini, qui ait: Ego sum  
Via, Veritas, & Vita. Via per quam est gradiendum,  
re Veritas gradientem illuminans, Vita euntem re-  
ccrans, sustentans, & remunerans. Sunt & nonnulli  
commu-

communiter qui non habent alium modum in sua Contemplatione, nisi quem in aliquo deuoto libro didicerunt, legentes Vitam alicuius Sancti; vel aliquid huiusmodi aliud ad exercendam suam deuotionem secundum materiam quam reperiunt: & istis semper sunt libri necessarii. Vnde iste modus per se solus non est sufficiens, nisi assuesceret illum exercere absque librorum presentia. Rursum sunt alii qui Diuina officia agentes in Ecclesia, discunt & exercitantur contemplari nitentes; & hoc difficilimum iudico, præcipue à principio; & vix per hanc viam poterit quis ad perfectionem contemplationis peruenire propter laborem cantui annexum. nisi tales forsan essent in secreto prius assuefacti per Contemplationem. Et propter vitandam prolixitatem prætermisissis multis aliis modis, quos in exercitiis & materiis contemplationis multæ deuotæ personæ habuerunt, dicemus adhuc aliqua de ea.

CAP. XLVIII.

Quid est contemplatio, & de diuersis eius speciebus, & de materia qua debet Bonus Monachus contemplari.

SECUNDUM Richardum, contemplatio est quidam liber animi intuitus in Diuina spectacula



*Quid est contemplatio,*

cum admiratione suspensus. vel secundum Beatum Augustinum, Contemplatio est quædam mentis illustratio ad inuisibilia Dei, animum salubriter alliciens. Secundum autem Hugonem contemplatio est quædam intelligentiæ perspiciacitas, quam habens omnia manifesta aperta visione cognoscit, secundum illud: Spiritus omnia scrutatur: hoc est, omnia scrutari facit: etiam profunda Dei. Antequam autem species contemplationis distinguamus, est notandum cum præfato Richardo, quod contemplatiuus potest in contemplatione per tres vias proficere. Prima est propria industria, & hoc secundum illud quod sibi videtur multum ei ad hoc adminiculum conferre posse. Et hi debent circa hoc diligenter studium adhibere, vt Diuinæ gratiæ auxilio mereantur altius ascendere. Secunda via est arte & doctrina alterius, sicut faciunt qui supra positas, & alias Sanctorum supra hac materia datas doctrinas obseruant, & imitantur. Tertia est, speciali gratia Dei hominem in altum ad sua arcana eleuare volentis. His igitur præmissis est aduertendum, quod contemplatio distinguitur in tres partes seu species. Prima dicitur mentis dilatatio; & est quando contemplans humana industria extenditur & dilatatur supra id quod cogitat. Secunda dicitur mentis subleuatio; & est quando intellectus contemplantis Diuino lumine specialiter illustratus percipit ea, ad quæ non sufficit humana industria. Et quamuis illud quod intelligit sit supra rationem humanam, sic

tamen

tamen est intra se quòd non alienatur neq; transit extra se, sed videt se esse in se: licet non sicut ante solebat. Tertia appellatur mentis alienatio: & hoc est cum videt ea ad quæ ascendere nequit humana industria: in qua visione adeò efficitur contemplas extra seipsum & extra solitum intellectus sui iudicium, vt nesciat vbi est, neque qualiter est, scilicet an in corpore, vel extra corpus, & hoc alio nomine dicitur Raptus; de quo superius in via Vnitiua locuti sumus. Et nota hic quod prima istarum trium specierum quæ dicta est mentis dilatatio, iuuatur arte, exercitatione assidua, & diligentia nimia. Secunda, scilicet mentis subleuatio, iuuatur cœlesti lumine. quod interdum supra humanam industriam recipit, aliquando supra propriam conscientiam, nonnunquam supra naturam. Et per hunc modum eleuati sunt in altum Prophetæ, qui viderunt & dixerunt præterita & futura, & humanorum cordium occulta, sine raptu & absque alienatione à sensibus. Tertia, scilicet mentis alienatio siue Raptus fit, vel propter deuotionis excessum ex feruentissimo Dei amore prouenientem; vel propter nimium stuporem super aliqua re, qua videtur homini valdè admirabilis; vel propter magnitudinem delectationis & gaudii, quod concipimus de aliquo beneficio intra nosmetipsos ex Dei speciali gratia recepto. Et vltèrius secundùm prædictum Doctorem aduertendū, quòd contemplatiuus sentiens se in sua contemplatione frigidum, debet se spirituali arte calefacere,

*De tribus gradibus contemplationis,*  
vt queat contemplando citius ad Deum ascen-  
dere, accipiens aliquam materiam deuotionis, seu  
feruoris excitatiuam, secundum quod superius dixi-  
mus in meditationibus illarum trium viarum, scili-  
cet Purgatiuæ, Illuminatiuæ, & Vnitiuæ. Sed quia  
vt supra diximus secundum illum Seraphicum Do-  
ctorem eximium Bonauenturam, Ostium per quod  
est ingressus ad contemplationem est Vita & Passio  
Domini nostri IESV Christi, & qui aliunde voluerit  
introire ipse se fallit: dicemus hic in quodam com-  
pendio de Vita Domini vsque ad Cænam.

CAP. XLIX.

Quomodo Contemplatiuus debet  
ascendere in sua contemplatione tri-  
bus modis secundum Vitam &  
Passionem Domini.

**S**Cire debes quod Christus IESVS Deus & Homo  
Dei & hominum Mediator, ipse est Via per quam  
ad Diuinitatis notitiam simul & Amorem debes ascē-  
dere. secundum eū Augustinum septimo Confessio-  
num Ad hoc Christus carnem assumpsit, vt qui De-  
um spiritualiter intelligere non potuimus, per Chri-  
stum Verbum Caro factum, ascenderemus ad noti-  
tiam & amorem spiritualem. In Christi ergo Vita  
& morte constitue tibi triplicem contemplationis  
modum

modum per deuota exercitia. Prima contempla-  
tio sit, vt affectu quodam dulci & affectu cordiali,  
licet quodammodo carnali Christo adhæreas, Chri-  
stum comiteris iugiter, circa Christi Vitam & Mor-  
tem affectatus, & eius præsentia & recordatione in  
tuis exercitiis delectatus. In hac prima ascensione  
vel primo affectu, potes diuersimodè tuum exerciti-  
um variare. sicut Christum in vita multi diuersimo-  
dè allekti, id est diuersis intentionibus sequebantur.  
Apostoli enim primò eum sequebātut sola eius præ-  
sentia delectati, eius colloquio recreati, eius dulce-  
dine & affabilitate attracti. Et tu etiam primò hoc  
modo sequere Christum, esto in eius comitatu. Co-  
gita quàm fuerit eius præsentia dulcis; cogita cor-  
poris elegantiam & speciositatem, Nam erat Specio-  
sus forma præ filiis hominum. Attende suaues eius  
sermões, & dulcissimam doctrinam, & modum  
quo in omnibus se habuit, quàm dulciter & benignè  
verba illa melliflua protulit. Attende modum quo  
interiùs se habuit, quia ab intra mitis, Benignus, &  
suauis. Attende in eo sensum maturum, aspectum  
venustum. Cogita in Christo profundissimam Sa-  
pientiam in corde, venustissimam eloquentiam in  
ore, optimam morum dispositionem: & hoc modo  
Apostoli eum sequebantur. Alii Christum seque-  
bantur vt eorum curaret infirmitates; sequere & tu  
eum interdum hoc modo, & humiliter prostratus  
adora eum dicens: Domine, si vis potes me mun-  
dare: vel, IEs v Fili Dauid miserere mei.

*De tribus gradibus contemplationis,*

Quidam sequebantur eum propter miracula eius, & tu mirare potentiam eius in miraculis: naturam enim mutat, elementa commutat, demonstrationes fugat, omnemque languorem curat. In his poteris eum cognoscere esse Deum, qui naturæ suos in primordio indidit effectus naturales: salua sibi semper in omnibus obedientia, etiam ad effectus supernaturales producendos. Et similibus modis potes variare exercitium, & affectum in hac prima contemplatione.

Sed aduerte quod licet hæc exercitatio personę spirituali satis utilis sit, scilicet occupare se circa mores, & gestus IESV Christi Domini nostri, tamen quantum ad ascensum ad eius amorem non sufficit, immo & per se parum prodest. Quid profuit Iudæ, Pilato, Herodi, vel Pharisæis quod Christi mores vel gestus aut præsentiam corporalem viderunt, qui eum imitari noluerunt? Terminus igitur huius primi modi contemplandi Vitam & Passionem Domini, secundum Bernardum super Cantica, erit tibi, ut sicut Apostoli hoc modo tracti omnia mundana, scilicet diuitias, parentes, & omnia alia reliquerunt; ita & tu in hoc perseverabis gradu, ut cor tuum illa suavitas occupet, & totum sibi amore uniuersæ carnis ac carnalis illecebræ vendicet. Et breuiter, Homo cor suum debet extendere in tali exercitio, in affectum & amorem humanitatis Christi, ut omnis affectus suus & appetitus ad dulcedinem humanitatis Christi transferatur. Et iste primus gra-

mus gradus contemplandi Christum est Incipientium. Secundus modus contemplandi Vitam & Passionem Domini, est iam aliquantulum altior precedenti, scilicet non solum circa humanitatem se exercere, sed vt dicit Bernardus, in homine Christo Deum inuenire: licet non Deum nudum, neq; nudum hominem: sed & Christum Deum pariter & Hominem comprehendere, Christumq; vt Deum pariter & Hominem diligere & adorare. Multum quidem fructum in exercitio confert circa Vitam & Passionem Christi Domini, si quoties legis vel cogitas Christum, hoc vel illud passum fuisse, vel fecisse: talem tibi de Christo conceptum poteris formare, vt tibi lucide Deum & hominem repræsentet, id est vnam Personam significet, quæ simul est Deus & homo: vt quicquid legis vel cogitas Christum fecisse, siue in mortuis succitandis, siue in miraculis faciendis, hominem fecisse Christum non dubites: quicquid legis Christum sustinuisse, siue in manuum perforatione, seu in pedum conclauatione, Deum credas indubitanter sustulisse: & hoc propter personæ vnitatem, in qua Diuinitas & Humanitas sine naturarum permixtione substiterunt. Et hoc credit quilibet verus Christianus. Sed quantò lucidiùs concepit deuotus, tantò in Christi Vita, Passione, & miraculis, pinguior erit affectus. Si Christum hominem cogitas, inde tibi dulcis affectus, & magna fiducia; quia homo mitissimus, benignissimus, nobilissimus, suauissimus,

*De tribus gradibus contēplationis, secundū viā Dñi.*

tectus decorus, gratiosus & formosus. Inde tibi fiducia accedendi, adorandi, & facilior conceptus: Nam facilior est nobis humanitatis notitia, vtpote menti impressa, quàm Dei à mente remotissima. Sed si Christum Deum cogitas, inde tibi omnia verba, facta, miracula, gestus, magis apparent metuenda, terrenda, horrenda, & admiranda. Et sic si vtrunq; in Christo intelligis & concipis, magna tibi inde proueniet Deuotio, amor & fiducia; & rursum timor, & reuerentia.

Et iste secundus gradus contēplandi Christum est Proficientium.

Tertius modus contēplandi Vitam Domini, est iam per humanitatem Christi ad spiritualem affectum assurgere, & iam Christum Deum per speculum in ænigmate mentalibus oculis intueri: & sic ex humanitate ad noticiam, & amorem Diuinitatis peruenire. Et per huiusmodi mentis intuitum & adhæsiōem & transformationem incipit quodam modo homo vnus spiritus cū Deo fieri, & extra seipsum transgredi: & ipsam veritatem intueri, & ad vnionem & adhæsiōem habilitari. Vnde Augustinus septimo libro Confessionum ait: Iam admonitus redire ad me ipsum, intraui ad intima mea Duce te; & potui, quoniam factus es adiutor meus: & vidi quacunq; oculo animæ meæ super eundem oculum animæ meæ, super mentem meam, lucem Domini incommutabilem; non hanc vulgarem & conspicuam omni carni; neque quasi ex eodem ge-

De Proph. figuris & scripturis Domin. incarnat. 86  
dem genere, grandior erat, tanquam si ista multa  
multoq; clarius claresceret, totumq; occuparet ma-  
gnitudine, non illud illa erat, sed aliud valde ab istis.  
Qui nouit veritatem, nouit eam; & qui nouit eam,  
nouit æternitatem; charitas nouit eam. O æterna  
Veritas, & vera Charitas, & chara Æternitas, Tu es  
Deus meus, tibi suspiro die ac nocte. Ecce iste est  
vltimus gradus contemplationis in hac peregrina-  
tione, donec ascendamus ad essentialem Dei visi-  
onem. Sed caueat hic bestia, id est homo impurus,  
ne tangat montem hunc, neque adhuc appropiet;  
nam bestia quæ tetigerit montem, lapidabitur. Et  
iste Tertius gradus contēplandi Vitam Domini, est  
eorum qui iam sunt exercitati & appropinquant  
perfectioni.

C A P. L.

De Figuris, Prophetiis, & Scripturis  
circa Christi incarnationem.

Circa opus nostræ redemptionis versatur mate-  
ria totius Scripturæ, & omnia in scriptura  
contēta ad illud referuntur. Ipsum futurum testa-  
mentum vetus pronunciat, Illud iam factum no-  
uum clarius demonstrat. Cogita igitur quàm mul-  
ta in figuris, gestis, factis, oraculis, apparitionibus,  
per Reges, Prophetas, Sacerdotes, ipsum opus præ-  
cellerunt; & ex hoc intellige magnitudinem eius,  
quod



*De Dominica annunciatione.*

quod erigit gratitudinem. Tracta apud te vehemens desiderium Patrum præcedentium. Mirare tuam & multorum circa hoc opus tepiditatem & ingratitude.

CAP. LI.

*De Dominica annunciatione.*

**C**VM veniret plenitudo temporis vt prædictæ Figuræ adimplerentur, & dignaretur Deus adimplere desiderium Sanctorum Patrum, missus est Gabriel Archangelus ad Virginem, vt ei Dominicam Incarnationem annuntiaret. Contemplare hanc & exulta Sanctorum Patrum impleta desideria & Diuina oracula. Animo reuolue reuerentiam per Angelum Virgini incomparabili exhibitâ & stupeſce quantum potes Dei humiliationem. Attende Mariæ exaltationem. Aduerte eius humilitatem aliasq; virtutes. In corde ruminare eiusdem lætitiâ, exultationem, & iucundam deuotionem. Neque obliuioni tradendum est ministerium, per eam cognatæ suæ Helisabeth impensum.

CAP. LII.

*De Vita Domini, sub quodam compendio, ad exercitium nouiter contemplari incipientium.*

Et vt

**F**T vt sub quodam compendio totam vitam Dñi recollectam tecum deportare valeas, considera Quomodo Deus factus paruulus vagit, & lachrymatur in præsepio. Attende eius paupertatem, Intuere eius humilitatem, & descensum Angelorum, & vigiliis pastorum. Conspice vtrorumque ad inuicem mutua colloquia: Mariæ & Ioseph vehementem stuporem. Inspice Dominam nostram genuflexam, præ magnitudine lætitiæ quem peperit adorantem, & in corde suo iubilantem. Aspice attētissimè tam speciosissimi infantis vultum & elegantiam, atque eius interiorem magnitudinem & sapientiam: quem reuerenter adorabis, & præsepe deosculaberis.

Celebratam octauo die eius circumcisionem, & nominis Iesu impositionem, & vide quomodo immunis ab omni peccato non dedignatur accipere antidotum peccati; vt tu in te superfluas & inordinatas circūcidas concupiscentias. Vocatur Iesus, vt per hoc intelligas eum suorum non alienorum esse Saluatorem. Condole infanti; quia tam tenerimus vulneratur, & pro te suum incipit fundere sanguinem: & quod extrinsecus plorans intrinsecus miserabili homini compatitur.

Stellam tam fulgentem, Magos ad puerum Iesum deducentem, & eorum magnam fidem & deuotionem: & sequere eos, & deuotissimè offer æterno infanti quicquid habes, scilicet animam & corpus.

**I**N quanta utilitate & penuria eum Magi inueniunt:

### *Compendium Vitæ Domini.*

nerunt. Non enim voluit amator paupertatis, neque ad illorum Regum aduentum aliquem temporalem apparatus ostendere. Et quomodo paruulus Rex ab Oriente deduxerit eos ductu stellæ, à quibus tanquam Verus Deus adoratur? Attende hîc tria de Christo nato testimonia, scilicet Stellæ, Magorum, & Iudeorum, qui perhibent testimonium de Christo, & de loco natiuitatis eius.

Quomodo post natiuitatis eius quadragesimum diem, Mater eius offert eum in templo Deo Patri, & redimit eum tanquam primogenitum, offerens pauperem oblationem. Vide nihilominus illam processionem, in qua tantæ tamq; cœlestes personæ conueniunt, scilicet Virgo Maria cum puero suo DEO nostro, & suo IESU, Anna Prophetissa, Simeon & Ioseph, & tota deuotione satage occurrere illis. Et nota eorum colloquia, magnamq; deuotionem.

### CONTEMPLARE

CHRISTI & suæ Matris humilitatem: qui cùm non essent Legi subditi, Legem obseruare voluerūt.

Quomodo Christus adhuc infantulus Herodem fugiens vadit in exilium. Attende eius patientiam, & discite pati: sequere peregrinantes, & attende eorum mutua colloquia, & discite ab eis pauperem & humilem esse.

Quomodo à duodecimo vsq; ad tricesimum ætatis suæ annum, Rex gloriæ latet in plebe: quippe neq; prædicabat, neq; miracula faciebat, sed tam longum

longum tenens silentium, multum docuit tacens, & nihil faciens multum operatus est. Tandiu enim tacens docuit te ne sis facilis ad docendum, sed prius disce tacere & humiliari.

Quomodo tricesimo ætatis suæ anno per Ioannem baptizatur. Vnde quam reuerenter te habet Ioannes ad eum non audens eum tangere: & mirare & imitare stupendam Dei nostri humilitatem se à Ioanne sicut quilibet alius plebeius permittentis baptizari, & quomodo omnem iustitiam, hoc est Perfectam impleuerit obedientiam. Aduerte quomodo hic visibiliter tota Beatissima Trinitas manifestata fuit; Pater in voce, Filius in carne, Spiritus Sanctus in columbæ specie: & quod Pater mittit Filium ad prædicandum dicens: Ipsum audite.

Quomodo posthæc abiit in desertum, vbi ieiunauit quadraginta diebus & quadraginta noctibus & tentabatur à Sathana. Cogita Christi in eremo conuersationem, Quid ibi fecit, de deuota eius oratione & contemplatione. Nota ibi eius humilitatem, quia fuit cum bestiis secundum Marcum. Cogita stupendam Christi patientiam, A Dæmone portatur & sustinet. Quam sapienter resistit Sathanæ: & tibi exemplum dedit resistendi. Mirare eius Dignitatem, quia Angeli ministrabant ei.

#### CONTEMPLARE

Quomodo de monte descendens, elegit in Discipulos quosdam piscatores & abiectos homines; & per eisdem prædicationis gladio cœpit totum mundum debellare.

Nota

*Compendium Vitæ Domini.*

Nota eius vitam cōmunem cum Apostolis, eius dulcem conuersationem. Considera eorum iocretū colloquium in domo, & in via: & quomodo ipse est inter eos sicut qui ministrat. cum eis comedit in vna mēsa & catino. non habet priuilegium inter eos.

Quomodo extunc deinceps vius est super terram & cum hominibus conuersatus: siquidem inter homines ambulans, & vbiq; verbum Dei seminans, multa miracula, quæ nisi à Deo fieri non potuerunt, fecit: cæcis visum, surdis auditum restituit, Demones fugauit, leprosos mundauit: breuiter, omnes sanauit; & tot miracula fecit, vt vix valeant scribi. Rogantibus peccata indulsit, vbiq; prædicabat, parabolas mysticas proponebat, in quarum vna Pastorem se dixit, ad ouem perditam reducendam aduenisse.

Quomodo sæpè Christum sequebatur multitudo copiosa: aliquando quatuor millia, interdum quinque millia, & eo ampliùs etiam vsq; ad eremum. Sequere & tu, & esto prope IESUM, vt eius verba audias, faciem Christi, & Apostolorum cernas, & colloquia & miracula videas.

Quomodo volens se hostiam offerre, propter quod venerat, vt se verum Agnum Paschalem ostenderet, quinta die ante Pascha allatum à discipulis affellum cœli terræq; Dominus ascendit: magnoq; triumpho, laudumq; præconiis; pueris Hæbreorum clamantibus Holanna in excelsis, Hierusalem Sanctam ingreditur.

Nota

Nota Christi Regis stupendam humilitatem in eo, scilicet Quòd sedet super asinam Apostolorum vestimentis stratum. Vbi est eius familia & Regius apparatus? Intuere Iesum, qui cùm appropinquaret Hierusalem fleuit super illam; magis autem dolore compulsionis tactus, misericorditer fleuit super animam peccatricem.

Descripsimus ecce breuiter, & sub compendio Vitam Domini, vt faciliùs eam memoria valeas retinere, siquidem circa nihil aliud poteris vtiliùs & salubriùs tuam mentem occupare: & ideo omni die aliquid de Vita & Passione Christi in aliqua hora ad hoc deputata debes mente ruminare.

CAP. LIII.

Continet quoddam aliud Vitæ Dominicæ Summarium metricè.

**O** CRVX, frutex saluificus,  
Viuo fonte rigatus,  
Quem flos exornat fulgidus,  
Fructus fœcundat gratus,  
IESVS Rex Regis Filius,  
IESVS de Deo natus,  
IESVS promissus Patribus,  
IESVS præfiguratus,  
IESVS affilatu genitus,  
IESVS donis dotatus,

*Aliud Summarium Vitæ Dominicæ.*

- IESVS in lucem editus,  
IESVS Sol mundo datus,  
IESVS infans pauperculus,  
IESVS Maria lactatus,  
IESVS tener puerulus,  
IESVS cultro plagatus,  
IESVS Legi suppositus,  
IESVS vlnis portatus,  
IESVS ostensus Regibus,  
IESVS Regno fugatus,  
IESVS plenus virtutibus,  
IESVS Vir baptizatus,  
IESVS ferarum socius,  
IESVS hoste tentatus,  
IESVS verbis veridicus,  
IESVS zelo flammatus,  
IESVS signis mirificus,  
IESVS transfiguratus,  
IESVS pius affectibus,  
IESVS lachrymatus,  
IESVS Rex orbis agnitus,  
IESVS affello latus,  
IESVS Seruorum famulus,  
IESVS Panis sacratus,  
IESVS Iudæis proditus,  
IESVS orans prostratus,  
IESVS turba circumdatus,  
IESVS vinculatus.  
IESVS ductus Præsidibus,

IESVS

**IESVS** ter denegatus,  
**IESVS** Pilato traditus,  
**IESVS** post flagellatus,  
**IESVS** illusus penitus,  
**IESVS** morti donatus,  
**IESVS** fit ligni baiulus,  
**IESVS** flentes solatus,  
**IESVS** turbæ expositus,  
**IESVS** expoliatus,  
**IESVS** clauatus fortiùs,  
**IESVS** sursum leuatus,  
**IESVS** portentum omnibus,  
**IESVS** altè affatus,  
**IESVS** miris clarificus,  
**IESVS** morte damnatus,  
**IESVS** transfixus acriùs,  
**IESVS** infrà delatus,  
**IESVS** iunctus latronibus,  
**IESVS** felle potatus,  
**IESVS** clamans & anxius,  
**IESVS** exanimatus,  
**IESVS** sepulchro conditus,  
**IESVS** surgens Beatus,  
**IESVS** terrens exercitus,  
**IESVS** Cælo leuatus,  
**IESVS** Princeps altificus,  
**IESVS** orbi prælatus,  
**IESVS** largitor Spiritus,  
**IESVS** Iudex legatus,



*Aliud Summarium Vitæ Dominicæ.*

IESVS Princeps pacificus,  
IESVS Sponsus ornatus,  
IESVS Iudex æquissimus,  
IESVS Rex expectatus,  
IESVS cunctorum Dominus,  
IESVS desideratus,  
IESVS alpha Principium,  
IESVS ω Finis optatus,  
IESV purga nos à sordibus,  
IESV perlustra cogitatus.  
IESV perfectos fac virtutibus,  
IESV Sacrosq; spira flatus,  
IESV defende nos ab hostibus,  
IESV nosterque sis ducatus,  
IESV à te sit mortalibus,  
IESV æternæ vitæ status.  
O Crux, frutex saluificus, vt supra.

MARIA super omnes cælos assumpta  
Maria variè adornata,  
Maria in cœli statu præclara,  
Maria Dæmonibus terribilis, vt castrorum acies  
ordinata,  
Maria nostri sollicita pro nobis aduocata,  
O Maria Mater pia, filiorum sis sollicita.  
Recordare quæsumus nostri, dum steteris in con-  
spectu Dei: vt loquaris pro nobis bona, qui  
tibi semper canimus,      Aue Maria.

CAP. LIIII.

De Cœna Domini, & de præpara-  
tione ad recipiendum Eucharistiæ  
venerabile Sacramentum.

**I**Nter cuncta Redemptoris nostri memorialia, constat dignissimum esse illud vltimæ Cœnæ finale conuiuium; in quo Seipsum in cibum & potum tradidit Discipulis. Vnde interdum spiritualiter & deuotè circa hoc mirabile Sacramentum tuas formabis meditationes. Considera igitur eius hîc stupendã humilitatẽ, quomodo scilicet Deus Maiestatis cum illis suis pauperculis Discipulis, & etiam Iuda proditore suo in eadem mensa & scutella cœnauerit. Considera pedum lotionem; nam volens cordibus eorum exemplum humilitatis arctius imprimere, prostratus ante eos, pedes humiliter lauabat: & quantæ charitatis & pietatis fuerit, eosdem tam dulcibus colloquiis & verbis exortatoriis confortare.

Sed super omnia debes iugiter & maximè cum ad Sanctam communionem accedis memoriam agere illius tam alti Mysterii, quod ibidem fuit primitus institutum. Nam postquam cum suis Discipulis comedit Agnum Paschalem & typicum, secundum consuetudinem Iudæorum; consecrans suum Sacratissimum Corpus, dedit eis Seipsum verum A-

De Cœna Domini, & preparatione

gnum Paschalem : quibus etiam dedit potestatem illud consecrare, & aliis ministrare. O Largissima magnificentia, ô largitas inaudita, ô excelsiua Charitas. Qui seipsum dedit, quid negare poterit? Quid ultra potuit facere? Quicquid potuit pro nobis fecit: donauit omnia quæ habuit, dedit suum Regnum: dedit seipsum. Vnde & in hac Cœna dicebat; Hęc quotiescunque feceritis, in mei memoriam faciatis: id est in memoriam eorum quæ adhuc carnem mortalem gerens pro vobis feci. pro vobis enim sum illusus, inhonoratus, & crucifixus. Circa quam comemorationem dicit Beatus Hieronymus: Hanc vltimam memoriam nobis reliquit, quemadmodum si quis peregrè proficiscens, aliquod pignus ei quem diligit relinquat; vt quotiescunque viderit, possit eius beneficia & amicitias commemorari: quem si ille perfectè dilexit, sine ingenti desiderio vel fletu illud videre non potest: ideoq; Saluator hoc tradidit Sacramentū, vt semper commemoremur, quia pro nobis mortuus est. Hoc igitur cū accipimus à Sacerdotibus comemoremur, quia Corpus & Sanguis Christi est, vt non simus ingrati tanti beneficii. Hoc Sacramentum super omnia Sacramenta excellentissimum, ægris est medicina, peregrinantibus dieta, debiles confortat, valentes delectat, languores sanat, sanitatem seruat: fit homo mansuetior ad correptionem, patientior ad laborem, ardentior ad amorem, sagatior ad cautelam, ad obediendum promptior, ad gratiarum acti-

rum actionem deuotior. Hoc etiam super cœleste Sacramentum munit sensum, & in grauioribus peccatis reprimat penitus consensum. Si igitur post huius tanti Sacramenti sumptionem non ita crebro feralibus motibus iracundiæ, inuidiæ, luxuriæ, & aliorum vitiorum te senseris agitari; Age gratias Corpori & Sanguini Domini, quia Virtus Sacramenti operatur in te: & gaude, quia pessimum vulnus appropinquat sanitati. Aduerte tamen quòd effectus Sacramentorum, solet esse secundùm recipientium dispositionem, & præparationem. Iudas enim quamuis Dominicum Corpus perceperit, non tamen prædicta munera participauit. Ideo ante sumptionem huius tam reuerendi Sacramenti, magnopere præparationi debitæ studendum est, vt tantum Sacramentum dignè valeas sumere. Qui enim Corpus & Sanguinem Domini recipit indignè, iudicium sibi manducat, & bibit. Tria autem sunt quæ ad dignam receptionem huius Sacramenti requiruntur,

scilicet,      { Munditia corporalis,  
                   { Puritas spiritualis,  
                   { Deuotio actualis,

Munditia corporalis interdum est de congruo, interdum est necessario requisita. Puritas conscientiae siue spiritualis, præsertim à mortalibus criminibus est necessaria: & ideo attende vt ante huiusmodi Sacramenti receptionem, habeas contritionem: & si fieri potest ante conspectum Domini lachry-

De Cœna Domini, & preparatione

mas fundas, quibus te abluas à commissis sceleribus, corde, ore, opere, & insuper bonis quæ facere omisisti. Vnde dicit Beatus Gregorius: Operæpre-  
cium est cùm Diuina ista mysteria agimus, ante Deum in contritione cordis nosmetipsos mactemus; hoc est, quòd peccatum non corpus mactes: qui enim mysteria Dominicę passionis celebramus, debemus imitari quòd agimus. Post hæc confitere omnia peccata tua, quorum conscientia te accusat; & præsertim notabilia, quæ omnia sunt confitenda: & de ignoratis te coram Sacerdote fatere culpabilem. His autem duobus, scilicet contritione & confessione, abluis conscientię impuritatem.

Tertium quod est Actualis deuotio, in te gignunt Timor & amor: Timor inducit reuerentiam, Amor verò accendit desiderium, vel affectum. Accede igitur cum timore, & reuerentia. Attende quàm terribilis est mensa ista; Vnde cum debita diligentia, & diligenti vigilantia ad eam est necessariò accedendum: nam reuera in hac sacerdotali mensa præsens est Christus; & idem ille qui vltimam Cœnam cum Apostolis celebrauit istam consecrat: Non enim est purus homo, qui panem & vinum in Corpus & Sanguinem CHRISTI conuertit, sed ipsemet Christus qui pro nobis crucifixus est. Verba ab ore Sacerdotis proferuntur, sed Diuina gratia, & virtute materiæ consecrantur. Quo igitur ausu ad illam mensam vbi præsens est Christus, tam intrepidus accedis & audes Filium Dei tangere, quem

quem Ioannes Baptista veretur contingere? quem Petrus Apostolorum Princeps præ formidine à se expulit, dicens; Exi à me Domine, quia homo peccator sum. Quem adorant Dominationes, tremunt Potestates.

Deinde considera, quòd iste quem sumis, tuus futurus est Iudex. Time igitur accedere: si enim indignè & irreuerenter ipsum receperis, post tuam mortem iratum senties, cùm Tribunali eius iudicandus astabis. Aduerte quoq; quòd quamuis per millia millium annorum te præparaueris creberrimis orationibus, & assiduis meditationibus, nihil esset ad condignam huius Sacramenti sumptionem; etiamsi omnium meritis Sanctorum gauderes: quanto magis quòd tu indeuotus, tepidus, & impræparatus accedis.

Considera præterea, eo modo quo dictum est, tuam vilitatem, & te indignum reputabis; & sic congruam reuerentiam adipisceris. Hoc autem potissimè ad condignam huius tremendi Sacramenti susceptionem valet, si in oculis tuis tibi ipsi vilis appareas. Rursum debes habere desiderium accedere ad hoc pretiosum Sacramentum; sicut enim dicit Augustinus: Panis iste requirit esuriam hominis interioris.

Affectum autem, quo ad hoc suauissimum Sacramentum accedendum est, diuersi diuersimodè formant. Quidam enim trahuntur ex desiderio vnionis cum Christo, vt eum quem eorum diligit anima,

De Coena Domini, & preparatione

intra semetipfos amplexibus astringant. Quidam alii trahuntur ex desiderio consequendi sanitatem à suis passionibus & vitiis: vt scilicet tanquam medicum trahant Christum ad seipfos, per quem ab omni languore animæ curari queant. Alios quosdā trahit delictorum conscientia: quoniam hoc inefabile Sacramentum in remissionem peccatorum est institutum. Trahit vero nonnullos amor, & compassio proximorum: vt per hoc tam acceptabile Sacrificium subueniant viuis & defunctis.

Et vt tuum desiderium ardentius inflammetur & exercitetur, poteris diligenter Vitam Christi reuoluere.

Confidera igitur quomodo vniuersos dolores omnium ad se accedentium tulit, & omnes languores nostros ipse portauit: siquidem mulier immun-da ad eum retro accedens sanata est. Peccatrix eius pedes deosculans est mundata. Cananea dum importunè eum sequitur, exaudita est. Leprosi accedentes curati sunt. Dæmoniacy, paralyticy, & cuncta naturæ monstra, dum accedunt & credunt, salutem consequuntur: Nam virtus de illo exibat, & sanabat omnes. Publicani & peccatores accedentes veniam promerentur; neque eorum conuiuium despexit. Cùm igitur feceris quod in te est, accede cum fide & fiducia sperans de infinita Dei pietate. Debes adhuc ante huius Dulcissimi Sacramenti communionem, Passionem Domini deuotissimè ruminari: quippe specialiter in memoriam Domini-  
nicæ

nicæ Passionis legitur institutum. Et si quæris in quo te potius affectu debeas exercere, an scilicet Timoris & reuerentiæ; vel Amoris & desiderii, hoc est an debeas secundum quod multi faciunt anhelos & ardenti desiderio, ad illud tam dulce Sacramentum accedere; vel secundum alios stimulo conscientie & præ timore attendendo huius Sacramenti excellentiam, & propriam infirmitatem ab eius frequenti receptione abstinere. Ad hoc respondent Sancti vtrumque affectum commendantes: & quod relinquendum est cuiusque conscientie, quod sibi potius faciendum videtur. Zachæus namque festinauit, gaudens in domo sua Dominum recipere: Centurio verò suam contemplans vilitatem hoc recusauit, dicens: **DOMINE** non sum dignus, vt intres sub tectum meum: & vterque fuit Domino acceptus. Vnum tamen omnibus securum esse videtur, vt scilicet nec ex reuerentia timentes Desiderium & Spem excludamus; neque rursus ex spe & desiderio Reuerentiã & Timorem relinquamus: sed inter vtrumque affectum ex vna parte confidentes, & ex altera metuentes, inducamur illud recipere. Ait enim **B. Gregorius**: Nihil enim nobis securius, quam sub spe semper timere. Tamen si absolutè loquamur, indubitanter affectus Amoris potior est quam Timoris. sed quod absolutè melius est in calu fit, & est multis periculosius & deterius.



Quomodo vir deuotus & contem-  
platiuus, propter aliquos Scrupulos  
eum molestantes, non debet ab hu-  
ius tam saluberrimi Sacramenti  
perceptione abstinere.

**C**ontingit interdum, vt volentibus ad hoc tam  
ineffabile mysterium accedere, adueniant ipso  
tempore aliqua cogitationes de sua indignitate : &  
præcipuè videtur eis sua peccata minùs benè fuisse  
confessos. Hoc secundùm Gersonem potest proue-  
nire ex Dæmonis suggestione, vt impediatur à tan-  
ti boni participatione. Vnde isti debent conside-  
rare, quia nunquam viribus propriis ad hoc pote-  
runt dignificari, quamuis ad hoc per spatium cen-  
tum annorum insudarent, nisi eis ex speciali Dei  
munere concederetur. quòd tamen donum æquè  
potest largiri Deus nunc, sicut post memoratum  
annorum spatium.

Debet vltèrius considerare, quòd in hac vita ne-  
mo potest scire infallibili & absoluta certitudine se  
esse in gratia vel non, nisi hoc ei singulariter reue-  
latur. Et reuera qui absque huiusmodi certitudine  
nollet Eucharistiam sumere, seipsum deciperet ; &  
videretur habere quandam superbix speciem.

Est alia humana, seu moralis certitudo, quæ in  
nostro

nostro proposito requiritur, & sufficit: scilicet, Cum quis in sui recollectione & propriæ conscientiæ discussione fecit, quod tunc sua discretio & sanum seu prouidum aliorum consilium iudicat faciendum: & hoc per tempus ad hoc sufficiens, & communiter referuari solitum. & si tunc non se nouerit esse in mortali, securè & absque periculo incurrendi nouum peccatum mortale poterit ad Sacram accedere Communem: etiam si ut sæpè contingit, superueniant aliqua dubia leuia; & debet talia continendo vincere, & contrariū eis agere, & seipsum ad hoc agendum cogere. Leue dubium appello, cum alicui videtur, quod aliquid sit bonum & iustum, potius quàm malum & peccatum: licet habeat aliquas leues rationes & cogitationes contrarias ei inducetes aliquid ambiguitatis, non tamē tātæ, quin primum iudicium, scilicet quod sit bonum & iustum sit longe certius: ita quod si illud ad alium pertineret, nulatenus vacillaret neq; dubitaret. Verumtamen si maiorem certitudinem non habet vnus quàm alterius partis, debet abstinere quousque aliorum vel suo consilio, vel Diuina inspiratione per humilem orationem obtenta ad alteram illorum partium magis declinet. Et si hoc modo quis non accipit securitatem, semper se iudicabit male confessum, & nunquam habebit requiem, neque ad pacem conscientiæ poterit peruenire, quod nullo modo potest dici bonum. Omnia hæc sunt accepta à præfato Doctore in tractatu de Diuersis tentationibus Diaboli.

Quomodo Dominica Passio continet in se omnem Perfectionem in hac vita homini possibilem.

Sciendum est, quòd omnia perfectionis opera, quæ Redemptor noster docuit in Euangelio, ipse in semetipso in sua Passione perfectissimè compleuit. Itaq; in Cruce Domini est finis Legis, & totius Sacræ Scripturæ: & in eius Passione est Summa totius Perfectionis: & in eius morte est omnis verbi consummatio. Et ideo Apostolus Paulus dicebat: Non iudicauit me aliud scire nisi Christum Iesum, & hunc crucifixum. Nam reuera Frater hoc Scire est, omnia scire quæ saluti expediunt. Si enim de voluntaria paupertate loquamur, Quis pauperior Christo, qui nudus pependit in Cruce, in qua non habuit vbi reclinaret caput suum. Si de obedientia & humilitate: Quis aliquando humilior & abiectior Filio Dei? qui factus est obediens usq; ad mortem, mortem autem Crucis? Si de virginali castitate, Quis castior eo, cuius Mater Virgo est, & cuius Pater foeminam nescit. Si de charitate loquamur, Quis vnquam maiorem vel tantã Charitatem habuit vt Christus, qui animam suam posuit pro amicis suis? Rursum si de patientia, omnis eius Passio excellentissimè hanc demonstrat. Si verò de contemptu

contemptu mundi, & à rebus mundanis elongatione: Quis ita alienus à terrèis, sicut Christus in Cruce super omnia terrena exaltatus? Si de abstinentia & ieiunio & victus inopia, Christus non gustauit in Passione sua nisi fel & acetum. Si de corporis castigatione: Cuius vnquam corpus extitit castigatius Corpore Christi in Cruce pendentis? Si de efficacità orationis, Quis vnquam Christo efficacius orauit, qui præ attentionis vehementia, guttas sanguineas iudauit? Si de largitione eleemosynarum, & de aliis misericordiæ operibus: Quis vnquam largiorem impendit eleemosinam quam idem Dominus, qui Corpus suum in Cibum & Sanguinem suum in potum nobis pauperibus in perpetuam eleemosinam dedit? Visitauit rursus infirmos: quando infirma Discipulorum corda roborauit, & complures infirmos curauit, & captiuos lybii redemit. Mortuos è monumentis resuscitauit. Sed & si de dilectione inimicorum loquimur, In Cruce pendens pro suis crucifixoribus orauit. Si de iniuriarum remissione: Quis libentius aliquando dimisit debita suis debitoribus, qui latroni non solum peccata dimisit, sed etiam Paradisum promisit?

Et similiter de aliis operibus similibus discurrendo per singula opera supererogationis: quæ omnia in Passione Christi si diligenter attendimus, inueniemus supereroganter impleta. quæ etiam nos si cupimus Christum perfectè imitari, debemus adimplere vel opere, vel saltem desiderio; & illa inipi-

*Sex modi contemplandi*

cere & ad exemplum eorum operari: vt fiat illud quòd in Exodo Dominus dicit: Inspice, & fac secundum exemplar, quod tibi in monte monstratum est. Et cum Redemptor noster in multis Sacre Scripturæ locis, Mons propter altitudinem suæ excellentissimæ perfectionis dicatur, præcipuè tamen dicitur mons in Cruce exaltatus propter eminentiam merendi suæ Sacratissimæ Passionis. In hoc igitur Monte, id est CHRISTO crucifixo exemplum nobis monstratum est, vt diligenter & attentè illud inspiciamus, & efficaciter imitemur. Intuere ergo per vilceralem compassionem exemplar Dominicæ Passionis, in te eam incorporando, & efficacius imitando. Vnde sciendum est, quòd si omnia quæ Christus in hoc mundo pro nobis passus est vellemus referre, essent innumerabilia; neque totus mundus posset capere, qui de eis scribendi essent libri, vt dicit Beatus Ioannes in fine sui Euangelii. Quia igitur omnia Saluatoris nostri scribere gesta minimè valemus, eius saltem gloriosissimam Passionem morosè & deuotè contemplari assiduè conemur.

CAP. LVII.

Quòd Passio Domini sex modis est  
meditanda.

Circa Passionem Domini hoc modo se habere potest vir deuotus, & contemplatiuus. Primò  
contem-

contemplando eam ad imitandum. Secundò ad compatiendum. Tertio ad admirandum. Quarto ad exultandum. Quintò ad resoluendum. Sextò ad quiescendum. Primò dico quòd debemus Passionem Dñi contemplari ad imitandum, eò quòd ipsa est altissima & perfectissima Christiana imitatio: & altissima & perfectissima Vita est Christum imitari: summa & perfecta religio, & religiosa perfectio: regula & exemplar omnis perfectionis vitæ & virtutis; scilicet imitari Christum in sua morte & passione. Sit igitur nostra viuendi regula Christi passio: & tantò consolemur, quantò Christo magis conformamur. & tantò contristemur, quantò longius ab hoc exemplari & regula elongamur. Semper quantum in nobis est, quæramus ab omnibus conculcari, persecutionem pati, vilipendi, illudi, affligi, flagellari, & in diuinis officiis ab omnibus despici. Simus nudi cum nudo, nihil omnino habere cupiamus: immò habere aliquid sit nobis grauissima pœna, & dolor immensus, & in nulla re lætitiã capiamus. abhorreamus gustare dulcia & delectabilia, cupientes potius vilibus, & amaris refici: & appetamus vt omnes cibi potius nobis inferant fellis quàm mellis saporem: Christus enim felle & aceto potatus fuit. Et vt breuiter dicam consideremus omnia, quæ pro nobis sustinuit, & quomodo se habuit in passionibus, & in quantum possumus, ei conformemur.

Secundò debemus contemplari Christi passionem,

N

nem,

### *Sex modi contemplandi*

nem, ad compatiendum & condolendum Christo: considera eius verba, & dolores; afflictionem cordis, nostram ingratitude, maternos dolores. Debemus considerare eius verbera, illusiones, & opprobria: & in corde nostro versare, & ruminare, quantum in hoc fuit eius opprobrium & contemptus? quantus dolor, quanta in corde afflictio, & in corpore tam ratione passionis, quam ratione compassionis nostrorum peccatorum. Consideremus igitur quanta amaritudine fuerit plenus Dominus, & dulcedo Angelorum. O quantum ipsum torquebat non solum poena illata, sed etiam ingratitude nostra, & afflictio matris astantis, quam tam vehementer diligebat, & præ dolore & compassione poenę deficere cernebat. Illic filius crucifigebatur cum matre, propter mutuam dilectionem; & propter compassionem eorum mutuam, erat vtriusque maxima afflictio; & præsertim quia vterque sciebat alterum pro se pati. sciebat enim mater filium pati pro se, sicut pro aliis quos erat redempturus. sciebat certissimè filius quòd gladius eius per compassionem maternam animam transfigebat. Refoue quæso ista in animo tuo replendo cum illis iniuriis & poenis, videns Dominum & sponsum animæ tuæ talia pro te perpeti. Nam si ei verè per amorem fueris vnitus, tunc ei compatieris. si autem non sentis dolorem Christi qui est caput tuum, quomodo es Vnū cum illo? Et sicut magis compatiendum est capiti quam cæteris membris, ita incomparabiliter magis

magis compatiendum est Christo, quàm alicui amico, quantumcunque dilecto; & etiam plusquam tibi ipsi, si omnia quæ prædicta sunt sufferres. Igitur Dilectissime frater myrrha & aceto, quibus ipse potatus est, inebriemur, & solum eius vulnera sentiamus: & transfigant viscera nostra eius opprobria, vulnera, & flagella: et nihil in nobis sit quod cõpassionis dolore non repleatur, & largiter non affligatur:

Tertiò contemplari debemus Dominicam Passionem, ad admirandum. Nam si consideremus Quis, quæ, pro quibus, & à quibus passus fuit, vehementer stupere debemus. Quis? scilicet, Filius Dei verus summè potens, sapiens & bonus, & simpliciter quicquid nobilitatis ei attribueris, nihil est ad illum. Omnia quæ sunt quantumcunque sint bona & magna, ad tuum Dilectum sunt quasi quædam scintillula. Quæ passus est? peregrinationem, exilium, famem, sitim, calorem, frigora, tentationes, terrores, persecutiones, insidias, sputa, opprobria, vincula, verbera, illusiones, dolores, vulnera: gloria conspuirur, iustitia condemnatur, iudex adiudicatur, qui nunquam offendit inculpatur, innocens diffamatur, Deus blasphematur, Christus conculcatur, vita moritur, sol obscuratur, luna denigratur, stellæ sparguntur. Et hæc omnia sustinet patiéter, quasi agnus; cum omnem creaturam posset solo nutu mittere in abyssum gehennæ.

Pro quibus passus est? pro nequissimis servis, pro sceleratissimis inimicis: & adhuc pro diaboli-



*De Sex modis contemplandi.*

eis viris: pro filiis dæmonum imitatoribus, pro Diuinæ maiestatis contemptoribus, & Diuinæ bonitati ingratis. Attende quòd talis & tantus, talia & tanta, pro tam vilissimis passus est.

A quibus passus est? à specialiter dilectis & præelectis: quibus omnem ostendit benignitatem. altissimus à vilissimis, à stultis sapientissimus, à teterri-  
mis & foedissimis Diuinus splendor. In omnibus igitur his subleuemur in stuporem Diuinæ bonitatis & largitatis.

Quartò debemus contemplari Passionem Domini ad exultandum. Debemus quippe in ea lætari,

propter { Redemptionem Humanam,  
          { Restaurationem Angelicam,  
          { Diuinam clementiam.

De redemptione humana patrata per Dominicam Passionem, sine dubio multum debemus gaudere. Quis non gaudebit & exultabit, videns se liberatum per hanc benedictam passionem à damnatione æterna, à culpæ ignominia, & à potestate diabolica? Sed & quis non in immensum exultabit, videns se tantum à Deo amari, vt tantæ seipsum propter eum subderet vilitati & pœnalitati? Non dico quòd gaudeat de eius vilificatione vel passione, sed de eius fructu, & de Diuini Amoris manifestatione.

Quis Princeps in regno vel imperio alicuius Imperatoris, vel Regis, videns se tantum à Rege vel Imperatore amari, vt esset pro eo mori paratus, non gauderet & exultaret? Quantò magis nos vilissimi  
homines

homines, nephandissimi peccatores & serui inutil-  
 les, debemus gaudere & exultare, cum videamus  
 Regem Regum & Dominum Dominantium, & Cre-  
 atorem nostrum ita nos incessanter amare, vt seip-  
 sum nobis per turpissimam & ignominiosissimam  
 mortem Deo Patri in sacrificium obtulerit? Debe-  
 mus etiam immensa lætitia exultare, eò quòd plus  
 nos diligit quàm nos ipsi. Rursus gaudendum &  
 exultandum nobis est, quia per Domini Passionem  
 videmus reparatam Angelorum ruinam. Vehemēs  
 nobis debet esse lætitia, cum videmus esse per Chri-  
 sti mortem, de nobis tā nobile collegium reparari:  
 & quòd fiat vnū ouile & vnus pastor, & simus simul  
 vnum. In hoc etiam debet gaudere cœlestis curia,  
 & militans Ecclesia. O verè amabilis & reuerendis-  
 sima Passio Saluatoris, quæ distantia ita coniungis,  
 separata ita fortissimè vnīs, & vinculo consummati  
 amoris & foelicis gaudii in æternum amplecteris.  
 Potissimè autem debemus gaudere & exultare, cer-  
 nentes in omnibus supradiçtis altissimam Domini  
 & Saluatoris nostri clementiam. Hoc estimo esse al-  
 tissimam gloriam iustorum, tam hominum, quàm  
 Angelorum, scilicet quantò intimius & profundius  
 Dei clementiam & beneuolentiam, & immensita-  
 tem Bonitatis eius contemplantur. Et vbi lucidius  
 apparet diffusio Diuinæ bonitatis, & benignissimæ  
 clementiæ dulcissimi & amantissimi Patris & Do-  
 mini nostri Iesu Christi, quàm in eius passione? in  
 qua tanta & talia tam turpia & graua voluit sustine-

De Sex modis contemplandi

re vt liberaret & glorificaret inimicum suum; immo quandam vanitatem dignam morte æterna? In hoc gaudium ingrediatur homo, & reficiatur magnificentia Diuinæ benignitatis. Accedat homo ad cor altum, & in corde suo exaltet excellentissimam & ineffabilem clementiam Iesu Christi Redemptoris nostri crucifixi.

Quintò, Dominica Passio est consideranda ad Resoluendum corda nostra, & ad perfectè in eum transformandum. quod fit cum homo non solum imitatur, compatitur, admiratur, & exultat, sed etiam totus in IESVM Christum Redemptorem nostrum conuertitur, ita vt iam semper, & vbique appareat ei crucifixus. Et adhuc homo tunc in ipsum resoluitur; vel liquefit, cum factus extra se, & super omnia positus, & etiam supra se, segregatus ab omnibus, totus conuertitur in Dominum suum crucifixum, in tantum quòd nihil videt vel sentit intra seipsum, nisi Christum crucifixum, illudum, inhonoratum, & pro nobis passum.

Sextò, debemus contemplari Pasionem Christi ad quietem, & internam dulcedinem. quod fit cum homo resolutus & liquefactus, prout diximus, sities, non cessat in corde versare ipsam Domini passionem: & ingressus prout valet in eius thesaurum, humiliter & deuotè liquefit deuoto amore, & feruenti deuotione deficit à seipso, & quiescit in Christo crucifixo. & quantò ei plus adhæret, tantò magis deuotissimo amore, in seipso deficit & resoluitur. & quãto à se

to à seipso deficit amore & deuotione, tanto fortius adhæret dilecto suo, pro se mortuo, & magis quiescit in eo. Itaque se mutuo augent, Adhæsiõ amoris & Deuotio; donec sponsa tota abso: betur ab illo camino igne amoris passionis sui dilecti; & sic in amplexibus sponsi dormiens quiescit, qui clamat dicens: Adiuro vos filiæ Hierusalem, ne suscitatis neque euigilare faciatis dilectam, quoadusque ipsa velit. & cetera. Ruminabis igitur Domini Passionem ad colligendum ex ea hos affectus ad purgandam & inflammandam colligentem Compassionem, ad unionem & amorem: Admirationem, ad mentis eleuationem: Gaudium & exultationem: ad cordis dilatationem: Resolutionem, ad perfectam confirmationem: Quietem, ad deuotionis conseruationem. Sed vt facilius possis ipsam passionem contemplari; diuidentes eam in aliquot breues partes, eam hic ponemus, prout colligitur ex Sacro Euangelio.

## CAP. LVIII.

De Domini Passione in sex partes diuisa; & primo de quodam breui modo ad facilius eam meditandum.

**S**ciendum quod in contemplãdo Christi passionem, vt hoc facilius peragere queas & utiliùs, debes in ea tria considerare:

*Alius modus contemplandi*

scilicet { Factum,  
Modum,  
Causam.

Et ad hæc tria est semper respiciendum in passionis contemplatione.

Factum dicimus: vt cum fuit captus, ligatus, colaphizatus, alapis cæsus, flagellatus, &cætera. quæ debes deuotè contemplari.

Modus, est gestus & humilitas, quam ostendebat: & præsertim, cum coram iudicibus præsentabatur: hoc est, inclinato capite & oculis in terram defixis. Quomodo proferebat illa verba tam humiliter, quam mansuetè, & quam suauiter propter vocis suauitatem. & si hominem quempiam ita dulciter audires loquentem, ingenti afficereris voluptate: nam eius vox non erat minùs dulcis quam facies decora.

Contemplari etiam debes modum, quem interiùs habuit. manifestum est enim quòd interiùs gerebat maximam humilitatem; non inuidens, neque irascens aliquatenus contra Pilatum, neque contra Iudæos; sed viscerosè eis compatiens.

Circa tertium debes considerare, quòd tu es causa suæ passionis: nam passus est propter

tuam { Redemptionem,  
Illuminationem,  
Iustificationem,  
Glorificationem.

Et considera hoc beneficium, ac si pro te solo passus fuisset Christus. Et similiter in his quæ legeris &

ris & cogitaueris, cogita ac si diceret Christus: Hoc feci pro te, vt tu sequaris vestigia mea, & fias humilis & patiens, & accipiens crucē tuam me sequaris.

Igitur in opere, debes meditari Domini patientiam: in modo, eius humilitatem: in causa, eius ardentissimam charitatem. Et non solum debes contemplari in Christo prædictas virtutes, sed imitari eas operādo, hoc enim est quod maximè tuus Dilectus desiderat. Et nota quod in contemplando passionem hoc modo, semper debes Christum considerare non solum hominem, neque Deum solum, sed vnā personam, quæ est Deus & homo verus.

## PRIMA PARS

### Dominicæ Passionis.

**I**GITUR CELEBRATA ILLA Solenni & Regali Cœna Christus Deus & Homo, surrexit; & cœpit ire cum Discipulis suis ad mortē. Cogita nunc quā dulcibus verbis loquitur eis de sua Passione, docens eos, & præueniens dicendo: Percusso Pastore dispergentur oues gregis. Rursum Petro: Antequam gallus cantet ter me negabis. Ista trahens ad sensum literalem, ante omnia reuerenter & pia dulcedine contemplare vt prædiximus, personam Christi, Deum esse simul & Hominem: & ea quæ facit & loquitur, diligenter & reuerenter, cum quodam stupore & pietate audi & intu-

*Alius modus contemplandi*

ere. Denique ad vtilitatem & profectum tuum, & morum tuorum informationem diligenter confidera, quàm dulciter illa verba protulit, & quàm benigne habuit, & quàm benigno colloquio eos admonuit. Quantum præterea interiùs fuit plenus mœstitia, & contristatus de morte sua tam vicina. Vtteriùs tertio cogita, quomodo ob tuam redemptionem incipit ad passionem ire, & pro te immolari compungendo te ad lachrymas & deuotionem.

Et ista & similia in corde tuo versabis, respiciendo ad illa tria, quæ præmemorauimus, scilicet Factum, Modum, & Causã. neque enim in qualibet passionis particula memoranda sunt.

Consequenter relictis aliis discipulis, assumpsit secum solos tres præcipuos, quibus alloquens, dixit: Tristis est anima mea vsque ad mortem. Et dimittens eos subiit solus in montem orare. Vbi post trinam orationem tanto fuit eminentis passionis timore affectus, vt præ eius magnitudine sudor eius factus fuerit sicut guttæ sanguinis decurrentis in terram: quod de alio nemine, quantumcunque afflictio legitur. Considera quomodo tunc apparuit ei Angelus confortans eum. Et confestim surgens ab oratione, licet vehementer adhuc pœnam formidaret, exiit obuiam inimicis suis: qui vno solo verbo audito ab eo, mox ceciderunt in terram quasi mortui. Quomodo ei Iudas osculum dedit, & ipse patientissimè tulit. Attende quàm crudeliter Iudei eum apprehenderunt, ligauerunt & traxerunt: & omnes

omnes eius discipuli eum deferentes fugerunt. Intuere quomodo eum primò deduxerunt in domum Annæ: vbi grauiter à quodam seruo nequissimo, in sua speciosissima facie percussus fuit. Debes nunc contemplari, vt iam præmissum est, Quis est hic qui tam opprobriose & irreuerenter tractatur. Erte ei subiiciens per rationis consensum, crede & cogita eum verè esse Filium Dei, Principium omnium, Saluatorem hominum, & Retributorem omnium. Et hæc quo ad primam partem.

## SECUNDA PARS

### Dominicæ Passionis.

**Q**UANTVM AD SECUNDAM partem, considera quomodo Dominus trahitur ita crudeliter & inhumanè de domo Annæ ad domum Caiphæ, vbi eum Scribæ, Sacerdotes, & Pharisei inuidia pleni præstolabantur. Et quomodo per Caipham adiuratus veritatem dicens, fuit multipliciter percussus, tanquam falsò nomen sibi attribuens Diuinum. Quomodo velantes faciem eius percusserunt, conspuerunt, & illuserunt eum, quærentes contra eum falsos testes, quia veri inueniri nequibant. Quomodo negatur à Petro, qui se cæteris credebat fortiorem: quem cum respexisset Dominus, memor sui Dilecti fleuit amarè. Cogita quomodo statim summo manè trahitur per plateas ad iudi-



*Alius modus contemplandi*

ad Iudicem, vt eum ad mortem condemnaret. Videns autem Iudas quòd ad mortem peteret, tantum in se doluit, quòd tam dulcẽ Magistrum suum tradidisset, vt seipsum præ amaritudine & dolore laqueo suspenderet: & retulit triginta argenteos, quibus emptus est ager, iuxta Hieremiæ Vaticinium. Quomodo deinde multis clamoribus, falsis accusationibus, concurrente tota populi multitudine, est coram populo accusatus. Missus & ductus per plateas ad Herodem, ab eo vt stultus irridetur. Hic diligentissimè considera qualis est qui patitur, & ei configurare vt compatiaris.

Innocentissimo,

Mitissimo,

Nobilissimo,

Amantissimo.

**TERTIA PARS**

**Dominicæ Passionis.**

**Q**UANTVM AD TERTIAM PARTem attendequomodo stante IESV humilimè coram Pilato Præsìde, magnus tumultus, & clamor validus inualuit, clamantibus Iudæis: Crucifige, crucifige. Nos legem habemus, & secundùm legem nostram debet mori. Tunc Pilatus fecit Christum per totum corpus durissimè flagellari; & in figura Regis tanquam se illicitè regem nominasset, multipliciter illuditur, ac chlamyde induitur: caput spinis

Spinis coronatur, arundine grauius verberatur; vt Rex, genibus flexis, irrisoriè adoratur.

Hic Frater diligenter attende modum, quo Christus se habuit. Quomodo Pilatus sedens pro Tribunali tanquam dominus foret Christi Domini & iudex eius, Nescis, inquit, quia potestatem habeo dimittere te, & potestatem habeo crucifigere te. Attende modum quo Iudæi se habuerunt. considera causam, cur hæc omnia Christus sustinuit propter te redimendum.

Iterant & multiplicant clamores Iudæi, Si hunc dimittis, non es amicus Cæsaris. Crucifige, crucifige, & cetera. Tunc Pilatus timore Cæsaris victus, tradidit eis Christum crucifigendum. Exiens autem vt crucifigatur, ipse suum portat patibulum, laetronibus associatus. Sequentibus autem se mulieribus, cum ingenti dolore ait: Nolite flere super me, & cetera. Considera autem quantus & quàm gloriosus Rex Cœli & terræ, & Dominus Sabaoth sit iste qui sic irridetur, qui sic illuditur in figura Regis. & egredere obuiam ei, intuens eum cum ingenti admiratione. & attende quomodo est.

Immen- sus	}	Potestate,
		Speciositate,
		Felicitate,
		Æternitate.
Admirare igitur	}	Maiestatem annihilari,
		Speciositatem decolorari,
		Felicitatem tormentari,
		Æternitatem mori.

QVAR.

Q V A R T A P A R S.

**I**N HAC QVARTA PARTE CON-  
templare, quomodo ducto Domino in montem  
Caluariae, incipiunt se lictores disponere ad cru-  
cifigendum, exuendo Christum vestibus: & sic de  
singulis. Cogita tu diligentissimè modum crucifixi-  
onis. Primò crucem erexerunt, & manus & pedes  
eius cruci affigentes, iuncturas membrorum crude-  
lissimè diuicauerunt. Aduerte quoque eius indi-  
cibilem patientiam & modum quo se habuit.

Rursum poteris & alio modo hanc crucifixio-  
nem meditari, scilicet Quòd Crucem in terra po-  
nentes, ipso Domino libenter manus & pedes ex-  
pandente, primò eum cruci affixerunt, & deinde  
erexerunt.

Respice deinde eum in cruce lachrimantem, &  
pro iuis crucifixoribus orantem, quomodo blasphematur à prætereuntibus Pharisæis, & ab iniquo la-  
trone. Et quomodo in vertice crucis verissimus ti-  
tulus scribitur: IESVS Nazarenus Rex Iudæorum.

Conspice Virginem benedictam matrem eius  
gloriosam, sub cruce stantem doloribus plenam:  
quæ utiq; tantò ampliorem habuit dolorem, quan-  
tò feruentiorem habuit amorem.

Attende quomodo Matrem suam Ioanni com-  
misit. & factæ sunt deinde tenebræ per totum mū-  
dum. Et quomodo Dominus voce magna clama-  
uit &

uit & dixit: Heli, Heli, lamazabathani: hoc est: Deus meus, Deus meus vt quid me dereliquisti? In quibus verbis ostendit quanta sua foret pœna: quasi humanitas à Diuinitate quodam modo derelicta esset, non verè, sed per modum loquendi. Adhuc intuere attentè quomodo ei sitiienti dederunt bibere acetum felle mistum. Et quomodo impletis omnibus clamans voce Magna emisit Spiritum: ostendens per hoc, quòd quamdiu voluit, vires sibi retinuit: & quòd nullus animam à se tolleret nisi eam ipse poneret. Vnde præcipuè Centurio ex hac voce motus, dicebat; Verè Filius Dei erat iste.

Et hic considera modum quo passus est.

Passus est enim sicut verus Agnus.

Liberalissimè, respectu proximi.

Seuerissimè, respectu sui.

Obedientissimè, respectu Patris.

Prudentissimè: respectu aduersarii.

Stude igitur ad habendum habitum, secundum effigiem imitationis Christi, ita quòd ex consuetudine patiendi, pro eo habitus virtutum obtineas, scilicet, Benignitatis, seueritatis, humilitatis, & patientiæ, & cæterarum virtutum. Et hæc quo ad quartam partem sufficiant.

## QVINTA PARS.

**C**ONTEMPLARE IN HAC QVINTA parte quomodo mortuo Christo in Cruce, venit

*Alius modus contemplandi*

venit Longinus cum aliis militibus, & confringunt crura latronum: & cum venissent ad Christum & inuenissent iam mortuum, non fregerunt eius crura, vt Prophetia impleretur, quæ ait: Os non minuētis ex eo. sed prædictus Longinus lancea latus eius aperuit: vnde sanguis & aqua exiuit, & sic Ecclesiæ Sacramenta consecrauit. Velum templi tunc scinditur in duas partes, à summo vsque deorsum. Sol obscurauit & tenebræ factæ sunt in vniuersam terram, terra tremuit, petreæ scissæ sunt, monumenta aperta sunt; vt in die resurrectionis cum Domino resurgerent corpora Sanctorum, ibi quiescentia. Attende benè hic, quanta pro te Dominus passus est: & ex desiderio Passionis, Crucem amplectere. Ita quòd sicut Dominus passus est iniurias, opprobria, irrisiones, & supplicia, ita tu Passionem Domini imitando, amplexeris pro eo omnem Passionem, iniurias, probra, illusiones, & cruciatus. Et hæc quantum ad quintam partem sufficere credo.

S E X T A P A R S.

**N**OTANDVM QVOD CHRISTI Passio, non solùm reformat memoriam per deuotam meditationem, neq; solùm inflammat affectum per deuotionem, sed magnoperè illuminat intellectum ad veritatis cognitionem. In vniuersitatis enim cognitione, septem erant clausa ante Christi Pas-

si Passionem, quæ in ea sunt aperta. De quibus potest intelligi illud Apocalypsis: Aperta sunt septem sigilla,

quæ sunt { Deus mirabilis,  
 Spiritus intelligibilis,  
 Mundus sensibilis,  
 Paradisus delectabilis,  
 Infernus horribilis,  
 Virtus laudabilis,  
 Culpa vituperabilis.

Primum sigillum quod est DEVS mirabilis, in Passione Christi fuit apertum: quia in sua Passione ostendit se esse summam Sapientiam in eo quod tam sapienter fefellit Diabolum, nolens eum sua infinita potentia opprimere. Rursum ostendit se esse summam iustitiam, in quantum quæsiuit pretium nostræ redemptionis. Summam præterea misericordiam; in eo quod pro nobis proprium tradidit Filium.

Secundum sigillum fuit spiritus intelligibilis: & hoc etiam fuit apertum per Christi Passionem; in quantum per eam apparuit, quantæ benignitatis sunt Angeli, qui Christum Deum suum crucifigi permiserunt: quantæq; dignitatis sunt homines, qui Christum eorum amore pati coegerunt: atque quantæ crudelitatis Dæmones, qui Deum suum tali morte mori fecerunt.

Terrium sigillum quod est mundus sensibilis, fuit referatum per Christi Passionem; in quantum probatur

*Alius modus contemplandi*

batur esse locus tenebrarum, in quo regnat cæcitas: non enim veram lucem cognouit. Regnat etiam in eo sterilitas, eò quòd Christum infructuosum putauit. Similiter regnat impietas: quia innocentem damnauit.

Quartum sigillum est Paradisus, qui per Crucem ostenditur esse locus plenus gloriæ, lætitiæ, & abundantia: cum Christus propter eius restitutionem factus est vilis, pauper & miserabilis.

Quintum sigillum, scilicet Infernus terribilis per Christi mortem, ostensus est esse locus omnis egestatis, vilitatis, & paupertatis. Si enim Christus prædicta tria sustulit vt destrueret peccatum, multo magis debent ea pati damnati in iustam retributionem suorum scelerum.

Sextum sigillum est virtus laudabilis, quæ per Crucem Christi manifestatur esse pretiosa, speciosa, & fructuosa. Pretiosa, quia Christus maluit vita priuari, quàm virtuti aduersari. Speciosa, quia fulget in eius opprobriis. Fructuosa, quia solum vnus perfectus actus virtutis expoliauit Infernum, aperuit cælum, restaurauit perditum.

Septimum quoq; sigillum fuit apertum, in quantum apparuit peccatum quàm sit detestabile & culpabile: ad cuius remissionem fuit opus tanto precio, tam ingenti remedio, & tam difficili medicamento. & hæc quo ad sextam partem dicta sufficiunt.

## CAP. LIX.

Quomodo Contemplatiuus in contemplando debet semper memor esse Passionis Dominicæ, ne deuotionis feruor extinguat.

**Q**Voniam feruor deuotionis creatur, & conseruatur in nobis, per iugem Dominicæ passionis memoriam, vt ait Seraphicus Doctor Sanctus Bonauentura in tractatu de Perfectione vitæ, debet semper studere contemplatiuus vt habeat assiduè ante oculos cordis sui Christum in cruce morientem, vt in se conseruet deuotionem & non extingatur. Et idcirco dicit Dominus in Exodo: Ignis in altari meo nunquam deficiet: quem nutriet sacerdos subiiciens ligna per singulos dies. Altare Dei est cor tuum, in quo semper debet ardere ignis feruentis deuotionis, ad eius conseruationem & augmentum apponendum est lignum Crucis, & iugis Dominicæ passionis memoria habenda. Et hoc est, quod Propheta Esaias ait: Haurietis aquas in gaudio de fontibus Saluatoris. id est quicumque desiderat aquas gratiarum, aquas deuotionis, & aquas lachrymarum, hauriat de fontibus Saluatoris. hoc est de Christi vulneribus. Accede igitur affectionum pedibus ad Iesum vulneratum: ad Iesum spinis coronatum:



*Tertius modus contemplandi*

ronatum: ad Iesum ligno Crucis confixum: & cum  
Apostolo Thoma non modo mitte manum tuam in  
latus eius, sed totus per illud ingredi vsque ad cor  
eius: & illic per ardentissimum amorem Dilecti sui  
crucifixi totus in ipsum transformatus, Diuini amo-  
ris clavis confixus, præcordialis dilectionis lancea  
transfixus, & intima compalsione vulneratus, ni-  
hil aliud quæras, nihil aliud desideres, in nulla alia  
re consolari appetas, nisi vt Christo valeas in Cru-  
ce commori: vt cum Beato Apostolo Paulo pos-  
sis exclamare: Christo confixus sum Cruci; Viuo  
ego, iam non ego. viuit verò in me Christus. Hoc  
igitur modo debes habere passionem in memoria,  
& contemplari quod passio eius,

fuit { Ignominiosissima,  
Acerbissima,  
Generalissima,  
Diuturnissima.

Primo considera quòd fuerit ignominiosissima  
Passio Christi sponi animæ tuæ, quia fuit crucifi-  
xus quàm fuisset latro vel prædo. nulli enim crimi-  
nosi in lege tali mortis genere mulctabantur, nisi  
peissimi & iceleratissimi, vt latrones & prædones.  
Considera & alteram ignominiam Christi maiorẽ.  
fuit enim crucifixus in loco turpissimo & fœtidissi-  
mo, scilicet in monte Caluariæ, vbi erant multa cri-  
minolorum cadauera, & ossa fœtida. quia ille locus  
erat talibus criminosis occidendis deputatus. nam  
ibi decollabantur & suspendebantur in patibulis ho-  
mines

mines nequam, & sceleratissimi. Sed & confideia aliud non minus dedecus: quia inter latrones, tanquam latro: quinimmo in medio eorum tanquam Princeps latronum crucifigitur. Vnde dicit Elaias: Cum sceleratis reputatus est. Contemplare vterius quomodo ad augmentum dedecoris, in aëre ponitur: & inter cœlum & terram suspenditur, quasi indignus viuere, vel mori in terra.

O indigna indignatio, & iniuria, vt mundi Dominum vniuersus negauerit mundus: nihil à mundo mundi Domino vilius reputatum est.

Mors igitur Filii Dei fuit ignominiosissima ex mortis qualitate, quia crucifixus; ex commorientium societate, quia cum iniquis deputatus; ex loci fœditate: quia in fœtido Caluariæ monte positus.

O bone Iesu, o benignissime Saluator, qui non semel tantùm, sed sæpissimè confunderis: tantò autem quis in pluribus locis confunditur, tantò mundo contemptibilior reputatur. O Domine in horto apprehenderis, & vinciris. In domo Annæ colaphizaris. In æde Cayphæ conspueris. In aula Herodis illuderis. Crucem sacris tibi humeris baiulans, in Caluariæ monte crucifigeris. Proh dolor, libertas captiuorum: gloria Angelorum: vita hominum occiditur. O infelicissimi Iudæi quàm benè complectis quod quondam ipopondistis, dicentes: Morte turpissimam condemnemus eum. Et Bernardus dicit: Exinaniuit semetipsum formam serui accipiens, vt subesset: filius erat, & seruus effi-

### *Tertius modus contemplandi*

citur. Non solummodo formam serui accepit, vt fubesset, sed & mali serui, vt vapularet, & pœnam solueret cum reus non esset. Et non modo seruus seruorum Dei, sed fit quoque seruus seruorum diaboli. Neque hoc ei suffecit, sed & elegit mortem, omni morte ignominiosiore. Humiliauit enim semetipsum, factus obediens vsque ad mortem omni plenam dedecore.

Debes secundo deuotè attendere passionem Domini, quàm fuerit acerba. non enim permisit Dominus, vt sua membra in Cruce aliquid solatii reciperent eorum, quæ anxiiis cordibus doloris leuamen esse solent. Neque illud tam reuerendum tanquam Diuinum caput, habuit vbi se reclinaret, cum in Cruce spirauit.

Contemplare vltèrius quàm acerba fuerit Christi passio: quantò enim quis est delicatior, tantò in patièdo eius dolor est acerbior. Et quia nunquam fuit tam delicatum corpus, sicut corpus Christi, nam eius caro fuit tota virginea: id est de Spiritu sancto concepta, & de virgine nata, ideo eius passio fuit cæterorum omnium passionibus acerbior. Si enim Christus in sola mortis memoria, in anima sua præ carnis teneritudine adeo fuit afflictus, vt sudor sui sacratissimi corporis esset sanguineus, in terram decurrens: quantò vehementius affligeret eum pœna in gustu amarissimæ mortis, & passionis? Super quo dicit beatus Bernardus: Angustias tui corporis Domine Iesu, certissime indicabat sudor ille sanguineus, qui

us, qui orationis tempore de sua sanctissima carne decurrebat in terram. Quid fecisti dulcissime puer, vt ita tractareris? Quid commisisti amantissime iuuenis, vt ita iudicareris? Ecce ego sum causa tui doloris: ego plaga tuę occisionis.

Adhuc vide frater diligentius, quàm amara mors Christi fuerit. Quantò quis innocentior, tantò pœna ad tolerandum grauior. si enim Christus propter peccata sua pœnam sustinisset, aliquantulum ei tolerabilior fuisset: sed ipse peccatum non fecit, neque inuentus est dolus in ore eius. Et hoc ipsum testatur Pilatus dicens: Ego nullam causam mortis inuenio in eo. Ipse enim est candor lucis æternæ, & speculum sine macula, & imago Diuinæ maiestatis & bonitatis; sicut scribitur in libro Sapientiæ.

Confidera adhuc plenius, quàm fuerit pœnalis mors sponsi tui Iesu Christi: quantò generalior, tantò pœna acerbior: Christus autem sponsus tuus, passus est in omni parte corporis sui sic, quòd nullum ita paruum membrum in eo esset, quin pœnam haberet. nullus ita modicus locus, quin repletus esset amaritudine. à planta pedis vsque ad verticem, non fuit in eo sanitas. Vnde præ doloris vehementia clamauit dicens: O vos omnes qui transitis per viam, attendite & videte dolorem meum. Reuera Domine Iesu Christe, nunquam fuit dolor similis dolori tuo: tanta enim fuit doloris tui effusio, vt totum corpus tuum sanguine aspergeretur. O bone Iesu, ô dulcissime Domine, non gutta sed vn-

### *Tertius modus contemplandi*

da sanguinis ita largiter per quinque partes corporis tui emanauit, de manibus tuis in crucifixione, in capitis coronatione, de toto corpore in flagellatione, de ipso corde in lateris apparitione. Neque mirum si nec gutta sanguinis in te remaneret. Dic mihi quæso mi dilectissime Domine, cum vna sanguinis tui gutta ad totius mundi redemptionem sufficere potuisset, cur tantum sanguinem de corpore tuo effundi permisisti? Scio Domine & verè icio, quod non propter aliud fecisti, nisi vt ostenderes quantò affectu me diligeres. Quid igitur retribuam Dño, pro omnibus quæ retribuit mihi. Certè Domine, quandiu vixero, memor ero laborum tuorum quos sustinuiti in prædicando, fatigationum in discurrendo, vigiliarum in orando, lachrymarum in compatiendo, dolorum, conuiciorum, sputorum, colaphorum, subsannorum, clauorum, vñnerum: alioquin requiretur à me sanguis, qui effusus est super terram. Quis igitur dabit capiti meo aquam, & oculis meis fontem lachrymarum, vt possim flere die ac nocte mortem Domini mei IESV Christi, quam non pro suis, sed pro meis peccatis sustinuit? Vulneratus enim est propter iniquitates nostras: attritus est propter scelera nostra, sicut dicit Esaias Propheta.

### *Continuatio prædictæ materiæ.*

**V**Lterius considera diligenter & attende, quia  
mors

mors & Passio Christi fuit diutina; à prima enim die natiuitatis suæ, vsque ad vltimum diem mortis suæ, semper fuit in passionibus & doloribus: sicut ipse testatur per Prophetam dicens: Pauper sum ego & in laboribus à iuuentute mea. Et alibi dicit: Fui flagellatus tota die, id est toto tempore vitæ meæ. Adhuc aliter considera, quàm morosa fuerit Passio Christi; vt pœna eius diutius duraret; vt dolor non cito finiretur: vt mors protraheretur, & sic morosius cruciaretur, & durius vexaretur.

Ex his omnibus quæ dicta sunt colligere poteris, quàm probrosa, quàm dolorosa, quàm vilis, quàm morosa fuit mors & passio tua Dilecte IESU. Et hæc omnia sustinuit vt ad amorem suum te accenderet: vt pro omnibus his toto corde, tota anima, tota mente ipsum diligeres. Quid enim beneuolentiùs, quàm quòd Dominus propter serui salutem, accipiat serui formam. Quid potiùs informat hominem in salutem, quàm exemplum tolerandi mortem, propter iusticiam & obedientiam Diuinam? Quid verò hominem magis incitat ad diligendum Deum, quàm tanta benignitas, quòd pro nobis filius Dei altissimus, absque meritis, imò cum multis nostris demeritis, pouerit animam suam? Hoc tantæ benignitatis est, vt nihil clementius, nihil benignius, nihil amicabilius cogitari possit. Hæc benignitas tantò ostenditur maior, quantò pro nobis grauiora & abiectiora dignatus est sustinere. Deus enim qui proprio Filio non pepercit, sed

*Tertius modus contemplandi*

pro nobis omnibus tradidit illum, quomodo non cum illo omnia nobis donauit? Ex quo inuitamur ad ipsum amandum, & amatum imitandum. Vē igitur illis qui tantæ benignitatis & beneficiis sunt ingrati, in quorum animabus nullum mors Christi habet effectum. Vnde inquit B. Bernardus: Vide caput Christi inclinatum, ad te osculandum: manus perfoſſas ad largiendum, latus apertum ad diligendum, totius corporis extensionem ad ſe totum impendendum.

Væ iterum illis, qui ſuis peccatis rurfum Chriſtum in ſemetiſſis crucifigentes, ſuper dolorem vulnerum eius dolorem adiiciunt. Sed væ tertio illis quorum corda ad planctum emoliri nequeunt; neque ad beneuolentiam prouocari, & ad boni operis virtutem inflammare, non valet tanti ſanguinis aſperſio, tanti pretii efuſio, tantæ indignationis magnitudo. Certè iſti tales inimici Crucis Chriſti, plus Dei filium hodie ad dexteram Dei Patris in cœlis ſedentem crucifigunt, quàm olim fecerunt qui in Crucis patibulo eum ſuſpenderunt. Ad tales, & de talibus Dominus conquerendo per beatum Bernardum loquitur, dicens: O homo vide quid patior pro te, ſi eſt dolor ſicut quo crucior: ad te clamo, qui pro te morior: vide pœnas quibus afficio, vide clauos, quibus confodio: & cum ſit tantus interior & exterior, planctus eſt grauior, cum te ſic ingratum experior: Caue tibi, caue, ne tantorum ingratus exiſtas beneficiorum, ne tantò pro te dato in deo-  
tus ſis

tus sis precio, sed pone Christum crucifixum vt signaculum super cor tuum : vt sicut sigillum in cera molli imprimit figuram, seu imaginem suam, sic imprimas tu eum cordi tuo : & dicas cum Prophe-  
ta : Factum est cor meum tanquam cera lique-  
scens. Pone eum etiam vt signaculum super brachi-  
um tuum : vt videlicet nunquam desinas operari,  
nunquam desinas laborare pro nomine Iesu: sed cū  
operatus omnia fueris, tunc incipe quasi nihil fece-  
ris. Si autem aliquando aliquid triste, aliquid gra-  
ue, aliquid tædii, aliquid amaritudinis acciderit,  
vel certè si aliquod bonum desipuerit, statim recur-  
ras ad crucifixum Iesum pendentem in Cruce. Ibi  
intuere coronam spineam, clauos ferreos, lanceam  
lateris : ibi contemplare vulnera Christi, vulnera  
pedum & vulnera manuum, vulnera capitis, vul-  
nus lateris, vulnera totius corporis, recolens qui sic  
pro te passus est, qui pro te tanta sustinuit, quan-  
tum te amauerit. Vnde dicit Sanctus & Seraphicus  
Doctor Bonauentura, scribens sorori suæ: Crede  
mihi, quia statim tali intuitu omne triste lætum ;  
omne graue, leue : omne tædiosum, amabile: omne  
asperū dulce & suaue reperies : ita vt & tu incipias  
exclamare cum beato Iob & dicere: Quæ prius no-  
lebat tangere anima mea, nunc propter angustias  
passionis Christi, cibi mei sunt: & perquam dulcia &  
delectabilia facta sunt mihi. Vnde legitur, quòd cū  
quidam religionem fuisset ingressus, in tantum im-  
patiens factus est propter asperitatem ciborum, &  
cætera-



De Resurrectione, & Ascensione Domini,  
cæterarum disciplinarum religionis, vt religionis  
pondus vix portare posset: & cum ex nimia impati-  
entia sic angustiatus fuisset: procidit ante imaginem  
crucifixi, & ibi replicare cœpit cum lachrymis mul-  
tis intolerabiles angustias, & labores ordinis; insipi-  
ditatem ciborum, panis, & potus. & statim ex late-  
re imaginis cœpit sanguis emanare: & cum ille  
fortiter ilens, suas angustias replicaret, respondens  
imago crucifixi, dixit: Quandounque senseris a-  
liquam asperitatem in cibo, vel in potu, intinge  
in sanguine sanguinis lateris mei. Et de cætero  
patienter tolerauit asperitates religionis, & ingenti  
deuotione afficiebatur ad passionem Christi. Vnde  
& in sanctitate dies suos finiuit

CAP. LX.

DE RESURRECTIONE,  
& gloriosa Domini ascensio-  
ne, & Spiritus sancti  
missione.

**Q**VONIAM iam de vita & passione Domini  
locuti sumus, nunc breuiter tractabimus de  
eius resurrectione, & ascensione, & Spiritus Sancti  
missione.

Cogita igitur primitus quomodo Domino de  
Cruce deposito, & tumulato, anima eius beatissima  
ad in

ad infernum descendit, scilicet ad locum vbi Sancti Patres commorabantur: qui dicitur Limbus sanctorum Patrum.

Considera quid ibi egit, & de gaudio sanctorum Patrum videntium se esse in tanta gloria, propter presentiam Dei & Domini sui: & de tristitia demonum, quam habuerunt videntes sic se vinci, & ex-  
poliari, & illas sanctas animas de eorum potestate liberari. Attende quomodo tertia die resurrexerit triumphator mortis, per hoc ostendens nos quoque in carne esse resuscitandos. Si igitur Christo passus fuit compassus, nunc congaude resurgenti. Considera quomodo resurgente Domino custodes interram præ timore cadentes, facti sunt velut mortui. Intuere præterea Angelos super sepulchrum sedentes: & credibile est quod multitudo Angelorum erat circa sepulchrum. Et cogita visitationem mulierum, Mariæ scilicet Magdalenæ, & aliarum duarum. & quomodo non inuenientes Dominum in sepulchro, præ amoris vehementia cogebantur ad illud frequenter recurrere. Meditare diuersas Christi apparitiones. Primo apparuit suæ dulcissimæ matri, deinde Mariæ Magdalenæ, & aliis duabus Mariis, & discipulis. & quantum gauisi fuerunt in eius visione: & in dulcibus cum eo colloquiis. Pensa rursum quare Christus voluit apparere in Galilea: reuera non nisi vt tu transmigrares de vitiis ad virtutes: Galilea namque interpretatur transmigratio. Itaque transmigrantibus nobis à vitiis ad virtutes, ani-

*De Resurrectione, & Ascensione Domini,*  
tes, animæ simul cum corporibus transmigrabunt  
ad regna cœlestia: vbi videbimus Christum post  
generalem resurrectionem.

Contemplare adhuc quomodo post quadragin-  
ta dierum decursum, egressis Domina nostra & Di-  
scipulis à Bethania in monte Oliuarum, apparuit  
illis Dominus sanctorum Patrum & Angelorum in-  
numerabili multitudine associatus: & confortans  
Dominã, & cæteros cœpit fursum ferri, propria vir-  
tute paulatim ascendens illarum sanctarum anima-  
rum copiosissimo cœtu & Angelorum agminibus  
stipatus. Ruminare illam tantam tanquam mirabi-  
lem processionem, in qua Angelis præcedentibus  
sancti Patres Dominum circumsepiebant: & omnes  
simul cum ineffabilibus triumpho, canticis, & tri-  
pudio ingressi sunt illam cœlestem Hierusalem: &  
fuit tunc celebratum tam solenne festum, quantum  
vsque ad mundi consummationem non celebrabi-  
tur. Cogita de tristitia apostolorum & de descensu  
Angelorum eos consolantium. Disce & tu ascen-  
dere cum Christo per vias & exercitia præmissa, an-  
te omnia te vitiiis exuens, quia cum Christo nullum  
vitium ascendit, vt dicit beatus Augustinus.

Vlterius considera, quomodo post Domini ascē-  
sionem moratur Domina cum discipulis in cœna-  
culo: hoc est in monte Syon: vbi cum discipulis  
Dominus cœnauit, vacantes ieiuniis & orationibus,  
aliisque spiritualibus exercitiis: expectantes aduen-  
tum Spiritus sancti, vt eis Dominus ante promise-  
rat. Ita-

rat. Itaque decem post Dominicam ascensionem peractis diebus, orantibus simul vt dictum est, Domina nostra cum Apostolis Dominica die, hora tertia, & canentibus illum Prophetæ versiculum: Emitte spiritum tuum & creabuntur, & renouabis faciem terræ: descendit super eos repente Spiritus sanctus: per quem continuo fuerunt illuminati, confortati, & in perfecta charitate fundati. Contemplare nunc quomodo in linguis igneis, cum vehementi sonitu cecidit super eos. Considera dona & effectus Spiritus sancti: cum enim fores domus vbi erant congregati clausæ essent, propter metum Iudæorum, domum egressi omni spreto timore, cœperunt prædicare multitudini gentium copiosæ, qui propter vehementiam sonitus illuc concurrerant: & quomodo Beatus Petrus ex eis tria ferme millia mox ad fidem conuertit.

Hæc & alia poteris circa illud ingens mysterium contemplari: quæ ob vitandam prolixitatem omit- tenda censuimus. Quantum ad materiam igitur contemplationis hæc cum his, quæ de vita & passi- one Domini superius diximus, sufficere credimus.

C A P. L X I.

Quòd ad arcem contemplationis pertingere cupientibus, summè necessaria est fortis perseuerantia.

Qui

**Q**ui absque forti perseverantia ad culmen contemplationis se posse peruenire existimat, vel ad perfectum ardorem diuini amoris, similis est montem altum ascendenti; & propter aliquam difficultatem vel impedimentum ei occurrens mox descendenti. Comparatur rursus ignem in lignis viridibus & putridis accendere conanti; qui cum mox non accenditur, & non videt nisi fumum, vel adeo modicam flammam quod facile extingui potest, ira commotus destruit quod construxerat, & hinc inde dispergit.

Comparatur etiam tritici quod seminauit, maturitatem expectare patienter non valenti, neque arborem quam plantauit, vt mittat radices in terram, propter moram, periculum & difficultatem quam videt.

Similis est quoque simiæ viridem nucem comedere cupienti: quæ mox vt corticis sentit amaritudinem, non perseverat in comedendo, sed proiicit: & ideo ad nuclei dulcedinem non pertingit.

Assimilatur vltimus iste militi pigro: qui antequam ciuitas obsessa plenè debelletur, tædio victus & labore, discedit.

Vides ergo Frater, quomodo sic faciens arcem non attingit contemplationis: sicut enim non perseverans, neque ignem, neque triticum, neque arborem, neque nuclei gustum poterit obtinere, neque plenè ciuitatem poterit debellare, referendo illa ad præmissa puncta; ita nemo ad contemplationis

tionis perfectionem absque forti perseuerantia poterit ascendere.

## C A P. LXII.

De multis quę impediunt ne contemplatiuus ad culmen ascendat contemplationis.

**S**temus adhuc modicum in vno prædictorum Sexemplorum, & attendamus illum qui ad verticem alicuius montis cupit ascendere: Iste enim talis sæpe ascendit sine reditu ad montis ima: & si pausare contigerit, non redit ad pedem montis, sed à loco vbi pausauit, coeptum prosequitur ascensum.

Pariformiter qui contemplationis perfectionem adipisci desiderat, non debet retrocedere, si contigerit pausare: immò neque debet pausare; quia non progredi, retrogredi est. Huius ergo defectu perseuerantię, tam rari inueniuntur, qui perfectionem obtineant contemplationis. Cùm enim quidam modicum ascenderint, si quid pœnæ vel laboris sentiunt, statim pausant, & retrocedunt.

Sunt & alii qui in ascendendo, neque ordinem habent, neque modum: mox enim vnico saltu volunt ad montis summitatem peruenire non inchoantes ab infimis, vt transeant per medium. Infima autem montis sunt, Consideratio propriorum peccatorum, & defectuum.

P

Sunt

### De impedimentis

Sunt adhuc alii, qui grauia in humeris suis onera habentes, credunt se sic onustos ascendere posse. Ista onera sunt occupationes circa mundana, & fortis circa ea cogitatio, quæ animam plurimum aggrauat, eam ad terrena redire semper compellens: & si quando se leuari contigerit, statim conpellitur descendere.

Rursum sunt quidam alii, Qui propter quasdam ante eos volantes muscas inchoatum ascensum deferentes, descendunt; & progredi renuunt. Muicæ circa eum volantes sunt vanæ cogitationes; ob quas anima coeptum iter nullatenus debet deserere: sed eas manu cuiusdam sanctæ indignationis procul abigere.

Adhuc sunt, qui prædictas muscas conantur insequi, instar puerorum papiliones insequentium.

Vlterius sunt, qui ad latratum canum infernalium mox terrêtur: id est, statim vt aliquam turpem cogitationem seu tentationem sentiunt, quod cœperât, prorsus territi, iter dimittunt, vel cum ea certamen assumunt, conantes eam à se propellere: quod tamē fieri non potest, sed citius vincitur si de ea non curatur, inchoatum iter continuando instar peregrini; Qui ad quemlibet latratum canū non sistit pedem; sed concito gressu, tanquam non curando, iter continuat; & sic silent. Quanto enim plus persisteret ad se defendendum, vel ad eos compescendum; tanto amplius latrarent: & sic iter suum impedirent.

Præterea sunt alii, Qui non extendunt manum dexte.

dexteram ad eum, qui in altum eos potest subleuare: Immò potius retrahunt, appodiantes, & confidentes in multitudine diuitiarum, & virium suarum. & ideo non mirum si citò labūtur ad ima. Vnde debet contemplatiuus semper extendere manum suam ad auxilium Diuinæ gratiæ, in propriis viribus omnino non confidens, neque illuc quò tendit, per seipsum præsumens posse peruenire.

Sunt & alli, Qui statim putant se esse in summo, cū tamen verè sint ad pedem montis: & ideo ascendere renuunt, propter quod semper retrocedūt.

Aliqui quoque sunt, Qui vsque ad summitatem ascendunt: qui tamen continuò efficiuntur inanis gloriæ cupidi. Vidētur enim sibi iter suum benè peregisse, & suam dietam viriliter consummasse; & non curant diligentiam adhibere qualiter ibi perdurent. Vnde & statim relabuntur ad ima: & non ascendunt ita velociter sicut vellent. Et fortè eis Deus nunquam auxilium præstabit, vt illuc vnde ceciderunt reascendant: hoc exigente eorum superbia, ingratitude, & abusu cognitionis habitæ: quod est Horribile, & causa nunquam præsumendi, immo se tenendi in profunda humilitate, scilicet videt homo quod ille qui Deo fuerat tam proximus & familiaris, in colloquutione sua: & sicut auicula quæ construxerat sibi nidum intra cœlum, postea deiiceretur vsque ad infernum sine reuocatione.

Deinceps sunt alii, Qui cum se in monte isto mo-



### De impedimentis

dicùm aliis altiùs viderint, cæteros aspernantur, & derident infra illos existentes: qui vt labantur iustè deseruntur à Deo: quatenus cadentes, quàm modicùm à semetipsis valeant, agoniscant.

Sunt qui istum montem non nisi curiositate conscendere volunt, & vt dicere valeant: Etiam fuimus ibidem. aut reuera vt aliqua secreta inquirent: aut propter solam suam recreationem & delectationem: aut propter loci eminentis amœnitatem, non autem vt meliùs Deo placeant, proximiùsque ei seruiant; honestiùs, ampliùs, & magis meritoriè. Et isti citò amittunt Dei auxilium, atque eius gratiam: aut certè nimis durè, turpiter, atque miserabiliter reperiunt se deceptos: putant, enim se esse in monte Dei, cum sint in monte diaboli.

Postremò est aliquos inuenire plusquàm dicat ratio festinantes, & suum nitentes præire ductorem: aut velociùs quàm vult ille, properantes: quod magna est Fatuitas. Ductor iste, sicut dictum est, gratia Dei est. Qui ergo non potest, aut dignatur expectare spatium temporis secundùm motum istius gratiæ, iure eam perdit: & alia vice pro libitu suo eam tam citò non reperiet.

Sunt igitur quidam, qui ad hanc recipiendam Gratiam non sunt parati; cùm ab ea vocantur & mouentur: immo potiùs refutant, aut aliis negotiis se tradunt, vel certè verbo vel factò dicunt Gratiam, vt adhuc modicùm eos expectet: & sic ipsa depulsa mox recedit. Oportet ergo nos vigilare semper  
super

super custodia cordis nostri ad recipiendum visitationem Diuinæ gratiæ, & moueri secundum ipsius instinctum; neque velocius, neque tardiùs, omni tempore cum profunda humilitate indignos nos iudicando, etiam ad Montis huius latus iacere, quanto magis ad eius apicem ascendere: quanto enim profundius in corde suo se quis humiliauerit, tanto trahetur altius. Quemadmodum Rex præpotens, Volens honorare militem suum, Tanto eum collocat superius, scilicet vt sedeat cum Principibus; quanto eum ad hoc plus cernit renitentem, & contradicentem. & quanto ipse se profundius humiliat, & indignum reputat, tanto Rex instantius trahit, & ascendere compellit. Super omnia enim displicet Deo Præsumptio; neque placet ei modus volentium ad eum effrænate & sine timore, quasi ad suum socium & sibi similem, accedere: sed semper debet custodiri sancta & laudabilis verecundia, tremor, paupor, & timor, cum confidentia suæ Benignitatis. Sine confidentia enim talis timor nimis esset culpabilis, & impedimentum ascendendi ad montem contemplationis: esset enim talis timor immoderatus.

### CAP. LXIII.

De quibusdam aliis impedimentis Contemplationis.

*De impedimentis aliis*

**D**icamus adhuc de quibusdam aliis obstaculis, & impedimentis Contemplationis. Sunt igitur quidam qui Asinum suum, hoc est Corpus proprium nimis vexant, ita quòd anima eo vti non potest. Alii autem nimis sunt repleti, atque onusti, infirmi & dormientes, siue pigri: nimis enim demorati sunt in infirmaria carnalitatis per excessiuam comestionem, & potationem, aut vaniloquium. Tales autem sunt quasi contracti, resoluti paralytici, & dormitantes. ideòque oportet ipsos curari, scilicet ab infimis incipiendo, per humilem Pœnitentiam.

Sed & quidam sunt, Qui ascendendo vehementem patiuntur famem aliquando spiritualem verbi Diuini, & cupiunt post hoc illud audire, vel legere. Vnde fit vt in lectione nimis se detineant, recipientes ibi ampliorem, quàm recta ratio dicat refectionem. vnde & velocitatis sui ascensus, à qua inceperunt, oblitì; non ascendunt secundùm quod cœperant. Verum est tamen talem refectionem interdum esse proficuum & necessariam & præsertim in principio, quando sobriè sumitur. Semper igitur debet homo considerare suum ascensum in legendo: vt scilicet plus quærat Deuotionem quàm instructionem.

Rursum reperiuntur alii, recalcitrantes atque saltantes contra stimulum ipsos perurgentem ad ascendendum: hoc est, Qui nimium fugiunt tribulationes.

Præterea sunt alii, qui non adhuc sufficienter instructi, de itinere quærendo, seu interrogando à scientibus, vel de habendo desuper consilium non curant; sed abundantes in sensu proprio, confidunt in seipsis seipsum docere volentes; & ideo sæpè aberrant, & deficiunt.

Uterius sunt alii diligenter per studium feruens viam quærentes, vt de hac sciant loqui & alios docere, licet ibi ipsi non fuerint: loquuntur autem, quia sic audierunt ab aliis: nec nituntur aliquando per viam quam docent ascendere: & ideo non mirum si tales in imis maneant semper: Non enim itur per eam per sola verba, sed oportet pedes ad opus mittere. Et isti assimilantur illis qui in præliis exhortantur & instruunt alios fortiter certare, sed ipsi neq; arma tangere volunt. Vel sicut illi, Qui aliis demonstrant vias, per quas ipsi ob suam imbecillitatem, vel pusillanimitatem, non possunt ambulare.

Sunt adhuc alii, qui postquam vnâ viam arripuerunt, continuo declinant ad aliam; & hoc propter eorum inconstantiam: aut quia putant leuiorem aut delectabiliorem se inuenturos. Vnde parum vel nihil proficiunt. Sicut canes ceruos insequentes, nullum venantur, si modò post vnum, modò post alium currant; sed oportet vt vestigia primi insequantur, & circa aliquem alium non occupentur: vt canes in arte venandi benè instructi agere consueuerunt.

Alii verò seipsum & huius viæ pericula non atten-

*De impedimentis aliis*

dentes imprudenter & incautè pedes ponunt, & ideo à summis ad ima ruinas patiuntur.

Alii autem cùm ascendunt, retrò aspiciunt vel inferiùs: & cum aliquis eos ad descendendum inuitat, mox totum derelinquunt: qui tantò efficiuntur inhabiles, quantò diutiùs inferiùs detinentur. & inde difficiliius & grauius reascendunt: quia mundana conuersatio in loquendo, vel aliquid aliud mundanum exercendo, non modicum impedit vel retardat: & in talibus cor suum figens, & non velociter resiliens, & citius discedens, vt continuet ascensum suum, magnum sibi parat impedimentum. Ideòq; non oportet in istis moram facere, nisi quantum necessitas deposcit. & cum corpus fuerit inferiùs, saltem corda sint sursum. quod tamen his qui non sunt experti difficile est: quia neque anchoram cordis fixam habent in monte, eò quòd defunt eis chordæ bonæ consuetudinis quibus alligari habet cor.

Sunt præterea, qui cùm ascenderint, nunquam putant se inde recessuros, sed illic persistere, tanquam iure hæreditario: sed in suo casu deorsum fragilitatem propriã cognoscunt, & tribulantur: atque discunt quòd diuina Gratia illic eos collocauit, & tenuit, quamdiu sibi placuit. & si in alto eos contigerit esse, per humilitatem semper timent se casuros. Cùm autem se inferius esse vident, hoc æquo animo portantes sperant se per diuinam misericordiam iterum ascensuros. Oportet enim vt homo  
non so-

non solum immobiliter & constanter se habeat in aduersitate corporali, sed etiam in spiritali, & multò amplius; scilicet, in tentationibus, durisq; mentis afflictionibus; quæ sunt absque consolatione aliqua carum, quas habere consueuerat, vel desiderat.

Postremò sunt aliqui, qui ascendendo nimias & excessiuas faciunt expensas: puta per lachrymas & corporis assiduas afflictiones; ita vt ea ad quæ tenentur, nequeant explere. Et ideò misericors Dominus, misericorditer se habet cum istis; interdum permittens eos decidere & labi inferius, vt ea quæ sunt necessaria peragere valeant.

Ista sunt quæ impediunt ascensum ad montem contemplationis. Alia sunt innumerabilia impedimenta, sed tamen ad prædicta reduci possunt: ad quæ superanda & vitanda, necessaria est fortis Perseuerantia cum gradibus supradictis, scilicet Humili patientia, locoq; secreto, & silentio.

### CAP. LXIII.

Quomodo quidam deficiunt in forti perseuerantia, & ideò modicùm in Contemplatione proficiunt.

PLures sunt non benè cauti circa perseuerantiæ fortitudinem, & circa contemplationis fructum:

*Quòd modicum in contemplatione proficiunt,*

& ideo ad eius perfectionem non possunt pertinere: non enim curant orationi vacare, vel meditationi; nisi se ad ista præferant deuotione affectos, & in eis gustauerint aliquam spiritualem dulcedinem: videtur enim oratio vel meditatio eis nihil prodesse, si deuotionis affectum non senserint. Sed isti similes sunt illi, qui nimio frigore cruciatur, & non vult ad ignem accedere, nisi prius calefeat. Aut illi qui fame vexatur & renuit cibum quærere, nisi prius fuerit saturatus. Cur enim quis se tradit orationi seu meditationi, nisi vt igne Diuini amoris calefiat, vel vt donis seu gratia Dei saturetur? Errant autem vel deficiunt isti in hoc quia se putant tempus perdere, si orantes vel meditates mox deuotionis imbre non irrigantur. Ad quòd dicit Gerson, quòd si ipsi nituntur & laborant quantum in se est habere deuotionem, & assidue contra suas cogitationes certamen gerunt: quia eis multum displicent, eò quòd habere eos pacem non permittunt. Hi sæpè maius reportant meritum, quàm si eis statim sine tali conflictu deuotio adueniret. Ratio est: quia militant & seruiunt Deo, propriis sumptibus, & cum maiori pœna atque labore. Verum est tamen, quòd volens seipsum exercere, oportet vt habeat ad hoc magnum temporis spatium, reiecto à se omni onere occupationum; tam ad se, quàm ad alios pertinentium: seque ad permanendum per duas vel tres horas in vno loco fixum cogat, siue consolatio sequatur, siue non: ad quam tamen habendam

habendam assiduè laborare debet: cumq; se nimio  
tædio affectum senserit, sibiipsi dicat: quòd adhuc  
expectet per mediam horam vel integram, facien-  
do pœnitentiam suam, spectans Diuinę Gratię lar-  
gitem: post horam verò elapsedam adhuc se com-  
moneat ad persistendum alia hora. Et si pè in di-  
midix horæ parte extrema talis in sua contempla-  
tione amplius proficiet quàm omni tempore præ-  
cedenti, & quàm aliis decem diebus, aut certè in  
vno mense. Et si à casu in suo egressu reperit se  
quasi refutatum, sic scilicet, quòd eleemolyna ei de-  
negetur, puta quòd non consequatur gratiã Deuo-  
tionis, oportet vt humiliter se conuertat ad Domi-  
num, confidendo se indignum tanta gratia: & quòd  
potiùs meretur flagellari, & aflagi, quàm huiusmo-  
di consolationibus perfrui: & dicat,

O DOMINE Deus totius consolationis Laus  
& gloria tibi sint semper; mihi autem vt dignum  
est & iustum confusio, nisi oppositum mihi pro-  
ueniat de tua misericordia: Per talem modum vin-  
cet Deum faciens ei Sacrificium de sui cordis duri-  
tia; & certè Deus non obliuiscetur misereri eius, su-  
am ei conferens misericordiam; cum cognouerit  
horam secundum suum beneplacitum opportunam.  
Neque debet quis in lachrymis, & deuotione ad iu-  
am consolationem, huiusmodi consolationes vehe-  
menter affectare, sed vt per eas ardentiori amore  
Deo adhærear. Si igitur magis placet ei quòd pro-  
tunc ei famulemur, sine huiusmodi consolationi-  
bus,



*Qualis sit cognitio quam*  
bus; illud idem debet nobis placere & debemus di-  
cere,

O DOMINE Deus meus omnipotens, opti-  
mè per te mecum agitur, si præmium meum à te re-  
feruetur mihi in alia vita: hoc vnum suppliciter o-  
ro, vt mihi ita non irasaris, quod tuam amittam  
gratiam: de cætero, Fiat voluntas tua.

Si verò quisquam nostrum optatam deuotionem  
fuerit affecutus; sollicitus sit, vt omnipotenti Deo  
Gratias referat, orans instantiùs; vt opus plantatio-  
nis suæ in eo cœptum, augmentet, & confirmet: ita  
quod tale quid hic non conferat ei vt præmium, sed  
in futurum referuet ei præbendam integram.

## C A P. LXV.

*Qualis sit cognitio quam Contem-  
platiuus hîc habet de Deo.*

Sufficere debet viro contemplatiuo quòd clarè  
se speret visurum Deum in patria: in præsentia au-  
tem exilio sufficiat ei credere eum esse suum Crea-  
torem, Redemptorem, Gubernatorem, & Remune-  
ratorem: & sic de aliis dignitatibus de quibus per  
fidem certi sumus: nec appetat hîc videre clarè Di-  
uinam naturam.

Quocirca aduertere debet contemplatiuus,  
Quod secundum Diuinum Dionysium quantumcū-  
que contempletur altè Deum, & videatur sibi ali-  
qua no-

qua noua intueri; si tale quid Quod cernit, quomodo  
docunq̄ue videtur esse simile alicui rei huius mundi;  
procul dubio credat se non clara uisione uidere  
Deum: & idem iudicium est de Angelis. Deus nam-  
que non est mole magnus, nec aliquo colore affe-  
ctus, puta albo, nigro, rufo, flauo, aut cærulæo, ne-  
que Angelus. Verum est tamen, quod benè cogno-  
scitur Deus hic per alium modum, uerbis uel scri-  
ptis inexplicabilem: nisi quòd illi qui Deum sic  
cognoscunt, sciunt quod uident: sentientes in  
anima sua quasi quendam dulcorem, repletionem,  
saporem, seu melodiam, quæ sentimenta nullate-  
nus explicari ualent. Quippe quemadmodum in-  
tra nos aliquando sentimus benè ipsum amorem,  
uel gaudium quo afficimur; tamen non possumus  
dicere quod sint rotunda aut quadrata, seu alba uel  
nigra, uel alicuius alterius coloris, eò quòd non  
sunt corporea: ita nemo posset huiusmodi spiritu-  
alia sentimenta alteri exponere, si ea in se non præ-  
gustasset.

Non tamen dico quod non posset de Deo etiam  
hic concipi Quid sit, quantum ad assumptam hu-  
manitatem: quia benè possumus imaginari quare  
nostram assumpserit naturam. Et sic quòd de  
Deo prædiximus, intelligendum est, quantum ad  
Diuinam naturam.

Et si anima esset multum assuefacta in assidua  
contēplatione per fortem & iugem meditationem;  
facile eleuaretur supra se; & inueniret ibi pulchras  
contem.

*Quòd Deus tribus modis habitat*  
contemplationes sine numero, & esset ei quasi  
quidam portus, & refugium contra vniuersas tri-  
bulationes & fluctuationes, & amaritudines huius  
maris tam spatiosi, id est, Huius mundi.

CAP. LXVI.

Quomodo tribus modis **D E V S** per  
Gratiam habitat in Anima.

**I**N superioribus simpliciter locuti sumus de ma-  
teris Contemplationis, alios subtiliores contem-  
plandi modos peritioribus & magis eruditis re-  
linquentes: & ideò de hoc nos expedientes, nunc  
postremò exponemus quomodo trifariam habitat  
Deus in anima per Gratiam.

Primò per iustificationem, absque hoc quòd i-  
psa anima habeat de hoc aliquod sentimentum.  
Et quamuis non habeat sentimentum de hoc, est  
tamen Deo accepta.

Secundò per aliquam Spiritualem consolatio-  
nem seu sentimentum: sicut hi qui in sua contem-  
platione recipiunt aut sentiunt varios spiritualium  
gaudiorum seu consolationum modos. Nam interdum  
videtur sibi, quòd resoluuntur in quandam  
spiritualem dulcedinem; ita quod omnia quæ vi-  
dent & cogitant, iudicant esse plena illa ineffabili  
dulcedine. Nonnunquam habent quandam secu-  
ritatem

ritatem humilitate plenam, quæ mediante ipsi sibi-  
ipsis vilescunt, recipientes duntaxat consolationem  
in his quæ sunt secundum Deum, & placent Deo.  
Nam quotiescunq; quis placet sibi ipsi, & de seipso  
gâudet; verè sciat se verè humilitatis esse expertem:  
& consolationes quæ exinde oriuntur non esse à  
Deo. Vera humilitas semper coniungitur consola-  
tionibus bonis & Diuinis, & facit vt homo cognos-  
cat suam vilitatem & suos defectus; & ideo ipse si-  
bi vilescit, & in oculis cordis sui abominabilis vide-  
tur, in seipso plus compræhédens, quàm totus mun-  
dus: & censet Deum tantæ esse excellentiæ, tan-  
tæque Maiestatis, vt totum residuum videatur ei  
quasi nihil esse omnino, nisi in quantum in talibus  
rebus Deum speculamur. Aliquando anima sentit  
intra seipsam quandam spiritualem ebrietatem,  
eam in diuinas laudes & ad sancta & deuota suspi-  
ria commouentem, ita vt interiùs non se valeat con-  
tinere, quin exteriùs per aliqua signa pandat. Non-  
nunquam videtur ei quòd omnia sunt plena clarita-  
te Diuina, & quod vniuersa glorificent Deum.

Tertiò habitat Deus in Anima per quãdam Vni-  
onem, sicut in Beatissimo Apostolo Paulo, & in a-  
liis excellentissimis contemplatiuis: de quo loqui  
me indignum reputo, illud magnis Doctoribus re-  
linquens: nostræ ruditati sufficiant quæ dicta sunt.

Quòd omnes, & præcipuè Religiosi, tenentur

CAP. LXVII.

Quòd omnes tenentur se extendere  
ad perfectionem sub pæna damni  
præsentis & futuri, & præcipuè  
Religiosi.

**V**Ox multorum est, Sufficit mihi vita commu-  
nis: Si cum infimis saluari potero, satis est:  
nolo merita Apostolorum, nolo per summa volare,  
contentus incedere per planiora. Sed viderint hi,  
Quòd iam imperfectio est nolle esse perfectum, vt  
dicit Gerson in sua mystica Theologia: in via enim  
Dei non progredi, retrogredi est. Damnatur insu-  
per seruus piger, qui talentum seruare contentus,  
illud in fœnus non tradit. Faciamus hoc perspi-  
cuum in exemplo familiari. Habet aliquis præpo-  
tens & nobilis paterfamilias plures filios, quemli-  
bet aptissimum ad ampliandam rem familiarem in-  
dustria sua: vnus illorum aliis laborantibus, sedet  
in domo piger & iners; nihil curans, dummodo  
non sordidè viuat: nihil altum, nihil præclarum  
veldignum ingenio suo, aut paterna nobilitate re-  
cogitans, dicit Sufficere sibi bona iam habita, & qua-  
licunq; vita vti. Euocat autem pater eum ad actus  
sublimiores & arduos, monet, stimulat. Si hic fili-  
us non obaudit, neque obedit, liquet quòd odiosus  
erit

erit patri. Sic similiter ponitur apud Patrem cœlestem his quos trahit ad charismata meliora & ad actus Diuiores, dum torpescunt hærentes infimis; neq; ad perfectionē semetipsos extendentes. Quod tamen intelligendum est de illis, qui nullo statu vel officio humiliori sic alligati tenentur, quòd absq; præcepti transgressione nequeant ad altiora conscendere. Et ex his sufficit, & altissimum reputari debet in eis, quòd propter diuinæ iussione obediētiā, in illo statu tenentur astricti; quamuis ad perfectionem non se extendant contemplationis.

Animaduertendum denique est, quòd si Maria honorabiliter cum Martha poterat hospiti Christo ministrare, collaudauit eam nihilominus Christus, quòd vni intenta optimam partem elegerit. Itaque maledictus qui partem suam, si aliter liceret facere, facit deteriorem.

Ex præmissis liquidò apparet, quòd cum vita Contemplatiua, sicut ostendunt Theologi sit, perfectior quàm Actiua, quilibet ad contemplationem idoneus, non præalligatus actioni obediētię necessitate, potest ad illam licenter se tradere, dimissis operibus vitæ actiuæ. Vnde dicit Augustinus: Otium sanctum quærit Charitas, negotium sollicitudinis suscipit necessitas Charitatis, quam sarcinam si nullus imponit, contemplationi vacandum est; quasi dicat quod si negotium, id est actionem charitatis, nemo imponit, id est superioris iussione, vel euidenti necessitate, debemus contemplationi va-

Quòd nonnunquam licet contemplationem  
care. Neque opponat quis facultatem quam habe-  
ret in vita actiua proficiendi, & condemnationem  
suam si talentum absconderit, in quo posset nego-  
tari prædicando, vel pauperibus ministrando; quo-  
niam abunde proficit Ecclesiæ contemplatiuus ob-  
sequens Deo corde vel intellectu, vbi alii de mani-  
bus, ore, vel pedibus subseruiunt. Qua de re mul-  
ti sunt, apud quos damnabilis iudicanda est omisio  
contemplationis inquirendæ; quemadmodum hi,  
qui sunt positi in schola religionis: quæ est Schola  
deuotionis, orationis & fletuum. Quales insuper  
conuenit esse Ecclesiasticos, qui labores populo-  
rum in otio possident, vt custodiant iustificationes  
Domini & legem eius exquirant: quales demum  
plures inueniuntur, tam viri quàm foeminæ de sæ-  
culo, quibus sufficiens otium, instructio, & inge-  
nium suppetunt, vt se totos in Deum conuertant &  
rapiant: saltem habeant fidem, spem; & charita-  
tem. non enim requiritur maior instructio ad hoc,  
vt secundùm totum suum affectum valeant in De-  
um ferri.

### CAP. LXVIII.

Quomodo in certis casibus debet  
vir contemplatiuus de alto contem-  
plationis descendere, & ad tem-  
pus sua spiritualia exercitia  
interrumpere.

**D**Vobis modis debet contemplatiuus sua præ-  
mittere contemplandi exercitia, & descen-  
dere de Monte contemplationis, scilicet ad seipsū,  
& ad proximum. Ad se ipsum debet tripliciter de-  
scendere contemplator.

Primò, cum quis in altiori gradu constitutus de-  
scendit, interdum, vt se perfectiùs in inferiori gra-  
du exerceat, ne semper supra ascendens negligens  
amittat, quod inferiùs iam acquisierat. Neque e-  
nim quis in supradictis exercitiis ad anteriora sic se  
debet extendere, vt non sit ei opus penitus ad po-  
steriora respicere: sed ita debet in anteriora tende-  
re, & de virtute in virtutem procedere, vt nequa-  
quam negligat gradus ad quos ascendit: sed lum-  
mopere studeat eos custodire. verbi gratia, per ti-  
morem primò fuisti conpunctus de peccatis, per  
timorem & mediationem mortis, & iudicii, & pœ-  
narum infernalium & alia multa bona egisti in via  
purgatiua: deinde venisti ad spem per consideratio-  
nem diuinorum beneficiorum in via illuminatiua:  
demum ad vnionem cum Deo, per seraphicum &  
ardentem amorem in via vnitiua: nunquid frater  
quia ascendisti ad talem vnionem, debes timorem  
& meditationes mortis & iudicii prorsus delerere?  
Absit, immo interdum debes descendere ad atten-  
tè considerandum mundi huius vanitatem, vitæ  
tuæ breuitatem, infernalium pœnarum acerbita-  
tem, vt timeas deorsum descendere, & tali timore  
alliciaris ad cœlestia; & quasi quodam stimulo



*Quòd nonnunquam licet contemplationem*

compellaris ascendere : & sic semper in tuis exercitiis per spem, & charitatem ascendas, vt ad timorem descendas : donec in te charitas perficiatur, qua foras timor mittatur; & ne fortè decidas in presumptionem, & securitatem & torpescas. & per hunc modum viri sancti ascendunt vsque ad cœlos; scilicet, per spei & charitatis affectum, & desiderium : & descendunt vsque ad abyssos, per pœnarum Inferni diligentem considerationem.

Secundo modo debes ad teipsum descendere, scilicet ad exterioris hominis in moribus & gestibus debitam compositionem, & ordinationem : vt interior deuotio & sanctitas tua in exterioribus eluceat. sic enim mores exteriores regere, & nosmetipsos circumspicere debemus ; quatenus cunctis imitabiles, & amabiles nosipfos exhibeamus. Hoc autem optimè explebimus, si tria in exterioribus moribus obseruare studuerimus. Primò, vt mores nostri sint maturi. Secundò, vt sint humiles. Tertiò, vt sint benigni. Maturitas namque nos aliis exemplares reddit, humilitas nos custodit, benignitas vniuersis amabiles facit.

Tertio modo debemus descendere ad nosipfos, scilicet ad faciendum aliquod corporale, seu manuale opus. Ita enim debemus spiritualia exercitia ordinare : vt quotidie in opere manuum suis & certis temporibus, nosipfos exerceamus : & suis rursus temporibus in spiritualibus exercitiis proficiamus : quamuis manibus operantes illis vacare

care possimus orando, meditando, & ad Timorem, & alias spirituales & virtuosas affectiones nosmet-ipsos excitando. Hoc sancti patres nostri pro regula habuerunt; vt quantò fidelius ad opus manuum se conferrent, tantò ad altiorem puritatis & charitatis gradum sperarent se peruenturos. Itaque homines fragiles cùm simus, non putemus nos esse Angelos, qui semper vtuntur cibo spirituali, quem nos ignoramus, & velimus semper spiritualibus vacare exercitiis; sed certis temporibus nos ipsos operi manuum aptemus, multiplice ratione. Prima est, ne tædio victi omnino spiritualia exercitia relinquamus. Neque reputemus nos sanctiores & spiritualiores quàm fuit ille magnus Antonius: qui nisi talem exercitii spiritualis & operis manualis vicissitudinem ab Angelo didicisset, tædio victus ad sæculum rediisset. Ideo vult Cassianus, quod qui non est contentus quotidie aliquid manibus operari, non potest in cella finaliter perseuerare.

Secunda est: quamuis enim modicum illa manualia opera à contemplatione nos contrahant, postea tamen valētiores ad eam nos reddunt: non enim possumus cum concupiscentiis ascendere, immò illæ ascensum impediunt; & ideo has concupiscentias oportet nos vincere, & præcipuè opere manuali: in desiderio est enim omnis ociosus. Sic ergo sæpè opus manuum deseruit spiritualibus exercitiis: in quantum impedimenta remouet ascendendi per contemplationem.

*Quòd nonnunquam licet contemplationem*

Tertia ratio est; cor enim nostrum est valde instabile, & hinc inde velut nauicula in fluctibus maris fluctuans, quatitur variis meditationibus & affectionibus Igitur vt dicit Cassianus; Cor tuum velut quadam anchora te decet figere, pondere scilicet & occupatione alicuius operis manualis.

Quarta est, quoniam plures aditus tentandi inimicus in nobis reperit ociosis quàm occupatis. Siquidem occupatus vno dæmone tentatur, ociosus verò innumeris dæmonibus deuiatatur.

Propter has rationes, & plures alias, quas ob vitandam prolixitatem omittere volui. Sancti Patres, & præcipuè in Aegypto tam fideliter manibus laborauerunt; & ideo tam sublimiter à Sanctis extolluntur. Ne autem à spiritualibus exercitiis longè discedamus, ea debemus magis opera corporalia, quantum in nobis est eligere, quæ cum spiritualibus videntur maiorem conuenientiam habere: sicut sanctos libros scribere, quod minus à spiritualibus impedit, & est spiritualiter magis fructuosum.

Debemus igitur fideliter manibus operari, non sicut sæculares, qui recipiunt solùm mercedem transeuntem: nos autem non solùm temporalem mercedem, sed immarcescibilem recipiemus Coronam in cœlis.

Attende quòd Sancti Angeli laborantibus pastoreibus Christum natum annunciauerunt specialiter, Non tamen simus in laboribus nimii siue importuni, sed moderati & discreti, silentium præcipue cū laboramus

boramus custodientes: Silentium enim in quo, iuxta Prophetam, est fortitudo nostra, etsi ubique & semper est obseruandum, nisi necessitas vel utilitas cogat, vel suadeat, maximè tamen in opere manuali, iuxta illud Apostoli: Obsecramus vos in Domino Iesu, vt cum silentio panem vestrum manducetis.

Similiter necesse est sepiùs propter proximū, nostram interrūpere contentemplationem ad tempus, & hoc tripliciter, scilicet, Propter superiorem, propter æqualem, & propter inferiorem. Propter superiorem quidem, quia quamuis quantum in nobis est semper appetamus vacare spiritualibus exercitiis, sicut vel cum Lazaro peccata nostra deflere, & compunctionem ex memoria peccatorum, vel extremi iudicii in nobis excitare: vel cum Maria ad pedes Dominicos sedere, id est in Vita & Passione Christi mentaliter nos exercitare; vel quouis magno alio exercitio spirituali. Si tamen venit superior, & vocans nos iubet deserere contemplationem: statim dimisis omnibus est obediendum; & debemus nos ipsos ponere ad pedes Vicarii Domini: id est superioris, dicentes: Paratum cor meum, paratum cor meum: Paratum, vt ad tuum imperium contemplationi vacem; paratum cum iubes vt exterioribus ministrem. Hoc non solum ad iussionem superioris facere obligamur; sed etiam nonnunquam ad exhortationē fratris ex charitate. Omnia enim exercitia sua Sancti Patres libentiùs postposuerunt, vt obediētiā inuiolabiliter seruare

*Quòd nonnunquam licet contemplationem*  
possent: atque hoc super omnia reputabant, si non  
suam sed alterius implerent voluntatem. Et quan-  
quam obedientia præcepti vel necessitatis est ma-  
gis necessaria, noli tamen discurrere si teneris vel  
non, quia sæpè obedientia charitatis est magis me-  
ritoria, & charitatem auget deuotè impleta.

Secundò, propter æqualem licet interdum;  
spiritualia exercitia dimittere; scilicet vt ei sub-  
ueniamus moti compassione, pietate, auxilio, &  
consilio; scilicet corporaliter afflictos iuuando &  
eis succurrendo: & multò magis si viderimus ali-  
quos spiritualiter afflictos: debemus enim eis au-  
xiliari quantum possumus, admonendo, corripi-  
endo, & attrahendo, in tribulationibus & tentata-  
tionibus consulendo & confortando. Nisi enim  
Paulus de tertio cœlo descendisset, & de alto statu  
mentis suæ infirmioribus se inclinasset, neminem  
attraxisset: sed descendit factus Omnia omnibus.  
Et carnalibus prædicabat quidem IESVM, &  
hunc crucifixum; spiritualibus autem spiritualia  
comparabat. Similiter & nos debemus esse Omni-  
bus omnia, singulis succurrentes, prout necessitas e-  
xigit; maximè si viderimus aliquos, à Christi iugo  
suberrare per aliquod mortale peccatum, attrahen-  
do, admonendo, & corripiendo. Neque dicas in  
corde tuo: Sufficit mihi saluatio mea; pro me volo  
esse sollicitus, non pro alio. Neque dicas, Nunquid  
ego superior eius sum, aut eius custos constitutus?  
Ecce talem cogitationem non gignit zelus Dei.  
Debes

Debes igitur proximo succurere, si corporaliter e-  
get, ei opem ferendo corporalibus eleemosynis: si  
autem spiritualiter, satage pro viribus ei spirituale  
auxilium ferre, fundendo preces pro eo, consulendo,  
instruendo, & dirigendo, maxime in tentatio-  
nibus, & spiritualibus exercitiis. Sed vide ne alios  
doceas, quod ipse nescias: melius est enim humi-  
liter confiteri ignorantiam tuam, quam præsum-  
ptuosè velle docere. Sit tamen consilium tuum Di-  
uinæ scripturæ consentaneum semper. Ea autem  
quæ in consilio recipis, vel de quibus cum aliis con-  
sulendo percipis, si secreta fuerint, caue ne publi-  
ces; maxime de tentationibus aliorum: inde enim  
sæpe pericula veniunt. In consiliis etiam dandis,  
caue ne propriam sequaris passionem, & inclina-  
tionem: nam illa peruertit iudicium, & zelus sape-  
re nescit. Rursum, antequam consilium impendas  
maximè in rebus arduis, Diu deliberato, & non  
quod prius occurrerit edicito: sed tracta apud te  
summisso consilio tuo, semper sentire aliorum, ne  
pertinax inueniaris: & velis tu magis consentire  
humilibus, quam tibi consentiri. vnde tu nullius  
consilium debes vilipendere: Deus enim sæpe re-  
uelat paruulis quod abscondit à sapientibus. omni-  
um consilia attendas, non tamen suscipias, secun-  
dum illud Apostoli: Omnia probate; quod bonum  
est tenete.

Tertiò debemus ab alto contemplationis ad pro-  
ximum inferiorem descendere. vt scilicet cum quis

V

*Quòd nonnunquam licet contemplationem*

habet curā alios regendi: quales sunt Prælati, qui sæpè à contemplatione necesse habent cessare, vt subditorum custodiæ & disciplinæ intendant. Custodiæ quidē, vt conferuentur stātes qui iam dignè conuersantur. disciplinæ; vt corrigantur errantes, & minus ordinatè conuersantes. Alias certè Deus sanguinem animarum subditarum de manibus Prælatorum requirit. & nisi Frater minimus, quantum in ipsis est, per eos adductus fuerit, faciem Ioseph, hoc est Christi veri Saluatoris non videbunt. Vide hic quam periculosus est status superior: quo necesse est vt homo seipsum deserat. Nam sæpè dum negligit, perdit. Nam dum homo multum foris occupatur & interiori ociatur, nonnunquam exercitia interiora negligit, & ad cor durum descendit, & insensibilis fit solum exteriora sentiens, & spiritualia non degustans; sicut benè ostendit B. Bernardus in libro de consideratione. Igitur consilio sanctorum, quantum in te est, semper locum superiorem & nimiam occupationem exteriorem deuita, salua semper humili & prompta obedientia. Cùm verò quis cogitur occupationibus exterioribus deseruire, debet valdè sollicitè quandocunq; potest vel tempus habuerit ad intima recurrere, & spiritualibus exercitiis vacare; ne vt dictum est, insensibilis efficiatur. Vnde Beatus Gregorius, Sancti, inquit, viri qui exterioribus ministeriis officii necessitate coguntur deseruire, studiosè semper ad cordis secreta refugiunt; ibique cogitationis intimæ cacumen ascendant;

dunt: & legem Domini quasi in monte recipiunt: dum postpositis tumultibus actionum suarum temporalium, in contemplationis vertice Supernæ voluntatis sententiam perscrutatur. Vt enim in exterioribus officiis inoffensè deseruiant, ad cordis secreta incessabiliter recurrere curant.

CAP. LXIX.

De aliquibus doctrinis, quas vir deuotus obseruare debet circa ea, quæ dicta sunt; & ponitur etiam huius operis Conclusio.

**V**bi auxiliante Deo tractauimus, qualiter deuotus vir per exercitium orationis, meditationis, & contemplationis debeat animam suam Deo vnire secundum tres vias, scilicet Purgatiuam, Illuminatiuam, & Vnitiuam; ad conclusionem huius operis, quanquam superius aliquid saltem ex parte dictum sit, decreuimus ponere aliqua documenta obseruanda circa supradicta. Quæ vt facilius corde retineri possint, disponemus ea secundum ordinem alphabeti diuisa per § & cuilibet § præponenda est hæc præpositio, De

Abdicatione siue abscensione. Qui assidue cupit meditationi vacare, abdicare à se debet omnem concupiscentiam siue appetitum Honoris, diuitiarum



*Documenta de aliquibus doctrinis,*

rum, deliciarum & occupationem circa exteriora: harum enim rerum phantasmata multum mentem distrahunt.

Bona vita. Debet virtuose viuere: quia in ma-  
leuolam animam non introibit Sapientiæ spiritus,  
neque spiritus meditationis.

Constante fiducia ad amatum. Quòd non facile  
discedat ab amore Dilecti, propter superuenientes  
tentationes. Conatur em̄ diabolus variis tentatio-  
nibus virum deuotū terrere, & ab exercitio meditati-  
onis impedire. Idcirco dicere debes: Ego confido  
in eo, qui dixit: Fili mi da mihi cor tuū: qui non mor-  
tem sed saluationem cupit peccatorum. nihil du-  
rum aut turbulentū de tuo cogites amato: sed poti-  
ùs dic illud Iob: Et si me occiderit, in ipso sperabo.

Dispositione corporali. Cùm fueris solus, pote-  
ris vti diuersis ceremoniis in dispositione membro-  
rum; nunc eleuans manus sicut Aaron, nunc flectēs  
genua sicut Salomon; nonnunquam in faciem tu-  
am cadens, & mox sine mora surgens, manendo  
flexis genibus sicut Christus in monte Oliuarum:  
sedens quoque sicut Maria ad pedes Domini; ex-  
tendens rursus manus ad modum Crucis sicut Chri-  
stus Dominus in Cruce; interdum defigens oculos  
in terra, sicut Publicanus. aliquando eleuans in  
Cœlum, sicut Apostoli in ascensione Domini. Itaq;  
per hanc exteriorem varietatem ceremoniarum di-  
uersi in animo generantur affectus. Incipientes si-  
quidem debent flexis genibus orare, & oculis in ter-  
ram defi-

ram defixis, vel expansis brachijs in effigem Crucis, vel faciendo plures prostrationes. Proficientes debent orare genuflexi, manus oculos sursum extolentes. Perfecti, stantes erecti supra pedes oculis in Cœlum eleuatis, cum desiderijs & suspirijs intimis. Contemplatiui iam super se leuati, sedentes ad pedes Domini. Verumtamen in conuentu ne sis singularis, sed cum se inclinantibus te inclina, exhibens Domino filialem reuerentiam sicut Patri benignissimo: cum genua flectentibus, genua flecte; impendens Deo reuerentiam sicut seruus Domino. cum cadentibus in terram super facies suas cade; recognoscens Deum vt iudicem, & te vt reum & quod in puluerem redigendus es.

Exercitijs diuersis. Debes tuas actiones diuersificare, secundum illud: Modo lege, modo ora, modo feruenter labora. & sic erit hora breuis, laborq; fiet leuis. Si velles semper idem agere; minus proficeres, teque deuastares.

Finis meditationis. Finis meditationis, orationis, & contemplationis tuæ, non sit proprium commodum; non euasio pœnarum, non aliquod lucrum, vel cœleste præmium, vel aliqua spiritualis dulcedo: talis enim amor esset mercenarius: sed vt paret in corde tuo habitaculum Deo, & des locum Gratix; & vt facias voluntatem eius, cuius delicta esse cum filiis hominum: qui multum delectatur de nostra salute. Ad hunc enim finem anima humana est creata scilicet vt cordialiter & amoroſe

*Documenta de aliquibus doctrinis,*

vniatur suo dulcissimo Creatori in hac vita per orationem, meditationem & contemplationem: & in alia per perpetuam Fruitionem. Et vt breuiter dicam; debes in omnibus tuis spiritualibus exercitiis quærere Gloriam Dei, honorem sanctorum, vtilitatem Ecclesiæ, salutem tuam; omnia referendo in Dei gloriam, secundum illud Apostoli: Siue comedatis, siue bibatis, vel aliquid aliud faciatis; omnia in Gloriam Dei facite.

**Gratitudine Gratia.** Si aliquid bonum in te recognoscis, Da gloriam Deo, & gratias ei impende, & noli superbire. Non enim est volentis neque currentis, sed Dei miserentis. Noli inflari; quia gratia meditationis non solum bonis, sed etiam malis aliquando conceditur.

**Abundantia punctorum.** Debes secundum Gersonem, abundantiam punctorum habere, quibus cum incipis, possis amoris inflammari: de quibus iam supra tractauimus.

**Intimitate.** Debes semper quocunque pergis Dilectum tuum sic cogitare, ac si ante oculos haberes: modo in præsepio, modo in Ægypto, nunc crucifixum, &c. in corde tuo intimis eum laudando iubilationibus, dulciter & affabiliter ei alloquendo; necessitates tuas ei proponendo, & auxilium postulando.

**Charitate.** Qualem vis se tibi exhibeat Deus, scilicet Benignum & misericordem, &c. talem tu te exhibeas proximo, Neminem spernas: & sic  
eris

eris amicus Dei, qui nullum abhorruit, neminem despexit. Amicorum autem idem est velle & nolle. Vel aliter: Quia facilè frigesimus ideò oportet vt ignem queramus Charitatis per gemitū orationis, per meditationem Dominicæ passionis, per dolorem compassionis, per desiderium cum eo vnionis; secundū quod supra diximus in Via Vnitiua: O Domine quando te diligam &c.

Labore. Oportet te laborare; & non immerito: quia in omnibus officiis grauiora sunt initia, postea tamen consuetudine alleuiatur onus. Ecce quantos agricolæ perferunt labores, vt fructus terræ percipiant: mercatores mare transmeant multis se periculis exponentes; milites in bello vulnera recipiunt, & hæc omnia sustinent propter res transitorias: multò igitur magis debes tu propter Bona æterna laborare.

Moderamine, scilicet actionum; per discretionē. Debes in omnibus tenere medium: non sis nimis feruens neque tepidus, non nimium remissus: nec rursus nimium inquietus, secundum illud. Omnibus modum adde, quæ est pulchra Virtus valdè.

Naturali complexione. Attende diligenter Quid est quod tuæ naturali inclinationi est conformius: quibusdam enim multum prodest esse diutiùs in oratione, quibusdam in meditatione: quidam faciliùs ad eam trahuntur ex iudicio rationis; quidam ex consideratione Diuinorum beneficiorum: quidam sunt aptiores ad vitam actiuam, quidam ad  
contempla

*Documenta de aliquibus doctrinis,*

contemplatiuam. Rursum circa sumptionem cibi & potus, debes aduertere naturam tuæ complexio- nis: & de vtroq; moderatè sumere; nam vni est ni- mium, quod alteri parum: idcirco vide ne cor tu- um grauetur crapula & ebrietate.

Ordine, vt scilicet incipias à via purgatiua; vt pri- mò laueris & munderis, deinde per illuminatiuam illustres, antequam per vnitiuam dilecto vniaris; non enim decet lutosum & sordidum priusquam la- uetur, ad osculum Regis accedere: ne incedas super tectum, antequam super terram discas incedere.

Promptitudine, vt in victu sic te habeas & in so- mno, quòd semper sis promptus Cor sursum leuare vt in te verificetur illud: Sursum corda, Habemus ad Dominum: & dicere valeas; Deus Deus meus, ad te de luce vigilo. Esto igitur ad vigilandum pa- ratus, & voluntarius, atque discretus.

Quiete, vt fugias omnia quæ mentem distra- hunt, quiescens in pace Domini; nisi officio, vel obedientia seu obligatione circa aliquam extero- rem occupationem sis astrictus. Fuge tamen iudicia & suspitiones: quia valde cor inquietum reddunt. Si autem in te insurgunt cogitationes suspicandi, proiice eas à te nihil determinatè iudicās: sed dic, Qui iudicat nos, Dominus est: In meliorem par- tem interpretare quæ ambigua sunt. Si quis autem ceciderit, compatere ei dicens: Si illa tentatio in me venisset, profundius forsan cecidissem.

Recollezione, sapè te recolligere satage ab infimis

infirmis ad superna, à temporalibus ad æterna, ab exterioribus ad interna, à vanis ad sempiterna. Ne cupias vanitates aut fabulas audire, sed dic: Vidi cuncta quæ erant sub sole: & ecce omnia vanitas: & solus Dilectus meus bonus, solus amabilis, speciosus, & mihi sufficientissimus.

Seruitio Sanctorum. Debes habere deuotionem ad aliquos Sanctos, quibus quotidie aliqua impèdas seruitia: vt ante conspectum Dei semper pro te intercedere dignentur. præsertim ad Dominam nostram, ad Angelum custodem, ad aliquem Apostolorum, Martyrum, Virginum, seu Confessorum: vel ad plures, vt pro te orent.

Totali subiectione. vt te totum subiicias diuinæ voluntati, dicens Domino: Piissime domine mi Iesu Christe, sicut tu scis & vis ita fac mecum. Et si tibi gratiam orandi, vel meditandi seu contemplandi contulerit, cum timore recipe. si autem non præstiterit, patienter sustine. sis contentus omnibus sine murmuratione, quæ erga te ipse fecerit: & ita sis vnus cum eo spiritus, vt nihil nisi Christum crucifixum cogites.

Vlteriori tendentia per quietem contemplationis. Si es religiosus, vt dicit Gerson, intendere obligaris ad obtinendam quietem contemplationis, quamuis vix in fine vitæ tuæ valeas eam comprehendere. hoc siquidem requirit religionis status. ad milites pertinet miserabiles personas defendere: agricolæ est terram excolere: religiosi verò est con-

R

templati.

170  
Documēta de aliq. doct̄. quas vir deuotus obser. debet.  
templationi insistere. Et vt dicit Bonauentura, vbi  
desinis vna die, inde alia die inchoandum est: vt fa-  
cias. Sicut qui vult aliquem montem altum ascēde-  
re, qui cum vult pausare, non redit retrò ad primum  
locum vnde cœperat, sed in loco in quo se inuenit  
requiescit: & resumptis viribus, illinc cœptum pro-  
sequitur ascensum. Et ideo parum vel nihil in con-  
templatione proficimus: quia quòd hodie difficul-  
ter gratia Dei adiuti adepti sumus, cras intendendo  
leuitati, & fabulis, vel ludis, amittimus. Vnde reli-  
cto montis ascensu descendimus ad vallem non fre-  
quentantes contemplationem.

Christo. Nihil Christo præponas, deprecans eū  
Vt dignetur esse adiutor, protector, & ductor tuus, &  
finis tui itineris.

**FINITVR.** præsens Tractatus, qui dicitur **Exercitatio-  
rium Vitæ Spirituales.** In quo si quis legendo, meditando,  
orando, seu contemplando accuratè se exercitauerit; faci-  
lè & in breui, ope Diuinæ Gratiæ, subuectus quodam  
Seraphico amore, adhererebit Domino: & tan-  
dem poterit securus, vt sui laboris dona-  
tium, Vitam æternam  
sperare.



130  
TRACTATUS  
DIRECTORII HORARVM  
CANONICARVM.



Pfal. 144.

Propè est Dominus omnibus inuo-  
cantibus eum: omnibus inuocan-  
tibus eum in veritate.

R. 2



Ex Regula S. Benedicti de disciplina psallendi,  
Cap. XIX.

**V**Biq; credimus Diuinam esse presentiam, & oculos Domini in omni loco speculari bonos & malos: maximè tamen hoc sine aliqua dubitatione credimus, cum ad opus Diuinum assistimus. Ideo semper memores simus, quod ait Propheta: Seruite Domino in timore. & iterum: Psallite sapienter &, In conspectu Angelorum psallam tibi. Ergo consideremus qualiter oporteat nos in conspectu Diuinitatis & Angelorum esse: & sic stemus ad psallendum, vt mens nostra concordet voci nostræ.

## LVCÆ IANOVIO

MONASTERII S. CRVCIS IN CAL-

uo Monte Ordinis S. Benedicti Priori, Kono-  
mloteñ Præposito, amico singulari.

STANISLAVS GROCHOVIUS

Custos Crusuiceñ in Christo salutem.



PRIMUM PARTEM LIBRI  
huius Abbati vestro vigilantissimo, cum  
propter singulares eius virtutes & in Ec-  
clesiam Dei merita, tum alias non leues  
ob causas iure optimo dedicavi: simulq;  
qualicumq; munere meam erga illum obseruantiam omni-  
bus testatam esse volui. Hanc autem reliquam eiusdem o-  
peris partem cui dedicarem, diu multumq; mecum cogitavi;  
neq; alius mihi occurrere potuit, qui sibi eam iustius ven-  
dicaret, quam tu Vir Religiose, qui & Reuerendissimo Ma-  
liscuio tuo proximus es dignitate & vitæ puritate; omnesq;  
numeros Regulæ S. Benedicti sanctè ac piè comples. Est  
autem hoc, pro vsu potissimum Regularium antiquissimi  
& celeberrimi Ordinis vestri, Directorium Horarum Ca-  
nonicarum, quas & ipse fideliter seruentiq; spiritu absol-  
uis, & alios idem opus accuratè facere sedulo curas. Vtraq;  
hæc pars eundem finem spectat, & eadem solatia animæ  
spiritusq; suauitates continet atq; delicias. Vobis igitur an-  
tesignans & rectoribus Monasterii S. Crucis, Abbati in quâ

## Præfatio.

Et Priori tam sanctas lucubrationes et meditationes consecrare merito debui; ut sicuti vos una Religio, pietas, amor pene fraternus, et quidam quotidianus conuictus ac consuetudo coniunxit, ita et vnus liber vestra nomina circumferat. Accipe igitur Deo dicite Presbyter hoc meum qualecunq; erga te studium, et in orationibus tuis, quæ ritè et ardentè ad Deum fundis, mei sæpè memor esto; amantemq; tui et studiosissimum redama; et quoties quoties occasio tulerit, tum Reuerendissimo Abbati tuo, tum reliquis Ordinis vestri Patribus de meliori nota me commenda. Datum Quercij ad radicem Montis Calui S. Crucis Die Inventionis eiusdem S. Crucis, Anno 1606.



# INCIPIIT TRACTA- TVS QVIDAM, DICTVS DI-

RECTORIVM HORARVM CANO-

*nicarum: in quo Religiosus instruitur qualiter se ad nocturna-  
nam synaxim preparare debeat in illo puncto, siue hora  
quadrante, ante Vigiliarum inchoationem. Et quomodo*

*se debet habere tam in nocturna quam in diurna*

*Psalmodia, vt valeat esse attentus & mentem in*

*Deum eleuare. Et quid meditandum est in*

*la temporis morula, qua post nocturna*

*& diurne synaxis expletionem*

*genua flectimus.*

## CAPITVLVM PRIMVM.

Quòd Religiosus magnopere debet  
esse sollicitus circa Diuinum Of-  
ficium.



**I**N SECVNDO LIBRO PA-  
ralipomenon capit. xxix. scribitur:  
Fili mei nolite negligere; Vos ele-  
git Dominus, vt stetis coram eo, &  
ministretis illi, colatisq; eum. Quia  
igitur Deus elegit religiosum in suum ministrum, vt

R 4

colat

*Præparationes ante vigilias.*

colat & seruiat ei, oportet vt sciat, qualiter ei seruiendum est. Nam vt ait Gerson: nihil ita primo & præcipue conuenit religioso, sicut dignè & studiose cultum explere, diuinū, id est Horas Canonicas. quas Pater & dux noster Benedictus in regula opus Dei nuncupat. maxime cum præcipuum religiosi officium prout dicit B. Hieronymus, sit Diuinis laudibus vacare, offerendo ei hymnos, psalmos, orationes, & sacrificia: & per hæc populum Deo reconciliare sua & proximorum deslendo peccata. Vnde oportet monachum vigilanter ac diligenter studere, vt seruitutis suæ pensum dignè valeat exoluere, ne illa eum Hieremiæ Prophete formidanda comprehendat maledictio, Maledictus homo qui opus Dei facit negligenter.

CAP. II.

Quòd necessarium sit Religioso, se ante Vigiliis præparatum reddere ad Diuinum officium persoluendum.

Legitur in Ecclesiastico; Ante orationem præpara animam tuam, & noli esse quasi homo qui tentat Deum. Legitur præterea in collatione Abbat. Isaac, quòd quales cupimus in oratione inueniri, tales ante eam oportet nos præparari. Scribitur quoque

quoq; in libro, qui dicitur Speculum monachorū: Stude excitare cor tuum aliqua deuotione præueniens Horam Canonicam, quam dicturus es. Sume tibi exemplum à paupere, qui cum vult eleemosynā ab aliquo diuite exposcere, studet eum præuenire: cogitans quibus verbis ad impendendam optatam eleemosynam valeat eum flectere. Inspice quoque aliquem mortis reum, antequam contra eum feratur sententia, quā studiosè nititur cogitare, antequam sistatur iudicis tribunalibus, quid poterit perorare cum ei astiterit, quod eum valeat ad misericordiam inclinare. Similiter seruus Dei antequam appareat in conspectu Diuinæ maiestatis sollicitè considerare habet, quomodo & quibus verbis eius misericordiam possit flectere. Grandis, igitur Fratres, & temeraria audacia est absq; vlla præparatione ad tantam accedere maiestatem. Omnis quippe tā diurni quā nocturni diuini officii fructus consistit in præuia præparatione, secundum quod dicit Propheta: Præparationem cordis mei audiuit auris tua. Et nulla potest esse perfecta oratio quā meditatio non præuenerit, vt ait Hugo in tractatu de oratione. Et Gerson in tractatu de mystica Theologia admonet, vt Religiosus prætermisiss cæteris, ad Canonicas Horas dicendas se disponat.

Itaq; dilectissimi Fratres non sit nobis molestum vno horæ puncto, ante Vigilias à lectulis surgere: cum omne earum meritum consistat in præparatione. Et venundemus Deo illam temporis morulam,

*Prima præparatio.*

& experiemur quàm abundanter retribuet nobis.  
Et vt in hac præparatione aliquem teneamus mo-  
dum, & non fit nobis vanum surgere ante lucem;  
tangemus hic breuiter tres præparationis modos.

C A P. III.

De tribus præparationum modis ad  
Diuinum officium peragendum; &  
specialiter quomodo se Religi-  
ofus ad Vigilias debeat  
præparare.

**D**ilectissimi Fratres, describunt Sancti tres præ-  
parationis modos, scilicet, præparationem  
Remotam, { quæ } sanctè viuendo,  
Propinquam, { confi } profundè considerando,  
Proximam, { stit in } feruenter orando.

PRIMA est generalis; & hanc explemus bene  
& sanctè viuendo; scilicet vt nobis semper cauea-  
mus ab omni vanitate, tam in cogitationibus quàm  
in verbis, quàm in actibus: & studeamus assiduè vt  
cor nostrum diligenter custodiatur, & tempus vti-  
liter expendatur: & operum intentio finaliter in  
Deum dirigatur, ne cor nostrum tempore orationis  
vanis phantasmatis impediatur. Et si quando se  
vanis cogitationibus senserit infestari, debet aliquã-  
tulum

tulum legere ante orationem: & conetur ad ea quæ legit applicare mentem suam: & materia lectionis debet esse talis, Vt ferat opem ad purè orandum.

SECUNDA præparatio dicitur Propinqua & specialis, quæ facienda est in illo quadrante ante inchoationem Vigiliarum, hoc modo: Postquam igitur exurgentes de cubilibus fuerimus induti, manebimus in cœlis & stantes erecti supra pedes in loco vbi quisque orare consuevit, debemus nos pro viribus intra nosmetipsos recolligere. Et sic relecti, debemus mox considerare Quid est quod iumus acturi; & propter quid surreximus à lectis. Qui enim non considerat quod acturus est, incautus incedit in operibus suis. Quid enim fratres acturi sumus tempore diuini officii, nisi apparere in conspectu Dei & Sanctorum Angelorum, & in concilio iustorum & sanctorum fratrum? Vnde tria oportet nos diligenter considerare, scilicet quòd tendimus

ad { Deum adorandum,  
Deo gratias agendum,  
Deum orandum.

Primò tendimus ad Deum adorandum Trinum in personis, & vnum in essentia, adoratione Latriæ, super iudicia iustificationis suæ. Iudicia autem iustificationis eius, Fratres intelligere debemus incarnationem Filii sui vnigeniti Redēptoris nostri, Natiuitatem, Circumcisionem, Regibus manifestationem, in templo præsentationem; & denique suam sanctissimam passionem, resurrectionem & cætera  
alia



*Tertia preparatio.*

alia : quæ gloriosus Dominus propter nostram redemptionem super terram operari dignatus est. Et dicuntur iudicia Diuinæ iustificationis, quia per ea redempti sumus & iustificati. Hoc est igitur primum, quod postquam à lectulis consurreximus, vt dictum est, cum summa diligentia & deuotione debemus considerare. Et in his iudiciis exhortantur nos sancti debere adorare, benedicere, laudare, & magnificare Dominum: accipiendo ea sicut obiecta in Vigiliis, sicut infra dicetur in Officio Vigiliarum.

Secundum quod considerandum est, cum ad Officiū diuinum concurrimus, est, quod tendimus ad impendendum gratias Deo & eum laudandum pro receptis beneficiis, eaq; tanquā obiecta in Diurnis horis intueri : vt exponetur in Prima & Tertia.

Tertium quod à nobis est aduertendum, est, quod tendimus orare immensam Dei clementiam pro nobisipsis, & pro vniuersis Ecclesiæ statibus, accipiendo personam singularum, vt explicabitur in Sexta & Nona. Inuitat autem nos ad prædicta, si attendimus quòd nihil Deo est

- { Adorari dignius,
- { Laudari rationabilius,
- { Magis necessarium & vtilius.

His cum ingenti deuotione mente pertractatis, oportet vt mox nosmetipsos circumspeciamus : an, vt decet, simus dispositi apparere in Dei præsentia : ad quem habere sermonem tendimus, in Psalmis enim alternatim nobis loquitur Deus, nosq; loquimur

quimur ei: Ad hanc dispositionem requiruntur  
tria scilicet,

mentis { Purificatio,  
          { Recollectio,  
          { Affectatio,

Debemus primò habere mentem purificatam ab  
omni mortali peccato, vt ante Diuinam præsentiam  
dignè apparere valeamus. Secundò recollectam  
ab omni distractione, vt Diuinum officium attentè  
dicerè queamus. Tertiò affectatam aliquo deuotio-  
nis affectu: vt excusso torpore reuerenter canere  
possimus: vt in sequenti præparatione apparebit  
clariùs.

**TERTIA** præparatio quæ dicitur proxima,  
consistit in orationis frequentia: nihil enim prodest  
humana industria nisi adsit Diuina gratia. Post præ-  
dictorum igitur considerationem flexis genibus sup-  
pliciter exoremus Dominum, vt concedat nobis  
quatenus super iudicia iustificationis eius ipsum di-  
gnè queamus adorare, & pensum seruitutis nostræ  
deuotè valeamus exoluere. Cumque auribus no-  
stris cymbalum maius insonare cœperit, surgemus  
ab oratione dicentes hæc verba: Hoc signum ma-  
gni Regis est, eamus, & inquiramus eum, & offera-  
mus ei Aurum, Thus, & Myrrham:

Aurum deuotionis,

Thus deuotæ attentionis,

Myrrham fortis & reuerentis stationis.

Et sic pergemus ad Oratorium cantantes in cor-  
dibus

*Tertia præparatio.*

dibus nostris cum ingenti lætitia cantica iubilatio-  
nis dicentes iterum: Ecce venit ad Templum San-  
ctum suum Dominator Dominus, gaude & lætare  
Syon occurrens Deo tuo. Ecce o anima mea Deus  
vniuersæ terræ; & ideo in conspectu suæ immensæ  
Maiestatis psalle sapienter. His igitur & aliis simili-  
bus verbis Seraphicis oportet Monachum mentem  
excitare, & se totum in Deum leuare. Ingredientes  
autem Chorum aspergentes nos ipsos aqua benedi-  
cta dicemus: Asperges me Domine. &c. concipi-  
entes generalem de culpis leuibus contritionem.  
Et in ipso ingressu dicemus quoque: Introibo in  
domum tuam. dicatur totus versus. Nosq; profun-  
dè inclinantes, mentis oculos in Eucharistiæ Sacra-  
mentum figentes, atque Dominum Deum nostrum  
cum summa reuerentia adorantes; adiungemus:  
Adoramus te CHRISTE & benedicimus tibi, &c.  
& sequatur continuò: DEVS meus es tu, & con-  
fitebor tibi: DEVS meus es tu, & exaltabo te.  
Tibi laus, tibi Gloria, tibi gratiarum actio; te iure  
laudant, te adorant, te glorificant omnes creaturæ  
tuæ. Et hæc adoratio dicitur Latriæ, quæ est quæ-  
dam species honoris, quæ soli Deo debetur. Et sic  
vnusquisque nostrum, in loco suo stans clausis ocu-  
lis, & attracto spiritu, formabit intentionem in cor-  
de suo dicens: In conspectu Angelorum psallam  
tibi: ad laudem & gloriam & gratiarum actionem  
summæ & indiuiduæ Trinitatis, & humanitatis Iesu  
Christi, & in vnione omnium superferuentissima-  
rum

rum affectionum, & Orationem Domini mei IESV  
Christi olim in terris, & nunc in dextra Dei Patris  
pro nobis interpellantis; & in intellectu quem in-  
tendit Spiritus sanctus; & in veneratione Beatissime  
virginis Marię, & istius Sancti cuius hodie memori-  
am celebramus, & omnium Sanctorum: pro salute  
quoque vniuersalis Ecclesię, desidero has exolue-  
re laudes; vtinam possem dignas. Et scitote Fra-  
tres, quod hæc intentionis formatio post prædicto-  
rum sollicitam considerationem, est magnę Virtutis.  
Illa enim exhibet vniuerso Vigiliarum officio vim  
merendi, vt beatus Ambrosius, & alii Sancti testan-  
tur. Et adhuc si ex infirmitate, in vigiliarum proces-  
su, mens inaduertenter ad alia distrahitur; excusat  
nos à reatu distractionis: quia totum refertur ad  
primam intentionem, sicut præmissum est, forma-  
tam. Et ideo oratio semper est meritoria, nisi aduer-  
tenter distrahatur, & non curet quantum in se est,  
mentem distractam reuocare. Et hæc sint quò ad  
præparationem, quam Monachus debet facere an-  
te Vigiliis in præmemorato horę puncto, si cupit  
spiritualiter proficere, & suū obsequium acceptum  
esse Deo. Et tota die erit deuotus & iucundus, &  
ad Diuinum officium promptus. Per horas diurnas  
breuiter, postquam in prædictis fuerit assuefactus,  
poterit considerare, quòd tendit apparere coram  
Domino vt adoret eum; ei que gratias agat, atque  
deprecetur eum vt supra diximus. Et quoties ingres-  
sus fuerit Oratorium, toties aqua benedicta asper-  
gatur

*Meditatio in principio Vigiliarum.*

gatur, dicens vt supra: Adoramus te Christe &c. adiiciens: Deus meus es tu &c. Et stans in loco suo in illa morula qua genuflectitur, formet intentionem, & attracto & recollecto Spiritu tractet mentaliter præmissa, scilicet. In conspectu Angelorum, & cætera.

CAP. IIII.

Quomodo poterit deuotus Religiosus in Psalmodia esse attentus, & mente in Deum eleuari.

**D**ILECTISSIMI Fratres, Sancti in Psalmodia varios describunt attentionis modos. Sed quia hac nostra ætate homines sunt rudis intellectus, & in Diuinis rebus parum eruditi, rari possunt ad sensus Spirituales, quos Sancti describunt pertingere. Et ideo ex omnibus modis, quos Sancti Doctores ponunt, vnum decreui mediocrem eligere: & secundum totum Diuinum Officium, quo ad nostram Psalmodiam disponere, vt quicumque quantumcunq; rudis, ipsum valeat capere, & in iplo exerceri.

TRINA ORATIO.

Primò igitur præmissa trina oratione, vel mentali præparatione, firmiter debemus credere nos esse in præsentia Dei, & conari vt simus ibi reuerenter, attentè

centè & deuotè & ac si essemus Angeli Dei in cœlo  
antè thronum Diuinæ maiestatis in medio illorum,  
nos metipfos præsentare. Cùm autem qui præsidet  
facit signum, cogitare debemus nos à Deo vocari,  
vt ad habendum colloquia cum eo præparemur.  
Et quia indigni sumus; ipsi supplicamus, vt nos  
reddat dignos, dicentes in exordio Vigiliarum:

DEVS in adiuto-  
rium meum intē-  
de: adiicientes  
ter, Domine la-  
bia mea aperies:

*Deus in adiutorium*

*Domine labia*

Et os meum annuntiabit laudem tuam. Et, Domi-  
ne quid multipli-

*Domine quid multipli.*

cati sunt qui tri-  
bulāt me. In qui-

bus suppliciter petimus longè à nobis fieri vniuersa  
hostium impedimenta, quatenus dignè & reueren-  
ter Dominum super iudicia iustificationis eius a-  
dorare, laudare, & magnificare possimus: vt in supe-  
rioribus dictū est. Sequi-

*Inuitatorium*

tur deinceps Inuitatori-  
um. in quo cogitādi sūnt

Angeli adesse, & nobis alloqui inuitando nos, vt  
vnā cum eis Dominum adoremus & laudemus. Et  
sunt deuotè ruminandi omnes versus huius Psal-  
mi: Venite exultemus

*Hymnus*

Domino, &c. Statim sub-  
ditur Hymnus: qui est

**S**

quidam

*Meditatio in principio vigiliarum.*

quidam modus laudis, quem Deo offerimus collaudantes Diuinam præsentiam, ei que congratulantes. Sublequuntur Psalmi primi Nocturni, in quibus oportet Monachum mentem stabilire in aliquo certo loco, & certas disponere stationes; ne huc illuc vagus discurrat. Et in quantum poterit, applicet sensum Psalmi his, quæ in illo assignato loco sunt, & sic prosequatur totum Vigiliarum officium, collocando omnes earundem Psalmos in iuncturis quatuor digitorum leue interioribus, & exterioribus hoc modo: Ponat unguem pollicis in prima iunctura indicis: & in ea collocet primum Psalmum quem dicens meditari de-

I. *Psalmus.* bet aduentum An *Annunciatio.*  
geli Nazareth, ac

si cerneret venientem Angelum ad domunculam Domine nostræ & dicentem: Ave gratia. & cum Angelo multitudinem Angelorum psallentium: cum quibus & ipse cantet primum Psalmum, applicans pro posse eum his, quæ ibi geruntur scilicet mysterio incarnationis Filii Dei.

Primo finito Psalmo, ponat unguem pollicis in secunda iunctura indicis aptans mentem suam Civitati Bethleem, & intueatur natum infantem positum in præsepio, & Angelos & pastores canentes. & cum eis cantet ipse

II. *Psalmus* secundum Psalmum, *Natiuitas.*  
adaptans vt dictum  
est sensum eius, ad ea quæ illic aguntur. & sic procedat per

dat per omnes leue iuncturas, vt si mens vagare  
cœperit, vngue tangens iuncturam reuocet eam ad  
debitam meditationem.

Tertius Psalmus cantandus est Circumcisioni  
Domini, applicando iuxta præmissa cum myste-  
riis ibi gestis, scilicet

III. Psalmus. materiali Circumcisi- *Circumcisio.*  
oni, per quam nostra

spiritualis significatur. Et impositioni nominis Ie-  
su: quod interpretatur Saluator: & effusioni sui pre-  
ciosi sanguinis & doloribus & lachrymis, & cætera.

Quartum Psalmum  
III. Psal. canta cum Regibus, *Adoratio Regum.*  
qui venerunt ad a-

dorandum Regem Regum, adaptans eum, &c.  
Quintū concine Psal-

V. Psalmus. mum cum Simeone & *Præsentatio.*  
Anna in Præsentatio-  
ne pueri IESV in tem-

VI. Psalmus. plo. Sextum cum Do. *Fuga Domini in*  
mina nostra, & Ioseph *Ægyptum.*

in Ægypto, in amissione Domini in templo, in ba-  
ptismo, deserto, & transfiguratione. Et sic finitur  
primus nocturnus. Sedens autem in subsellio atten-  
de ad sensum Lectionum & Responsoriorum cum  
dicuntur: & transfigurare cum Domino in monte.

SE Q V I T V R Secundus Nocturnus, in quo  
debemus facere alias sex Stationes.

Primam ad ingressum Domini in die Palmarum,



*Stationes secundi Nocturni,*

*in Ciuitatem Hierusa-*

**VII. Psalmus.** lem. Et considera diligenter quæ ibi aguntur: quomodo Dominus flet sedens super asinam; & ibi, vnâ cum vniuersis illis turbis, concine primû Psalmum secundi Nocturni, qui in ordine Psalmodiæ septimus est; aptando illum ad propositum vt diximus. Secundus Psalmus concinendus est cum

*Ingressus Domini in Hierusulê.*

Apostolis in Cœna. Et

**VIII. Psalm.** attende diligenter quæ ibi aguntur. Tertius

*Cena Domini.*

Psalmus est cantandus orante Domino in horto cum Michaelē Archâ-

**IX. Psalmus.** gelo & aliis Angelis ibi astantibus. Quartû

*Oratio Domini.*

**X. Psalmus.** Psalmû concine ab horto vsq; ad domû Annæ cum Beato Ioâne, cernens eum trahi captû

*A captione vsq; domum Caiphæ.*

**XI. Psalmus.** & vinctum. Quintum in domo Annæ vbi fuit colaphis & alapis cę

*In domo Annæ.*

**XII. Psalmus.** sus. In domo Cayphæ vbi fuit vultu velatus,

*In domo Cayphæ*

& sputis linitus. Et sic est finis secundi Nocturni. Cum dicuntur Lectiones, visita Dominum in carcere; habendo tamen attentionem ad Lectiones & Responsorialia.

**SEQVITVR Tertius Nocturnus: qui conti-**

**net**

- net tria Cantica, quorum primum concines cum Dominus deducitur à domo Cayphæ
- I. Canticum.** In domo Pilati.
- II. Canticum.** in domum Pilati. Secundum, cum de domo Pilati ad Herodē.
- III. Canticum.** Tertiū verò cū reducitur ab Herode ad Pilatū. Et deinde cū dicitur
- Homilia.** Homilia, Intuere Dominū flagellari & spinis coronari. Et post duodecimum Responsorium contemplare, quomodo educunt Dñum foras flagellatum, & spinis coronatum: & ostendunt eum populo dicentes, Ecce homo. & pro eorum blasphemis concine Tu;
- Te Deum.** Te Deum laudamus. Post hæc aspice quomodo sistitur Dominus Pilato, vt audiat Sententiam quæ per
- Euangelium.** Sententia.
- Euangelium significatur, quod attentè debes audire. Si autem fuerit dies ferialis, Stationes quæ fiunt in Canticis, & in Te Deum laudamus, sunt faciendæ in Pater noster, & Aue Maria: quæ dicuntur in principio laudum, & in Psalmis; Deus miseretur nostri; & Miserere mei Deus: ita vt Psalmus Miserere mei, finiatur extra ciuitatem, vbi Dominus Cru-

*Stationes Tertii Nocturni,*

nus Crucem depofuit. & in Pfalmis fequentibus fa-  
cies ftationes, fecundum quod dicitur in laudibus  
feftorum.

PSALMI laudum sunt canendi cum ftationi-  
bus quæ fequuntur,

*Deus mi- f* Cùm poft latam fententiam, iuffus eft re-  
*feratur,* { uerti ad locum vbi fuit flagellatus, vt fe  
{ propriis indueret veftimentis.

*Dominus f* Cùm educitur de domo Pilati, baiulans  
*Regnauit,* { fibi Crucem vſq; ad portam Ciuitatis.

*Lubilate,* { A porta ciuitatis vſque ad montem  
{ Caluarix.

*Deus De- f* Cùm exuitur tunica, & cruci in terra po-  
*us meus.* { ſitæ ſupinus affigitur.

*Benedi- f* Cùm ſubleuatur de terra pen-  
*cite,* { dens in Cruce.

*Laudate f* Cùm de Cruce deponitur in matris gre-  
{ mio, & in ſepulchro.

*Cap. & f* Cùm descendit ad Lymbum Sanctorum  
*Reſpon.* { Patrum.

*Hymnus,* { Ad gaudium quo gauifi ſunt Sancti Pa-  
{ tres in eius viſione.

*Benedi- f* Cùm Sanctis Patribus de ſua liberatione  
*ſus.* { ei gratias agentibus.

*Pater no- f* Significat reunionem Animæ & corpo-  
*ſter &* { ris Domini in ſepulchro.  
*Oratio,* {

*Aue*

*Aue stella,* { Significat primam apparitionem Do-  
mini factam matri suæ & Dñæ nostræ:  
Et hîc finiuntur Laudes. Et hoc modo mens nostra  
inueniet se circa Deum semper occupatam fuisse,  
eum adorasse, benedixisse, laudasse, & glorificasse,  
& pro nostris necessitatibus orasse. Hæc enim tria  
in singulis Canonicis Horis explemus, Deum super  
iudicia iustificationis eius adorantes: & de suis be-  
neficiis ei Gratias agentes: & pro nobisipsis, & pro  
vniuerso populo Dei exorantes, quamuis specialiter  
in nocturno officio iudicia Diuine iustificationis  
assumimus tanquam obiecta: in diurno vero status  
Ecclesiæ & Beneficia à Deo recepta. Oportet igitur  
nos in omni opere Dei, & cunctis Horis Canonicis  
esse attentos, vt cum sensus Psalmi vel versuum eius  
ad adorandum aut Gratias agendum vel exoran-  
dum nos inuitat, Adoremus, Gratias agamus, & ex-  
oremus. Et quia nonnulli formam adorandi, Gra-  
tias agendi, & orandi, in Psalmis ignorant; ideo  
hic est subscribenda.

### Forma adorandi.

Adoratio his verbis non tam vocaliter quam  
mentaliter est facienda: O supersumme Domine,  
anima mea te adorat, super iudicia iustificationis  
tuæ in tuo dilectissimo Filio expleta. His igitur vel  
similibus verbis in Psalmis, Dominus est à nobis a-  
dorandus.

*Forma adorandi & orandi inter Psalmos.*

**Forma gratiarum actionis.**

Gratiæ hoc modo agenda sunt : O super summe Domine, anima mea tibi offert gratias, & laudes de ardentissimo amore tuo ; quo me ante mundi constitutionem amasti, prædestinasti, creasti, redemisti, Christianum fecisti, conuertisti, de sæculo eduxisti.

Et per hunc modum præmissa verba ad agendas gratias, pro quocunque beneficio poterunt aptari.

**Forma orandi inter Psalmos.**

Orationem inter Psalmodiam per hunc modum formare poterimus pro nobis ipsis, aut pro sancta Ecclesia, vel pro peccatoribus seu pro parentibus, aut pro benefactoribus viuis & defunctis, vel quouis alio statu. Primò igitur in primo vigiliarum Psalmo quasi in fine eius, sic poterimus orare dicentes mentaliter & raptim: O Domine per tuam Sanctam incarnationem propitius esto mihi peccatori; vel, libera me de tali tentatione; vel, fac me humilem, aut castum, seu patientem; vel, concede mihi tuam gratiam vel gloriam. Vel dicendo: O Domine propitius esto Ecclesiæ tuæ, vel peccatoribus, aut animabus defunctorum &c. In secundo Psalmo sic est orandum: O Domine per Sanctam Natiuitatem tuam propitius esto mihi peccatori, vt supra. Vel, per tuam Sanctam circumcisionem, aut Regibus  
manife-

Gratiarū actio in I. & III. per oēs hebdom. ferias. 141  
 manifestationem, aut in templo præsentationem:  
 vel per fugam in Ægyptum: vel per tuas Sanctas  
 lachrymas quibus ciuitatem ingrediens Hierusalem  
 lachrymatus es, largire mihi contritionem, & la-  
 chrymarum compunctionem: vel per tuam San-  
 ctam cœnam. Et sic poterit Monachus per totam  
 Psalmodiam orare tam pro se quam pro vniuersis  
 Ecclesiæ statibus; formans diuersos affectus secun-  
 dùm diuersitatem causarum, vel necessitatem.

CAP. V.

Quem modum debet habere Mona-  
 chus in Prima & Tertia per totam  
 Hebdomadam, assumendo tanquã  
 obiecta beneficia Diuina secun-  
 dùm Ferias.

Feria II.	}	Benefi- cium	}	Creationis,
Feria III.				Gratificationis,
Feria IIII.				Vocationis,
Feria V.				Iustificationis,
Feria VI.				Dotationis,
Sabbato				Gubernationis,
Dominica				Glorificationis.

Quodlibet istorum Beneficiorum distinguitur in  
 sex articulos, quorum tres aptantur ad Primam, &  
 tres ad

*Gratiarum actio in I. & III. per omnes*  
 tres ad Tertiam, secundum senarium numerum Psal-  
 morum, qui ad prædictas Horas dicuntur. Vnde  
 singuli Psalmi sex canendi sunt, ad singulos articu-  
 los referendo Domino gratias hoc modo:

ORATIO.

**G**Ratias tibi ago super summe DOMINE DEVS  
 meus, de tali beneficio. Hymnos ad Primam,  
 Tertiam, & Sextam, per totam Hebdomadam con-  
 cine congratulans Diuinæ præsentiae.

Feria Secunda.

Feria secunda considera beneficium creationis.

Gratias agens Do- mino qui te	{	Prædestinavit,	}	ad I.
		Creavit,		
	{	Corpus donavit.	}	ad III.
		Animam contulit,		
		Custodem Angelum tribuit,		
		Parentes Christianos dedit,		

FERIA SECUNDA AD PRIMAM.

Ab æterno te prædestinavit, & perpetua chari-  
 tate dilexit, & semper circa te sollicitus fuit.

Creavit te tempore, quo ei placuit; & te inter su-  
 as nobilissimas creaturas, scilicet homines constitu-  
 it: & noluit te condere lapidem, aut tale aliquid.

Impedit tibi corpus, cum membrorum integri-  
 tate, complexionis bonitate, & sexus nobilitate à mul-  
 tis te miseris eruens, & ad ei seruiendum te aptum  
 faciens.

FERIA

**FERIA SECUNDA AD TERTIAM.**

Tribuit tibi animam, creans eam ad imaginem & similitudinem suam; condendo eam sui capacem & immortalem, & adornando multis viribus & potentis.

Dedit tibi Angelum Custodem à tuæ conceptionis hora, in vtero matris tuæ: qui te custodiret & multis beneficiis donaret.

Largitus est Parentes Christianos, ex quibus nascereris Christianus non Agareus, aut Iudæus, vel infidelis: & in tempore fidei Christianæ.

**Feria Tertia.**

Feria tertia ad Primam & Tertiam considerare debes beneficium gratificationis, eodem ordine quo feria secunda disposuimus.

Gratias agens Do mino qui	{	Gratificauit,	}	ad I.
		Spiritum sanctum dedit,		
te	{	Sacramenta impendit,	}	ad III.
		Baptismo abluit,		
		Confirmatione roborauit,		
		Christianum fecit.		

**FERIA TERTIA AD PRIMAM.**

Gratificauit te in suo dilectissimo Filio, non parcens ei, sed eum tibi largiens in precium, exemplum, & socium.

Dedit tibi Spiritum sanctum in signum adoptionis, &



*Gratiarum actio in I. III. per omnes*  
 nis, & in priuilegium dilectionis, & in annulum de  
 sponſationis : ſua tibi Communicans dona, fructus,  
 & Sanctas inspirationes.

Impendit tibi Sacramenta, & primo Sanctam Ec-  
 cleſiam in refugium, vbi à diluuiſo peccatorum, ſicut  
 Nœ in arca à diluuiſo aquarum, poſſes ſaluus fieri.

**FERIA TERTIA AD TERTIAM.**

Abluit te baptiſmate; in quo tibi indulſit origi-  
 nalem culpam; reſtituit innocentiam, veſtiuit ſua  
 iuſtitia.

Roborauit te in Sacramento confirmationis, quo  
 multi caruere; quo te multis donauit muneribus,  
 & eruit à malis pluribus.

Fecit te Chriſtianum, vocans te ſuo nomine, ad  
 oſtendendum te gratificatum, & in ſua gratia acce-  
 ptum: & hoc tibi nomen impoſuit in ſui memoriã,  
 conſtituens te Filium Dei, & hæredem Regni cæ-  
 lorum.

**Feria Quarta.**

Feria quarta debes ad Primam & Tertiam con-  
 ſiderare beneficium, eodem ordine, quem in Feria  
 ſecunda aſſignauimus.

Gratias agens Do- mino qui te	}	Suſtulit,	}	ad I.
		Reuocauit,		
		Bona voluntate donauit,		
}	}	Recepit,	}	ad III.
		De ſæculo eduxit,		
		In loco reformato conſtituit.		

**FERIA**

## FERIA QVARTA AD PRIMAM.

Patienter te sustulit, licet post tanta recepta beneficia à Deo auersum, & per diuersa scelera ad creaturas conuertum : & diutiùs expectauit, & te damnare noluit, neque in tali statu mori permisit.

Te multifariis modis aberrantem tam sæpe reuocauit; modo per internas inspirationes, aliquando per aliorum admonitiones : quandoque per Sacræ scripturæ exhortationes : nonnunquam per suorum beneficiorum largitiones : interdum per suppliciorum & æternorum gaudiorum ostensiones, & per alios modos plures.

Te bona voluntate, quæ suorum munerum est præcipuum, donauit; mentis tuæ surditatem dignanter confringendo : vocem virtutis voti suæ impendendo, conuersionis tuæ obstacula longè repellendo.

## FERIA QVARTA AD TERTIAM.

Quoties ad eum conuerti uoluisti, pateraliter instar illius filii prodigi Euangelici, cum gaudio te recepit amplexando, & deosculando, & primam stolam & anulum tibi restituendo.

Præter hoc quod te pœnitentem recepit, de sæculo te eduxit, sicut Loth de Sodomis & Abraham de Caldæis, & Nœ de diluuiio.

In loco reformato te posuit, coniungens te conuentui sanctè & regulariter degentium, & custodiens à conuentu malignantium : donauit quoque tibi  
tempus

Gratiarum actio in I. & III. per omnes  
 tempus pœnitendi, quod est valdè preciosum: &  
 gratiam merendi: & per professionem præuia con-  
 fessione & subsequente absolutione remissionem  
 omnium præteritorum peccatorum concessit.

## Feria Quinta.

**FERIA** Quinta debes considerare beneficium iu-  
 stificationis ordine quo supra.

Agens	{	Voluntatem mutauit,	}	ad I.
Gratias		Perseuerantiam dedit,		
Domino	{	Spem contulit.	}	ad III.
qui tibi		Eucharistiam tribuit,		
		Scripturas exhibuit,		
	{	Ornamenta virtutum	}	
		tradidit.		

### FERIA QUINTA AD PRIMAM.

Mutauit tuam voluntatem, vt opera pœnitentiæ  
 quæ tibi prius erant amara, fierent dulcia: & quæ  
 prius erant dulcia efficerentur amara, dando tibi pœ-  
 candi continentiam: quod est insigne Donum.

Dedit tibi perseuerantiam & constantiam, sine  
 qua nemo potest saluus fieri: cum multi qui incoe-  
 perunt non perseuerauerint.

Contulit spem & gratiam, ne inceptis defice-  
 res sed sperares veniam: gratiam & gloriam te ab  
 eo consecuturum: de hoc te certum faciens diuer-  
 sis modis internarum consolationum, & conferens  
 gratiam

gratiam ad proficiendum per odium præteritorum malorum, & desiderium futurorum bonorum.

### FERIA QUINTA AD TERTIAM.

Tribuit tibi Sacramentum altaris, parando in conspectu tuo mensam, vbi refectionem sumeres, & sustentari posses ne deficeres in profectu. donauit tibi Sacramentum sui preciosi corporis & sanguinis, in viaticum huius peregrinationis, & in Sacramentum comunions, & in sacrificium Redemptionis.

Exhibuit tibi Sanctas scripturas tanquam speculum, vbi tuos defectus valeas contemplari, affectus valeant inflammari, & magis ac magis possis purgari & iustificari.

Tradidit ornamenta & exercitia virtutum, quibus fœditatem tuorum peccatorum operires. Et ne in iustificatione deficeres & tepesceres, Sanctos tibi in exempla contulit, quibus & instruaris & accendaris.

### Feria Sexta.

FERIA sexta, in Prima & Tertia considerare debes Beneficium dotationis, ordine quo supra Feria Secunda agens Gratias Domino: qui,

Tibi	{	Insignia dona præbuit,	} ad I.
		Alia plura bona adhibuit,	
		Gratiam meditandi exhibuit:	

Tc	{	Inflamauit,	} ad III.
		A peccato custodiuit,	
		Iacentem erexit.	

FERIA

*Gratiarum actio in I. & III. per omnes*

**FERIA SEXTA AD PRIMAM.**

Præbuit tibi insignia dona Naturæ; præbens tibi sensum ad capiendum, & memoriam ad retinendum: Fortunæ, scilicet Fortitudinem & pulchritudinem: Gratiæ, purè credere & ardentè imitari.

Alia multa bona adhibuit; te reducens aberrantem; te instruens ignorantem; te erigens iacentem.

Gratiam meditandi, & in interioribus te exercendi exhibuit; intellectum erudiendo, affectum accendendo, effectum coagendo.

**FERIA SEXTA AD TERTIAM.**

Inflammauit tuum affectum: Nam non modo intellectum illustravit meditatione, sed quòd plus est affectum affecit gustu & deuotione, & inflamauit interna consolatione, dando tibi arrham vitæ æternæ.

A peccato te custodiuit; propulsans causas ad delinquendum, præstans virtutem ad resistendum, sanans affectiones ad permanendum.

Te iacentem erexit. Et si aliquando te tentatione superari permisit, te fortiorem surgere fecit, vires ad fortius resistendum impendendo, & ne frangereris, manum suam super te imponendo.

**Sabbatho.**

Sabbatho ad Primam & ad Tertiam debes considerare beneficium Gubernationis, ordine quo supra: agens Gratiarum Domino; qui

In esse

Te	{ In Esse conseruauit, A multis malis præseruauit, Necessariis sustentauit.	} ad I.
Tibi	{ Alia administrait, In Esse alias creaturas seruauit, Regendo & gubernando intendit.	} ad III.

SABBATHO AD PRIMAM.

Conseruauit te in Esse, dans tibi augmētum quotidianum, & esse iucundum & sanum; cum ex te sis Nihilum.

Te à cunabulis vsque ad præsentem diem præseruauit à tantis periculis, languoribus, hostibus, & aliis malis pluribus.

Necessariis te sustentauit, præstans tibi sufficienter victum & vestitum quotidianum.

SABBATHO AD TERTIAM.

Subministrat tibi omnia alia necessaria, impendens domum ad manendum, & lectum ad quiescendum &c. Et non modo largitus est necessaria, sed & multa alia utilia & iucunda.

Conseruauit in Esse propter te ceteras creaturas; ministrans successionem temporum, & producens diuersitatem fructuum ad tolendum fastidium.

Te rexit & gubernauit, deducens te non solum per prospera, sed etiam per aduersa: in quibus complura tibi contulit bona; purgando delicta, & augendo merita. Et quod potius est quod semper circa te ita est sollicitè intendens, & intentè sollicitus ac si ali-

T

orum

*Gratiarum actio in I. & III. per omnes*  
orum non esset ei cura. Et semper est tibi præsens,  
omnia opera tua prospiciens.

## Dominica Die.

DIE Dominica ad Primam & Tertiam debes  
considerare beneficium Glorificationis, ordine quo  
supra Feria secunda; agens Gratias Domino de be-  
neficiis glorificationis

Quæ sunt	{	Supra te,	} ad Primam.
	{	Iuxta te,	
	{	Intra te,	
	{	Extra te,	} ad Tertiam.
	{	Subtus te,	
	{	Circum te.	

### DIE DOMINICA AD PRIMAM.

Gaudia Paradisi tibi promisit, supra te diuinitatis fruitionem Redemptoris nostri, eiusque gloriose matris visionem. Considera igitur quam grande erit gaudium videre Regem cœlorum in decore suo, & Dominam nostram virginem Mariam totam Deificatam & glorificatam.

Iuxta te, fruiturus es Sanctorum societate iucundissima, propter eorum qualitatem. sunt enim speciosissimi, nobilissimi, charitate plenissimi, & in numero plurimi.

Intra te, propter glorificationem animæ & corporis ratione quadruplicis dotis, qua adornabitur & vestietur immortalitate & præ Sole fulgebit.

Die

DIE DOMINICA AD TERTIAM.

Extra te, præbiturus est tibi locum amœnissimum, delicatissimum, omni quod delectare potest refer-  
tissimum; scilicet odoribus, suauitatibus, canoribus,  
melodiis, & diuersis harmoniis: altissimum, latissi-  
mum, lucidissimum.

Subtus te, alia plura gaudia tibi largiturus est.  
Non enim solum his quæ supra te sunt, fruiturus es;  
sed etiam quæ subtus te sunt: cum perspexeris te  
tam læuos & terribiles Diuina virtute hostes deui-  
cisse, & commissos reatus Dei clementia desleuisse,  
& tam dolorosos cruciatus Dei misericordia eua-  
sisse.

Circum te alia multa bona tibi exhibiturus, quæ  
sunt tam multa, vt nequeant numerari: tam magna,  
vt nequeant mensurari: tam preciosa, vt nequeant  
æstimari. Itaque gaudium accipies a motione om-  
nium malorum, & impletione omnium desiderio-  
rum; omne habens quod cupias, & nihil habens  
quod odias.

Vtilitas Gratiarum actionis pro  
beneficiis.

Hactenus dilectissimi Fratres per totius heb-  
domadæ Férias in Prima & Tertia Dei beneficia  
retulimus, ne quis se valeat excusare, dicens, Se igno-  
rare pro acceptis beneficiis Gratiâs agere: cum in-



Gratiarum actio in I. & III. per totius  
ter cuncta religiosi exercitia hoc fit præcipuum; vt  
Gratias agens de receptis, fiat dignus pro recipien-  
dis. Quia em̄ sumus ingrati, ideo tantam virtutum &  
Diuinorum donorū & præcipuè Diuini amoris pa-  
timur inopiam. Nullatenus quippe perfecto amo-  
re Deo valemus aptari, nisi per assiduam suorum  
beneficiorum considerationem: nam isti sunt funi-  
culi, quibus trahimur, aptamur, & adhæremus Deo;  
secundùm quod ipse per Prophetam Osee testatur  
dicens: Traham eos in funiculis Adam. Et qui sunt  
Fratres funiculi Adam nisi diuinorum munerum  
iugis ruminatio? vt Linconiensis & Bonauentura  
dicunt. Studiosè igitur nobis insudandum est, vt in  
præmissis exercitiis assiduè nos ipsos exercendi pe-  
ritiam habeamus: & procul dubio experiemur ani-  
mas nostras diuinitus illuminari, & inflamari: quia  
vt beatus Augustinus dicit, Nihil nos ita ad Dei in-  
flamat amorem, sicut crebra Diuinorum benefi-  
ciorum recordatio.

## CAP VI.

Quem modum debet tenere Reli-  
giosus in Sexta & Nona.

QVemadmodum supra diximus, non solum pro  
nobis ipsis, sed pro toto mundo orare & totis  
pietatis visceribus supplicare debemus Dominum:  
quatenus suam dignetur inclinare misericordiam  
ad om-

ad omnes Creaturas, pro quibus Princeps Gloriæ Christus Redemptor noster pati dignatus est: vt scilicet ad agnitionem Veritatis Catholicæ Fidei trahantur, siue Christiani, siue Iudæi, siue alii infideles; & non priuentur illo Beatorum consortio felicissimo, & careant illa beatifica Diuinitatis visione, ad cuius contemplationem & fruitionem rationales Creaturæ fuerunt conditæ. Pro quibus quoque & Sanguinis Christi pretiosus thesaurus fuit effusus in Cruce. Præcipuè tamen Diuinam arctamur pro populo Christiano supplicare Maiestatem, sicut nos decet. Hieremias Propheta, videns populum suum per iniquum Regem Nabuchodonosor malè tractari, & captiuum in Babylonem trahi, dolens aiebat: Quis dabit capiti meo aquam, & oculis meis fontem lachrimarum? & plorabo die ac nocte interfectos populi mei. Quis est Nabuchodonosor iniquus Rex, Fratres, nisi diabolus, qui trahit captiuas animas populi Christiani in Babylonem, hoc est in infernum? Et quis est Hieremias, nisi anima deuoti Religiosi Deo per amorem conglutinata, quæ ante Deum astans spiritu pietatis delibuta, ex intimis compassionis visceribus die ac nocte plangere, & preces fundere non desistit pro interfectis populi sui? Debemus igitur Fratres in Sexta & Nona affectuosè cuiuslibet status Ecclesiæ personam sumere, orantes, vt ad memoriam reuocemus illa septem verba, quæ Redemptor noster anxietate plenus in Cruce protulit, poscentes pro

*Gratiarum actio in I. & III. per totius reuerentia cuiusque illorum verborum à Diuina maiestate illud, quod cuilibet septem statuum personarum est necessarium.*

SEPTEM VERBA. SEPTEM STATVS.

<b>Primum</b>	{ Pater dimitte illis, non enim sciunt quid faciunt	} Inimicis Christi= anis, Sarac: Indæis, & aliis infidelibus.
<b>Secundum</b>	{ Mulier ecce filius tuus. & Discipulo: Ecce Mater tua.	} Parentibus.
<b>Tertium</b>	{ Hodie mecum eris in Paradiso.	} Benefactoribus.
<b>Quartum</b>	{ Deus meus Deus meus vt quid derelinquisti me?	} Tentatis, Afflictis, Captiuis.
<b>Quintum</b>	{ Sitio.	} Existentibus in peccato mortali.
<b>Sextum</b>	{ Consumatum est.	} Iustis.
<b>Septimum</b>	{ Pater in manus tuas commendo Spiritum meum.	} Infirmis, & in mortis agonia laborantibus.

Ad Sextam per totam hebdomadã.

Concine Primum Psalmum representando Primum ver-

mum Verbum, scilicet: Pater dimitte illis, non enim sciunt quid faciunt. Ora pro Christianis inimicis, Agarenis, Iudæis, & aliis infidelibus: concipiens in corde tuo vt ad cognitionem veritatis perueniant, ne illa æterna beatitudine priuentur. Et affectu pietatis forma orationem dicens: Opiissime Dñe, per istud primum verbum quod in Cruce pendens protulisti, miserere omnium istarum animarum.

Concine secundum Psalmum in persona omniũ consanguineorum, repræsentiã secundum verbum quod in Cruce Dominus protulit, scilicet: Mulier, ecce filius tuus: & discipulo, Ecce mater tua. Et formato sic orationem: O Domine per istud verbum, propitius esto nostris consanguineis.

Tertium cane Psalmum in persona benefactorum, repræsentiã tertium verbum, quod Dominus dixit ad latronem, scilicet: Hodie mecum eris in Paradiso. Orationem autem sic formabis: O Domine per virtutem istius sacri verbi tantæ misericordiæ, miserere benefactorum nostrorum.

## Ad Nonam per totam hebdomadã.

Hymnus est concinendus in persona omnium tentatorum, afflictorum, & captiuorum ad repræsentiãdum quartum verbum, scilicet: Deus meus, Deus meus, vt quid dereliquisti me? Oratio autem sic est formanda: O Domine per virtutem huius verbi subuenire dignare afflictis omnibus, & tentatis, atque captiuis.

### De Vesp. & Complet.

Concine Primum Psalmum, in persona omnium in mortali peccato persistentium; repræsentans quintum Christi verbum in Cruce pendentis, scilicet: Sitio, salutem videlicet animarum. Et formetur per hunc modum oratio: O Domine per virtutem huius sacrosancti verbi, miserere cunctorum in mortali consistentium crimine, & trahe eos ad veram pœnitentiam.

Secundus Psalmus, in persona vniuersorum iustorum est cantandus, ad insinuandum sextum verbum Christi, scilicet: Consumatum est; videlicet, omne quod Prophetatum fuerat, super iudicia iustificationis Patris mei. Orationem verò forma hoc modo: O Domine per hoc sacrosanctum verbum, conserua vniuersos iustos in actibus veræ iustitiæ.

Psalmus Tertius, canendus est in persona ægrotantium, & in agone mortis laborantium. Et per eum repræsentatur septimum Christi verbum, quod in Cruce protulit, scilicet: Pater in manus tuas commendo Spiritum meum. Et est hoc modo formanda oratio: O domine per hoc sanctum verbum miserere omnium infirmantium, & recipe animas eorum qui in mortis laborant agonia.

## C A P. VII.

### De Vesperis.

**A**D Vesperarum officium sollicitiùs debet se Religiosus præparare, vt offerat Domino sacrificium

cium Vespertinum. Et Matutinarum & Vigiliarum repetita præparatione, cum fuerit in oratorio in loco suo, attracto spiritu, ascendat mente cœlum; presentans se ante thronum Diuinæ maiestatis, & multitudinis Angelorum, & omnium Sanctorum in circuitu throni psallentium; & quasi inter eos cum summa fit reuerentia, laudans Deum,

- |          |  |                        |   |
|----------|--|------------------------|---|
| Concinat | { Primum<br>Secundum<br>Tertium }        | cum                    | } Angelis,<br>Patriarchis,<br>Prophetis.              |
| Psalms.  |  |                        |   |
| Cantet   | { Quartum<br>Cap. & Resp.<br>Hymnum }    | cum                    | } Apostolis,<br>Martyribus,<br>Confessoribus.         |
| Concinat | { Ma.<br>gni-<br>ficat }                 | versus<br>quin-<br>que | } Primos cum Domina nostra : secundos cum Virginibus. |
| Concinat | { Pater no-<br>ster, & Col-<br>lectam. } |                        | } In persona Ecclesiæ militantis.                     |

## CAP. VIII. De Completorio.

**I**Nter Horas Canonicas diurnas, vltima est Completorium. & quemadmodum hic est terminus diei & operum vitæ actiuæ, ita deuotus Religiosus illis expletis transire debet ad contemplationem, &

*Ad Completorium.*

: ab exterioribus ad interiora. Et ideo in principio Completorii præmittimus, Conuerte nos Deus. &c. rogantes Dominum vt conuertat nos ab actione ad contemplationem.

Pfalle Primum Psalmum cum vniuersis Sanctis Patribus, in persona animarum in Purgatorio luentium: representans Dominum ad Lybbum descendētem. Est autem sic orandum: O Domine per tuum sacrosanctum descensum ad Lybbum, miserere omnium animarum in purgatorio commanentium. *Psalm. I.*

Psalmus secundus est psallendus in persona sanctæ Ecclesiæ, representans Redemptorem nostrum in monte oliuarum in die Ascensionis cum Domina nostra, & toto illo sacro collegio eiusdem Ecclesiæ typum gerente. Et orabis sic: O Domine per tuam sanctam ascensionem, miserere Ecclesiæ tuæ, ordinum & graduum eius. *Psalm. II.*

Tertium concine Psalmum, & totum completorii residuum in persona totius nostræ Congregationis cum Domina nostra, & cum Apostolis & discipulis & sanctis mulieribus in cœnaculo ad insinuandum aduentum Spiritus sancti. Ora vero hoc modo: O Domine per aduentum Spiritus sancti miserere huius nostræ Congregationis: & dignare in nobis eiusdem Sancti Spiritus gratiam & dona diffundere: vt ipse nos semper gubernet & regat. *Psalm. III.*

## CONCLUSIO HVIVS OPERIS.

Diximus hæctenus de repræsentationibus deuotis & obiectis, ad quæ in singulis Psalmis Diuini officii debet Religiosus respicere. Nam sicut præmissum est, multum confert vt attentis finis & deuoti mentem in aliquo certo loco stabilire. His obiectis vsi sunt Sancti in Psalmodia diuersimodè. Nam quidam habuerunt respectum ad Horas Dominicæ passionis. Alii ad vitam Redemptoris nostri per totam hebdomadam, vt ostendit Bonauentura in suo libro de Contemplatione Vitæ Christi. Nonnulli ad Euangelium literaliter, vt scribit Gerson in suo Monetesseron. Quidam alii ad Diuina beneficia. Et quia non omnia conueniunt omnibus, secundum capacitatem huius nostri temporis, ex omnibus præmissis excerpimus illa, quæ melius & minori fastidio valent exercitari. Vnde qui dignus citharista cupit esse Domini, modum supra positum obseruet diligenter. Quod si egerit, secunda conscientia poterit apparere super distractionibus in Officio Diuino habitis ante Diuinam clementiam, faciens quod in se est, nam absque mentis distractione Deo cantare, Angelicum est non humanum officium. Et vt parum eruditi intelligant, quid nomine obiecti significatur, dicimus, quod in præsentibus obiectum dicitur, Quæcunque materia deuota quæ præsentatur intellectui, vt Vita Domini, Dei beneficia, status diuersi personarum, vt supra patuit.



Quomodo sunt Horæ Canonicae terminandæ: & quid meditari debet bonus Monachus in illa morula, in qua post singulas Horas Canonicas in oratorio flectit genua.

**D**iximus ecce de Horis Canonicis quantum ad ingressum, & quantum ad progressum; videndum est modo de eisdem quantum ad egressum. Legitur quippe in Ecclesiaste: Melior est finis orationis, quam principium. Hoc dicit, quia omnis laus in fine canitur. Nam opus cuius finis bonus est, ipsum quoque bonum est. Non igitur Fratres decet, ut finita Hora Canonica, de oratorio mox egredi festinemus. Valde enim hoc Sancti repræhendunt. quinimmo expleto penso seruitutis nostræ debito, mens nostra sollicita sit ex intimis præcordiis Dominum exorare; quatenus seruitium nostrum gratum habere dignetur: & humili corde

Veniam petere,  
Gratias agere,  
Sacrificium offerre.

Primò consideret, si habuerit attentionem, deuotionem,

uotionem, & reuerentiam. & de eo in quo se cognouerit defecisse, exposcat sibi à Domino indulgentiam: vt nostræ humilitas orationis, suppleat imperfectionē deuotionis. & dicat corde contrito illa Publicani quinq; verba: Deus propitius esto mihi peccatori. sunt enim ingentis virtutis, & admirandæ deuotionis. Si autem tantam efficaciam habuerunt, vt publicanum Deo reconciliarēt; debemus fiduciam habere quod pro negligentis quas in Diuino officio inuiti committimus, valebunt satisfacere. Et ea dicētes, pectora tundere instar illius publicani non negligamus.

**SECVNDO** curet gratias Domino agere, qui dignatus est nos ad suas laudes admittere, & in nobis suam gratiam & consolationem diffundere, & præstare fiduciam exauditionis.

**TERTIO** studeat offerre sacrificium Vigiliarum, & Matutinorum, & ceterarum Horarum Canonicarum; quod summè necessarium est, ne aues cœli, scilicet dæmones, & vanæ cogitationes venientes, rapiant semen Diuini verbi in agro cordis nostri, tempore psalmodiæ seminatum. quod scilicet Diuinum semen, confestim oratione est abscondendum. Vnde scitote Fratres quodlibet bonum opus, esse per orationem semper Deo offerendum: vt semen Deificum semper maneat in corde, & spiritualis fructus crescat in actionem: vt sit Deo grata, & nobis, & toti Ecclesiæ proficua. Et hæc oblatio post consumationem Diuini operis nequaquam est prætermittenda:

*Oblatio Horarum.*

termittenda: vt dignetur in nobis Dominus conseruare, quod nobis bonum dignatus est præstare. Et facienda est per manus Sanctorum, quorum agimus festa, & præcipue Dominæ nostræ. & dicatur sic: Suscipe Domine Deus meus, precibus & meritis gloriosissimæ virginis Mariæ, & omnium Sanctorum tuorum, singulariter Angelorum vel Apostolorum, vel talis Sancti cuius hodie memoriam agimus obsequium seruitutis meæ; & si quid his laudibus dignum egi, clemens respice: & quod negligentius actum est, propitius ignosce, per Christum Dominum nostrum. Vel sic: Consummatum est sacrificium Matutinum, vel Vespertinum, suscipe illud Domine per intercessionem Beatissimæ Virginis Mariæ, & istius Sancti cuius hodie memoriam celebramus, & omnium Sanctorum tuorum ad laudem & gloriam nominis tui, & salutem animarum nostrarum, & omnium Christianorum: & requiem defunctorum, per Christum Dominum nostrum. Post Horas autem reliquas sic est oblatio facienda: Consummatum est sacrificium laudis suscipe illud, & cætera. Et ita nosipfos in eadem semper conseruare deuotione, & morum grauitate post orationem debemus, ac si tunc ab oratione discederemus: aptantes mentem ad solita exercitia, vel ad ea quæ in superioribus tractauimus, morosius ea ruminando.

## CAP. X.

Quid contemplandum est cum in  
fine Psalmorum canitur, Gloria  
Patri &c.

Vniuersa Dei beneficia, secundum Bonauentu-  
ram, sunt,

Bona { Naturæ,  
Gratiæ  
Supereminentiæ.

Bona { Naturæ  
Gratiæ,  
Supereminentiæ } sunt dona { Creationis  
Iustificationis  
Redemptionis.

Ista autem tria munera preciosa attribuuntur tri-  
bus Diuinis personis.

{ Patri,  
Filio,  
Spiritui sancto. } attribuitur { Creatio,  
Redemptio,  
Iustificatio.

Quoties ergo psallimus, Gloria Patri, toties me-  
mores simus horum trium munerum sic dicentes,

Glo: } Patri, qui cum non essem, me creauit.  
ria } Filio, qui cum perditus essem, me redemit.  
} Spiritui Sancto qui cum essem filius iræ, me  
iustificauit.

Vel generaliter loquendo.

Gloria

*Epilogus huius operis.*

{ Patri, qui omnia creauit:

Glo- } Filio, qui totum mundum redemit:  
ria } Spiritui sancto, qui omnes sanctos iustificauit.

Tanta & talis Gloria propter hæc omnia, & eorum quodque sit ei pariter, quanta erat in principio, cum eum laudarent astra matutina; & quanta est nunc, & semper, & per discursum præsentis vitæ ei dabitur ab vniuersali Ecclesia: & quanta in sæcula sæculorum ei erit ab vniuersis cœli conciuibus in patria, qui tanta mihi largitus est bona, Amē.

*Explicitum est Directorium Horarum Canoniarum ad Honorem & Gloriam Dei, & supergloriosæ Genitricis eius & Domine nostræ Virginis Mariæ. Deo gratias. Amen.*

**Tractatus iste in summa continet**

quatuor partes principales.

Præparationes ante Diuinum officium.

Adorationes ad Vigiliæ, Matutinas, & Vesperas.

Gratiarum actiones ad Primam, & Tertiam.

Orationes ad Sextam, Nonam, & Completorium.

**Præparationes sunt tres.**

Remota, } quæ { In sanctè viuendo,  
Propinqua, } con { In profundè considerando,  
Proxima, } sistit { In feruenter orando.

Sancta

Sancta vita consistit.

in { Cordis nostri peruigili obseruatione,  
Temporis fructuosa expensione,  
Nostrorum operum recta intentione.

Debemus autem profundè considerare, quòd ten-  
dimus.

ad { Deum adorandum,  
Deo Gratias agendum,  
Deum orandum.

Quia nihil est

Deo { Adorari digniùs,  
Laudari rationabiliùs,  
Magis necessarium & utiliùs.

Ad seruenter orandum, oportet habere

men- { Puram,  
tem } Recollectam,  
Affectam : vt in tertia præparatione conti-  
netur.

Adorationes hoc modo fiunt,

In Vigiliis.

Adoran- { Conuersatio, }  
da est { Passio, } Christi,  
{ Glorificatio, }

In Vesperis.

V

Adoran

*Epilogus huius operis.*

Adoran-  
dum est, { Cum Domina nostra,  
Cum triumphante Ecclesia,  
Cum militanti Ecclesia.

In Psalmodia Primæ & Tertiæ agimus Gratias pro beneficiis à Domino receptis, ea ad memoriam reuocantes hoc ordine :

Feria II.	} Beneficium	{	Creationis,
Feria III.			Gratificationis,
Feria IIII.			Vocationis,
Feria V.			Iustificationis,
Feria VI.			Dotationis,
Sabbato			Gubernationis.
Dominica			Glorificationis.

Vnumquodq; præmemoratorum beneficiorum distinguitur in sex articulos : vt singulis sex Psalmis, qui per totam hebdomadam in Prima & Tertia psalluntur, cor respondeant singuli sex articuli cuiusque prænominatorum beneficiorum, vt latius in singulis Feris superius dictum est.

Orationes in Sexta & Nona dicuntur pro septem statibus, in reuerentiam septem illorum sacrorum verborum à Christo in Cruce prolatorum.

In tribus Psalmis qui ad Sextam psalluntur, oramus

pro { Inimicis, Christianis, Saracenis,  
Iudæis, & aliis infidelibus,  
Consanguineis,  
Benefactoribus.

In hymno & tribus Psalmis, qui ad Nonam cantantur, oramus

pro

pro { Afflictis, tentatis, & captiuis,  
In mortali peccato persistentibus,  
Iustis,  
Infirmantibus, & in mortis agonia labo-  
rantibus.

In Completorio oramus

pro { Animabus in Purgatorio lucentibus,  
Statu vniuersalis Ecclesiæ,  
Nostra Congregatione.

Tractatus Directorii Horarum  
Canonicarum


FINIS.








iste liber e' etatis





B. 1535



B. 1535